

Nota. **G** Ratia actualis potest esse necessaria vel ad cognoscendum Verum, vel ad agendum Bonum. Verum autem & Bonum duplicis sunt
Tom. II. A ordi-

ordinis, naturalis nimirum, & supernaturalis. Primum nullum dicit respectum ad æternam hominis salutem; alterum è contrà ad eum refertur. De necessitate gratiæ ad Verum cognoscendum, & Bonum agendum secundum duplicem illum ordinem consideratum, hoc in capite dicendum nobis incumbit.

§. I.

De necessitate Gratiæ ad cognoscendum Verum.

1. *Quæst.* **V**erum ordinis supernaturalis potestne cognosci sine gratia?

R. Non potest: quia intellectus creatus non habet sine gratia proportionem cum Vero supernaturali, scilicet diverſi sunt ordinis.

2. *Q.* Homo potestne sine gratia elicere actum fidei prout oportet?

R. Non potest: quia elicere actum fidei, prout oportet, est eum ita elicere, ut fiat satis præcepto credendi: sed homo sic eum elicere non potest, quia per præceptum credendi imperatur actus fidei supernaturalis, hoc est, qui ad æternam salutem referatur, & ad justificationem disponat.

3. *Q.* Homo potestne sine gratia habere imperfectum saltem fidei desiderium?

R. Non potest. Nam 1. Concilium Arausicanum II. Can. 5. ita contra Semipelagianos definiit. 2. Apostolus in Epistola ad Philippenſes cap. 2. non minùs Dei gratiæ tribuit imperfectum rei supernaturalis desiderium, quàm perfectam illius voluntatem: *Operatur* (inquit) *velle & perficere*.

4. *Q.* Cogitationes de amplectenda fide, quæ mentem subeunt, audita Evangelii prædicatione, possuntne haberi sine gratia?

R. Non possunt: juxta illud Apostoli 2. ad Cor. 3. *Non sumus sufficientes cogitare aliquid à nobis, quasi ex nobis, sed sufficientia nostra ex Deo est.* 5. *Q.*

5. Q. Liberum arbitrium potestne actu merè naturali iis assentiri quæ fides docet ?

R. Non potest : quia assentiri iis quæ fides docet , est assentiri propter divinam revelationem : atqui liberum arbitrium non potest sine gratia , propter divinam revelationem iis assentiri quæ fides docet : motivum enim divinæ revelationis est motium omninò supernaturale .

6. Q. Gratia quæ ad fidem requiritur , estne gratia intellectus simul & voluntatis ?

R. Est : quia intellectus & voluntas concurrunt ad actum fidei : ille quidem , cogitando , ista verò , assentiendo : scilicet ut Augustinus ait in libro de prædestin. SS. cap. 2. *Credere nihil aliud est, quàm cum assensione cogitare .*

7. Q. Gratia fidei estne gratia prima, quæ ordinem dicat ad salutem ?

R. Non est prima gratia , si nomine fidei intelligatur assensus, quem intellectus præbet revelatis : scilicet assensum illum præcedunt desiderium audiendi Evangelium , cogitationes de credendo, pius affectus erga revelata : ex iis verò neutrum haberi potest sine gratia .

8. Q. Gratia estne necessaria ad cognoscendum Verum speculativum ordinis naturalis ?

R. Non est necessaria ad cognoscendum quodcumque Verum merè speculativum ; hoc est, quod ad agendum non movet : quia Gentiles sine gratia quæ per Christum datur, multas veritates tum metaphysicas , tum phylicas , tum morales cognoverunt , ut ex eorum libris patet . Est tamen necessaria ut omnes illæ veritates *collectivè* sumptæ cognoscantur : quia ad hoc tolli debent varia impedimenta, quæ homo per se ipsum , moraliter loquendo , superare non potest.

9. Q. Gratia estne necessaria ad cognoscendum Verum morale practicum , seu quod movet ad Bonum agendum ?

A 2

R. Ali2

R. Aliquæ veritates morales sine gratia cognosci possunt, eæ v. g. quæ expressè continentur in Decalogo: quia licet vires intellectus per peccatum debilitatæ fuerint, non tamen extinctæ sunt: ac proinde ab eo cognosci possunt eæ, quorum cognitio est maximè facilis.

Obj. 1. Scriptura asserit, intellectum non posse sine gratia cogitare de bono: Patres dicunt intellectum per peccatum, factum fuisse omninò cæcum: ergo. &c.

Resp. Dist. circa ea quæ conferunt ad salutem æternam, conc. ant. Circa ea quæ ad eam non conferunt, & quorum cognitio est aliunde facilis, nego ant.

Obj. 2. Fideles solent à Deo petere cognitionem præceptorum moralium etiam faciliū: ergo supponunt eam sine gratia haberi non posse: *Oratio enim* (ait Augustinus Epist. 95.) *est clarissima gratiæ testificatio.*

Resp. Dist. ant. Petere in ordine ad Dei gloriam, conc. ant. Sine ordine ad Dei gloriam, nego ant. Nempè fideles gratiam petunt, ut vero morali, etiam quod intellectu facile sit, utantur ad Dei gloriam; non autem, ut illud simpliciter cognoscant.

10. Q. Gratia estne necessaria ad cognoscendas quasdam veritates morales, quæ maximè distant à principiis, ex quibus alioquin sequuntur?

R. Est: ita enim docuit Augustinus adversus Pelagianos, qui contendebant tantæ virtutis esse mentem hominis, etiam in præsentī rerum statu, ut per se veritates morum etiam abstrusiores, cognoscere valeat. Preterea, licet intellectus per peccatum extinctus non fuerit, vires tamen illius attenuatæ fuerunt. Addendum est, hominem sæpe præoccupationibus, pravis habitibus, & mala educatione impediri, ne Verum de quo agitur, cognoscat. At sine gratiæ auxilio huiusmodi impedimenta tolli minimè possunt.

§. I I.

De necessitate Gratia ad agendum bonum Morale.

1. *Quaest.* Quid est bonum morale?

R. Est illud quod ex parte objecti bonum est, & ex parte operantis refertur ad finem honestum, hoc est rationi consentaneum.

2. Q. Homo per peccatum lapsus, potestne sine gratia agere aliquod bonum morale quod sit facile?

R. Potest. Scilicet Gentilis potest sine gratia auxilio, suos parentes colere, & reddere depositum, precisè quòd id iubeat ratio. Hinc verò concluditur, meritò à Summis Pontificibus proscriptam fuisse hanc propositionem: *Omnia opera infidelium sunt peccata.*

3. Q. Homo lapsus potestne sine gratia bonum aliquod morale ad Deum, saltem ut authorem naturæ, prout oportet, referre?

R. Non potest: quia actus non refertur ad aliquem finem, nisi ex amore illius finis: at Deus (ut suo loco cum Bellarmino dicetur) non potest, etiam prout author naturæ, amari sine gratia.

4. Q. Homo lapsus potestne sine gratia servare aliqua Decalogi præcepta?

R. Potest: quia nonnullorum officia potest exercere propter honestum finem: sic obstetrices Egyptiæ non obtemperarunt in quo Pharaonis de interficiendis omnibus Judæorum masculis mandato, quia id vetabat ratio, unde meruerunt etiam ut merces temporalis honestæ earum intentioni rependeretur.

5. Q. Homo lapsus potestne sine gratia, omnia Decalogi mandata saltem secundum substantiam accepta servare?

R. Non potest: scilicet non potest servare primum quo Dei super omnia dilectio iubetur: neque etiam

istud : *Non concupisces*, quo præcipitur ne tentationi consensus præbeatur : illa enim duo sunt maxime difficilia, etiam quoad substantiam accepta.

Obj. 1. Ex Apostolo ad Rom. 2. *Gentes quæ legem non habent, naturaliter ea quæ legis sunt, faciunt*: at in ultimo Apostolicæ sententiæ membro, *quæ Legis sunt faciunt*, intelligitur Decalogus.

R. 1. Apostolus (ex S. Thoma) loquitur de gentibus ad fidem conversis, quæ quidem *naturaliter*, hoc est, sine lumine per legem scriptam accepto, non autem sine gratia, Decalogum observant.

R. 2. Dist. min. In ultimo membro intelligitur Decalogus secundum aliqua præcepta, conc. ant. secundum omnia, nego ant.

Obj. 2. Apud Isaiam cap. 44. de Cyro dicitur quoddam omnem Dei voluntatem compleverit : ergo, &c.

R. Dist. ant. Voluntatem beneplaciti, conc. ant. Voluntatem signi, seu præcepti, nego ant. Neque enim Cyrus idolis nuntium remisit.

Obj. 3. Omnia & singula Decalogi mandata sunt observatu possibilia : ergo, &c.

R. Dist. ant. Observatu possibilia cum auxilio gratiæ, concedo ant. sine auxilio gratiæ, nego ant. Ita S. Thomas 1. 2. q. 109. art. 4.

6. Q. Homo lapsus potestne sine gratia aliquo modo, saltem imperfecto, Deum diligere, ut est author naturæ?

R. Non potest. Ita conceptis terminis docet Bellarminus. Ratio est, quia *quislibet* in Deum amor, absolute ac sine restrictione non homini, sed gratiæ in Scripturis tribuitur : *Charitas* (primæ Joann. 4.) *ex Deo est*. Eodem modo loquitur Concilium Arausicanum II. can. 25. *Prorsus Dei donum est diligere Deum*: unde hæc ait sanctus Augustinus in Epistola ad Vitalem : *Liberum arbitrium* (hoc est vires) *ad*

di-

diligendum Deum, primi peccati granditate perdidimus.

Obj. 1. Homo lapsus potest seipsum super omnia diligere: ergo & Deum.

R. Nego consequ. Ratio est, quia homo lapsus innato pondere fertur ad fruendum seipso, & aliis creaturis; nullo vero pondere naturali fertur ad Dei dilectionem.

Obj. 2. Homo habet inclinationem sibi innatam ad Deum diligendum: ergo, &c.

R. Dist. ant. Homo innocens, conc. ant. homo lapsus, nego ant. Scilicet naturali pondere fertur ad sui & aliarum creaturarum fruitionem; illud vero pondus non potest sine gratia superari; quia amor terrenus nonnisi amore cœlesti pellitur.

Obj. 1. Intellectus hominis lapsi cognoscit sine gratia, Deum esse super omnia diligendum: ergo voluntas potest quoque illum amare sine gratia.

R. Conc. ant. nego consequ. quia (ut ait sanctus Thomas) homo per peccatum lapsus, magis per peccatum læsus est, quantum ad appetitum boni, quam quantum ad cognitionem veri. Nec mirum; voluntas enim in primo parente magis contulit ad peccatum, quam intellectus in quo nullus error ante peccatum esse potuit.

Obj. 4. Datur aliquis Dei amor naturalis: ergo Deus potest amari sine gratia.

R. Dist. ant. naturalis secundum objectum conc. ant. Deus enim amari potest, & debet tanquam author naturæ: naturalis secundum principium, & modum, nego ant.

Obj. 5. Datur Dei amor, qui non sit *sicut oportet*: siquidem datur aliquis, qui sit *sicut oportet*: ergo datur Dei amor, qui possit elici naturæ viribus.

R. Conc. antec. nego consequ. Idem enim amor aliquis dicitur *sicut oportet* ut amor castus à spurio distinguatur: ille enim, diligit Deum, siue quod

in se sit summè bonus, sive quodd sit finis creaturæ rationalis; iste sè contrà Deum diligit tantùm propter bona temporalia.

6. Q. Homo lapsus potestne sine gratia, superare aliquam tentationem sicut oportet?

R. Non potest. Ita Bellarminus. Ratio 1. quia Scriptura victoriam ex tentationibus, non hominis viribus, sed gratiæ auxilio tribuit: *In te* (ait Rex Propheta Psalm. 15.) *heripiar à tentatione*: unde Matthæi 6. jubemur orare ad obtinendam ex tentatione victoriam: *Et ne nos inducas in tentationem*. 2. Traditio non minùs apertè in eundem sensum loquitur: *Fateatur* (ait Augustinus Epistola 106. de Pelagio loquens) *quando contrà tentationes, concupiscentiasque illicitas dimicamus, quamvis & illic habeamus propriam voluntatem, non tamen ex illa, sed adjutorio Dei nostram provenire victoriam*. Eodem tendunt hæc Innocentii Papæ I. rescribentis ad Concilium Carthaginense: *Necesse est enim ut quo auxiliante vincimus, eo iterùm non adjuvante vincamur*.

Dicit. Textus laudati intelliguntur tantùm de tentationibus gravibus, non autem de iis, quæ graves non sunt, sed leves: ergo, &c.

Resp. Nego ant. Nam 1. in laudatis textibus nulla est omnind exceptio, nempe indefiniti sunt & generales, 2. Non ex gravibus tantùm tentationibus, sed etiam ex levibus, quotidianis nimirùm victoriam à Deo petere jubemur hisce verbis Orationis Dominicæ: *Et ne nos inducas in tentationem*.

Obj. Homo lapsus potest sine gratia aliquod opus in se bonum, ad finem honestum referre: ergo & aliquam tentationem superare.

Resp. Conc. ant. nego conseq. Ratio disparitatis est, quia pleraque opera sunt maximè facilia, quodd ex inclinatione fiant, ut cum mater curat ægrotum filium: at victoria ex tentatione quæcumque sit, est
seme

semper difficilis propter innatum homini lapsu concupiscentia pondus.

7. Q. Theologi possuntne inurere censuram aliquam opinioni, quæ docet levem aliquam tentationem sine gratia superari posse?

R. Non possunt. Scilicet (teste Gabriele Vasquez) eam privatorum censuram Pius Papa V. prohibuit ac rejecit; cum hanc damnavit propositionem: *Non solum ii sunt fures & latrones, qui Christum viam & ostium veritatis & vitam negant; sed etiam quicumque aliunde quàm per ipsum in viam iustitiae, hoc est, aliquam iustitiam conscendi posse dixerit, aut tentationi ulli sine gratia ipsius adiutorio resistere hominem posse, sic ut in eam non inducatur, aut ab ea non superetur.*

8. Q. Gratia actualis estne necessaria ad vitandum peccatum?

R. Est: quia in statu naturæ lapsæ non peccatur, nisi consentiendo tentationi aut concupiscentiæ: ergo cum (ut superius dictum est) nulla tentatio superari possit ut oportet sine gratia: ita nec vitari peccatum.

Obj. Gratia habitualis, quæ est in quolibet iusto, anima sanat; ergo satis est ad vitandum peccatum.

Resp. Dist. ant. Sanat imperfectè, conc. ant. tollit enim dominantem animæ conversionem ad creaturam: sanat perfectè, nego ant. Neque enim concupiscentiam, hoc est, propensionem ad malum extinguit in voluntate; proindeque opus est gratia actuali per quam illa propensio vincatur.

9. Q. Justus cum ordinariis gratiæ auxiliis potestne per exiguum tempus, vitare omnia peccata venialia?

R. Potest: aut enim per aliquod instans non premetur tentatione; aut si prematur, eam superabit.

Obj.

Obj. Hæc habentur primæ Joannis 1. *Si dixerimus quoniam peccatum non habemus, ipsi nos seducimus, & veritas in nobis non est: ergo, &c.*

R. Ea sententia non intelligitur de reatu, qui semper sit præsens, sed qui ita frequens sit, ut quodam modo sit continuus. Ita sanctus Thomas 1. p. q. 79. art. 4. ad 2. Præterea nemo, etiam pro brevissimo instanti, de suo interno statu, ac intima dispositione certus & securus esse potest.

10. Q. Homo lapsus potestne cum ordinariis gratiæ auxiliis, omnia venialia per diuturnum tempus devitare?

R. Non potest, saltem collectivè sumpta; scilicet non est aliquis justus qui verè & humiliter non dicat: *Dimitte nobis debita nostra*; unde Concilium Tridentinum sess. 6. cap. 23. sic loquitur: *Si quis hominem semel justificatum dixerit posse in tota vita peccata omnia, etiam venialia vitare, nisi ex speciali Dei privilegio, quemadmodum de beata Virgine tenet Ecclesia, anathema sit.*

Obj. 1. Præter beatam Virginem fuerunt in hac vita quidam homines perfecti, juxta illud ad Philippenses. 3. *Quicumque ergo perfecti sumus: ergo & homines qui omne peccatum veniale vitaverint.*

R. Dist. ant. perfecti, perfectione ad quam impensè tenderint, conc. ant. perfectione quam in hac vita consecuti sint, nego ant. Unde Apostolus ad Philippenses 3. de seipso, quem paulò ante perfectum dixerat, sic loquitur: *Non quod jam acceperim, aut perfectus sim.*

Obj. 2. De Zacharia & Elisabeth hæc habentur Lucæ 1. *Incedentes in omnibus mandatis, & justificationibus Domini sine macula: ergo, &c.*

R. Incedentes imperfectè, conc. perfectè, nego. Non autem dictum est hoc (ait Augustinus in libro de gratia Christi cap. 48.) secundum illam perfectionem iustitia, in qua verè, & omnimodò imma-

culati perfectèque vivemus in patria.

Obj. 3. Primæ Joannis 3. hæc habentur: *Omnis qui natus est ex Deo, peccatum non facit, & non potest peccare, quoniam ex Deo natus est: ergo, &c.*

R. Dist. ant. Peccatum non facit, nec potest peccare, quatenus operatur prout natus ex Deo: tunc enim agit ex charitate, conc. ant. quatenus operatur ut natus ex homine lapso, nego ant. quia tunc agit ex concupiscentia. Ita Augustinus in lib. 2. de peccatorum meritis & remissione, capitibus 7. 8. & 9.

Obj. 4. Si homo justus non possit sine speciali privilegio vitare per totam vitam omnia omnino peccata venialia, necessario peccabit: quod tamen dictum impium est: ergo, &c.

R. Nego maj. Ut enim homo justus liberè peccet, non requiritur ut omnia *collectivè* peccata vitare possit, sed satis est ut omnia vitare possit *distributivè*; hoc est, satis est ut nullum sit, quod in individuo vitare non possit. Ita S. Thomas 1. 2. q. 103. art. 8.

11. Q. Gratia actualis estne homini lapso, necessaria ad perseverandum?

R. Est. Nam 1. gratia est necessaria ad singulos actus; ita contra Pelagium definiit Palæstina Synodus. 2. Perseverantia in singulis (una excepta) orationis Dominicæ petitionibus, à justis hominibus poscitur: juxta illud Augustini in libro de dono perseverantiæ cap. 3. *Quinto orationis loco dicimus: Dimitte nobis debita nostra, sicut & nos dimittimus debitoribus nostris, quia sola petitione non invenitur posci perseverantia, ergo est Dei donum.*

12. Q. In quo positum est perseverantiæ donum?

R. Positum est in conjunctione mortis cum statu gratiæ. Ea verò conjunctio oritur ex efficaci Dei voluntate, conferendi gloriam suis electis: ea autem voluntas respectu parvulorum qui post Baptismum moriuntur.

siuntur; dicit singularem Dei providentiam, per quam sic causas secundas disposuit, ut mortem parvulis illis inferant, antequam actu peccare possint. In adultis vero dicit aut preservationem ab occasionibus peccati, aut gratiam viatricem quæ in illis occasionibus, si adsint, illis detur ex gratuita illorum ad gloriam electione.

13. Q. Gratia estne necessaria ad singulos actus?

R. Necessaria est: *Scimus* (ait Augustinus in Epistola ad Vitalem, de gratia loquens) *gratiam ad singulos actus dari.*

14. Q. Actus ad quos gratia dicitur esse necessaria, seu dari, suntne actus ordinis naturalis?

R. Non sunt; scilicet homo lapsus potest naturæ viribus quædam agere, quæ moraliter sunt bona tum respectu operis quod agitur, tum ex parte finis ad quem ex se tendit, tum ex parte finis quem operans sibi proponit.

15. Q. In hoc axioma: *Gratia datur ad singulos actus*: intelligiturne gratia habitualis?

R. Non intelligitur: tum quod possumus sit illud axioma contra Pelagianos, quibus Ecclesia nullam unquam litem movit circa gratiam habitualementem, eam enim ultro admittebant: tum etiam quod actus qui ad justificationem præparant, fiant ut oportet, ab homine qui agit ex motu & impulsu gratiæ actualis: in illo igitur axioma de quo est quæstio, nomine gratiæ intelligitur gratia actualis: *Quæ* (ut ait Augustinus in libro de gratia Christi) *dilectionem inspirat, ut id quod faciendum esse cognoverit, faciat. Quæ* (ut ibidem ait sanctus Doctor) *velle & operari operatur in nobis*: ergo intelligitur gratia actualis.

16. Q. Quid in aliquo actu tribui debet gratiæ, quæ datur ad singulos actus?

R. Totus actus tribui debet gratiæ, totus quoque libero arbitrio agentis: *Non partim gratia* (inquit Bernardus in lib. de gratia & libero arbitrio cap. 14.)

par-

partim liberum arbitrium, sed totum singula opera individuo peragunt: Totum quidem hoc, & totum illa, sed ut totum in illo, sic totum ex illa.

17. Q. Homo innocens indiguitne gratia?

R. Indiguit. Nam id expressè docet Augustinus: *Quid ergo* (inquit in libro de correptione, & gratia, cap. 11.) *Adam non habuit Dei gratiam?*

18. Q. Gratia fuitne homini innocenti necessaria ad singulos actus?

R. Fuit *Meritum* (ait Augustinus in libro 14. de Civit. Dei cap. 27.) *habens in adjuta divinitus voluntate*: hoc est Adamus innocens in singulis actibus ante suum peccatum meruit: ergo gratia indiguit; non enim potest esse meritum sine gratia.

19. Q. Nomine gratiæ homini innocenti ad singulos actus necessariæ, intelligiturne sola habitualis?

R. Non intelligitur. Nam 1. nusquam de gratia habituali quæstio fuit cum Pelagianis; eam nempe tum in homine lapso, tum in innocente admittebant: Gratia, ex Augustino, Adamo necessaria erat, sicut alimenta quæ ad vitam corporalem conservandam requiruntur; sed alimenta illa distinguuntur a vita corporali: ergo & gratia Adamo necessaria distinguitur ab illius spirituali vita; quæ quidem vita non alia erat, quàm gratia habitualis, seu charitas qua justus erat.

20. Q. Gratia actualis Adamo innocenti necessaria, eratne simplex concursus simultaneus?

R. Non erat. Nam 1. concursus simultaneus in fuit quidem in opus, sed non in causam operis: at in operis causam, seu voluntatem influēbat gratia Adamo necessaria. 2. Concursus simultaneus non subtrahitur homini in pœnam peccati: at gratia qua Adamus innocens indiguit, subtrahitur nonnumquam homini lapso (ut in quibusdam obduratis patet) in pœnam præcedentium peccatorum: *Nunc au-*

tem

tem (ait August. in lib. de corrept. & gratia cap. 11.) quibus deest tale adiutorium, jam pena peccati est.

Obj. 1. Adamus innocens nec ignorantia, nec concupiscentia laborabat: ergo non indigebat gratia actuali.

Resp. Conc. ant. dist. conseq. Non indigebat ad depellendam ignorantiam, aut ad concupiscentiam superandam, conc. conseq. ad aliud, nempe ut actus suos ad finem supernaturalem ordinaret, nego conseq. Ita Augustinus in libro de correptione & gratia cap. 11.

Obj. 2. Ex Augustino, in Adamo innocente fuit potestas rectè vivendi, fuit facultas ad Deum diligendum, fuerunt vires ut serpentis tentationem superaret: ergo non indiguit gratia actuali.

Resp. Dist. ant. In Adamo adjuto gratia versatili, hoc est, quæ Adamum non determinaret ad agendum; quemadmodum determinare debet hominem lapsum, conc. ant. non adjuto gratia versatili, nego ant.

Obj. 3. Ex sancto Thoma 1. p. q. 109. art. 3. Homo in statu naturæ integræ poterat absque superadditione gratuiti doni, diligere Deum super omnia: ergo, &c.

Resp. Dist. ant. amore innato & necessario, conc. ant. amore elicitò & libero, nego ant. Homo (inquit sanctus Thomas) in statu naturæ integræ poterat operari virtute sua naturæ bonum, quod est sibi connaturale absque superadditione gratuiti doni, licet non absque auxilio Dei moventis: diligere autem Deum super omnia est quoddam connaturale bonum, & etiam cuilibet creaturæ, non solum rationali, sed irrationali & inanimatæ, secundum modum amoris, qui unicuique creaturæ competere potest.

CAPUT II.

De Gratuitate Gratia.

1. *Quaest.* **G**ratia estne donum omnino gratuitum?

R. Est. Scilicet ita quondam Ecclesia contra Pelagianos definiit: *Gratia* (verba sunt Palæstinæ Synodi) *secundum merita nostra non datur.*

2. *Q.* Quæ gratia non datur secundum merita?

R. Habitualis, & actualis. Utramque enim secundum merita nostra dari contendebant Pelagiani, quos in eo capite damnavit Ecclesia.

Obj. Augustinus in Epistola ad Sixtum, dogma de quo agitur, exponit de gratia *qua justificati sumus, ut homines iusti essemus*: ergo intelligitur de sola gratia habituali: neque enim actualis justificat.

Resp. Conc. ant. dist. conseq. Gratia actualis non justificat formaliter, conc. conseq. neque enim est forma justificationis: non justificat dispositivè & preparatoriè, nego conseq.

3. *Q.* Quid in laudato axiomatico intelligitur *meritorum* nomine?

R. Intelligitur quilibet actus elicitus solis naturæ viribus: scilicet nullus actus elicitus solis naturæ viribus potest sive remotè, sive proximè ad gratiam disponere; ob id enim damnati sunt Semipelagiani, quod vellent aliquid in homine lapso remanuisse, quo ad Fidei initium sese præparare posset, seu quod esset saltem occasio ad quam Deus Fidem largiretur. *Quomodo autem* (inquit Prosper Cassianum alloquens in libro contra Collatorem cap. 3.) *non advertis, te in illud damnatum incidere, quod velis nolis, convinceris dicere, Gratiam Dei secundum merita nostra dari, cum aliquid præcedere boni operis*

ex ipsis hominibus propter quod gratiam consequantur, affirmas?

4. Q. Hoc axioma: *Gratia secundum merita nostra non datur*, excluditne quamlibet præparationem, quæ fit ex solis naturæ viribus?

R. Excludit, juxta illud Arausici II. Concilii can. 6. *Si quis sine gratia Dei credentibus, volentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus, nobis misericordiam dicit conferri divinitus... resistit Apostolo dicenti: Quid habes quod non accepisti? & Gratia Dei sum id quod sum.*

5. Q. Deus Pater ex pacto inito cum Christo, confertne gratiam iis qui benè moraliter se gerunt?

R. Non confert. Nam 1. pactum illud est omnino fictitium. 2. Contrarium est experientiæ, qua docemur Deum, relictis ethnicis qui benè moraliter se gesserant, ad fidem vocasse perditæ vitæ viros ac mulieres. 3. Parum sapiens esset pactum illud: cum opera moralia nullam prorsus habeant cum gratia proportionem. 4. Enervat argumenta omnia quibus Patres olim vicerunt Pelagianos & Semipelagianos, qui discretionem unius hominis ab alio in naturam, non in gratiam refundebant. 5. Eam doctrinam, mutato nomine, eandem esse cum Semipelagiana definiit Clerus Gallicanus anno 1700. ad Comitia generalia coactus.

Obj. 1. Zachariæ 1. Deus sic loquitur: *Convertimini ad me, & ego convertar ad vos: ergo, &c.*

R. Dist. ant. Et illud verbum *Convertimini*, intelligitur de conversione per auxilium gratiæ actualis, conc. ant. & non intelligitur, nego ant. Igitur sensus est: *convertimini ad me per auxilium gratiæ, & ego convertar ad vos per peccatorum remissionem.*

Obj. 2. Deus Actorum 10. attendit ad eleemosynas & orationes Centurionis, ut ipsi per Petrum Evan-

Evangelii auditum procuraret: ergo, &c.

R. Dist. ant. Ad eleemosynas factas ex imperfecta in Christum fide, conc. ant. factas sine illa fide, nego ant. Nempè Cornelius Centurio eandem de Christo fidem habebat, quam Judæi ex quibus Dei cultum didicerat.

Obj. 3. Augustinus in libro 19. de Civit. Dei cap. 13. scribit Deum pacto *aquissimo* largiri immortalitatis pacem iis qui mortalibus bonis rectè usi fuerint: ergo, &c.

R. Dist. ant. iis qui mortalibus bonis rectè usi fuerint ex auxilio gratiæ, conc. ant. sine auxilio gratiæ, nego ant. Neque enim Deus immortalitatem largitur, nisi iis qui eam in hac vita per pietatis opera meruerint.

Obj. 4. Tritum est apud Scholasticos axioma: *Faciendi quod in se est, Deus non denegat gratiam.* Illius axiomatis meminit sanctus Thomas in quæstionibus disputatis de veritate art. 1. ad 2. Eiusdem operis quæst. 14. art. 1. ad 1. in tertium sentent. dist. 25. quæst. 2. ergo, &c.

R. Dist. ant. facienti quod in se est, ex viribus gratiæ, Deus non denegat aut gratiam uberiores actualem, aut gratiam habituales, conc. ant. ex solis viribus nature, nego ant. Ita laudatum axioma exponit sanctus Thomas in Summa, quæ postremum est illius opus, 1. 2. q. 109. art. 6. Eiusdem partis quæst. 112. art. 3. necnon in Commentario Epistolæ ad Rom. lectione 3. in cap. decimum.

C A P U T III.

De Divisione Gratia.

Nota. C Onveniunt omnes gratiam dividi in gratiam gratis datam, & in gratiam gratum facientem: Illa datur ad aliorum salutem,

Tom. II.

B

tem,

tem, ut donum linguarum, donum Prophetiæ, donum miraculorum; ista verò, ad propriam salutem subiecti in quo recipitur. Gratia gratum faciens subdividitur in gratiam ætUALEM & in gratiam HABITUALEM: Ætuali in operantem & cooperantem, in prævenientem & subsequenterem, in excitantem & adjuvantem, in sufficientem & efficacem.

§. I.

De gratia operante & cooperante, præveniente & subsequente, excitante, & adjuvante.

1. *Quæst.* Quid est gratia Operans?

R. Est ea per quam Deus in nobis operatur primam boni voluntatem, hoc est, primum boni desiderium, juxta illud Apostoli Philip. 2. ; *Operatur velle.*

2. Q. Quid est gratia Cooperans?

R. Est ea per quam Deus operatur in nobis perfectionem, seu executionem boni operis, cujus initium jam operatus fuerat, juxta illud ad Philipenses. 2. *Operatur velle & perficere pro bona voluntate.*

3. Q. Quid sunt gratia Præveniens & gratia Subsequens.

R. Idem quod Operans & Cooperans, juxta illud Gregorii Magni hom. 9. in Ezechielem: *Ipse aspirando nos prævenit, ut velimus, qui adjuvans subsequitur, ne frustra velimus, sed possimus* (potentia quæ in ætuum reducatur) *implere quod volueramus.*

4. Q. Quid sunt gratia Excitans & Adjuvans?

R. Idem quod præveniens & subsequens: de utraque illa gratia quæ habet Bernardus in libro de gratia & libero arbitrio: *Conatus liberi arbitrii cassi sunt, si non ADJUVENTUR; nulli, si non EXCITENTUR.*

§. II.

§. I I.

De natura & existentia Gratia^s sufficientis :

1. *Quæ.* **G**ratia sufficientis quot modis sumi potest?
R. Duobus modis ; in sensu nimirum Ludovici Molinæ , & in sensu Thomistarum .

2. *Q.* Quid est gratia sufficientis in sensu Ludovici Molinæ ?

R. Est auxilium quod ita dat *posse*, ut ex parte Dei non requiratur aliud, ad hoc , ut creatura *actu* & de facto operetur actionem ad quam accepit posse .

3. *Q.* Quid est gratia sufficientis in sensu Thomistarum ?

R. Est auxilium quod ita dat *posse* operari , ut tamen ex parte Dei requiratur aliud ad hoc , ut creatura *actu* & de facto bonum operetur .

4. *Q.* Creatura operaturne aliquando *actu* cum sola gratia sufficiente ?

R. Operaretur, si *sufficientis* in sensu Molinæ sumeretur ; quia creatura pro libito ea gratia ad *actu* operandum uteretur . Non operatur verò , si vox *Sufficientis* , accipiatur in sensu Thomistarum : quia, ex Thomistis , creatura nunquam *actu* & realiter agit opus pium , nisi ad illud per gratiam efficacem prædeterminetur .

5. *Q.* Daturne in statu naturæ lapsæ gratia sufficientis quæ ab efficace distincta sit ?

R. Datur . Nempe datur gratia quæ voluntatem complet , ut *posse* operari , cum qua tamen sola *actu* voluntas numquam operatur .

6. *Q.* Potestne probari existentia gratiæ , quæ licet non det ipsummet operari , dat tamen *posse* operari ?

R. Potest . Scilicet admitti debent (ut superius ostensum est) gratia Operans , gratia Excitans & gratia Præveniens , quæ distinctæ sint (ut suo loco probatum est ex Sancto Augustino & aliis sanctis Patri-

bns) à gratia Cooperante, à gratia Adjuvante & à gratia Subsequente: atqui hujusmodi auxilia (testibus antiquioribus discipulis Doctoris Angelici, quibus recentiores omnes, Gonetus nimirum, Contensonius & Massouliæus adhæserunt) sunt idem cum gratia sufficiente. Nempe 1. creatam facultatem elevant ad statum supernaturalem. 2. Complent voluntatem, ut integrum pietatis opus ad quod movent, & cujus *velleitatem* efficiunt, operari possit; quamvis tamen ex parte Dei præter illa auxilia alio eidem voluntati opus sit, ut actu & de facto bonum operetur, juxta illud Augustini in libro de libero arbitrio cap. 17. *Ipse, Deus, ut velimus operatur incipiens, qui volentibus cooperatur perficiens.*

2. Admitti debet gratia, per quam justo non perseveranti usque in finem, possibile sit præceptum de perseverantia illi impositum: *Neque enim* (ait Concilium Tridentinum sessione 6.) *Deus impossibilia jubet, sed jubendo monet facere quod possis, & petere quod non possis, & adjuvat ut possis:* atqui illa gratia per quam justo non perseveranti possibile est præceptum de perseverantia illi impositum, non est gratia efficax; alioquin enim justus ille actu perseveraret, quod est contra suppositionem: ergo est gratia sufficiens; proindeque existentia gratiæ sufficientis rectè concluditur ex Concilio Tridentino.

7. Q. Potentia quæ datur per gratiam sufficientem prout ab efficaci distinctam, estne potentia *proxima*, an verò *remota* tantum?

R. Est *proxima*, non autem *remota* tantum. Ratio est, quia ita voluntatem complet ad hoc, ut possit integrum pietatis opus perficere, ut aliud auxilium ad posse, seu ad actum primum non requiratur, quamvis (ut jam cum Thomistis omnibus observatum est) aliud, efficax nimirum, ad ipsum operari, seu ad actum secundum ex parte Dei requiratur.

Obj. 1. Omnis gratia actualis habet effectum ad quem

quem ex Dei voluntate datur; neque enim creatura aliqua (Scriptura teste) Dei voluntati resistit: ergo non existit gratia quæ det solum *posse*, ac proinde nulla datur gratia merè sufficiens.

Respondent Thomistæ omnes dist. ant. Ad quem datur ex Dei absoluta & consequente voluntate, conc. ant. Scilicet (dicente Sancto Thoma) consequens Dei voluntas semper impletur: ad quem datur ex antecedente Dei voluntate, nego ant. hæc enim voluntatis species non habet effectum quem intendit, quemque sibi proponit: nempe est voluntas inefficax: hoc est, quæ Deus vult antecedente solum voluntate, non vult efficaciter, licet (ut dictum est huiusce Compendii par. 2.) verè sincerèque velit.

Obj. 2. Præter gratiam quæ à Thomistis dicitur sufficiens, alia, efficax nimirum, ex parte Dei requiritur, ut voluntas actu & de facto operetur: ergo non re, sed nomine tantum est sufficiens.

Resp. 1. Illud argumentum non minùs premit Theologos, quos Congruistas appellant, quàm Angelici Doctoris discipulos. Scilicet Congruistæ docent iustis, qui bonum instante præcepto non operantur, dari gratiam verè sufficientem; licet tamen contendat illi ad actu operandum bonum, opus fuisse gratia congrua; hoc est, gratia quæ detur in illis circumstantiis & cordis dispositionibus, in quibus Deus prævidet humanam voluntatem ei suam præbituram esse consensum.

Resp. 2. Conc. ant. neg. consequ. Ut enim res aliqua sit ad aliquem finem sufficiens, satis est, ut præter eam non requiratur alia, per quam facultas *posse* recipiat, quamvis altera requiratur, ut *posse* jam acceptum ad actum secundum reducat, seu ut actu operetur: sic licet in Paulo, ut se in fluvium physicè proicere possit, satis sit, quod sit sui dominus; aliud tamen requiritur, ut in illum *actu* se proiciat: requiritur enim, ut mutetur illius iudicium, aliudque fiat mentis ac cordis affectus. B 3 §. III.

§. III.

*De iis quibus datur, aut non datur grātia
sufficiens.*

1. *Quæst.* **G**ratia sufficiens daturne actu & de facto omnibus omnino hominibus?

R. Licet à Deo tanquam Provisore generali omnibus omnino hominibus præparata sit, omnes tamen actu & de facto eam non recipiunt. Ita passim docet Thomistarum Schola, ut videre est apud Gonetum, Massouliéum & alios.

1. Id expresse docet Augustinus in Epistola ad Vitalem, ubi sic loquitur: *Quoniam propitio Christo, Christiani Catholique sumus, scimus gratiam Dei non omnibus hominibus dari.* Rationem reddit Sanctus Doctor in Serm. de verbis Apostoli: *Communis est (inquit) natura, non gratia.*

2. Fulgentius libro 1. de veritate prædestinationis cap. 4. *Hi (sancti Patres de quibus loquitur) cognoverunt gratiam Dei non omnibus generaliter dari.*

3. Sancti Episcopi Africani, in Sardinia pro causa fidei exules: *De gratia Dei (inquiunt in Epistola Synodica) non digne sentit quisquis eam putat omnibus hominibus dari.*

Obj. 1. Cum Patres asserunt Dei gratiam non omnibus hominibus dari; intelligendi sunt aut de gratia habituali, aut de actuali efficaci non autem de actuali sufficiente: ergo, &c.

R. Nego ant. Nam. 1. Patres de quibus agitur, indefinite loquuntur: at termini indefiniti æquivalent universalibus; unde perinde est ac si Patres expresse dixissent (ut etiam dixerunt aliquoties) aliqui sunt homines quibus nulla per Christum gratia confertur. 2. Gratiam quam dicunt non omnibus dari, opponunt naturæ: *Communis est (inquiunt)*

unt) natura, non gratia: at oppositio illa omni omnino gratia convenit: unde S. Thomas de veritate quest. 24. merito sic loquitur: *In nullo inveniuntur omnes homines convenire, nisi in aliquo naturali.*

Obj. 2. Deus, ex Apostolo, vult omnes salvos fieri: ergo omnibus actu largitur auxilia, quæ sufficient ad salutem consequendam.

R. Concedo anteced. nego cons. Ratio est, quia Deus sola antecedente voluntate, non autem consequente vult reproborum salutem: at ex antecedente voluntate non sequitur semper mediorum applicatio, ut patet in parvulis, qui sine baptismo moriuntur, sed tantum realis eorum præparatio. Ita Gonetus, Massouliéus, & alii Thomistæ.

Obj. 3. Christus pro omnibus omnino hominibus mortuus est: *Unus* (inquit Apostolus 2. cor. 5.) *pro omnibus mortuus est*: ergo omnibus hominibus conferuntur auxilia ad salutem sufficientia.

R. Conc. ant. nego consequen. Quamvis enim Deus Pater ex intuitu meritorum Christi omnibus auxilia sufficientia præparaverit, & quamvis ipse Christus tamquam redemptor generalis, Patri mortem pro omnibus obtulerit, instituerit pro omnibus Sacramenta, novamque legem promulgaverit; actu tamen & de facto illa auxilia omnibus in individuo hominibus non applicantur, seu, quod idem est, non recipiuntur in singulis: *Verum* (inquit Concilium Tridentinum sess. 6. cap. 3. *etsi ille pro omnibus mortuus est; non omnes tamen mortis eius beneficium recipiunt, sed ii tantum quibus meritum passionis eius communicatur.* Vide textum illum apud Gonetum aliosque Thomistas fusiùs explicatum. Vide etiam Catechismum Romanum ad Parochos, ea parte ubi loquitur de forma, per quam Calix in Missæ Sacrificio consecratur.

2. Q. Daturne medium sufficiens ad salutem

parvulis qui in utero materno moriuntur?

R. Non datur. Nempè baptisma, quod quidem ad salutem necessarium est necessitate medii, parvuli de quibus agitur, recipere non possunt: cum nemo spiritualiter generari possit, quin antè carnaliter genitus sit.

Obj. Proferri non potest ratio, cur baptismus parvulis omnibus non datur: ergo, &c.

R. Id non oritur semper 1. ex ministrorum aut parentum negligentia: *Flerumque etiam* (ait Augustinus in lib. de dono perseverantiæ cap. 12.) *festinantibus parentibus, & paratis ministris, ut baptizatus parvulo datur, Deo tamen nolente non datur, qui eum parvulum in hac vita non tenuit, ut daretur.*

2. Id quoque non oritur semper ex peccatis parentum. Scilicet (ut advertit Augustinus in libro 6. contrà Julianum, capite 14.) *Deus aliquando adoptat in filium, quem format in utero immundissima femina; & aliquando non vult esse filium, quem format in utero filia sua.*

Dicendum est igitur causam proximam, cur parvulis de quibus est quæstio, baptismus non datur, oriri ex causarum secundarum dispositione, ex qua sequitur eorum mors in utero matrum suarum; causam verò remotam, esse Deum ejusmodi dispositionis authorem; neque enim dispositio illa fato (ut Augustinus contrà Pelagianos probat in Epist. ad Sixtum) tribui debet. Eam verò dispositionem à se constitutam non impedit in circumstantiis particularibus, ed quòd sit provisor generalis, & aliunde provisoris generalis patres sint, non impedire actionem & motum causarum secundarum, licet illa actio & ille motus nonnunquam aliquibus individuis noceant.

3. Q. Gratia sufficiens ad salutem daturne infidelibus, qui nihil de Evangelio audire potuerunt?

R. Or:

R. Ordinariè actu non datur. Nempè deberent habere actu medium, quo in Christum credere possent: nam explicita in Christum fides est ad salutem absolutè necessaria post Evangelii promulgationem: atqui infideles, de quibus agitur, non habent actu medium quo in Christum credere possint; illud enim medium ordinariè non est aliud quàm auditus Evangelii: sed illi infideles audire non potuerunt; ad eos nimirum (ut supponitur) missi non sunt concionatores, qui Evangelium notum facerent: *Quomodo autem* (ait Apostolus in Epistola ad Romanos cap. 10.) *audient sine prædicante? quomodo verò prædicabunt, nisi mittantur?* Unde sanctus Augustinus in libro de natura & gratia cap. 3. sic loquitur: *Juvenis vel senex in ea regione defunctus est; ubi NON POTUIT Christi nomen audire.*

Obj. Infideles de quibus agitur, damnabuntur, quod fidem non habuerint: ergo potuerunt eam habere.

R. Nego ant. Ratio est, quia ignorantia mysteriorum fidei non est peccatum infidelibus de quibus est quæstio; cum sit omninò invincibilis: unde infidelitas illa à Theologis dicitur infidelitas *negativa*, non autem *privativa*. Itaque homines illi damnabuntur tum propter peccatum originale cujus rei sunt, tum propter plura actualia quæ contra Decalogum admiserunt.

4. Q. Gratia sufficiens, instante præcepto, & urgente tentatione, daturne semper actu & de facto omnibus & singulis iis peccatoribus, qui excæcati & indurati dicuntur?

R. Fert recepta in Thomistarum Scholis doctrina, cui adhærent Cajetanus & Bellarminus, gratiam sufficientem singulis excæcatis actu & de facto non semper dari.

1. De Judæis excæcatis & induratis Joannis 12. dicitur: *Propterea NON POTERANT credere, quia iterum dicit Isaias: Excæcavi oculos eorum, & indu-*

duravit cor eorum, ut non videant oculis, & non intelligant corde, & convertantur & sanem eos. Illi autem qui præ nimia cordis obstinatione in malo, in Christum, ut debebant, credere non poterant, haud dubiè non habebant gratiam, quæ ad salutem sufficeret; & per quam suam infidelitatem deponere possent.

2. Augustinus tractatu 53. in Joannem scribit; Deum nonnullos excœcare & indurare *deserendo, & non adiuvando.* In libro de perfectione justitiæ cap. 19. docet nonnullos desertos omni lumine veritatis, non posse velle bonum, non posse fervare divina quæ urgent, mandata: *Desertus* (inquit, de excœcato loquens) *OMNI lumine veritatis, hæc velle NON POTEST.* Tanti roboris Vasquesio visum est illud argumentum, ut confessus sit, Augustino persuasum fuisse pluribus excœcatis non adesse auxilium ad salutem sufficiens.

3. Gratia actualis sufficiens duo dicit; unum ex parte intellectus, boni scilicet agendi cognitionem; & aliud ex parte cordis, inchoatum nimirum ejusdem boni amorem, seu velleitatem. Atqui neutrum in aliquibus excœcatis & induratis reperitur: neque enim quoties peccant, ea percipiunt, ut experientia compertum est, & probat illud Augustini axioma: *Sunt qui legem Dei omnino rejicientes, malas concupiscencias nec in hostes deputant.*

Obj. 1. Deus non absolutè quidem, sed ex suppositione quoddam præceptum imponat, debet iis quibus præceptum imponitur, gratiam sufficientem: ergo, &c.

Resp. Nego ant. Ratio est 1. quia excœcati de quibus est quæstio, per multa flagitia & multa facinora sese gratia, quam Deus alioquin misericorditer daret, indignos reddiderunt: unde est illud Augustini in libro de dono perseverantiæ capite 8. *Non sumus ingrati, quod tam multos liberat misericors Deus*
de

De tanta perditione, ut si inde neminem liberaret, non esset injustus.

Ratio est 2. quia si Deus (ut fert argumentum) gratiam deberet homini impio, ex suppositione præcepti quod illi imponit, gratiam ei simpliciter & absolute deberet: non enim potest ei non præcipere ut servet Decalogi præcepta: nempe cum sint de jure naturali, sunt prorsus indispensabilia: at hæreticum est dicere, gratiam absolute & simpliciter deberi, ut videre est apud Augustinum ex Apostoli principiis contra Pelagianos disputantem.

Obj. 2. Possibilia sunt præcepta quæ obcæcatis & induratis imponuntur: ergo necesse est ut gratiam habeant per quam fiant possibilia.

Resp. Dist. ant. Possibilia sunt remotè, & absolute, conc. ant. quia potuerunt antequam in excæcationem & indurationem caderent, non apponere impedimenta gratiæ: scilicet temperare potuerunt à flagitiis, per quæ in miserum illum statum prolapsi sunt. Et præterea Dominus, cum illi placuerit, auxilia conferre potest quibus liberentur: possibilia sunt proximè, id est, per auxilium quod sit actu præsens, nego ant. Ita nodum illum solvunt Massouliæus & alii tum antiqui, tum recentiores Thomistæ.

Obj. 3. Obcæcati & indurati corripi & admoneri debent à suis Pastoribus: ergo semper habent gratiam sufficientem, ne scilicet inanis sit illa correptio.

Resp. Conc. ant. nego conseq. Neque enim Pastores sciunt, an Dei gratia comitatura, aut non comitatura sit suas correptiones & admonitiones: unde quantumcumque peccatores sint excæcati & indurati, nusquam pro loco & tempore à correptionibus & admonitionibus temperare debent: *Hæc est* (ait Augustinus in libro de corrept. & gratia cap. 5.) *correctionis utilitas . . . & tunc salubris, quando supremus medicus respicit.* Quæ verba supponunt, eum non semper respicere.

Obj.

Obj. 4. Deus (ut habetur Joan. 1.) illuminat omnem hominem venientem in hunc Mundum: ergo, &c.

Resp. 1. Dist. ant. Per lumen rationis cuique homini inditum, juxta illud Psalmi 4. *Signatum est super nos lumen vultus tui, Domine*, conc. ant: per gratiam internam, quæ sit ex Christi meritis, nego antecedens.

Resp. 2. Disting. iterum ant. Illuminat Mundum christianum, cum baptisma gratiam sanctificantem conferat iis qui non fide accedunt, conc. ant: illuminat Mundum prophanum & extra baptismum nego ant. Ita S. Chrysostomus textum illum interpretatur.

5. Q. Mandata Dei suntne justis hominibus ad observandum impossibilia?

R. Non sunt. Nam 1. Concilium Arausicanum II. Leonis Papæ I. tempore celebratum, hæc habet Canone 25. *Hoc etiam secundum fidem Catholicam credimus, quod accepta per baptismum gratia, omnes baptizati, Christo auxiliante & cooperante, quæ ad salutem pertinent, possint & debeant, si fideliter laborare voluerint, adimplere.*

2. Hæc etiam habet Concilium Tridentinum sessione 6. capite 11. *Nemo temeraria illa, & a patribus sub anathemate prohibita voce uti debet, Dei præcepta homini justificato ad observandum esse impossibilia: nam Deus impossibilia non jubet, sed jubendo monet facere quod possis, & petere quod non possis, & adjuvat ut possis.*

6. Q. Gratia sufficiens, per quam mandata redantur proximè possibilia, daturne hominibus justis, urgente præcepto, & instante tentatione?

R. Datur. Nam 1. Concilium Tridentinum sess. 11. cap. 11. sic loquitur: *Deus namque sua gratia semel justificatos non deserit, nisi ab eis prius deseratur.* Et in hoc, Deus animæ medicus differt a medico corporis, qui (ut jam olim observavit Augustinus)

ho-

hominem a se sanatum deserit, eumque propriis viribus, propriæque curæ committit.

Nec valet eorum Commentarius qui textum illum de gratia sanctificante interpretantur, quasi sensus sit, quod Deus per subtractionem gratiæ sanctificantis non deserat justum, nisi cum Deum ipse per peccatum mortale deseruit. Nam textus ille in Concilio Tridentino rationem continet cur iusti proficere possint: sic enim habet: *Quo fit ut iusti ipsi eo magis se obligatos ad ambulandum in via iustitiæ sentire debeant, quod liberati jam a peccato, servi autem facti Dei, sobriè & iuste & piè viventes, proficere POSSINT per Christum Jesum, per quem accessum habuerunt in gratiam istam. Deus NAMQUE sua gratia, semel iustificatos non deserit, nisi ab eis, &c.* At si staret Commentarius de quo agitur, ea ratio non valeret, neque enim gratia habitualis, seu sanctificans, dat posse operari. Licet enim hominem efficiat justum per iustitiam quæ ipsi inhæreat, ejus tamen fractas per peccatum vires non restituit, nec tollit concupiscentiam, cujus motus nonnisi per gratiæ actualis auxilium cohiberi possunt. Idque evincitur ex eo quod iusti orare debeant, ut possint divina observare mandata, illaque re ipsa exequantur.

2. Ab Innocentio X. Alexandro VII. Innocentio XII. & Clemente XI. damnata est hæc 1. Jansenii propositio: *Aliqua Dei præcepta hominibus iustis volentibus & conantibus secundum præsentem quas habent vires, sunt impossibilia; deest quoque illis gratia, qua possibilia fiunt.*

§. IV.

De Gratia Efficaci.

1. *Quæst.* Quid est gratia efficax?

R. Est ea, quæ habet effectum ad quem voluntatem excitat, & ad quem a Deo datur:
hoc

hoc est, quæ semper conjuncta est cum observatione præcepti: scilicet (ut Augustinus ait) *a nullo duro corde respuitur*.

2. Q. Gratia efficax habetne suam efficaciam tantam a causa efficiente, ex determinatione voluntatis creatæ?

R. Non habet. Nam inde sequeretur: 1. Consensientem gratiæ se ipsum discernere a non consensiente, qui æqualem haberet gratiam, contra illud Apostoli 1. Cor. 4. *Quis te discernit?* 2. Eum non debere gratias agere Deo propter actum quem elicit cum gratia: 3. Eum qui jam habet gratiam sufficientem per quam potest operari, non teneri petere ipsam operationem seu mandati executionem: haberet enim id totum quod ex parte Dei, illi ad observationem mandati necessarium est. Sed hæc absurda sunt: ergo, &c.

3. Q. Gratia efficax habetne suam efficaciam ex illius attemperatione cum præsentis subiecti genio, & dispositione naturali, prout subest scientiæ Mediæ; hoc est, estne efficax eo quodd Deus eam conferat in iis circumstantiis, in quibus prævidet, humanam voluntatem illi præbituram esse consensum, quem extra illas circumstantias minimè præberet?

R. Non habet, genium scilicet illud præsens rationalis creaturæ; dispositio naturalis in qua foret; circumstantiæ extrinsecæ in quibus poneretur, constituerent discrimen quod inter observantem mandatum, & non observantem reperiretur; bonum opus refunderetur in aliquid naturale quod a Deo per Christum non esset: ac proinde vim suam habent in illo systemate rationes omnes, quæ in responsione ad quesitum præcedens allatæ sunt:

Præterea Deus nonnumquam gratiam confert eo tempore, quo minùs cum illa attemperatum est præsens voluntatis genium, sicut in Paulo patuit, ut observat Augustinus in libro de prædestinatione

Sancti.

Sanct. cap. 2. Idem S. Doct. hom. 13. inter Quinquaginta notat, Deum, ut gratiam largiatur, non attendere ad mores naturales creaturæ rationalis. Prosper in Carmine *de ingratis*, asserit divinæ gratiæ virtutem nequaquam a loco, tempore, naturali dispositione subiecti pendere, sed ex vi, & efficacia divinæ voluntatis.

4. Q. Unde petitur efficacia divinæ gratiæ?

R. Petitur ex intrinseca illius virtute, ex intrinseco illius operandi modo, ex absoluto decreto, quo Deus vult ut habeat effectum, ad quod movet, & excitat voluntatem.

5. Q. Intrinseca efficacia gratiæ potestne probari ex Scripturis?

R. Potest, Nam 1. gratia facit ut faciamus: juxta illud Ezechielis 36. *Dabo vobis cor carneum, & faciam ut in preceptis meis ambuletis.* 2. Gratia efficit, ut Deus in nobis operetur velle & perficere: *Cum metu & tremore* (ait Apostolus ad Philipenses 2.) *vestram salutem operamini: Deus est enim qui operatur in vobis & velle, & perficere pro bona voluntate:* 3. Christi gratia efficit ut qui mandatum observant, agantur Spiritu Dei, juxta illud ad Rom. 8. *Qui spiritui Dei aguntur, hi Filii Dei sunt:* At ea efficere non potest, si ab intrinseco non sit efficax; hoc est, si voluntatem ipsam physicè non determinet: si enim a voluntate creata ad actum determinetur, non faciet ut faciamus, sed nos ipsi potius faciemus ut faciat; ipsa non operabitur velle & perficere pro bona Dei voluntate, sed pro nostra non ipsa agemur, sed eam nos agemus, utpote pro libito eam ad operationem determinantes. Vide loca illa in eundem sensum fusè pertractata apud Augustinum in libro de gratia Christi.

6. Q. Intrinseca gratiæ efficacia potestne probari ex orationibus Ecclesiæ?

R. Potest, Scilicet Ecclesia in suis orationibus

petit non tantum *posse* operari, quod datur per gratiam sufficientem, sed ipsam etiam operationem: at vanæ ac irrisoriæ forent illæ orationes, si a nobis jam habentibus gratiam, effectus illius seu operatio actualis à nobis tantum penderet: quid enim *multius* est (Augustino teste) quam id petere, quod jam habeas in tua potestate?

7. Q. Intrinsicca efficacia gratiæ potestne probari ex ipsius definitionibus ab Augustino traditis?

R. Potest. Definitur enim in libro de gratia Christi cap. 6. Gratia quæ non solum *posse*, sed etiam ipsum *velle* & agere operatur in nobis. Eiusdem libri cap. 14. dicitur eam esse, per quam omnis qui audivit à Patre, & didicit, venit ad eum. Cap. 24. definitur ea, per quam Deus *interna, atque occulta, mirabili, atque ineffabili potestate operatur in cordibus hominum, non solum veras revelationes, sed etiam bonas voluntates*. Cap. 38. definitur, *Adjutorium bene agendi per inspirationem flagrantissima & luminosissima charitatis*: Atqui caderent illæ definitiones, si gratia à voluntate ad actum determinaretur, & non ipsa voluntas à gratia: ergo, &c.

8. Q. Efficacia gratiæ potestne probari, ex libro Augustini de Correctione & gratia?

R. Potest. Scilicet S. Doctor in libro de correctione & gratia duplex adjutorium distinguit; adjutorium nimirum *SINE QUO*, & adjutorium *QUO*. Docet, istud esse in statu naturæ lapsæ necessarium ad singulos pietatis actus. Unde sic arguitur; Auxilium *QUO*, est per se & ab intrinseco efficax: ergo & gratia efficax, in statu naturæ lapsæ est per se efficax.

Probatur ant. 1. si auxilium *QUO* non effet per se efficax, non differret ab adjutorio *SINE QUO*: istud enim est efficax accedente & determinante voluntatis consensu; ut ex eodem Augustino, in sanctis Angelis accidit: ergo Illud, hoc est Adjutorium *QUO* è contra est per se efficax, hoc est voluntatem ad consensum determinat.

Au.

2. Augustinus comparat. auxilium **QUO** cum visione beatifica: è contrà auxilium **SINE QUO** comparat cum alimentis respectu vitæ conservandæ, cum navi necessaria ad trajiciendum flumen: atqui visio beatifica est per se efficax ad reddendum hominem beatum, cum è contrà alimenta non sint per se efficacia ad conservandam vitam, nec navis ad trajiciendum flumen, si nempe quis nec navi nec alimentis uti voluerit: ergo auxilium **QUO**, est per se & ex natura sua efficax; hoc est, voluntatis physicè determinativum. Vidi Augustini integrum caput **XI**. libri de correptione & Gratia.

9. Q. Efficacia gratiæ potestne probari ex disputatione Augustini cum Semipelagianis?

R. Potest, & quidem hoc argumento. Semipelagiani in Augustino impugnarunt gratiam per se efficacem: nec ipse umquam conquestus est, quòd ab illis hæreticis eo in capite sibi quidquam imponeretur. Scilicet impugnarunt gratiam ex quâ credebant sequi libertatis excidium; correptionum & admonitionum inutilitatem: animarum torporem: factum quoddam ineluctabile: sed gratia ex qua putarunt tanta sequi absurda, erat gratia per se efficax: quomodo enim in eorum mentem venire potuisset ea absurda sequi ex gratia, quæ non est efficax nisi dependenter à prævia voluntatis determinatione?

Obj. 1. Difficile est intellectu quomodo gratia per se efficax cum creata libertate cohæreat: ergo, &c.

Resp. Conc. ant. nego consequ. Tantùm enim abest ut id quod objicitur, efficaciam gratiæ noceat, quin è contrà confirmet eam quàm maximè. Nempe concordia libertatis cum gratia non est difficilis in systemate, quo asseritur gratiam esse solum efficacem ex consensu voluntatis, aut ex illius attemperatione cum dispositionibus naturalibus: è contrà verò in systemate Augustini multùm est difficilis: Sed quia

(verba sunt S. Doctoris in libro de gratia Christi cap. 47.) *ubi de arbitrio voluntatis, & Dei gratia disputatur, ita est ad discernendum difficile, ut quando defenditur liberum arbitrium, negari Dei gratia videatur, quando autem asseritur Dei gratia, liberum arbitrium putetur auferri.*

Obj. 2. Gratia efficax ab intrinseco reverà perimit libertatem: nempè cum voluntatem physicè determinet, tollit illius indifferentiam, ac proinde & ipsam libertatem, cùm indifferentia sit de essentia libertatis.

R. Dist. ant. Tollit indifferentiam *suspensivam*, quæ posita est in privatione cujuslibet actus voluntatis, conc. ant. tollit indifferentiam *activam*, quæ consistit in positione actus cum potentia ad non ponendum eundem actum, nego ant. Scil. gratia efficax non tollit judicii indifferentiam, quæ est radix libertatis: hoc est, non impedit quin intellectus operantis apprehendat in omissione actus, quem voluntas agit ex determinatione gratiæ, rationem alicujus boni apparentis, utpote libidini faventis, propter quam voluntas ad non ponendum actum alliciatur: quod contrà in beatis contingit, qui cum nullam in privatione amoris Dei speciem boni apprehendant, non sunt in Deo amando liberi.

Obj. 3. Potentia illa ad non agendum, quæ dicitur remanere in voluntate, quæ agit ex gratiæ efficacis determinatione, est omnino inutilis: neque enim ad actum aut aliàs reducitur est umquam, aut aliquando reducetur: ergo, &c.

R. Nego ant. Licèt enim potentia quam vir sapiens habet, ut se præcipitem agat, numquam ad actum, quandiu sapiens erit, reducenda sit, non est tamen inutilis: nempè complet illum in ratione liberi: ergo nec potentia non agendi, quæ remanet in voluntate, quæ agit ex motu & determinatione gratiæ per se efficacis, est inutilis.

Obj.

Obj. 4. Christus Matthæi 11. obiurgat Judæos, quod conversi non essent, & eis opponit Tyrios & Sidonios, viros Idolatras qui egissent pœnitentiam, si Christus eadem ipsis miracula patrasset; quæ coram Judæis patraverat: at obiurgatio illa perabsurda fuisset, si gratia sit per se efficax: dicere nimirum potuissent Judæi, se pariter acturos fuisse pœnitentiam, si miraculis adjunxisset gratiam per se efficacem, quemadmodum collaturus eam fuisset Tyriis & Sidoniis, si coram eis patrasset miracula: ergo, &c.

R. Nego ant. Scilicet eadem gratia quæ fuisset per se efficax in Tyriis & Sidoniis, non futura fuisset efficax in Judæis propter majorem eorum cœcitatē & intensiorem obdurationem. Hinc sequitur efficaciam gratiæ esse correlativam ad dispositionem subjecti: ita ut ubi major est cupiditas quàm sit gratia, effectu suo careat: ubi verò minor, effectum suum per se ipsam consequatur.

10. Q. Gratia fuitne per se efficax in sanctis Angelis, & in Adamo innocente?

R. Non fuit. Nempè non alia fuit gratia in Angelis & Adamo innocente, quàm ea quàm S. Augustinus in libro de correptione & gratia vocat *Adjuutorium SINE QUO*: atqui adjutorium illud non est per se efficax, ut patet ex alimentis & navi, cum quibus ibidem comparatur ab Augustino: ergo, &c.

Obj. 1. Augustinus in libro 12. de Civit. Dei cap. 9. scribit, Angelos sanctos magis fuisse adjutos, quàm Angeli qui ceciderunt; *Illi* (inquit) *amplius adjuti*: ergo, &c.

R. Dist. ant. Fuerunt magis adjuti post perseverantiam, conc. ant. ante perseverantiam, aut in ipso actu quo perseverarunt, nego ant. Hoc est, Angeli sancti post perseverantiam, intuitiva Dei visione & uberiori caritate donati sunt in mercedem suæ perseverantiæ; sicque certi facti sunt se nusquam

esse casuros : quæ quidem certitudo dum essent in vita, deerat eorum statui : *Donec* (inquit Augustinus in libro de correptione & gratia cap. 10.) *istam summam beatitudinis plenitudinem, tamquam præmium ipsius permansionis acciperent, id est, ut, magna per Spiritum sanctum data abundantia caritatis Dei, cadere ulterius omnino non possent, & hoc de se certissime nosset.*

Obj. 2. Necessitas gratiæ per se efficacis fundatur in subordinatione causæ Secundæ ad Primam : at hæc ratio locum habuit in innocente creatura : ergo, &c.

R. Nego ant. Solùm enim fundatur in infirmitate, quam creatura per peccatum contraxit : unde Angullinus contra Semipelagianos pro necessitate gratiæ per se efficacis agens, nullam aliam rationem protulit, quam eam quæ desumitur ex infirmitate naturæ per peccatum lapsæ : *Subventum est igitur* (inquit in libro de corrept. & gratia, cap. 11.) *infirmitati voluntatis humanae, ut, divina gratia inde declinabiliter & insuperabiliter ageretur.*

Obj. 3. Angeli qui perseverarunt, in se ipsis de sua perseverantia gloriari potuissent ; si non magis adiuti fuerint, quàm illi qui ceciderunt : se ipsos enim ab illis per suum consensum discrevissent : sed hoc est absurdum : ergo, &c.

R. Nego ant. Vires enim suas habuissent à Deo creatore, & à Deo largitore gratiæ ; unde in eum ultimò referre debuissent suam perseverantiam : & contra verò gloriari posset homo lapsus, si non indigeret ad agendum gratia per se efficaci, quemadmodum ægrotus qui fractus esset viribus, gloriari posset, si solo adiutus baculo, quod potest homo sanus, crederet posse se ambulare. Addendum est eam difficultatem non aliud continere quàm quæstionem philosophicam, an ne impetine præmotione physica possit explicari dependentia causæ secundæ à primâ

C A P U T I V.

De Gratia habituali.

Nota. **D**E gratia habituali quæri potest 1. quid sit. 2. an detur. 3. quinam sint illius effectus?

§ I.

De Natura & existentia Gratiæ habitualis.

1. *Quæst.* Quid est gratia habitualis?

R. Est ea, quæ ut cæteri habitus, in creatura permanet, siue operetur, siue non operetur, siue vigilet, siue dormiat.

2. *Q.* In quo posita est natura physica gratiæ habitualis?

R. In eodem, in quo posita est natura charitatis habitualis: hoc est, in Dei amore dominante, qui permanenter in iustorum anima remaneat, donec per creaturæ amorem dominantem, id est, per peccatum mortale expellatur. Scilicet charitas, sicut & gratia habitualis, homini tribuit esse divinum 1. Joannis 3. Per charitatem, sicut & per gratiam habitualement renascimur; ad Galatas 3. Charitas, sicut & gratia habitualis, est animæ vita: *Translati sumus de morte ad vitam* (Joannis 3.) *quia diligimus.* Tandem charitas, sicut & habitualis gratia, nos cum Deo conjungit: *Qui manet in charitate* (1. Joannis c. 4. 16.) *in Deo manet, & Deus in eo.*

Q. Daturne gratia habitualis?

R. Datur: quia existit forma per quam homo fit iustus, hoc est, charitas quæ creaturam efficit formaliter iustam, & gratam Deo.

4. Q. Quodnam est immediatum subiectum gratiæ habitualis?

R. Est anima ipsa prout est volitiva boni: quia charitas in anima sub eo respectu considerata recipitur; amare enim est ipsius animæ, prout est volitiva boni.

§. II.

De effectu Gratia habitualis.

Nota **D**uo sunt effectus præcipui gratiæ habitualis: Justificatio scilicet & Meritum: habitualis etiam gratia (ut superius dictum fuit) reddit animam iustam, hoc est sanctam; & præterea est principium meriti, seu efficit ut creatura mereri possit.

De Justificatione.

1. Quæst. Quid est justificatio?

R. Concilium Tridentinum Sess. 6. cap. 4. eam sic describit: Translatio ab eo statu, in quo homo nascitur filius primi Adæ, in statum gratiæ, & adoptionis filiorum Dei per secundum Adam Jesum Christum.

2. Q. Justificatio estne posita in sola remissione, aut non imputatione peccatorum?

R. Non est in eis posita: scilicet est forma inhærens animæ: est enim idem cum charitate, quæ physicè diffusa est in cordibus nostris per Spiritum sanctum qui datus est nobis: ex ea autem charitate sequitur remissio peccatorum, sicut effectus sequitur ex causa, ex qua pendet.

3. Q. Quot & quænam sunt justificationis causæ?

R. Quatuor sunt: *Finalis* quidem, gloria Dei & Christi, ac vita æterna: *Efficiens* vero, misericors Deus qui gratuito non sanctificat: *Meritoria*, Jesus Christus Dominus noster, qui sua passione nobis justificationem meruit: & pro nobis Deo Patri satisfecit

tisfecit: *Instrumentalis*, Sacramenta baptismi & pœnitentiæ: *Formalis* tandem, est iustitia Dei, non qua ipse iustus est, sed qua nos iustos facit; qua videlicet ab eo donati, renovamur Spiritu mentis nostræ, & non modò reputamur, sed verè iusti nominamur & sumus, iustitiam in nobis recipientes, unusquisque suam secundùm mensuram, quam Spiritus sanctus partitur singulis prout vult, & secundùm propriam cuiusque dispositionem & cooperationem. Ita Concilium Tridentinum Sess. 6. cap. 7. definit.

4. Q. Quenam sunt dispositiones, quæ ad iustificationem præparant?

R. Sunt fides, timor, spes, dilectionis initium, contritio, baptismi aut Sacramenti pœnitentiæ votum. Ita Concilium Tridentinum Sessione 6. capite 6.

5. Q. Quodnam est objectum fidei, quæ præparat ad iustificationem?

R. (Sunt ex Concilio Tridentino Sess. 6. cap. 6.) ea omnia, quæ divinitus revelata, & promissa sunt, atque illud in primis, à Deo iustificari impium per gratiam eius, per redemptionem quæ est in Christo Jesu.

Obj. 1. Objectum fidei iustificantis est specialis misericordia Dei; hoc est, est actus quo quis certò credit sibi peccata quæ commisit, esse remissa: ita ut impius sic discurrat: Deus peccatorum remissionem promisit ei qui credit: ergo credo; ac proinde remissa sunt mihi peccata: ergo, &c.

Resp. Antecedens est quidem principium quod apud Calvinistas palmarium est: sed reipsa est omnino falsum: neque enim Christus aliquando eam misericordiæ specialis fidem exegit ab eis, quibus remisisse peccatum in Evangelio legitur. Præterea nullibi in Symbolo (in quo sunt quæ creditu necessaria sunt ad salutem) eam de misericordia specialis fidem reperire est.

Obj. 2. Sola fides ad justificationem disponit: ei enim soli Christus justificationem adscribit in Evangelio, *Fides tua* (inquit Matthæi 9. pluribusque aliis) *te salvum fecit*: ergo, &c.

R. Ad 1. nego ant. Sic enim loquitur Jacobus in sua Epistola canonica, cap. 2. *Videtur quia ex operibus justificatur homo, & non ex fide tantum*. Ad 2. sic respondet Augustinus in libro de prædestinatione Sanctorum, cap. 7. *Idcirco dicit Apostolus justificari hominem ex fide, non ex operibus, quia ipsa prima datur, ex qua impetrentur cetera, quæ propriè opera nuncupantur, in quibus vivitur*.

6. Q. Justificatio estne certa respectu nostri?

R. Non est certa: nempe nullus hominum (ut docet Concilium Tridentinum) scire potest certitudine fidei, cui non potest subesse falsum, se justificationis gratiam consequutum esse. Nec immeritò: nemo enim ea fide scire potest se credere, sperare & diligere sicut oportet: unde Paulus primæ ad Corinth. 4. sic loquitur: *Nihil mihi conscius sum, sed non in hoc justificatus sum*.

7. Q. Justificatio estne immutabilis?

R. Non est: quia qui iustus est, potest impius fieri per peccata de quibus agit Apostolus in Epistola ad Rom. *Qui talia agunt, regnum Dei non possidebunt*.

Obj. 1. Primæ Joannis 3. hæc habentur: *Qui natus est ex Deo peccatum non facit, quoniam semen illius in eo manet, & non potest peccare, quoniam ex Deo natus est*: ergo, &c.

R. Dist. ant. Si agat prout ex Deo natus, conc. ant. neque enim arbor bona potest malos fructus facere: si agat ut natus ex Adam, nego ant. quia, ut dicit Evangelium, neque arbor mala bonos fructus facere potest.

R. 2. Dist. ant. in sensu composito, conc. ant. in sensu diviso, nego ant. Hoc est componi non potest peccatum lethale cum Dei filiatione, sed compo-

nō potest cum persona regenerata, ita ut peccando mortaliter, desinat Deum habere patrem. Joannis sententia; cujus objectio meminit, similis est istius: Optimus civis patriam non potest prodere; at istius sensus non est quod optimus civis absolutè non possit prodere patriam, sed sensus est quod desinat esse civis optimus, ubi eam prodiderit.

8. Q. Justificatio estne in omnibus æqualis?

R. Non est: tūm quia æquales non sunt in omnibus dispositiones, quæ præparant ad justificationem; tūm etiam quia justificatio per opera pietatis potest augeri, juxta illud quod Ecclesia precatur Dominica xv. post Pentecosten; *Da nobis, Fidei, Spei, & Charitatis augmentum.*

De Merito.

1. Quæst. J. Usti possuntne quidpiam mereri per veræ pietatis exercitia?

R. Possunt: nempe Matthæi 11. æterna vita dicitur *merces* bonorum operum. Secundæ ad Timoth. 4. dicitur *Corona justitiæ*. Primæ ad Corinth. 9. appellatur *Bravium*: at merces, corona justitiæ, & bravium, correlativa sunt ad meritum propriè & strictè sumptum: ergo, &c.

Obj. 1. Omnia justorum opera sunt peccata:

Quasi pannus menstruatus (ait Isaias cap. 64.) *omnes justitiæ nostræ.*

R. Isaias loquitur in persona impiorum: vel nomine *justitiarum*, intelligit sacrificia legalia oblata à Judæis cum actuali & determinata voluntate peccandi: unde idem Propheta Deum sic postea loquentem inducit: *Incensum abominatio est mihi.*

Obj. 2. Ad meritum requiritur totius legis observatio: at id homini viatori possibile non est: scilicet (ut Jacobus ait cap. 3.) *in multis offendimus omnes*: ac præterea duo hæc Decalogi præcepta: *Diliges Dominum; Deum tuum ex toto corde tuo. Non concupi-*

cupisces servari non possunt ab homine viatore ; ergo , &c.

R. sp. Ad 1. Jacobi textus intelligitur de peccatis venialibus , quæ non extinguunt charitatem , licet illius fervorem minuunt.

Ad 2. Primum Decalogi mandatum tria præcipit : 1. ut Deum rebus omnibus anteponamus : 2. ut nihil nisi in ordine ad ipsum amemus : 3. ut ad perfectam Dei dilectionem conemur : sed hæc tria cum auxilio gratiæ maximè possibilia sunt.

Ad 3. Præceptum *Non concupisces* , prohibet ne titillanti concupiscentiæ præbeamus consensum , ne ejus metu voluntariè delectemur ; ne eam in nobis excitemus : sed hæc cum gratia possumus , licet titillationem ipsam impedire non valeamus ; unde ait Apostolus Rom. 7. *Sentio in membris meis legem repugnantem legi mentis mei.*

2. Q. Quanam conditiones ad merendum requiruntur ?

R. Requiruntur aliquæ : ex parte actus per quem meremur ; non nullæ ex parte personæ quæ meretur ; aliæ verd. ex parte Dei.

3. Q. Quæ conditiones requiruntur ex parte actus per quem possumus mereri ?

R. Duæ : 1. ut actus & à necessitate & à coactione sit liber ; unde hæretica est hæc 3. Jansenii propositio : *Ad merendum & demerendum in statu naturæ lapsæ , non requiritur in homine libertas à necessitate , sed sufficit immunitas à coactione.* Requiritur 2. ut actus sit bonus tum ex officio , tum ex fine , ac præterea ut fiat ex motu gratiæ actualis , seu ut sit actus supernaturalis.

4. Q. Quæ conditiones requiruntur ex parte personæ merentis ?

R. Duæ requiruntur. *Primæ* , status viæ ; nemo enim nisi viator (sic ferente immutabili Dei lege) mereri potest : scilicet ubi ceciderit dignum , ibi ma-

nebit : Altera, status gratiæ: ea enim quæ iustificationem præcedunt, non sunt; ex Concilio Tridentino, propriè & strictè meritoria.

5. Q. Quæ conditiones ad meritum ex parte Dei requiruntur?

R. Unica tantum requiritur: promissio nimirum de rependendo bonis operibus præmio: unde Concilium Tridentinum, ubi meminit meriti, divinam promissionem recenset; nec immerito: licet enim creatura mercedem non expectaret, tamen opera sua variis aliis titulis Deo deberet.

6. Q. Quotuplex est meritum?

R. Duplex, de condigno nimirum & de congruo. Primum, dicitur meritum strictè sumptum, & definitur, illud cui merces sine iniustitia non potest non rependi: alterum, vocatur meritum impropriè sumptum; & est illud cui, absolute loquendo, merces potest non rependi sine iniustitia. Unde se habet tantum per modum meræ dispositionis ad aliud: ut sunt, ex Concilio Tridentino, actus supernaturales Fidei, Spei & Charitatis; qui præparant impium ad iustificationem.

De erroribus circa Gratiæ.

1. Quæst. Quidnam sunt errores præcipui, à quibus in materia de gratia cavendum est?

R. 1. Cavendum est à Pelagianorum erroribus, Pelagiani verò docebant 1. hominem minime nasci cum peccato originali, ac proinde nec ignorantiam, nec concupiscentiam, nec alias hujus vitæ misérias esse pœnas originalis peccati. Docebant 2. veram ac internam Christi gratiam ad nullum omnino pietatis actum esse necessariam. Docebant 3. veram Christi gratiam, ubi datur, ex hominis merito dari. 4. Eam ad summum requiri, ut præcepta facilius observentur, non autem simpliciter, & absolute.

R. 2. Cavendum est à Semipelagianorum erroribus,

bus; inter quos præcipuum locum tenet is, quo fertur prævenientem ac interiorē gratiam, nec ad initium fidei, nec ad perseverantiam requiri.

R. 3. Cavendum est ab erroribus Lutheri & Calvinii; & legenda integra Sessio sexta Concilii Tridentini, ubi post Catholicæ fidei traditam variis capitibus expositionem, errores de quibus agitur, pluribus Canonibus proscribuntur & damnantur.

R. 4. Rejici debet tanquam hæreticus Janseniani libri sensus in quinque propositionibus damnatus, quem earundem propositionum verba præ se ferunt: hisce verò terminis conceptæ sunt illæ propositiones.

Prima. *Aliqua Dei præcepta hominibus jussis volentibus, & conantibus secundum præsentem quas habent vires, sunt impossibilia; deest quoque illis gratia, qua possibilia fiunt.*

Secunda. *Interiori gratiæ in statu naturæ lapsæ numquam resistitur.*

Tertia. *Ad merendum & demerendum in statu naturæ lapsæ, non requiritur in homine libertas à necessitate, sed sufficit immunitas à coactione.*

Quarta. *Semipelagiani admittebant prævenientis gratiæ necessitatem ad singulos actus, etiam ad initium fidei: & in hoc erant hæretici, quod vellent eam gratiam talem esse, cui posset humana voluntas resistere, vel obtemperare.*

Quinta: *Semipelagianum est, dicere Christum pro omnibus omnino hominibus mortuum esse, aut sanguinem fudisse; Eam autem propositionem tanquam fallam, temerariam & scandalosam damnarunt Romani Pontifices; Intellectam verò eo sensu, ut Christus pro salute dumtaxat prædestinatorum mortuus sit, declararunt impiam, blasphemam, contumeliosam, divinæ pietati derogantem, & hæreticam.*

P A R S S E C U N D A

De Deo Authore Legum;

Nota. **A** Gendum est hic 1. de Lege in communi?
 2. de lege æterna: 3. de Lege naturali:
 4. de lege Divina: 5. de Lege Ecclesiastica: 6. de
 Lege Civili.

C A P U T P R I M U M.

De Lege in communi;

1. *Quæst.* **Q**uid est lex in communi?

R. Lex definitur, Ordinatio rationis ad commune bonum, ab eo qui curam perfectæ communitatis habet, promulgata.

2. *Q.* Valetne allata legis definitio?

R. Valet. Nam 1. convenit omni legi, siue sit naturalis, siue sit divina, siue sit humana: 2. Convenit soli legi: nempe quatenus est *ad bonum*, differt ab eo omni quod ordinem iustitiæ perturbat, prout verò refertur ad bonum *commune*, discrepat a præcepto, quod quidem respicit bonum privatorum, ut privati sunt; prout verò dicitur *promulgata ab eo qui curam habet perfectæ communitatis*, differt à statutis, quæ in civitatibus non sufficientibus sibi, vel in Congregationibus, tum Ecclesiasticis, siue secularibus, siue regularibus, tum laicis ferri solent.

3. *Q.* A quo lex condi debet?

R. A solo perfectæ communitatis Superiore: quia illi soli convenit potestas jurisdictionis ad promul-

mo-

movendum commune bonum. Nomine autem perfectæ Communitatis intelligitur ea quæ sibi sufficit ad finem, ad quem fuit instituta.

4. Q. Lex non promulgata obligatne subditos?

R. Non obligat: quia sine debita promulgatione non censetur sufficienter subditis cognita.

5. Q. Promulgatio estne de essentia legis?

R. Non est: quia promulgatio supponit legem esse jam conditam: non enim aliud est, quam debita illius ab subditos, servatis servandis, applicatio. Quenam autem sint quæ servanda sunt, pendet ex regnorum & provinciarum receptis consuetudinibus.

C A P U T II.

De Lege æterna.

1. *Quest.* **L**ex æterna quomodo definitur?

R. Definitur, Ratio suprema directiva omnium actionum & motionum.

2. Q. Quinam est sensus allatæ definitionis?

R. Lex æterna dicitur 1. *Ratio*, quia est ordinatio mentis mediorum ad finem. Dicitur 2. *Suprema*, quia est ultima regula ad quam omnia agenda exigi debent, sicut primum principium est ultima regula ad quam quæcumque cognoscenda in speculativis reducuntur. Dicitur 3. *directiva omnium actionum & motionum*: quia versatur circa actiones & motiones; scilicet actiones & motiones sunt media, per quæ creatura quælibet tendit ad debitum finem.

3. Q. Lex æterna estne omnibus nota sub ratione legis æternæ?

R. Non est, quia multi sunt qui Dei in quo est illa

De Deo Authore Legum. 47

illa lex, existentiam non cognoscunt, nec distinguere norunt aliquid quod sit æternum.

4. Q. Lex æterna estne omnibus nota in genere?

R. Est: scilicet nullus est qui non norit incommutabilem aliquam legem, ut sunt prima & communissima morum principia, cujusmodi sunt hæc duo: *Bonum est agendum, Malum est vitandum.*

5. Q. Lex omnis derivaturne ab æterna tanquam a causa?

R. Derivatur: quia primum in unoquoque genere est causa cæterorum: ergo cum lex æterna sit omnium prima, est enim *summa ratio*; est causa aliarum omnium legum.

Obj. Lex fomitis quæ inclinatur ad malum, est vera lex, juxta illud Apostoli Rom. 7. *Sentio in membris meis legem repugnantem legi mentis meæ*: sed hæc non derivatur ab æterna lege: ergo, &c.

R. Dist. ant. Est lex æquivocè: in quantum scilicet movet & impellit voluntatem, conc. ant. est lex verè & propriè, nego ant. Scilicet inclinatur ad malum: lex verò (ut superius dictum est) ad bonum debet inclinare; alioquin enim non erit lex.

6. Q. Omnia subjiciunturne æternæ legi?

R. Subjiciuntur: quia Deus rebus omnibus ad normam æternæ legis indidit, instinctum per quem in finem sibi convenientem ferantur: unde est illud Augustini in libro 16. de Civit. Dei, cap. 12. *Nihil a legibus summi Creatoris, Ordinatorisque subtrahitur, a quo pax universitatis administratur.*

Obj. Peccata non subjiciuntur æternæ legi, contra illi adversantur: ergo, &c.

R. Dist. ant. Legi dirigenti, conc. ant. permittenti, nego ant. Hinc est illud Augustini de Angelo prævaricatore in lib. 19. de Civit. Dei, cap. 13. *In veritate non stetit, sed veritatis iudicium non evasit: quia in ordinis tranquillitate non remansit, nec*
ideo

ideo tamen à potestate ordinatoris effugit?

7. Q. Quodnam est primum & præcipuum legis æternæ mandatum?

R. Est ut debitus ordo in rebus & actibus servetur: *Æterna lex* (ait Augustinus in libro 1. de libero arbitrio, cap. 6.) est ea, qua iustum est ut omnia sint ordinatissima: (ut idem sanctus Doctor docet libro 22. contra Faustum, cap. 24.) *Lex æterna est ratio divina, vel voluntas Dei ordinem naturalem conservari iubens, perturbari vetans*: Ordo vero naturalis (ut observat idem Augustinus) fert, ut inferiora superioribus subiciantur, creature Deo, entia corporea spiritualibus, & ita de aliis.

C A P U T III,

De Lege Naturali.

1. *Quæst.* Quomodo definitur lex Naturalis?

R. Definitur: *Participatio legis æternæ, creaturæ rationali per inspirationem luminis & amoris impressa*.

2. Q. Valetne allata legis naturalis definitio?

R. Valet. Nempe 1. quatenus est *participatio legis æternæ*, convenit cum omnibus legibus positivis: omnes enim, si iustæ sunt, ab æterna derivantur. 2. Per hanc vocem, *impressa*, differt ab iisdem positivis legibus: harum scilicet nulum est menti nostræ inditum vestigium. 3. Hæc verba, *Per inspirationem luminis & amoris*, expouunt duo legis naturalis officia, in eo posita, quod lex naturalis ostendat bonum, & ad illud per modum præcepti & cujusdam suasionis inclinet.

3. Q. Estne discrimen aliquod inter Synderesim, conscientiam, & naturalem legem?

R. Est: Nam 1. Synderesis inclinatur ad assentiendum

dum

dum principiis prædictis, ut sunt ista: *Bonum est agendum, malum est fugiendum*: è contra lex naturalis per se non inclinat ad illum assensum, sed eum dumtaxat præcipit. 2. Differt à conscientia, quod hæc, sit de agendis aut vitandis hîc & nunc: lex verò naturalis sit de agendis aut vitandis in genere tantum.

4. Q. Existitne lex naturalis?

R. Existit: scilicet indita sunt nobis quædam boni cognitio & amor: unde Scriptura docet, prævaricatores esse quicumque peccant: *Prævaricantes* (inquit Propheta Rex, Psalm. 118.) *reputavi omnes peccatores terræ.*

5. Q. Estne in lege naturali aliquod primum principium ad quod cætera præcepta reducantur?

R. Est aliquod in cognoscendis, istud nempe: *Impossibile est idem esse simul & non esse*: ergo & in agendis: quia sicut debet esse aliqua prima regula cognitionis, ita & debet esse actionis; ista nimirum quæ cuique per se nota est: *Bonum est faciendum, & malum fugiendum.*

6. Q. Omnes actus virtutum suntne de lege naturali?

R. Sunt, si actus illi sumantur in genere: nempe rationi sunt consentanei, & ad eos eadem inclinat ratio. Si verò sumantur in specie: omnes non sunt de lege naturali: scilicet sic accepti, non sunt semper rationi conformes, quia cuique statui non conveniunt: sic virginitas conjugatis, ut conjugati sunt, non convenit: tenentur nimirum ad conjugale debitum, si exigatur.

7. Q. Lex naturalis estne una apud omnes?

R. Est una, quoad prima & communia principia: *Bonum est faciendum; malum autem fugiendum*: sumpta verò secundum conclusiones particulares, saltem remotas, non est una apud omnes: nempe conclusiones particulares remotæ, falsæ à plerisque

deducuntur ex primis principiis: sic ex isto generali principio, *Furari non licet*; sequitur quidem Usuram esse prohibitam; cum à parte rei sit furtum propriè dictum: sed tamen ea conclusio non est apud omnes una.

8. Q. Lex naturalis estne immutabilis?

R. Est prorsus immutabilis: quia objectum illius mutari non potest; seu fieri non potest ut quod vetat, sit licitum; & quod præcipit, sit malum.

9. Q. Potestas humana potestne dispensare in iis quæ sunt legis naturalis?

R. Non potest, quia inferior est lege naturali: inferior autem non potest solvere, quod ligatum est à superiore.

Obj. 1. Ecclesia dispensat in votis, quorum tamen obligatio est de jure naturali: nimirum præscribit ratio, ut compleantur, quæ Deo promissa sunt: ergo, &c.

Resp. Dist. ant. Ecclesia dispensat impropriè, conc. ant. propriè, nego ant. Hoc est, Ecclesia non eximit reum voti ab illius executione, stante lege voti; sed declarat voti legem non stare, seu non obligare in quibusdam particularibus circumstantiis. Ita sanctus Thomas.

Obj. 2. Est de lege naturali ut alienum, invito Domino, non detineatur: in hoc tamen potestas civilis dispensat per legem præscriptionis, ergo, &c.

Resp. Nego ant. Nimirum, alienum per præscriptionem desinit esse alienum: hoc est, potestas civilis cui commissa est, propter utilitatem publicam, bonorum dispensatio, transfert per præscriptionem dominium rei, quæ ante præscriptionem erat aliena.

10. Q. Deus potestne dispensare in lege naturali?

R. Non potest: alioquin enim ageret contra legem æternam, quæ vetat ne licitum fiat, quod per se est illicitum, & jubet ut id fiat quod recta ratio

præ-

De Deo Authore Legum. 51

præscribit. Repugnat verò ut Deus quidpiam tenet contra legem æternam; id enim infinitæ illius sapientiæ adversatur.

Obj. Deus non semel dispensavit in lege naturali: Et quidem 1. cum Abrahamo, cui præcepit ut filium innocentem occideret: 2. cum Osea, cui iussit ut ex meretrice filios generaret: 3. cum Israelitis, ut Ægyptiorum vasa aurea & argentea furarentur: 4. cum iisdem Israelitis, ut cum alienis fornerarentur: 5. cum iisdem Israelitis, ut dimitterent uxores: 6. cum Patriarchis veteribus, quibus polygamiam indulxit. 7. cum obstetricibus Ægyptiis quarum mendacium compensavit: ergo Deus potest in lege naturali dispensare.

Resp. Dist. ant. Deus non semel in lege naturali dispensavit dispensatione improprie dicta, subtrahendo nimirum actum aliquem ex materia legis naturalis, conc. ant. dispensavit dispensatione proprie sumpta; hoc est, actum non subtrahendo legi naturali, seu actu remanente legis naturalis materia, nego ant.

Et quidem 1. occisio Isaaci licet innocentis non erat vetita lege naturali, Deo qui necis & vitæ dominus est, eam præcipientē: e contra eo in casu præcipit ratio ut innocens occidatur.

2. Usus mulieris, etiam non conjugatæ, ad procreationem prolis, desinit esse materia legis naturalis, cum Deus (ut teste sancto Thoma, Oseæ respectu contigit) muliebris corporis dominium in virum aliquem transfert. Præterea dici potest Oseam cum muliere fornicaria prius contraxisse nuptias, quam illa ad prolis generationem frueretur.

4. Vasorum ex Ægyptiis oblatio, desinit in casu de quo agitur, esse furtum: quia Deus, supremus rerum omnium dominus, eorum dominium transtulit in Israelitas, eisque in pœnam peccatorum Ægyptios spoliavit.

4. Fœnus cum alienis, permissum est Judæis ad avaritiam cordis, sed tunc non deliit esse peccatum. Idem dicendum est de uxorum dimissione quæ divinitus Judæis indulta fuit.

5. Polygamia in Patriarchis deliit esse materia legis naturalis: tunc enim tantum est contra legem naturalem, cum absolute necessaria non est ad propagandum Dei populum; non autem cum, accedente expresse Dei mandato, fuit, ut contigit Patriarcharum tempora, necessaria. Præterea multi contendunt polygamiam non esse contra legem naturalem, sed tantum contra positivam legem in Evangelio promulgatam: *Tunc* (inquit Augustinus) *peccatum non erat, quando mos erat.*

6. Deus non compensavit mendacium obstetricum Ægyptiarum, sed earum dumtaxat intentionem; quæ quidem non alia fuit, quàm ut prodesse Hebræorum masculis, quos Pharaon inique & contra leges omnes præfocari jusserat: seu (ut clarius loquamur) benevolentia quæ in eo facto emicuit, non fallacia; benignitas mentis, non iniquitas mentientis temporali mercede, quæ non est merces propriè dicta remunerata fuit. Ita docet Augustinus contra Faustum Manichæum.

11. Q. Lex naturalis potestne ex hominum cordibus omnino deleri?

Resp. 1. Deleri non potest, quoad universalissima præcepta: scilicet universalissima præcepta se habent in practicis, sicut se habent in speculativis prima principia: ergo quemadmodum prima principia, &c. De lege naturali secundum ejusmodi respectum considerata, intelligitur hæc Augustini sententia in libro 2. Confess. cap. 4. *Lex scripta est in cordibus hominum, quam nec ulla quidem delet iniquitas.*

Resp. 2. Deleri potest secundum principia communia, quæ non multum distant ab universalissimis; scilicet non pauci reperti sunt qui errarunt circa

cā Decalogum: Gentiles enim omnes probarunt idolatriam; veteres Germani crediderunt furtum esse licitum; Priscillianistæ mendacio & perjurio patrocinati sunt; Plato uxorum communitati favit, ita ut vir pro libito aliena uxore frueretur ad multiplicandum Reipublicæ populum.

Resp. Deleri à fortiori potest secundum conclusiones quæ valdè remotæ sunt à primis morum principiis: (*Quantum verò* (ait sanctus Thomas 1. 2. q. 94. art. 6.) *ad alia præcepta secundaria, potest lex naturalis deleri de cordibus hominum, vel propter malas persuasiones, eo modo, quo etiam in speculativis errores contingunt circa conclusiones necessarias, vel etiam propter pravas consuetudines & habitus corruptos: sicut apud quosdam non reputantur latrocinia, peccata; vel etiam vitia contra naturam, ut etiam Apostolus dicit ad Rom. 1.*

C A P U T IV.

De Lege positiva Divina?

I. *Quest.* **Q**uomodo definitur lex positiva Divina?

R. Definitur lex quæ liberè à Deo sancita est; ut homines sub æterna lege per Fidei, Spei, Charitatis, & quarundam ceremoniarum praxim obédienter viverent.

2. *Q.* Quotuplex est lex positiva divina?

R. Duplex, Vetus & Nova. Illa, Judæis olim per Moysen data fuit; ista è contra omnibus hominibus per Christum. Illa, Vetus Testamentum; ista verò, Novum appellatur; utraque in nostris Bibliis continetur.

3. *Q.* Lex vetus fuitne bona?

R. Fuit, juxta illud Apostoli ad Rom. 7. *Lex quidam,*

idem, sancta & mandatum sanctum, & iustum & bonum: nec mirum; nihil enim lex antiqua præcipit, quod non sit rationi conforme.

Obj. 1. Exechielis cap. 20. Deus sic loquitur: *Dedi eis præcepta non bona*: ergo, &c.

R. 1. Dist. ant. Dedi permissivè, conc. ant. Scilicet (ex Hieronymo) textus ille debet intelligi de iniquis Gentilium legibus: dedi positivè, nego ant.

R. 2. Dist. ant. Præcepta non bona, comparative ad legem novam conc. ant. absolutè & simpliciter, nego ant. Ita Greg. Magnus lib. 28. Moral. cap. 7.

Obj. 2. Lex vetus (ex Apostolo ad Hebræos 8.) non vacavit culpa: ergo, &c.

R. Dist. ant. Culpa improprie sumpta, tùm quodd re inquireret in culpa, tùm quodd per accidens esset occasio peccati: nitimur enim in vetitum, conc. ant. culpa proprie sumpta, nego ant. *Quid ergo dicemus* (ait Apostolus ad Rom. 8.) *lex peccatum est?* absit.

Obj. 3. Ex Apostolo ad Rom. 7. peccatum per legem reviviscit: ergo non erat bona.

R. Dist. ant. Reviviscit *per accidens*, conc. ant. cùm enim non subministraret gratiam, *bon.* corruptus ex ea sumpsit occasionem peccandi: reviviscit *per se*, nego ant.

4. Q. Lex vetus fuitne perfecta?

R. Non fuit. Nam ex Apostolo ad Galatas 2. *factis non fuit ad conferendam hominibus iustitiam.*

Obj. Plures in antiqua lege veram iustitiam consecuti sunt: ergo fuit perfecta.

R. Dist. ant. Vi fidei in Christum, conc. ant. vi antiquæ legis, nego ant. Unde de iustis, qui sub lege veteri vixerunt, hæc ait Augustinus in libro 3. ad Bonificacium cap. 3. *Nondum nomine, sed re ipsa fuerunt Christiani.*

5. Q. Cur lex vetus data fuit hominibus?

R. Data est 1. ut eos *pœnarum meoꝝ à flagitiis & faci-*

facinoribus deterreret .2. ut revocaret in mentem legem naturalem, quam homines ex suis cordibus majori ex parte deleverant. 3. ut homines ad Christi fidem disponeret: unde ad Galatas 3. vocatur: *Pædagogus noster in Christo.*

6. Q. Quinam est author veteris legis?

R. Deus ipse: id nimirum asseritur Exodi capite 24. necnon Lucæ 2. & pluribus aliis Scripturæ locis.

Obj. Lex vetus sæpè Moyfi in Scripturis tribuitur: unde vulgò appellatur lex Moyfis: ergo non est à Deo.

R. Dist. anteced. Tribuitur Moyfi tamquam promulgatori, conc. ant. tamquam authori, nego ant. Nempè hæc habentur Levitici 24. *Locutusque est Dominus ad Moysem, dicens: Hic est ritus leprosi, &c.*

7. Q. Lex vetus datane fuit Moyfi immediate à Deo?

R. Data non fuit, juxta illud actorum 7. *Qui accepisti legem in dispositione Angelorum.*

Obj. Is qui cum Moyse locutus est, Deus in Scripturis dicitur: ergo, &c.

R. Dist. ant. Dicitur Deus, quodd Dei nomine locutus sit, conc. ant. quodd verè Deus fuerit, nego antecedens.

Obj. 2. Dicitur de Moyse quodd Dominus fanciens legem *facie ad faciem* cum eo locutus sit: ergo, &c.

R. Dist. ant. secundum populi opinionem, conc. ant. in rei veritate, nego ant. Ita Augustinus lib. 12. in Genesim.

8. Q. Quibus hominibus data fuit lex antiqua?

R. Solis Israelitis, seu Jacobi posteris: idque vti soliùs promissionis quæ Patriarchis de Messia divitùs facta fuerat.

9. Q. Aliæ ab Israelitis gentes tenebantur servare veterem legem?

R. Tenebantur quoad præcepta moralia, quæ in Decalogo continentur; quia juris sunt naturalis, quod quidem omnes homines obligavit semper: non tenebantur verò quoad præcepta ceremonialia & judicialia, quia non eis, sed solis Israelitis à Deo imposita fuerant.

10. Q. Alii à Judæis populi poterantne salvari, licet Moylis legem non amplecterentur?

R. Poterant; scilicet sola lege naturali tenebantur: unde si qui ex auxilio gratiæ, cum fide saltem implicita in Christum, legem naturalem servaverint, iustitiam consecuti sunt; proindeque, salutem adipisci potuerunt.

11. Q. Lex vetus estne abrogata?

R. Est. Nempè non sancita fuerat ut esset perpetua, sed tantùm donec Christus ad quem erat Pædagogus, mortis suæ sacrificium obtulisset: unde Apostolus ad Hebræos cap. 7. sic loquitur: *Translato sacerdotio, necesse est ut legis translatio fiat.*

Obj. Lex vetus adhuc stat ac viget quoad præcepta moralia: nempè quoad Decalogum: ergo non est prorsus abrogata.

Resp. Dist. ant. Stat & viget quoad præcepta moralia, vi legis naturalis ad quam pertinent illa præcepta, conc. ant. vi legis antiquæ, nego ant.

12. Q. Quandonam abrogata fuit lex antiqua?

R. In Christi morte: de illius nimirum abrogatione Patres exponunt illud Christi morientis verbum, *Consummatum est*; hoc est, finem habent quæ me futurum prænuntiabant, quæque legis novæ à me sancientiæ umbra erant & figura.

13. Q. Lex antiqua statim post Christi passionem fuitne mortifera? hoc est, potuitne quoad ceremonialia præcepta aliquandiù sine peccato observari?

R. Fuit quidem (ut mox dictum fuit) mortua, sed non statim fuit mortifera: scilicet Apostoli pro loco & tempore, æconomix causa sed non ex ne-

cessitate salutis, nonnullos illius ritus aliquandiu servarunt : nempe Paulus Timotheum ex matre Judæa natum circumcidit, Actorum 16. Et cap. 22. suadente Jacobo, idem Apostolus Jerosolymis usus est legali purificatione, id autem (hoc est, observatio legis) per aliquod post Christi passionem tempus, solis Judæis ad fidem Christianam conversis, non autem Gentilibus qui fidem amplexi fuerant, indultum: unde Paulus ad Galatas 5. hæc scribit: *Si circumcidamini, Christus nihil vobis proderit.*

14. Q. Quotuplicis generis præcepta fuerunt in lege Mosaica?

R. Triplicis; Moralia nimirum quæ aut expressè in decalogo continentur, aut ad eum reducuntur: ceremonialia quibus præscripti erant ritus ad externum Dei cultum adhibendi: Judicialia tandem, quibus forma jus populo dicendi mandata fuerat.

15. Q. Quid est lex Nova?

R. Quæ à Jesu Christo sancita est, quæque tum in Evangeliiis, tum in Actis, & Epistolis Apostolorum & Apocalypsi, tum in unanimi Patrum traditione continetur: Nova verò vocatur, quod veteri successerit tanquam lux umbræ, & veritas figuris.

16. Q. Quandonam lex Nova fuit solemniter promulgata?

R. Die sacra Pentecostes que contigit post Christi mortem; tunc enim Apostoli, recepto Spiritu sancto, fidei in Christum necessitatem palam prædicarunt, eundemque Christum Messiam esse lege promissum, declararunt, institutoque ab ipso baptismo credentes consignarunt.

17. Q. Quotuplicis generis sunt præcepta in lege Nova?

R. Triplicis: moralia nimirum quæ in Decalogo vel explicitè, vel implicitè continentur: ceremonialia cujusmodi sunt essentialia Sacramentorum ritus; & tandem judicialia, non quidem determinata

in

in specie, ut erant in lege veteri, sed in genere tantum, quatenus scilicet fidelibus præscriptum est, ut Ecclesiam tanquam matrem & iudicem audiant, juxta illud Christi in Evangelio Matth. 18. *Si Ecclesiam non audierit, si tibi sicut Ethnicus & publicanus.*

C A P U T V.

De Lege Humana in genere.

1. *Quæst.* **Q**uamnam est materia legum humanarum?

R. Res spirituales non sunt materia legum Civilium, quia leges civiles per se non habent pro fine populorum æternam salutem, sed temporalem tantum, & externam eorum pacem ad quam res spirituales nullum ordinem dicunt: è contrà res spirituales, utpotè salutem æternam promoventes, sunt materia legum Ecclesiasticarum.

2. *Q.* Lex humana estne tantum de actibus externis, an etiam de internis?

R. Est etiam de internis. Et quidem 1. Cum habent essentialem connexionem cum externis, sicut attentio interna cum horis Canonicis, aliisque orationis speciebus. 2. Cum se habent per modum dispositionis ad externos actus, ut pietas, & status gratiæ ad Communionem Eucharisticam. 3. Cum produuntur per externos actus, sicut hæresis mente præconcepta & quæ signis exterioribus exprimitur.

4. Cum se habent per modum finis respectu externorum actuum hoc est, cum actus externi præcipiuntur ad aliquem finem internum, ut jejunium pro obtinenda pace. 5. Tandem nonnunquam actus interni, ratione sui & per se præcipiuntur, ut cum Concilia jubent, ut fidei definitiones à se promulgatæ credantur.

Obj.

Obj. Nec Ecclesia, nec Politica judicant de actibus internis, sed de externis tantum: 130, &c.

R. Dist. ant. quantum ad vim externam coactivam, conc. ant. quantum ad vim directivam, nego ant.

3. *Q.* Quinam legibus humanis tenentur?

R. 1. Legislatores quoad vim directivam; scilicet par est ut caput cum membris cohereret, ubi agitur de communi bono: non autem quoad vim coactivam: quia (ut supponitur) Legislatores non habent superiorem à quo per pœnas cogi possint.

2. Clerici, salva Ecclesiarum immunitate tenentur politicis legibus, juxta illud Apostoli ad Titum, cap. 3. *Admone illos Principibus & potestatibus subditos esse, dicto obedire*: nec mirum, non enim sunt tantum clerici, sed etiam cives.

3. Subditi extrà regnum degentes tenentur legibus personalibus: hæc nimirum personam ubicumque degat, comitantur; hinc subditus ubicumque sit, non potest bellum in suum Principem movere.

4. Peregrini & advenæ non tenentur quidem patriis legibus, quæ non sunt personales; quia Legislatoris jurisdictio extrà proprium territorium non extenditur. Sed tenentur legibus locorum in quibus diversantur; ibi enim lex ligat, ubi persona forum sortitur.

4. *Q.* Leges tum Canonicae tum Civiles obligantne in foro interiori?

R. Obligant. Et quidem 1. Canonicae: cum is qui Ecclesiam audire noluerit, haberi debeat, ex Christi mandato, tanquam Ethnicus & Publicanus. 2. Civiles quoque, juxta illud Apostoli ad Romanos 13. *Itaque qui Potestati resistit, Dei ordinationi resistit: qui autem resistunt, ipsi sibi damnationem acquirunt*.

Obj. Potestas civilis est merè temporalis: ergo non obligat in foro conscientiae.

R. Dist. ant. Temporalis est ratione objecti, quippe

pè versatur tantùm circa res fluxæ ac labentis naturæ, conc. ant. ratione debiti quod imponit, nego ant. Est enim potestas quæ emanat a Dei potestate: juxta illud Apostoli Roman. 13. *Non est potestas, nisi à Deo.*

5. Q. Quandonam leges humanæ obligant sub pœna peccati mortalis? quandonam verò sub pœna peccati venialis tantum?

R. Obligant sub pœna peccati lethalis, cum materia præcepta; est gravis sub veniali verò, cum levis est. Dignoscitur verò esse gravis tum ex pœna quæ prævaricatoribus infligitur, tum ex modo quo exprimitur, ut cum dicitur: *Sub interminatione divini judicii*, tum ex scandalo quod ex infractione legum oriretur. Cum autem dubium est, an materia sit gravis, illud axioma: *In dubiis semitam debemus eligere tutiorem*, mandari debet executioni.

6. Q. Lex quæ nullo modo est præceptiva, aut prohibitiva, sed merè pœnalis, obligatne in foro conscientiæ?

R. Non obligat, si quæ sit ad culpam, modò non sit alia lex aut naturalis, aut humana, quæ actum prohibeat: sed obligat tantum ad subeundam pœnam post judicis declarationem, sed non antea.

7. Q. Lex fundata in falsa præsumptione obligatne in conscientia?

R. Non obligat: quia tunc Legislator censetur non habuisse intentionem obligandi: nisi tamen id fiat in casibus, qui ut plurimum accidunt: tunc enim Legislator ad vitanda incommoda, habet propter bonum publicum intentionem obligandi eos etiam, in quibus causa legis locum non habet, ut cum jubetur ne quis noctu armatus incedat.

8. Q. Quot modis lex humana potest mutari?

R. Mutari potest 1. per Epikiam: 2. per dispensationem: 3. per privilegium: 4. tandem per tolerantiam, derogationem, abrogationem, irritationem.

10. Q.

10. Q. Licetne Superiori sine causa dispensare?

R. Non licet: quia alioquin peccat contra fidem quam aut Ecclesiæ, aut Reipublicæ debet; data nimirum est ei potestas, non ad destructionem, sed ad ædificationem.

11. Q. Subditus potestne in foro conscientiæ, uti dispensatione, quæ sine legitima causa sibi concessa fuerit?

R. Non potest, quia lex, illius respectu, viget, nec enim ab ea censetur exemptus.

12. Q. Actus qui facti fuerint ex dispensatione, quæ sine causa fuit concessa, valentne aliquando?

R. Valent. Sic matrimonium quod intra quartum gradum celebratum fuerit, valet, etiam si dispensatio sine causa legitima concessa fuerit; in eo enim casu, & aliis similibus dispensatio est pro actu valido, quamvis non pro licito.

13. Q. Quid est Consuetudo?

R. Est jus moribus utentium introductum, ubi lex ipsa deficit, vel cum ejus sensus dubius est.

14. Q. Quandonam consuetudo vim habet legis?

R. Cum generalis est, aut cum est in usu in locis, in quibus utens degit; nihilque continet quod naturali, aut divinæ positivæ legi adversetur.

15. Q. Quandonam consuetudo censetur abrogare legem?

R. Cum legitimè præscripta fuerit: tunc enim efficit ut lex abeat in desuetudinem; sed ad id tres conditiones requiruntur. 1. Ut consuetudo non sit contra jus naturale, aut divinum positivum. 2. Ut Legislator aut illius ministri, ei non contradixerint, 3. Ut a legitimo tempore, hoc est, ad præscriptionem requisito sit in usu.

CAPUT VI.

De Lege humana in specie .

1. *Quest.* Q' uotuplex est lex humana ?

R. Duplex, Civilis, & Canonica. Prima, versatur circa media quibus communi civium, & Reipublicæ tranquillitati consulatur. Altera, versatur circa media, quibus fideles ad æternam salutem promoveantur.

2. *Q.* Potestas Ecclesiastica potestne leges condere ?

R. Potest. Nam 1. vi potestatis illius Apostoli in Concilio Jerosolymitano prohibuerunt gentibus ad fidem conversis, ne idolothytis vescerentur, iusseruntque ut a suffocato & sanguine temperarent, licet nec lex naturalis, nec divina id prohibeant. 2. Eadem facultate quovis sæculo usa est Ecclesia in Conciliis tùm generalibus, tùm provincialibus, ut patet ex innumeris canonibus, qui ad meram disciplinam pertinent, quovis pariter sæculo fideles eam in Ecclesia facultatem agnovere; quippe qui tantùm abest, ut vel ipsi Principes de oneribus sibi ab Ecclesiæ Pastoribus impositis conquesti sint, quin potius eis humiliter sese subjecerunt, ut patet in legibus circa matrimonium, innumerasque res alias ab Ecclesia sanctas.

2. *Q.* Unde Ecclesia habet facultatem condendi leges ?

R. Ab ipsomet Christo, qui de Pastoribus a se constitutis, & postea ab Ecclesia, apud quam est fidei & missionis depositum, constituendis, hæc ait: *Qui vos audit, me audit: qui vos spernit, me spernit*: nec mirum; cùm enim Pastores Spiritus sanctus posuerit regere Ecclesiam Dei, par fuit ut illis facultatem daret statuendi regulas, quibus Dei cultus promoveretur, serventurque lata ab ipsomet Christo mandata.

4. Q.

4. Q. Lex Ecclesiastica obligatne ante promulgationem?

R. Non obligat : quia licet sciatur condita , Legislator non censetur velle ut obliget , antequàm , servatis servandis , promulgetur .

5. Q. Lex Ecclesiastica quæ a saniori & majori provinciarum parte acceptata non fuit , habetne vim legis?

R. Non habet : propter enim eam rationem nova disciplina , quam Concilium Tridentinum invexit , vim legis non habet in multis Orbis provinciis : *Leges* (inquit Gratianus Canone , *In illis §. de legibus*) *instituantur : cum promulantur ; firmanur autem , cum moribus utentium comprobantur .*

6. Q. Potestas Civilis habetne facultatem condendi leges?

R. Habet : id enim apertè supponit Apostolus ad Romanos 13. *Omnis* (inquit) *anima Potestatibus sublimioribus subdita sit : non est enim potestas , nisi a Deo .*

7. Q. Lex Civilis obligatne antequam promulgetur?

R. Non obligat , idque propter rationem datam ad tertium quæsitum .

8. Q. Populi possuntne justas Principum leges non acceptare?

R. Non possunt , quia iniis quæ justa sunt , tenentur Principibus obedire : unde Clerus Gallicanus ad Comitata generalia , anno 1700. coactus merito proscripsit hanc propositionem : *Populus non peccat , etiamsi absque ulla causa non recipiat legem a Principe promulgatam .*

P A R S T E R T I A.

De Deo Ultimo Fine.

Nota. **H**Æc nostri compendii pars octava complectetur 1. ea quæ pertinent ad finem ultimum in genere sumptum : 2. quæ spectant ad actus humanos in communi ; nempe sunt media quibus aut accedimus ad ultimum finem, aut ab eo recedimus : 3. quæ pertinent ad actus humanos in specie, Virtutes nimirum, & peccata.

C A P U T P R I M U M.

De Fine Ultimo in genere.

1. *Quæst.* **Q**uid est finis in communi?

R. Est motivum propter quod aliquid fit : sic sanitas est finis potionis medicæ, quia sumitur potio, ut sanitas acquiratur.

2. *Q.* Quotuplex est finis ?

R. Duplex ; Medius nimirum qui tanquam via ad alium perducit ; & Ultimus, qui ad alium non refertur, seu qui propter se amatur. Iste subdividitur in finem *ultimum secundum quid*, hoc est in finem alicujus operis particularis ; & in finem *absolute simpliciter ultimum* id est, in finem non unius tantum, aut alterius actionis, sed totius vitæ : unde cum ille dominetur alicui operi particulari ; iste è contrâ, omnino dominatur ipsimet operanti.

3. *Q.* Homo in omnibus suis operibus agitne semper propter finem simpliciter ultimum ?

R. Non agit formaliter : non enim semper de fine simpliciter ultimo, beatitudine nimirum, cogitat, nec eam per actum expressum & explicitum sibi

bi

hi in omnibus operibus proponit & desiderat : sed semper agit propter eum tum interpretativè , tum virtualiter ; nempe in omnibus suis operibus beatitudinem quærit , & ex illius innata impressione , & desiderio naturaliter indito operatur .

4. Q. Creatura rationalis potestne simul agere propter duos fines absolutè & simpliciter ultimos ?

R. Non potest . Siquidem est de ratione finis absolutè & simpliciter ultimi , ut nulli alteri subordinatus sit , & alios omnes sibi subordinatos habeat ; debet epim omne omnino bonum continere , ut expleat appetitum creaturæ à qua possidetur .

5. Q. Finis absolutè & simpliciter Ultimus, quod duplex est ?

R. Duplex : Objectivus nimirum & Formalis . Ille, est objectum , seu res in qua positus est finis simpliciter ultimus creaturæ rationalis : nempe , est objectum quod ita perfectè potest explere creaturæ rationalis appetitum , ut in illo perfectè quiescat , nec alterius rei desiderio teneatur : iste è contrà, seu finis ultimus formalis, est possessio finis ultimi objectivi , seu objecti quod perfectè potest explere creaturæ rationalis appetitum .

6. Q. Quinam est ultimus finis objectivus ?

R. Est Deus solus . Ille enim, cum solus in se verum omne & bonum omne contineat , solus potest explere appetitum , quo rationalis creatura fertur in omne bonum & in omne verum ; scilicet in nullo particulari bono, in nullo particulari vero quiescere potest . Vnde est illud Augustini in Confessionibus : *Fecisti nos ad te , & irrequietum est cor nostrum donec requiescat in te .*

7. Q. In quo positus est finis ultimus Formalis , seu , is per quem actu creatura rationalis possidet Deum , in quo situs est finis ultimus objectivus ?

R. Positus est in actu cognitionis & in actu amoris simul : hoc est , Deus possidetur cognitione , & amore rationalis creaturæ . 1. Scriptura possessionem ultimi finis objectivi exprimit per operationem intellectus : *Videbimus eum* (1. Joannis 3.) *sicuti est*. 2. Possessio Dei , est illius fruitio : at , fruitio est voluntatis actus : seu est amor obj. & propter ipsum , dicente Augustino in lib. 2. de doctrina Christiana cap. 4. *Frui, est amore alicui rei inhære re propter ipsam* .

Obj. Per solam operationem intellectus, Deus perfecte, saltem essentialiter, possidetur : nempe fieri non potest, ut voluntas non amet objectum in quo intellectus videt omne bonum & omne verum , nihilque in eo apprehendit quod mali minimam speciem habere possit : ergo , &c.

Resp. Ad 1. nego ant. Dicit enim Augustinus in libro de moribus Ecclesiæ cap. 3. eum non esse beatum , qui non amat quod habet , etiamli optimum sit . Ad 2. dicendum est cum Scotis , quod licet intellectus qui clarè Deum videret , nullam in eo speciem mali absolutè sumpti valeret apprehendere ; posset tamen apprehendere speciem mali respectivè sumpti , sicut apprehenderent dæmones , si Deus eis intuitivè seipsum objiceret , subtraheretque auxilium supernaturale quo voluntas indiget , ut amet Deum : in ea enim suppositione Deum tanquam iratum sibi (quod quidem tanquam malum apprehenderent) intuerentur .

C A P V T II.

De essentia actus humani.

1. *Ques.* **Q**uæ est essentia actus humani : hoc est quomodo actus humanus definitur .

R. Definitur , *Actus qui à voluntate cum adverten-*
ten-

tentia rationis procedit : & in hoc differt ab actu quem vocant, *hominis* : ad istum enim ratio nec actu, nec virtualiter attendit, cum illius usum omnino præveniat. Hincque patet actum, qui dicitur *humanus*, esse voluntarium illum, è contra qui dicitur *hominis*, non esse voluntarium.

2. Q. Voluntarium quomodo definitur?

R. Definitur, *Actus qui est à principio intrinseco, & ex advertentia, saltem virtuali, rationis.*

3. Q. Quot modis actus, aut illius ommissio possunt esse voluntaria?

R. Duobus modis: directe nimirum & indirecte. *Primum*, est illud quod est voluntarium in se; *Alterum* verò, quod est voluntarium in causa sive physica, live morali, seu ex qua, secundum prudentum æstimationem, sequitur ut effectus.

4. Q. Concupiscentia augetne, aut minuitne voluntarium?

R. Auget ex una parte, quia auget propensionem voluntatis aut ad actum, aut ad illius omissionem: minuit contrà ex altera parte, quia cum in malum est, excæcat intellectum: actus tamen qui fit ex concupiscentia cum advertentia rationis dicitur *voluntarius simpliciter*: quia propensio voluntatis principem in voluntario locum tenet: & est involuntarius *secundum quid*, nempe secundum aliquem respectum: quia fit cum minore rationis advertentia.

Obj. Si concupiscentia minueret voluntarium ex aliqua parte, minueret etiam peccatum: sed hoc est absurdum: qui enim mortaliter peccant, ex consuetudine, ac proinde ex maiore concupiscentia, gravius peccant quam alii: ergo, &c.

Resp. Nego maj. Ratio est quia peccati gravitas petitur ex intensiori amore, quo voluntas fertur in actum vetitum, aut ad illius omissionem: at in homine qui peccat ex consuetudine, intensior est a-

mor quo voluntas fertur in actum lege prohibi-
tum.

5. Q. Utrum quis peccet, estne necesse ut actu attendat ad malitiam sui operis, aut ut actu eam cognoscat?

R. Non est necesse: alioquin enim nulla forent ignorantiae peccata: unde Clerus Gallicanus ad Comitata generalia, anno 1700. coactus, merito hanc propositionem damnavit: *Si peccatores consummata malitia, cum blasphemant & flagitiis se immergunt, non habent conscientiae stimulos, nec mali quod agunt, notitiam, propugno eos hisce actionibus non peccare.*

6. Q. Quid ignorantia confert ad voluntarium?

R. Ignorantia triplex est; Antecedens, ea nimirum quae non solum antecedit actum, sed cui praeterea voluntas nullum dedit locum: Consequens, quam voluntas vult, non quidem in se, sed in causa saltem virtualiter: Concomitans, quae actum quidem comitatur, sed nullo modo in illum influit. His praemissis dicendum est 1. ignorantiam antecedentem tollere voluntarium; hoc est efficere ut actus qui ex ea fit, sit omnino involuntarius: efficit nimirum ut sit contra voluntatis inclinationem, non actualem tantum, & virtualem, sed etiam interpretativam, ut patet in filio, qui carissimum patrem occidit, existimans post adhibitam debitam diligentiam, objectum in quod catapultam explodit, esse feram: scilicet ea Patris occisio nec in se, nec in causa, electa fuit à voluntate.

Dicendum est 2. ignorantiam consequentem minuire voluntarium: efficit enim ut actus sit contra voluntatis inclinationem, saltem inefficacem, ut patet in eo qui amicum interficit latitantem in verbis, existimans (sed vincibiliter) esse cerbum.

Dicendum est 3. ignorantiam merè concomitantem nec tollere, nec minuire voluntarium: scilicet
nullo

nullo modo influit in actum, sed illius respectu impertinenter se habet: ita ut in casu in quo adfuiſſet cognitio, voluntas tamen actum electura fuiſſet. Sic ignorantia hominis qui vehementer exoptans inimici mortem, illum occidit, putans, ſed ſine ulla ſui culpà, eſſe feram, nullo modo in occiſionem illam influit; ac proinde huiusmodi ignorantia actum phyſicum, quo inimicus occiſus eſt, nec voluntarium, nec in voluntarium reddidit; quamvis tamen occiſor poſtea ex eo capite peccet, quodd advertens inimici cædem, de ea per ignorantiam perpetrata lætetur.

7. Q. Quid metus confert in voluntarium?

R. Si ſit metus cadens in conſtantem virum, ut eſt metus mortis aut diuturni carceris, aut gravis bonorum iacturæ, minuit voluntarium, ed quod minuat voluntatis inclinationem ad actum: liquidem quæ ſiunt ex illo metu, ſiunt, repugnantè, ſaltem inefficaciter, voluntate, ut patet in mercatore, qui ſæviente procella pretioſas in pelagum merces proiicit, ut exonerando navim vitæ ſuæ conſulat. Verùm licèt ille metus minuat voluntarium, illum tamen omninò non tollit: cùm nec cognitionem ex parte intellectus, nec electionem ex parte voluntatis penitus auferat.

Obj. Receptum eſt apud Patres axioma; ea quæ ex metu ſiunt, eſſe in voluntaria: ergo, &c.

Reſp. Diſt. ant. Involuntaria, ſecundùm quid, quia ſunt contra inefficacem voluntatis electionem, conc. ant. Involuntaria ſimpliciter & abſolutè, nego ant. Scilicet efficaciter eliguntur ab homine, ut vitetur malum, quo alioquin eſciceretur: ſic mercator ſæviente tempeſtate, eligit efficaciter projectionem ſuarum mercium in mare, ut vitet naufragium, ſuæquæ vitæ conſulat.

8. Q. Quot ſunt voluntarii ſpecies? hoc eſt, quomodo Voluntarium diſtinditur?

R. Dividitur in voluntarium Necessarium, & in voluntarium Contingens. Illud, non potest non procedere à voluntate, ut amor Dei in beatis; istud è contrà, potest ebea non procedere, ut amor Dei in homine viatore.

6. Q. Satisne est ab libertatem, ut actus sit immunis à coactione extrinseca, ut sunt indeliberati motus concupiscentiæ qui præveniunt usum rationis?

R. Non est satis: scilicet Concilium Tridentinum contra Calvinistas definiit, primos & indeliberatos concupiscentiæ motus qui rationis usum præveniunt, non esse peccata.

10. Q. Ut actus sit liber, satisne est ut sit immunis ab extrinseca coactione, & ab omni necessitate naturali, aut requiraturne præterea ut sit immunis à necessitate absoluta etiam deliberata, & amata, ut est Dei amor in beatis?

R. Non requiritur quidem ut sit immunis à necessitate *infallibilitatis*: quia actus qui fit ex gratia per se efficaci, aut congrua, non est immunis ab huiusmodi necessitate; nam gratia per se efficax, & gratia congrua semper suum effectum infallibiliter consequuntur. Sed requiritur ut sit immunis à quavis absoluta necessitate, etiam deliberata, etiam amata, eà etiam quæ non impedit reflexionem & advertentiam rationis. Hincque concluditur Dei amorem in Beatis, licet immunis sit à coactione, licet non impediatur reflexionem, & rationis advertentiam, licet voluntas illum vere ac sincere velit, licet sit planè voluntarius, non esse tamen liberum.

Ratio est, quia indifferentia activa, hoc est, positio actus cum potestate illum non ponendi, non solum pertinet ad statum libertatis in quo jam sumus, sed etiam ad illius essentiam: Scilicet sine illa indifferentia non est electio: *In his* (inquit S. Tho-

mas

mas 1. 2. q. 13. art. 2.) *quæ sunt determinatæ ad unum, electio locum non habet*. Nec mirum: ubi enim non est electio, & ubi voluntas non habet plenum dominium in suos actus, ibi locum non habet strictè & propriè sumpta deliberatio: atqui voluntas non habet plenum dominium in actus necessarios, quantumcumque voluntarii supponantur, nec circa eos electio locum habet, ergo, &c.

Obj. S. Augustinus variis in locis docet Deum esse liberum respectu actus amoris, quo se ipsum prosequitur: at ille actus est omninò necessarius: nec enim Deus potest ab illo actu temperare, hoc est, non potest non se ipsum amare: ergo, &c.

R. Dist. ant. *Esse liberum libertate voluntatis*, conc. ant. *libertate arbitrii*, nego ant. Illa, reperitur in actu licet necessario: Ista verò, in actu tantum contingente; hoc est, qui potest esse, aut non esse, seu qui est indifferens indifferentia saltem activa: *In appetibilibus* (inquit S. Thomas quæst. 24. de veritate, art. 1.) *de fine ultimo non iudicamus iudicio discussionis vel examinationis, sed naturaliter approbamus, propter quod de eo non est electio, sed voluntas*. Habemus ergo respectu eius liberam voluntatem cum necessitate naturalis inclinationis libertati non repugnare secundum Augustinum 5. de Civitate Dei, non autem liberum iudicium propriè loquenda, cum non cadat sub electione.

11. Q. Quænam indifferentia requiritur ad libertatem, an contradictionis, an verò contrarietatis?

R. Requiritur 1. indifferentia contradictionis, quæ quidem in eo posita est, quod voluntas ita operetur, ut possit non operari: unde ob id dicitur indifferentia *Exercitii*.

Requiritur 2. quædam indifferentia contrarietatis quæ & *specificacionis* vocant: hoc est, requiritur ut ex

pluribus mediis quæ ad ultimum finem conducunt; voluntas possit eligere quod maluerit: nempè liber-
vas ex S. Thoma 1. p. q. 61. art. 8. definitur: *vis ele-*
ctiva mediorum, servato, & non prætermisso ordine
finis.

3. Sed ad libertatem non requiritur indifferentiæ contrarietatis non servato, & prætermisso ordine finis: quia tantùm abest, ut hujusmodi indifferentia ad libertatis essentiam pertineat, quin è contra sit illius defectus: scilicet ea species indifferentiæ complectitur potestatem peccandi, hoc est eligendi media quæ avertunt ab ultimo fine: potestas verb peccandi non pertinet ad libertatem: alioquin enim (ut sæpè contra Pelagianos docuit Augustinus) libertas non fuisset in Christo.

12. Q. Quanam est radix libertatis: hoc est, quia est fons ex quo libertas oritur?

R. Ex Thomistis est indifferentia judicii circa aliquod objectum, aut circa aliquem actum: scilicet indifferentia judicii, in eo posita quod intellectus apprehendat in objecto aut in actu varias rationes propter quas voluntas possit illud objectum aut illum actum amare aut non amare, efficit ut ipsa voluntas sit ad objectum, aut ad actum eligendum aut non eligendum indifferens; hoc est, ut possit actum illum vel eligere aut non eligere. Hincque patet libertatem *arbitrii* ad amandum Deum non esse in Beatis: neque enim eorum intellectus, cùm judicet de rebus ut sunt à parte rei, in Deo apprehendit aliquam speciem mali ratione cujus voluntas Beatorum possit non amare Deum. Hinc iterùm sequitur stante indifferentia judicii, fieri non posse, ut voluntas non remaneat libera. Vide Massoulium, Gonetum, & alios Thomistas.

C A P U T III.

De Moralitate actuum humanorum.

1. *Quaest.* Quid est moralitas actuum humanorum?

R. Est conformitas cum regulis morum, vel difformitas ab iisdem regulis.

2. Q. Unde petitur specifica moralitas actuum humanorum? hoc est, quid est id quod efficit, ut actus humani ad hanc aut illam morum speciem pertineant, seu ad hanc aut illam specie virtutem, ad hoc vel illud specie peccatum?

R. Petitur aut ab objecto, aut à fine operantis, seu ab intentione qua operans movetur. Ratio primæ partis est, quia propter diversitatem objectorum quæ specie differunt, virtutes Theologicæ à virtutibus Cardinalibus specie differunt. Ratio alterius partis eadem est: nempe finis præcipuus operantis est aliud veluti objectum ad quod fertur operantis voluntas: sic qui furatur, ut possit adulterium committere, actum operatur, qui simul & furtum est ex parte objecti, & adulterium ex parte operantis.

3. Q. Moralitas actuum humanorum petiturne ex circumstantiis?

R. Petitur: quia circumstantiæ subjacent regulis morum: unde si actus non fiat in iis circumstantiis in quibus regulæ morum fieri præscribunt, malus est: è contra verò bonus, si tùm ex parte objecti, tùm ex parte finis hominis operantis, tùm ex parte circumstantiarum conformis sit regulis morum.

4. Q. Quotuplicis generis sunt circumstantiæ actuum humanorum?

R. Duplicis: nonnullæ nimirum mutant speciem

ciem actus; hoc est, efficiunt ut actus pertineat ad aliam speciem, quam ad speciem objecti ad quod proxime tendit. Sic furtum in loco sacro non tantum est furtum, sed præterea propter loci circumstantiam est sacrilegium. Aliæ verò non mutant speciem, sed tantum intra eandem speciem aut augment bonitatem operis, aut illius malitiam aggravant: sic furari decem nummos, per se gravius est peccatum, quam furari quinque tantum: sed sive quis furetur decem, sive quinque, actus ille non alterius est speciei, quam furti.

5. Q. Quot sunt species Moralitatis actuum humanorum.

R. Tres sunt, Indifferentia, Bonitas, & Malitia. Prima subjicitur Legi permittenti: Altera, Legi imperanti: Tertia tandem, Legi prohibenti.

6. Q. Danturne actus indifferentes?

R. Actus humani considerari possunt vel in specie, vel in individuo. Priori modo sumpti definiuntur ii quorum objectum est indifferens, hoc est, per se nec bonum est, nec malum, v. g. levare festucam: altero modo sumpti, definiuntur ii qui complectuntur non solum objectum operis, sed etiam finem operantis.

His præmissis dicendum est 1. dari actus indifferentes in specie: quia dantur objecta, quæ secundum se; & abstrahendo à fine operantis, nec bona sunt, nec mala.

Dicendum est 2. non dari actus indifferentes in individuo: quia aut finis operantis est bonus, aut malus, non enim datur finis indifferens, nempe vel finis ille est utilis & honestus, vel jucundus. Si primum, est bonus: licitum est enim operari propter utilitatem quæ sit rationi conformis: non licet verò agere propter jucundum: quia agere propter jucundum convenit quidem homini prout est animal, non autem prout est ratione præditus, scilicet homo prout

ptout est ratione præditus non alium finem potest sibi licite proponere, quam bonum honestum, hoc est finem qui rationi sit conformis.

Confirmatur argumentum ex eo quod creatura rationalis teneatur omnia sua opera deliberata ad Deum, tanquam ultimum finem referre saltem virtualiter, juxta illud Apostoli 1. ad Corinth. 10. *Sive manducatis, sive bibitis, sive aliud quid facitis, omnia in gloriam Dei facite*: in quæ quidem verba & alia ejusdem Apostoli similia, sic loquitur Augustinus in libro de correptione & gratia, cap. 5. *Præcipit Apostolus dicens: Omnia vestra in charitate fiant*. Sic etiam loquitur S. Thomas in Epistolam ad Colossenses; *Quidam dicunt quod hoc est consilium; sed hoc non est verum*.

Obj. 1. In Concilio Constantiensi damnata fuit hæc Joannis Hus propositio. *Divisio immediata humanorum operum, est quod sint vel virtuosa, vel vitiosa*: ergo, &c.

Resp. Illa propositio fuit damnata in sensu Joannis Hus, qui contendebat omnia quæ sunt ab homine jacente in statu peccati mortalis, esse vitiosa; quæ verò ab homine justo, esse virtuosa: ille autem sensus apertam hæresim continet: cum fide Catholica certum sit, justum, non amissa iustitia, peccare venialiter; impium verò in statu peccati mortalis remanentem, elicere actus informes fidei, spei, charitatis, & aliarum virtutum.

Obj. 2. Dantur actus indifferentes in specie: ergo & in individuo: non enim datur species sine individuo.

Resp. Conc. ant. nego conseq. Quia actus in specie, est actus consideratus secundum objectum tantum, quod quidem (ut dictum est) potest esse indifferens: è contrà actus consideratus in individuo, præter objectum ad quod proximè tendit, includit finem operantis: at finis ille non est (ut fuit probatum)

tum) indifferens: quia vel est conformis regulis morum, vel ab eis difformis est: ac proinde bonus est, vel malus.

7. Q. Actus exterior augetne malitiam actus interni, veri, sinceri, atque efficacis?

R. Non auget *per se*: quia actus exterior per se, hoc est, prout est exterior tantum, nec malitiam moralem habet, nec bonitatem. Auget tamen *per accidens*; quia nonnumquam actum internum reddit aut intensiorem, aut diuturniorem, efficitque ut oriatur scandalum, & proximo detrimentum inferat: unde in confessione Sacramentali reus tenetur dicere, an actus fuerit exterior, an verò internus tantum.

8. Q. In quo consistit Malitia moralis actuum humanorum?

R. In privatione rectitudinis quam morum regulæ præscribunt: unde meritò scribit Augustinus, peccatum esse nihil: & homines fieri nihil, cum peccant.

C A P U T IV.

De Conscientia.

Nota. Dux sunt actuum humanorum regulæ: externa nimirum quæ non aliud est, quàm Lex de quâ jam egimus hujusce compendii parte secunda, ubi de Deo autore legum differuimus; Altera, interna; quæ quidem non aliud est, quàm Conscientia.

§. I.

De definitione & divisione Conscientiæ.

1. *Quæst.* C Onscientia quomodo definitur; seu quid est Conscientia?

R. De:

R. Definitur Actus quo intellectus judicat, hanc vel illam actionem esse hinc & nunc agendam, aut omittendam.

Conscientia dicitur 1. *Actus*; quia mordet, arguit, testificatur. Dicitur 2. *actus intellectus*; quia ad eam animæ potentiam quæ dicitur intellectus, pertinet iudicium, quod quidem (ut diximus) est conscientiæ officium. Dicitur 3. *actus*, quo intellectus judicat, *Hanc vel illam actionem esse hinc & nunc agendam, aut omittendam*; quia differt a Synderesi, quæ versatur circa agenda, aut omittenda in genere. Synderesis v. g. dicitur, bonum esse faciendum, & malum fugiendum; conscientia verò, ex eo quodd Lex docet hunc actum esse bonum aut malum, concludit hunc actum esse hinc & nunc agendum, aut omittendum, & ad id voluntatem movet & impellit.

2. Conscientia quomodo dividitur? seu quotuplex est conscientia?

R. Dividitur 1. in Certam & Dubiam: illa, est iudicium firmum de bonitate aut malitia operis hinc & nunc agendi: sic Jacob accedens ad Liam, quam prudenter judicabat esse suam uxorem, habuit conscientiam certam de bonitate actus conjugalis cum Lia habendi. Ista, seu Dubia, est suspensio iudicii circa bonitatem aut malitiam operis hinc & nunc agendi. Sic qui aut caret rationibus quibus iudicet contractum aliquem non esse usurarium, aut qui habet quidem, sed ex alia parte habet non minus graves quibus iudicet illum esse usurarium, dubiam de contractus huiusmodi bonitate conscientiam habet: suspendit nimirum iudicium circa illius bonitatem, aut malitiam.

Conscientia Dubia potest esse vel juris, vel facti. Illa versatur circa jus aliquod, an v. g. hæc actio sit per legem prohibita: ista è contra versatur circa factum aliquod, an obiectum v. g. quod inter vepres latitat, sit homo, an fera?

Di-

Dividitur 2. in Veram & erroneam. Prima, est iudicium de bonitate aut malitia operis hîc & nunc agendi, & quidem conforme legi. Sic qui iudicat proximo laboranti esse hîc & nunc consulendum, habet conscientiam veram, quia illud iudicium est conforme legi quæ in genere præcipit ut proximus in sua miseria sublevetur. Altera, seu Erronea, est iudicium de bonitate aut malitia actionis, quod non est conforme legi. Sic qui iudicaret, urgente hîc & nunc tentatione non esse orandum, conscientiam haberet erroneam.

Conscientia Erronea, sicut & Dubia, vel est circa ius, vel circa factum. Error autem ille dividitur in Vincibilem & in Invincibilem. Prior, est ille qui, quacumque diligentia adhibeatur, superari non potest: alter verò, qui morali adhibita diligentia, seu, servatis servandis, superari potest.

Dividitur 3. in scrupulosam & latam. Scrupulosa, est iudicium de malitia operis hîc & nunc agendi, sed levibus rationibus nixum. Sic scrupulosa conscientia laborat Sacerdos, qui cum attentè Canonem recitaverit, in Communione angitur, an recitaverit orationem Dominicam, quæ antè in Canone legitur. Lata conscientia, est iudicium de bonitate operis ex levissimis, & quidem cupiditati faventibus, argumentis. Sic latam habet conscientiam qui superflua non erogat pauperibus, timens sed sine fundamento, ne iis impofterum indigeat.

Dividitur 4. in conscientiam probabilem, & non probabilem. Probabilis, definitur, iudicium de bonitate, aut malitia operis, fultum quidem gravibus momentis, seu idoneis ad determinandos ad assensum viros pios & prudentes; sed tamen non sine formidine partis oppositæ: improbabilis è contra, est iudicium de bonitate, aut malitia alicuius operis, sed nullis, aut levibus fultum rationibus.

§. II.

Utrum Conscientia sit Regula Morum.

1. *Quæst.* **C**onscientia Vera, estne Regula Morum?

R. Est: quia (ut superius dictum fuit) est iudicium quod circa actum aliquem hic & nunc exercendum, est conforme legi quæ actum illum aut præcipit, aut prohibet, aut permittit.

2. *Q.* Conscientia Erronea, estne regula morum?

R. Non est 1. Quia non est debita circa actum aliquem applicatio legis. 2. Error non est in speculativis regula ratiocinationis: ergo nec in practicis est regula agendorum.

3. *Q.* Licitumne est agere contra conscientiam erroneam?

R. Licitum est, modo prius depositus sit error quo intellectus laborat: sed licitum non est, quandiu error non est depositus: hinc Apostolus concludit Fidelem peccare, qui iudicans non licere vesci idolothytis, iis tamen vescitur. *Omne (ait) quod non est ex fide (hoc est, ex conscientia,) peccatum est.* Rom. 14.

4. *Q.* Conscientia Scrupulosa estne regula morum?

R. Non est: quia regula morum includit prudentiam: at conscientia scrupulosa eam non includit, nempe nititur rationibus levissimis quæ prudentes homines movere non possunt.

5. *Q.* Estne licitum agere contra conscientiam scrupulosam?

R. Est licitum, imò & expediens: quia vani scrupuli nocent animæ, quam privant interno illo gaudio, interna illa pace quæ plurimum conferunt ad virtutis augmentum. Præterea inanes scrupuli nonnumquam exponunt periculo peccandi lethaliter, cum

cùm enim ex una parte jugum aggravent, & aliunde animæ vires sint infirmæ; periculum est ne homo omittat quæ judicantur præcepta.

6. Q. Conscientia Lata, estne regula morum?

R. Non est regula morum. Scilicet in detrimentum Legis, levibus ducta rationibus cupiditati favet. Hinc autem patet non tantum licere, sed & præceptum esse agere contra conscientiam latam.

7. Q. Conscientia Dubia estne regula morum?

R. Non est. Ratio est quia regula morum debet ad assensum determinare; seu efficere, ut quis judicet actum particularem, qui hic & nunc agendus est, esse conformem aut difforem legi: atqui id non præstat conscientia dubia: est enim (ut superius dictum est) suspensio judicii de bonitate aut malitia operis quod hic & nunc agendum est.

8. Q. Qua ratione debet se gerere is cui adest conscientia dubia?

R. 1. Debet abstinere ab actu de cujus bonitate aut malitia dubitat; si tamen aliqua agendi necessitate non urgeatur: Si autem urgeat agendi necessitas, debet partem eligere tutiorem: *In dubiis (aiunt jura) tutior pars est eligenda*: nec mirum: nam eligendo partem minus tutam, sese exponeret periculo infringendi legem, ac proinde peccandi dicente Scriptura: Eccl. c. 3. *Qui amat periculū, peribit in illo.* 3. Si nulla pars sit tutior, sed utraque sit periculosa: hoc est, si conscientia judicet æquale reperiri periculum in actu & in illius omissione, voluntas debet eligere actum qui proximi, qui est in possessione, juri favet: sic mulier quæ de sui matrimonii validitate dubitat, non potest quidem debitum petere, sed illud reddere tenetur viro cui persuasum est valere suum matrimonium.

2. Q. Conscientia probabilis, reduplicativè prout est probabilis, estne regula morum?

R. Non est. Siquidem quod est indifferens ad veritatem & falsitatem, seu quod potest esse verum, aut

aut falsum, non est regula morum : nempè sola veritas *per se* est morum regula; & *per accidens* id quod inculpate & firmiter ; hoc est, sine formidine partis oppositæ, existimatur veritas: unde est illud Scripturæ, Ecclesiast. 37. *Ante omnia opera verbum veracæ præcedat te, & ante omnem actum consilium stabile.* Atqui conscientia probabilis, est indifferens ad veritatem & falsitatem ; potest enim esse vera, potest esse falsa ; seu potest esse recta applicatio legis ; potest quoque esse falsa ejusdem legis applicatio : ergo conscientia probabilis, prout probabilis est, non est morum regula.

10. Q. Quamvis supponatur quoddam conscientia, seu opinio probabilis, reduplicative prout est probabilis, non sit morum regula, estne tamen aliquando licitum eam sequi ?

R. Opinio probabilis in duplici statu potest considerari, nimirum vel in concursu alterius probabilioris, vel in concursu alterius æque probabilis: quid facto opus sit in eo duplici casu, nostra ad subsequentes quæstiones responsa aperient.

11. Q. Estne licitum sequi in praxi opinionem minus probabilem quæ favet legi, seu quæ dicit actum non esse licitum ?

R. Licitum est: quia operans non se exponit in eo casu periculo legem infringendi: sic qui judicans ex opinione minus probabili contractum aliquem esse usurarium, ab eo temperat, non se exponit usuræ peccato.

12. Q. Estne licitum sequi in praxi opinionem minus probabilem quæ favet cupiditati (hoc est, quæ dicit actum esse licitum) in concursu probabilioris quæ stat pro præcepto, seu quæ dicit actum esse illicitum ?

R. Non licet. Nam 1. tenemur sequi veritatem, aut saltem id quod probabilius judicamus magis ac propius ad veritatem accedere: sola enim veritas

(ut jam observavimus) est per se morum regula; juxta illud Scripturæ Eccl. cap. 37. *Ante omnia verbum verax precedat te*. Qui probabilius judicat actum aliquem esse illicitum, magis dubius est, quam si æquè probabiliter judicaret esse illicitum: ergo, cum propter illam rationem (ut infra dicetur) non liceat sequi opinionem æque probabilem quæ favet cupiditati, à fortiori non est licitum sequi opinionem minùs probabilem: 3. Doctrina de qua agitur, tanquam nova, perniciofa & scandalosa damnata fuit à Clero Gallicano ut inferiùs dicetur: 4. Ea doctrina excusat eum qui totum Decalogum infringeret, ductus opinionibus minùs probabilibus quas circa illum docuerunt Scriptores quidam. Nec obest quod illæ opiniones sint falsæ: siquidem falsitas non impedit probabilitatem; scilicet (ut observatum est) opinio probabilis est indifferens ad veritatem & falsitatem.

13. Q. Estne licitum sequi in praxi opinionem æquè probabilem, quæ favet cupiditati, in concursu alterius æquè probabilis, quæ stat pro præcepto?

R. Non licet. Nam 1. quando opiniones sunt æquè probabiles, intellectus dubitat, an actus sit licitus, aut illicitus: non enim magis determinatur ad unum quàm ad aliud, scilicet non habet rationes, ut uni parti consentiat potius quàm alteri: et in dubio non licet id agere quod favet cupiditati; imò tenemur id eligere quod favet præcepto, quia tutius est, iuxta illud axioma Juris Canonici, *In dubiis semitam debemus eligere tutiorem*.

2. Doctrinam de qua agitur, damnavit Augustinus; nempe consultus à viro Donatista suo in Ecclesiam Catholicam ingressum meditante, & dubitante, an liceret sibi in parte Donati baptismum recipere, quem certò sciebat licitè recipi in Ecclesia Catholica, consultus (inquam) respondit, id ei non licere, hoc ductus principio, quod certa debeant in-

certis præferri : Accipere itaque (ait in libro 11. de Baptismo contra Donatistas cap. 5.) in parte Donati, si incertum est esse peccatum, quis dubitat certum esse peccatum non ibi potius accipere, ubi certum est non esse peccatum?

3. Eadem doctrina adversatur regulæ de probabili-
lium usu traditæ à Clero Gallicano ad comitia generalia anno 1700. coacto. Fert nimirum illa regula : *Ut nemini liceat eligere eam sententiam, quam non veritati magis consentaneam duxerit.* Ex qua quidem regula hanc idem Clerus Gallicanus conclusionem elicit : *Quod ergo in praxi eam nobis liceat sequi sententiam, quam nec ipsi ut probabiliores eligendam iudicemus, hoc novum, hoc inauditum, hoc certis ac notis authoribus postremo demum sæculo proditum, & ab iisdem pro morum regula positum repugnat huic effato à Patribus (Vincentio Lirinensi, Com-
monitorio 1. cap. 3. & aliis) celebrato : QUOD ubique, quod semper, quod ab omnibus : Nec habere potest Christiana regula securitatem.*

Obj. 1. Licet propter æqualia rationum pondera, is speculativè dubitet qui æqualem hinc & indè probabilitatem habet, potest tamen non esse dubius præctice, si suum dubium tollat per hunc actum reflexum, Dubium quidem est v.g. an contractus ille sit usurarius, sed cum dubium non sit, quid sequi liceat opinionem probabilem; dubium pariter non est quid in praxi contractus ille licitus sit.

R. Ad 1. nego ant. Ad 2. nego tolli dubium per actum reflexum de quo agitur. Scilicet principium quo nititur actus ille reflexus : *Licetum est sequi in praxi opinionem verè probabilem*, non tantum est principium dubium, sed etiam omnino falsum, ut potè Scripturis, Patribus, & sanctis, doctisque Theologis (ut observat Clerus Gallicanus,) penitus in-
vilius, & inauditum, imò & contrarium.

Obj. 2. Qui sequitur opinionem probabilem
F 2 etiam

etiam in concursu contrariæ æquè probabilis, imò & probabilioris, prudenter agit: agit nimirum ductus rationibus quæ viros pios & doctos possunt ad assensum movere: ergo, &c.

R. Ad 1. nego ant. Ad 2. disting. Si non adsint rationes contrariæ quæ viros pios & doctos æquè, imò & magis possunt ad contrarium assensum movere, transeat ant. Si adsint, ut reverà adsunt in concursu duarum opinionum aut æquè probabilium, aut quarum una est probabilior altera, nego ant.

Obj. 3. Licitum est sequi in praxi opinionem minùs tutam in concursu tutioris: ergo & minùs probabilem in concursu probabilioris.

R. Conc. ant. nego conseq. Ratio disparitatis est, quia opinio minùs tuta est (ut supponitur) verior: è contra verò opinio probabilis non est verior altera quæ est pariter æquè probabilis, imò est minùs vera in concursu probabilioris, aut saltem minùs vera judicatur. Præterea opinio tuta, etiam in concursu tutioris, nulli exponit periculo peccandi; cum tuta supponatur: è contra verò probabilis in concursu, aut æquè probabilis, aut probabilioris exponit operantem periculo peccandi, infringendi nimirum legem.

Obj. 4. Vera sunt tria hæc Canonici Juris Axiomata. I. *In pari causa melior est conditio possidentis.* II. *Favores sunt ampliandi, & odia restringenda.* III. *In pænis benignior est interpretatio faciendâ.* Sed illa axiomata probant licitum esse sequi in praxi opinionem probabilem in quacumque circumstantia consideretur: ergo, &c.

R. Ad 1. Possessio non stat pro libertate creata, sed pro lege: lex enim lata fuit & vim habuit, antequam is, cui duæ opiniones obversantur, suæ libertatis possessione frueretur. Dicitur potest præterea laudatum ex jure axioma vim habere tantum in exteriori foro: nempe litigans qui æquales cum adversa

parte rationes habet, potior est in jure, si præterea rei propter quam lis intentatur, possessionem habeat.

R. Ad 2. Juris regula de qua agitur, locum non habet, cum agitur de licito, aut illicito, sed tantum cum est quaestio de poenis à judice infligendis; hoc est, cum dubium est, an perpetrato crimine gravis, aut gravior infligenda sit.

R. Ad 3. Idem est sensus regulæ quæ tertio loco in objectione laudata fuit.

14. Q. Estne licitum sequi opinionem probabiliorē quæ favet libertati, in concursu minus probabilis quæ stat pro præcepto.

R. Licitum est, si probabilitas petatur ex Scriptura, Patribus & sanctis Doctoribus: eo nimirum in casu opinio probabilior est verior cum traditioni, quæ morum est regula, sit conformior: unde meritò Clerus Gallicanus ad Comitia generalia anno 1700. coactus hanc propositionem post Alexandrum Papam VIII. damnavit: *Non licet sequi opinionem probabilem, vel inter probabiles probabilissimam.* E. contra, si probabilitas sumatur solum ex corrupta per peccatum ratione, & ex Scriptoribus qui ad placita quædam nova, & veteribus inaudita, moralis Theologiæ difficultates solverent, non licet sequi opinionem quæ ea probabilitatis specie probabilior judicatur, quæque contra præceptum favet cupiditati: sic licet quis probabilius judicet licitam esse occisionem hominis ad evitandam alapam, id in praxi minimè sequi potest. Idem planè dicendum est de novis aliis morum regulis, quas Alexander VII. Innocentius XI. & Clerus Gallicanus ad Comitia generalia anno 1700. coactus damnarunt.

CAPUT V.

De Virtutibus in genere.

1. *Quaest.* **V**irtus in genere quomodo definitur?
R. Definitur à Philosophis: *Bona qualitas mentis, qua rectè vivitur, & qua nullus male utitur.* Nempè si quis ad pravam finem utatur virtute, desinet ipsa esse virtus, juxta illud Augustini in libro 4. contra Julianum cap. 4. *Non officiis, sed finibus, à vitiis discernenda virtutes:* unde idem sanctus Doctor variis in locis virtutem sic definit: *Virtus est ordo amoris, seu rei, quæ amanda est, amor ordinatus; hoc est, relatus ad finem ad quem recta ratio quodcumque officium referri præscribit.*

2. *Q.* Quodnam est subjectum Virtutis?

R. Est illud solum ens quod ratione præditum est, quia soli hujusmodi enti convenit suum opus ad rectæ rationis regulas exigere, & officium ad debitum finem referre.

3. *Q.* Aliquæ virtutes consistuntne in mediocritate?

R. Consistunt; quia nonnullæ sunt contra quas peccari potest per excessum, aut per defectum: hujusmodi est liberalitas, contra quam prodigus peccat per excessum, & avarus per defectum.

4. *Q.* Suntne aliquæ virtutes quæ non consistunt in mediocritate?

R. Sunt: Theologicæ nimirum & Intellectuales: neque enim aliquis potest nimis Deo revelanti credere, nimis in eum sperare, nimis eum amare: sic etiam non potest quis nimis scire, nimium esse prudens.

5. *Q.* Quotuplex est Medium virtutis?

R. Duplex; nimirum Medium *Rei*, & Medium *Ra-*

Rationis. Illud, positum est (ut inferius de virtute iustitiæ differentes, docebimus) in æqualitate quantitatis ad quantitatem in iustitia commutativa & in æqualitate proportionis meriti ad præmium in iustitia distributiva. Istud verò, *ratione* definitur, ut patet in temperantia, quæ non consistit in eadem ciborum quantitate respectu omnium personarum. Hinc fit ut Medium *Rei*, positum sit in indivisibili, non autem Medium quod *rationis* vocant.

6. Q. Virtutes consideratæ in statu perfecto, suntne omnes inter se connexæ, ita ut una in statu perfecto haberi non possit sine aliis omnibus?

R. Sunt inter se connexæ, quia virtus in statu perfecto considerata includit prudentiam perfectam: at prudentia non est perfecta, nisi appetitus sit quoad omnia objecta rectus: non potest verò, ut par est, quoad omnia & singula esse rectus, nisi per virtutes quæ circa singula objecta versantur.

Obj. Aliquis potest esse perfecte castus, quamvis virginitatem non habeat: ergo, &c.

Resp. Dist. ant. quamvis virginitatem quoad rem externam quam includit, integritatem nimirum corporis non habeat, conc. ant. quamvis virginitatem non habeat quoad illius essentiam si expediret; hoc est, internam animi dispositionem in qua virtutes præcipuè sitæ sunt, nego ant.

7. Q. Virtutes in statu imperfecto consideratæ, suntne omnes inter se connexæ?

R. Non sunt: quia experientia compertum est, aliquem posse esse temperantem, licet liberalis non sit, idem de pluribus aliis virtutum speciebus affirmari potest.

8. Q. Quænam sunt species virtutis sumptæ genericè? hoc est, quomodo virtus in genere sumpta, dividitur?

R. Tres sunt species virtutis genericè sumptæ: scilicet aliæ sunt intellectuales; aliæ Morales, aliæ Theologicæ.

Intellectuales sunt ex quæ perficiunt intellectum in ordine ad cognitionem Veri, vulgòque subdividuntur in Intelligentiam, Sapientiam, Scientiam, Prudentiam, & Artem.

Morales perficiunt voluntatem in ordine ad bonum honestum, cujuscumque sit generis, & in quacumque materia consideretur. Quatuor sunt præcipuæ, quæ ob id *Cardinales* appellantur, Prudentia, Temperantia, Fortitudo & Justitia: nimirum ad quatuor illas virtutes, tanquam ad cardines reducuntur aliæ omnes virtutes Morales.

Theologicæ definiuntur, Virtutes quæ immediate circa Deum versantur: Fides nimirum, Spes, & Charitas. De singulis illis virtutis speciebus breviter subsequenter capitibus est agendum.

C A P U T IV.

De Virtutibus Theologicis.

§. I.

De Fide.

1. *Quæst.* Quænam est prima ex Virtutibus Theologicis?

R. Fides, quia (ut ait Concilium Tridentinum sess. 6. cap. 8.) est humanæ salutis initium, fundamentum & radix omnis justificationis.

2. *Q.* Quid est fides? seu quomodo fides definitur?

R. Definitur *Virtus divinitus infusa, per quam creatura rationalis, firmiter assentitur iis, quæ à Deo revelata sunt.*

3. *Q.* Valetne tradita ab Apostolo, fidei definitio? Hebr. 11. *Est autem (inquit) fides sperandarum substantiarum rerum, argumentum non apparentium.*

R. Va-

R. Valet quidem ; verum non est essentialis , sed descriptiva tantum ; hoc est , explicat , non quidem essentiam fidei , sed duplex illius attributum , firmitatem nimirum & obscuritatem.

4. Q. Fides prout est virtus Theologica , quomodo dividitur ?

R. Dividitur in Actualem & Habitualement ; in explicitam & Implicitam ; in Acquisitam & infusam ; in Informem & Formatam ; in Vivam & Mortuam .

5. Q. Quid est Fides Actualis ?

R. Est actus , per quem intellectus ex imperio voluntatis excitatus per auxilium divinum , assentitur alicui veritati propter auctoritatem Dei revelantis.

6. Q. Quid est Fides Habitualis ?

R. Est adhesio revelantis *permanenter* inhærens animæ , huiusmodi verò est ea quæ in fidelibus dormientibus reperitur.

7. Q. Quid est Fides Explicita ?

R. Est ea , per quam intellectus adhæret alicui articulo speciali & distinctè cognito ; v.g. quod Deus sit trinus in personis ; quod Verbum factum sit caro , & ita de cæteris.

8. Q. Quid est Fides Implicita ?

R. Est ea , per quam intellectus adhæret aut iis omnibus in genere quæ Ecclesia credit , non cogitando de aliquo articulo singulari ; aut per quam adhæret alicui articulo singulari qui in alio continetur , licet de ipso speciatim minimè cogitet : sic qui credit duas in Christo naturas , virtualiter & implicitè credit in eo duas esse voluntates & duas operationes ; quamvis duæ illæ voluntates , duæ illæ operationes non veniant in illius mentem.

9. Q. Quid est Fides Acquisita ?

R. Est habitus Fidei qui nascitur ex multis actibus fidei pluries reperitis : sic qui sæpius elicit actum fidei circa Verbi incarnationem , de illo articulo fidem habet acquisitam.

10. Q.

10. Q. Quid est Fides infusa?

R. Est ea, quam Deus infundit absque aliquo ex parte credentis actu, qui ad eam per modum causæ efficientis concurrat. Id verò patet in parvulis, quibus absque prævio illorum actu, Deus (ut ait Concilium Tridentinum) Fidem, Spem & Charitatem per Baptismi sacramentum infundit.

11. Q. Quid est Fides Formata?

R. Est ea quæ reperitur in subiecto in quo est charitas iustificans: è contrà fides informis, est ea quæ reperitur in iis qui sunt in statu peccati mortalis.

12. Q. Quodnam est obiectum materiale fidei?

R. Res omnes quæ à Deo revelatæ sunt. Eæ verò res ad quosdam præcipuos articulos redicuntur. Articuli autem definiuntur, *Propositiones* Catholicæ, quæ primariò ad fidem spectantes, specialem præ alijs difficultatem ad credendum complectuntur.

13. Q. Articuli fidei creveruntne in Ecclesia successu temporis? hoc est, accessitne ad eos augmentum aliquod?

R. Non creverunt secundum substantiam accepti, nec eis aliquod augmentum accessit: quia non dantur novæ circa fidem aut mores revelationes in Ecclesia: nempe quæcumque credit Ecclesia & ad consummationem usque sæculorum creditura est, Apostolis revelata sunt, juxta illud Joannis cap. 16. *Cum venerit ille (Spiritus veritatis) docebit vos OMNEM veritatem*. Revelationes verò quæ factæ sunt Apostolis in Scriptura aut traditione continentur.

Verum licet articuli fidei non creverint; eis tamen accessit uberior explicatio; idque occasione hæreticorum qui impugnarunt articulos, qui quoad substantiam, in Scriptura aut traditione continentur.

14. Q. Ubinam continentur præcipui articuli fidei?

R. Con;

R. Continentur in Symbolo , quod quidem definitur *Summa* , quæ præcipuos & cardinales fidei articulos explicite complectitur .

De Symbolo .

1. Q^{uæst.} Q^{uod} ut duplex est fidei Symbolum ?

R. Quadruplex , Apostolorum , Nicænum , Constantinopolitanum , & Athanasium .

2. Q^{uod} est Symbolum , quod vocant Apostolorum Symbolum ?

R. Est illud quod in Ecclesia Romana à cunctis fidelibus in oratione quotidiana recitatur , incipitque : *Credo in Deum Patrem omnipotentem Creatorem cæli & terræ* , &c. Dicitur autem Apostolum Symbolum , tum quod doctrinam ab Apostolis traditam contineat , tum quod (ut putatur) in eum ordinem in quo legitur , ab Apostolis digestum fuerit .

3. Q^{uod} est Symbolum , quod *Nicænum* vocant ?

R. Est illud quod in prima Nicæna Synodo editum est adversus Arium . Præcipuus illius articulus est Verbi divinitas & consubstantialitas cum Patre , quam Arius , contra quem habitum est illud Concilium , impugnaverat .

4. Q^{uod} est Symbolum Constantinopolitanum ?

R. Est illud quod editum fuit in primo Constantinopolitano Concilio , quodque incipit , *Credo in unum Deum* . A cæteris præcipue differt , quod ei Spiritus sancti divinitas contra Macedonium , inserta fuerit .

5. Q^{uod} est Symbolum Athanasianum ?

R. Est illud quod incipit : *Quicumque vult salvus esse* . Vocatur verò Athanasianum , quod Athanasio (sed falsò) tribuatur : pluribus enim post illius mortem annis editum fuit .

6. Q^{uod} est Symbolum Apostolorum quot continet partes ?

R. Tri-

R. Triplex est ejus pars. In priore, recensentur ea, quæ ad Patrem, primam Trinitatis personam, & Universi creationem pertinent. In altera, proponuntur ea, quæ spectant ad secundam personam, & hominis per peccatum lapsi redemptionem. Tertia tandem pars continet ea, quæ Spiritui sancto sanctitatis nostræ fonti tribuuntur.

7. Q. Quis est sensus primi articuli: *Credo in Deum Patrem omnipotentem, Creatorem celi & terræ?*

R. Hæc ejus est sententia: Credo interiùs, ac exterius profiteor, Deum Patrem, primam, ratione originis, personam esse omnipotentem, ac cælum & terram, & quæ illorum ambitu continentur, ex nihilo eduxisse. In eum quoque tanquam ad ultimum finem totis viribus contendo.

8. Q. Estne discrimen aliquod inter, Credere Deo, Credere Deum, & Credere in Deum?

R. Est. Nam credere Deo est assensum præbere Deo revelanti. Credere Deum, est credere Deum existere unum in natura, & trinum in personis. Credere in Deum, est spem in Deo tanquam ultimo fine collocare, in eumque per charitatem tendere.

9. Q. Quis est sensus alterius articuli: *Et in Jesum Christum, Filium ejus unicum, Dominum nostrum?*

R. Iste: scilicet profiteamur nos credere, existere in Divinis secundam personam, in qua, sicut & in prima, spem nostram collocemus: Ea verò persona dicitur & est verè *Filius*, quia procedit à Patre per sacram generationem in similitudinem naturæ. Dicitur *Filius Unicus* quia Filius est naturalis; hoc est, ejusdem omninò substantiæ cum Patre; non autem adoptivus, per gratiæ scilicet accidentalis, & donorum communicationem.

Ille Filius post suam cum humana natura unionem substantialem, dicitur *Jesus*, eo quod sit non unius

unius tantum gentis, sed omnium hominum Salvator. Dicitur quoque *Christus*, id est, *Unctus*, unctio scilicet spirituali in *Sacerdotem*, qui pro nobis, ut homo est, apud Patrem interpellat; in *Prophetam*, qui Dei legem nos doceat, & in *Regem*, qui præsit Ecclesiæ per totum orbem diffusæ.

Profitemur 2. credere nos, illum Jesum Christum, Filium Dei unicum, nostrum esse Dominum, tum iure redemptionis, tum etiam ratione personæ cui in illo natura humana substantialiter est unita; tum ratione potestatis quam Deus post resurrectionem humanitati cum Verbo conjunctæ contulit.

10. Q. Quis est sensus tertii articuli: *Qui conceptus est de Spiritu sancto, natus ex Maria Virgine.*

R. Profitemur credere nos 1. Christum non ex virili semine conceptum esse, sed virtute Spiritus sancti. 2. Mariam verè esse matrem Jesu Christi, & verè Deiparam: cum ex illius purissimo sanguine efformatum sit Jesu Christi corpus, cui eodem temporis momento infusa fuit anima rationalis, & utrique (corpori & animæ) unita hypostaticè divinitas. 3. Mariam nullum virginittis detrimentum aut ante partum, aut in partu, aut post partum passam fuisse.

11. Q. Quis est sensus quarti articuli: *Passus sub Pontio Pilato, crucifixus, mortuus, & sepultus:*

R. Per hanc vocem *Passus*, declaramus nos credere 1. Christum verè passum esse, juxta illud Evangelii Matt. 26. *Tristis est anima mea usque ad mortem.*

2. Per hanc aliam, *Crucifixus*, profitemur, Christum actum fuisse in crucem, supplicii genus, non apud Gentiles modò, sed etiam apud Judæos turpissimum, juxta illud Scripturæ Deuter. 21. *Maledictus qui pendet in ligno.*

3. Per hanc aliam vocem, *Mortuus*, declaramus credere nos, animam Christi ab illius corpore re-

vera

verà fuisse separatam; scilicet Evangelium fidem facit, ipsum, dum penderet in cruce, emisisse spiritum. Id tamen non impedit, quin Verbum cum utraque (anima nimirum & corpore) hypostaticè conjunctum remanserit.

4. Per hanc vocem *sepultus*, profitemur credere nos corpus Jesu mandatum fuisse sepulture, idque, ut veritas mortis, quam in cruce passus fuerat comprobaretur.

12. Q. Quenam est sententia quinti articuli: *Descendit ad inferos*?

R. Testamur credere nos, Christum, non tantum secundum divinam virtutem, sed etiam substantialiter, non quidem secundum corpus quod jacebat in sepulcro, sed secundum animam Verbo hypostaticè conjunctam descendisse ad inferos, non ad tetrum illum carcerem, quo Demones conclusi tenentur, sed ad reptaculum illud in quo animæ Patriarcharum, aliorumque Sanctorum, qui obierant, expectabant Salvatoris mortem, per quam regni cœlestis portæ illuc usque hominibus clausæ, referarentur.

Alterà ejusdem articuli quinti parte, *Tertia die resurrexit à mortuis*, profitemur credere nos Christi resurrectionem, seu confitemur, post elapsam Veneris diem, qua Christus obiit, elapsam quoque diem Sabbati, per quam integram corpus illius in sepulcro remanlit, ineunte die, qui apud Romanos dies *Solis* dicebatur, apud Judæos *prima Sabbati*, seu hebdomadæ, apud Christianos *Dominica*, animam iterum unitam fuisse ejus corpori, vitamque quæ prius fruebatur, illi impertitam fuisse, idque factum non aliena virtute, ut in Lazaro, sed vi propria, divinitate nimirum animæ & corpori Christi hypostaticè conjuncta.

13. Q. Quis est sensus articuli sexti: *Ascendit ad calos; Sedet ad dexteram Dei Patris omnipotentis*.

R. Pro

R. Profitemur 1. Christum non tantum divina virtute, sed & beata; hoc est Beatis propria, quæ scilicet anima corpus gloriosum transfert quocumque libuerit, è teris in cælum conscendisse, non quidem ut Deus est (sic enim à cælo absuit numquam) sed prout homo, seu secundum corpus & animam: debebatur nimirum corpori glorioso cælestis ille locus: porro necesse erat ut eò Salvator ascenderet, tum ut probaret regnum suum non esse de hoc mundo, tum etiam ut causam nostram coram Deo Patre tanquam Advocatus ageret, tum ut pararet nobis locum.

Profitemur 2. hac metaphorica loquendi ratione, *Sedet ad Dexteram Dei Patris Omnipotentis*, Christum, ut est persona, æqualem esse Deo Patri: nulli nimirum Angelorum (ut Paulus advertit) sed Christo soli, Deus Pater dixit aliquando: *Sede à dextris meis, donec ponam inimicos tuos scabellum pedum tuorum*, Psalm. 109.

Profitemur 3. eadem loquendi ratione summam Christo, ut est homo, à Patre concessam fuit potestatem: unde & ipse post resurrectionem sic Apostolos allocutus est Matth. 28. *Data est mihi omnis potestas in cælo & in terra*. Idem loquendi modus docet nos firmam & constantem semper fore gloriam qua Christus in cælo fruitur.

14. Q. Quæ est sententia articuli septimi: *Inde venturus est judicare vivos & mortuos*.

R. Profitemur, Christum post consummationem sæculorum, post completum Prædestinatorum numerum è cælis, quod post resurrectionem ascendit, descensurum esse, ut de Angelis, & de toto humano genere judicet.

Christus ea judiciaria potestate fruatur, ut est homo, cum (ut ipse ait in Evangelio Joann. 5.) Pater dederit ei judiciū facere, *quia Filius hominis est*. Fruatur quoque, prout est Deus, cum prout Verbum, sit ipsamet Patris sapientia. Judicabunt pariter cum eo

aliæ

aliæ Trinitatis personæ, sed prout est homo, exterius profert latam à se & ab alijs personis condemnationis, aut justificationis sententiam.

7. Q. Quis est sensus octavi articuli: *Credo in Spiritum Sanctum*?

R. Profitemur 1. Tertiam esse in divinis Personam, quæ dicitur *Spiritus sanctus*, non quidem quodd aliæ personæ non sint pariter Spiritus, sed quodd illius à Patre & Filio emanationi per amorem nomen proprium tribuere non possimus: nulla nimirum est in creatis similis emanatio: undè ut personam illam designemus, uti cogimur communi nomine.

Profitemur 2. credere nos, illam tertiam Personam Deum esse: idque exprimitur per præpositionem IN. Credere nimirum in aliquem, est (ut jam superius observatum est) in eo spem ponere suam, ad eumque tanquam ad finem ultimum totis viribus contendere.

18. Q. Quænam est sententia articuli noni: *Credo sanctam Ecclesiam Catholicam, Sanctorum communionem*?

R. Credimus 1. extare congregationem fidelium sub uno invisibili Capite Christo, & visibili ejus Vicario, Romano Pontifice & Episcopis quos sub eodem Pontifice Romano Spiritus sanctus posuit regere Ecclesiam Dei, quam acquisivit sanguine suo.

Credimus 2. eam fidelium congregationem esse sanctam, & quidem 1. in pluribus illius membris intrinseca sanctitate per charitatem quæ diffusa est in cordibus eorum, per Spiritum sanctum qui datus est eis: sanctitate doctrinæ; non enim aliam profitetur, quam eam quam non intercepta traditione recepit ab Apostolis: 3. sanctitate cultus, pii nimirum sunt ritus quibus Deum colit; sancta Sacramenta quibus initiat, nutrit, & fovet credentes.

Credimus 3. eam esse Catholicam, hoc est, ubique, saltem moraliter diffusam: pauci nimirum sunt

terrarum anguli, in quibus Ecclesia non emineat. Vide quæ de iis, pluribusque aliis Ecclesiæ dotibus, hujusce Compendii prima parte, de hocce argumento tractantes, fusè diximus.

Credimus 4. hac altera articuli noni parte, *Sanctorum communionem*, varia ac multiplicia dona, quibus Ecclesia ornata est, singulis fidelibus esse quoad fructum communia: ita ut licet omnes gratiam sanctificantem non habeant, nec instructi sint donis gratuitis, quæ passim gratiæ gratis datæ nominantur; ea tamen dona, ad cujusque Ecclesiæ membri salutem aliquo modo conferant; ita ut conversionis donum quod Deus pluribus impiis existentibus in Ecclesiæ sinu largitur, effectus sit casti gemitus columbæ, seu justorum hominum in quibus (ut ait S. Paulus. Rom. 8.) *Spiritus sanctus postulat pro nobis gemitibus inenarrabilibus*.

19. Q. Quis est sensus articuli decimi: *Remissionem peccatorum*?

R. Articulus ille definit, verè dari in Ecclesia remissionem peccatorum, tum per Baptismum quo initiantur illi qui nomen dant Ecclesiæ, tum per Sacramentum pœnitentiæ, in quo Ecclesia utitur potestate hisce verbis à Christo sibi tradita, Joan. c. 20. *Quorum remisistis peccata, remittuntur eis; & quorum retinueritis retenta sunt*: tum denique in oratione quæ levia delicta dimittit; unde est illud Augustini: *Ergo tribus modis dimittuntur peccata in Ecclesia, in Baptismate, in oratione, in humilitate majoris pœnitentiæ*.

20. Q. Quæ est sententia articuli undecimi: *Carneis resurrectionem*?

R. Testamur credere nos; animam quæ per mortem à corpore separata fuerit, iterùm illi conjungendam esse: idque ut referat unusquisque prout gessit in suo corpore sive bonum, sive malum, *Credimus etiam* inquit Augustinus in Sermone de Symbolo,

ad Catechumenos) resurrectionem carnis, qua præcessit in Christo, ut hoc etiam speret corpus, quod præcessit in Christo.

21. Q. Quis est sensus articuli duodecim: *Vitam æternam?*

R. Profitemur credere nos, homines qui divina mandata servaverint, consecuturos esse beatitudinem, quæ divinæ essentiæ intuitivam (ut vocant) visionem, amorem, & consequentem ex actu illo duplici delectationem & quietem includit.

22. Q. Quot & quænam sunt fidei principia?

R. Quatuor sunt, divinæ nimirum gratiæ motus, intellectus, voluntas, & motiva credibilitatis.

23. Q. Quomodo Intellectus & Voluntas concurrunt ad fidem?

R. Intellectus concurret per sui convictionem; Voluntas verò per consensum, approbationem & imperium: hincque patet discrimen quod reperitur inter hominum & diabolorum fidem; isti enim habent quidem convictionem, sed in eis nec consensus, nec approbatio revelatorum reperitur.

24. Q. Quomodo motiva credibilitatis ad fidem concurrunt?

R. Concurrunt per modum conditionis requisitæ: scilicet determinant Intellectum, ut prudenter judicet aliquem articulum esse à Deo revelatum.

25. Q. Cujus generis debent esse credibilitatis motiva?

R. Debent esse evidentiæ: quia debent Intellectum reddere certum de revelatione; hoc est efficere debent, ut Intellectus certò judicet articulum qui credendus proponitur, esse à Deo revelatum: unde meritò ab Innocentio Papa XI. & postea a Clero Gallicano ad Comitia generalia anno 1705. coactò damnata fuit hæc præpositio: *Assensus fidei supernaturalis & utilis ad salutem, stat cum notitia solam probabili revelationi; imò cum formidine quæ*
quis.

quis formidet ne non sit locutus Deus.

26. Q. Fides & Scientia possuntne in eodem homine circa idem objectum reperiri?

R. Non possunt: quia fides est essentialiter obscura; hoc est, de objecto quod obscurè cognoscitur: è contrà verò scientia est essentialiter evidens, seu de objecto quod cognoscitur evidenter: unde est illud Gregorii Magni: *Apparentia non habent fidem, sed agnitionem. Hoc veraciter dicitur credi, quod non valet videri.* Hausit Gregorius doctrinam illam ab Apostolo qui fidem sic definiit, Heb. c. 11. *Sperandarum substantia rerum, argumentū non apparentium.*

Obj. Qui demonstrationem habet de existentia Dei, debet illam credere: omnibus enim & singulis hominibus in Symbolo credenda proponitur: ergo, &c.

Resp. Ad 1. nego ant. Ad 2. dist. ant. Existentia Dei, ut Authoris gratiæ, omnibus credenda proponitur, conc. ant. ut Authoris naturæ, nego ant. Hinc est illud Apostoli, Heb. c. 11. *Accedentem ad Deum oportet credere quia est, & quòd inquirentibus se (ex auxilio gratiæ) remunerator sit.*

27. Q. Actus fidei fuitne semper ad salutem necessarius necessitate medii?

R. Fuit adultis omnibus: quia (ut ait Apostolus, Heb. c. 11.) *sine fide impossibile est placere Deo.*

28. Q. Quænam explicitè creditu necessaria sunt necessitate medii?

R. Credi debet 1. existentia Dei, ut Authoris supernaturalis, & operum supernaturalium remuneratoris: *Credere enim oportet* (ait Apostolus ad Hebræos 11.) *accedentem ad Deum, quia est, & quòd inquirentibus se remunerator sit.*

Credi debet 2. Incarnationis & mortis Christi mysterium, juxtà illud Concilii Tridentini sess. 6. cap. 6. *Credentes, vera esse quæ divinitus revelata & promissa sunt: atque illud in primis à Deo justificari*

impium per gratiam ejus, per redemptionem quæ est in Christo Jesu. Unde est illud Actuum 4. Non est in aliquo alio salus: neque enim est aliud nomen sub caelo, in quo oporteat nos salvos fieri.

Credidebet 3. tertiam esse in divinis personam, quæ vocatur Spiritus sanctus: scilicet (ut habetur Actuum 29.) Spiritum sanctum Apostolus Ephesios non permisit ignorare: cum enim ab eis quæsiisset, an Spiritum sanctum acceperissent, illique se ne si Spiritus quidem esset scire respondissent, statim interrogavit: *In quo ergo baptizati estis?* At (ut monet Catechismus Romanus) iis verbis distinctam de Spiritu sancto fidem absolutè, seu necessitate medii, necessariam esse docuit.

Credi debet 4. mysterium sanctissimæ Trinitatis: unde est illud Christi mandatum in Evangelio Matt. 28. *Docete omnes gentes baptizantes eos in nomine Patris, & Filii, & Spiritus sancti.*

29. Q. Fides in quid ultimò resolvitur?

R. Resolvitur 1. in revelationem divinam, tanquam in causam assensus: quia divina revelatio est ultimum medium propter quod intellectus adhæret alicui propositioni.

Resolvitur 2. in auctoritatem Ecclesiæ tanquam in ultimam regulam per quam divina revelatio cognoscitur: ordinariè nimirum non est alia regula per quam certi sumus aliquem articulum fuisse revelatum.

Resolvitur 3. in motiva credibilitatis tanquam in conditionem: scilicet sine ea conditione non habetur certitudo de facta revelatione.

Sic igitur fides procedit. 1. Judicamus propter evidentia motiva credibilitatis, divinam esse Scripturarum auctoritatem. 2. In Scripturis reperiuntur & Ecclesiæ infallibilitas & auctoritas Traditionis. 3. Credimus ea omnia quæ Ecclesia tanquam revelata nobis proponit. 4. Ratio formalis propter quam

De Deo Ultimo Fine **Toꝝ**

quam credimus ea omnia quæ nobis ab Ecclesia proponuntur, est autoritas Dei revelantis, qui nec falli, nec fallere potest.

§. II.

De Spe :

1. *Quæst.* **S**pes prout est virtus Theologica, quomodo definitur?

R. Definitur : Virtus, per quam, cum fiducia beatitudinem æternam Dei auxilio comparandam expectamus.

2. *Q.* Spes, virtus Theologica ; quomodo dividitur?

R. Eodem modo quo fides : alia est enim actualis, alia habitualis ; alia infusa, alia acquisita ; alia explicita, alia implicita ; alia informis, alia formata. Vide quæ de similibus fidei divisionibus paragrapho 1. dicta sunt.

3. *Q.* Quotuplex est objectum Spei ?

R. Duplex : Materiale & Formale. Primum ; definitur res quæ speratur ; alterum, est motivum propter quod aliquid speratur.

4. *Q.* Quodnam est objectum materiale Spei ?

R. Præmarium objectum materiale Spei est Deus ipse ; quia Deus primario & per se, à Spei virtute expectatur : Secundarium verò, sunt media quibus Dei possessio comparari potest : virtus enim quæ inclinatur ad finem, movet & ad media quibus ille finis potest comparari.

5. *Q.* Quodnam est objectum formale Quod Spei ?

R. Est Dei bonitas, sive in se ipsa consideretur, sive prout est objectum in quo sita est creaturæ rationalis beatitudo. Scilicet hæc in terris expectamus, nos Deum sub utroque illo respectu possessuros esse in cælis. Unde est illud Augustini in Psalmum 134. *Sic amare debes, ut ipsum pro mercede desiderare non desinas :*

Obj. Desiderare Deum aut tanquam mercedem, aut tanquam objectivam hominis beatitudinem, est Deum ad creaturas ultimè referre: quod non licet: ergo, &c.

R. Dist. ant. Si illa merces, si illa beatitudo sint aliquid aliud à Dei cognitione & amore, conc. ant. si non sint aliquid aliud, nego ant. Unde est illud Augustini in libro 14. de Civitate Dei cap. 4. *Bonnum nostrum nullum est aliud quàm illi (Deo, per perfectam cognitionem, & per perfectum amorem) inharere.*

6. Q. Quodnam est objectum formale *Quo Spei?*

R. Est promissio divina: idè enim beatitudinem expectamus cum fiducia, quòd Deus illam promiserit iis, qui ad finem usque perseveraturi sunt in iustitia.

7. Q. Spes estne in Beatis respectu visionis beatificæ?

R. Non est: quia spes essentialiter tendit in bonum absens; & in hoc differt à charitate, quæ abstrahit an bonum sit absens, aut præsens: Unde est illud Apostoli ad Rom. 8. *Spes quæ videtur, non est spes.*

8. Q. Spes estne in damnatis?

R. Non est: quia cum non apprehendant summum bonum tanquam comparatu possibile, illud cum fiducia expectare non possunt.

9. Q. Spes estne in hæreticis?

R. Non est: quia in eis non sunt vera merita, nec esse possunt, quandiu adhærebunt hæresi.

10. Q. Spes potestne reperiri in impio fideli?

R. Potest: licet enim actus non habeat merita, quibus spes nititur, ab eo tamen expectari possunt cum Dei auxilio comparanda.

11. Q. Virtus & actus Spei, habentne locum in iustis viatoribus, quacunque sint perfectione præditi?

R. Habent. Scilicet in eis est expectatio cum fiducia

ducia futuræ Dei possessionis . Præterea quo major est in viatoribus charitas , ed majus est possessionis Dei desiderium cum magna fiducia conjunctum : Vnde est illud Augustini in libro 8. de Civit. Dei cap. 10. *Quid est ergo amor , nisi quadam vita , duo aliqua copulas , vel copulare appetens , amantem scilicet , & quod amatur .* Tandem omnibus viatoribus vita æterna (ut definit Concilium Tridentinum sess. 6. cap. 16.) tanquàm merces , tanquàm corona justitiæ , proponi debet .

Obj. Actus quo Deus expectatur tanquàm objectiva beatitudo , includit *proprium interesse* creaturæ : sed *proprium interesse* repugnat statui perfectorum , qui sibi unice Dei voluntatem & gloriam proponere debent .

R. Dist. maj. includit *proprium interesse* quod ad Dei gloriam ultimò referatur , conc. maj. scilicet illud interesse nihil aliud est , quàm plena à servitute tùm peccati , tùm concupiscentiæ libertas , per quam anima perfecte Deo serviat per cognitionem & amorem . Includit *proprium interesse* quod ad Dei gloriam ultimò non referatur , nego maj.

Obj. 2. Amor quo Deus tanquàm merces desideratur , est mercenarius : ergo repugnat statui perfectorum .

R. Nego ant. Scilicet ea merces non est aliquid à Deo distinctum , sed est Deus ipse intuitiva cognitione & perfecto amore possidendus : *Premium Dei* (ait Augustinus in Psalmum 72.) *ipse Deus est .*

Q. Quænam sunt Spei proprietates ?

R. Duæ sunt : Prima , est certitudo ex parte sperantis , si servet præcepta ; sed præcipuè divina promissione nixa : unde ad Hebræos 6. dicitur animæ anchora firmissima . Altera , est necessitas , tùm ad consequendam justificationem , tùm ad implendum præceptum quo jubemur in Deo spem collocare nostram .

§. III.

De Charitate.

1. *Quaest.* Quid est Charitas, prout est virtus Theologica?

R. Est virtus qua Deus propter se diligitur, & qua creatura rationalis se ipsam, & proximum propter Deum diligit.

2. Q. Charitas quomodo dividitur?

R. Dividitur in actualem & habituales; in acquisitam & infusam; in perfectam, & imperfectam. Vide quæ de Fidei divisione superius dicta sunt.

3. Q. Quid est Charitas perfecta?

R. Est ea qua Deus multum intensè, hoc est cum magno fervore super omnia diligitur: de ea loquitur Concilium Tridentinum sess. 14. cap. 4. versu, *Docet præterea.*

4. Q. Quid est Charitas imperfecta?

R. Est ea quæ aut non est super omnia, aut si sit super omnia, est in gradu valde remisso, seu paucissimos habet gradus: hoc est, non est (ut ait Catechismus Romanus) acris, vehemens, & intensa: quæque ob id ab Augustino parva & invalida vocatur.

5. Q. Quodnam est objectum materiale Charitatis?

R. Triplex, Deus, nos ipsi, & Proximus: tria nimirum illa objecta jubemur diligere.

6. Q. Quodnam est objectum formale Charitatis?

R. Est divina bonitas, vel in se sumpta, vel prout est nobis conveniens, ita tamen ut abstrahat ab illius possessione, & privatione: per quæ quidem ultima verba differt à Spe; cum hæc essentialiter supponat absentiam objecti quod per eam expectatur.

7. Q. Quodnam est subiectum Charitatis?

R. Sunt 1. iusti omnes: nempe Charitas habitualis (ut superius dictum est) non differt à gratia sanctificante: 2. sunt impii, sed pœnitentes, hoc est, homines qui licet jaceant in statu peccati mortalis, nec adhuc absolutione sacramentali donati sint, liberi sunt tamen ab affectu peccati mortalis.

8. Q. Actus Charitatis estne necessarius?

R. Impio necessarius est necessitate medii, ut justificationem consequatur, sive in sacramento Baptismatis, si sit adultus (ut suo loco probabimus,) sive in sacramento pœnitentiæ. Omnibus vero sive iustis, sive impiis, certis quibusdam temporibus necessarius est necessitate præcepti: non enim (ut advertit S. Thomas) habitus Charitatis, sed illius actus, præcipiuntur primo Decalogi mandato: *Diliges Dominum Deum tuum ex toto corde tuo.*

9. Q. Præceptum Charitatis in Deum estne speciale præceptum à cæteris omnibus distinctum?

R. Est speciale. Nam 1. ita definiit Innocentius XI. à quo, & postea à Clero Gallicano ad Comitia generalia anno 1700. coactò damnata fuit hæc propositio: *Præceptum amoris Dei & proximi non est speciale, sed generale, cui per aliorum præceptorum adimplentionem satisficit.* 2. Mandatum illud, à Christo dicitur Matthæi 22. *Primum & maximum mandatum.* 3. In Lege, Deuteronomii nimirum capite 6. Charitatis præceptum seorsim ab aliis omnibus mandatis traditum est.

10. Q. Quæ sunt in specie vitæ tempora, quibus tenemur actus Charitatis in Deum elicere?

R. Satis non est actum Charitatis semel in vita elicere: idque colligitur ex falsitate hujus propositionis ab Innocentio Papa XI. damnatæ: *An peccet mortaliter qui actum dilectionis Dei semel tantum in vita eliceret, condemnare non audemus.* Satis quoque non est, ut eliciatur intra aliquos annos: hinc

§. III.

De Charitate.

1. *Quaest.* Quid est Charitas, prout est virtus Theologica?

R. Est virtus qua Deus propter se diligitur, & qua creatura rationalis se ipsam, & proximum propter Deum diligit.

2. Q. Charitas quomodo dividitur?

R. Dividitur in actualem & habitualem; in acquisitam & infusam; in perfectam, & imperfectam. Vide quæ de Fidei divisione superius dicta sunt.

3. Q. Quid est Charitas perfecta?

R. Est ea qua Deus multum intensè, hoc est cum magno fervore super omnia diligitur: de ea loquitur Concilium Tridentinum sess. 14. cap. 4. versu, *Docet præterea.*

4. Q. Quid est Charitas imperfecta?

R. Est ea quæ aut non est super omnia, aut si sit super omnia, est in gradu valdè remisso, seu paucissimos habet gradus: hoc est, non est (ut ait Catechismus Romanus) acris, vehemens, & intensa: quæque ob id ab Augustino parva & invalida vocatur.

5. Q. Quodnam est objectum materiale Charitatis?

R. Triplex, Deus, nos ipsi, & Proximus: tria nimirum illa objecta jubemur diligere.

6. Q. Quodnam est objectum formale Charitatis?

R. Est divina bonitas, vel in se sumpta, vel prout est nobis conveniens, *Ita tamen ut abstrahat ab illius possessione, & privatione*: per quæ quidem ultima verba differt à Spe; cum hæc essentialiter supponat absentiam objecti quod per eam expectatur.

7. Q. Quodnam est subiectum Charitatis?

R. Sunt 1. iusti omnes: nempe Charitas habitualis (ut superius dictum est) non differt à gratia sanctificante: 2. sunt impii, sed pœnitentes, hoc est, homines qui licet jaceant in statu peccati mortalis, nec adhuc absolutione sacramentali donati sint, liberi sunt tamen ab affectu peccati mortalis.

8. Q. Actus Charitatis estne necessarius?

R. Impio necessarius est necessitate mediæ, ut justificationem consequatur, sive in sacramento Baptismatis, si sit adultus (ut suo loco probabimus,) sive in sacramento pœnitentiæ. Omnibus verò sive iustis, sive impiis, certis quibusdam temporibus necessarius est necessitate præcepti: non enim (ut advertit S. Thomas) habitus Charitatis, sed illius actus, præcipiuntur primo Decalogi mandato: *Diliges Deum tuum ex toto corde tuo.*

9. Q. Præceptum Charitatis in Deum estne speciale præceptum à cæteris omnibus distinctum?

R. Est speciale. Nam 1. ita definiit Innocentius XI. à quo, & postea à Clero Gallicano ad Comitia generalia anno 1700. coactò damnata fuit hæc propositio: *Præceptum amoris Dei & proximi non est speciale, sed generale, cui per aliorum præceptorum adimplentionem satisficit.* 2. Mandatum illud, à Christo dicitur Matthæi 22. *Primum & maximum mandatum.* 3. In Lege, Deuteronomii nimirum capite 6. Charitatis præceptum seorsim ab aliis omnibus mandatis traditum est.

10. Q. Quæ sunt in specie vitæ tempora, quibus tenemur actus Charitatis in Deum elicere?

R. Satis non est actum Charitatis semel in vita elicere: idque colligitur ex falsitate hujus propositionis ab Innocentio Papa XI. damnatæ: *An peccet mortaliter qui actum dilectionis Dei semel tantum in vita eliceret, condemnare non audemus.* Satis quoque non est, ut eliciatur intra aliquos annos: hinc

merito hanc aliam propositionem idem Innocentius Papa proscripsit: *Probabile est ne singulis quidem rigoroſe quinquenniis, per ſe obligare præceptum Charitatis in Deum.* Tandem ſatis non eſt ut eliciatur in articulo mortis. Hinc rejicienda eſt hujusce propositionis ab Innocentio XI. proſcriptæ doctrina: *Præceptum amoris Dei per ſe tantum obligat in articulo mortis.* Hinc concludendum eſt præceptum de quo agitur, ſæpius in vita obligare. Nempè Deuteronom. 6. Deus jubet ut ſemper & ubique præ oculis habeatur.

Dicendum eſt igitur obligare illud 1. cùm quis ad uſum rationis pervenit: ita docet S. Thomas 1. 2. q. 89. art. 6. ad 3. Obligat. 2. in mortali periculo vitæ: tunc enim tutò quiſque ſuæ ſaluti conſulere debet. Obligat. 3. ut homo per annum diù non ſit ad æſtimationem prudentum, quin per actum amoris ſuper omnia ad Deum ſeſe convertat.

11. Q. Quis & quotuplex eſt ordo Charitatis?

R. Eſt in Charitate aliquis ordo juxta illud Canticorum 2. *Ordinavit in me Charitatem.* Ille autem ordo, duplex eſt, *Dilectionis nimirum & beneficii.* Primus poſitus eſt in actu quo objectum aliquod propter illius dignitatem & meritum, præ altero diligitur. Secundus, eſt actus per quem uni ſubvenitur præ alio. Petiturque is ordo, aut ex carnis, aut amicitie, aut ſocietatis, aut alterius vinculi conjunctione cum perſona amante, vel tandem ex objecti infirmitate, aut indigentia. Ita docet Auguſtinus in libro 1. de Doctrina Chriſtiana cap. 27.

12. Q. Amor in Deum debetne eſſe ſummus?

R. Debet eſſe ſummus extenſivè, ſeu appretiati-
vè; quia Deus debet ſuper omnia diligere: debet quoque eſſe major intenſivè amore quo nos aut proximum diligimus: quia intenſio, aut fervor amoris debet, quantum hic patitur infirmitas noſtra, reſpondere dignitati rei amate: nempè recta ratio præ-

ſcri-

scribit ut objectum, quod cæteris per appetitionem anteponimus, intentius, hoc est, majori cum fervore diligamus.

13. Q. Amor Deo debitus debetne esse universalis?

R. Debet: nihil enim aliud præter Deum, aut sine ordine ad ipsum, diligere debemus. Solo nimirum Deo frui possumus, & creaturis omnibus uti: hoc est, soli Deo amore debemus ultimò inhærere: unde is quem creaturis debemus, est amor, non permanens in eis, sed ab ipsis ad Deum transiens. Ex eo verò principio concluditur teneri nos omnia opera nostra ad Dei gloriam ultimò, saltem virtualiter referre, juxtà illud Apostoli 1. cor. 10. *Sive manducatis, sive bibitis, omnia in honorem Dei facite:* necnon & hoc aliud 1. cor. 16. *Omnia vestra in charitate fiant.* Quæ quidem loca S. Augustinus & S. Thomas de stricto & riguroso præcepto interpretantur.

14. Q. Charitas Deo debita debetne ex præcepto divino esse perfecta in hac vita?

R. Non est necesse necessitate præcepti ut sit hæc in terris *omni ex parte* perfecta: nimirum propter concupiscentiam fieri non potest ut hæc perfectè Deum diligamus: hoc enim privilegium beatorum est, non viatorum.

Verùm licet ex præcepto non teneamur Deum in hac vita perfectè diligere: tenemur tamen pro virili parte cum Dei auxilio ad amoris perfectionem conari: unde (ut advertit Concilium Tridentinum Sess. 6. cap. 10.) Ecclesia amoris incrementum enixè in suis orationibus postulat: *Hoc verò (inquit) justitia incrementum petit sancta Ecclesia: cum orat: Da nobis fidei, sp̃s & charitatis augmentum.*

15. Q. Quid ex parte nostra exigit amor proximo debitus?

R. Exigit 1. ut illum non externo tantùm actu sed

sed etiam interno diligamus: actum enim internum importat vox *Diliges*, qua jubemur eum diligere. Exigit 2. ut peccanti, prudenter conferamus correctionis fraternæ remedium. Exigit 3. ut illi indigenti subveniamus per eleemosynam, & alia charitatis officia.

C A P U T VII.

De virtutibus Cardinalibus.

Nota. **V**irtutes Cardinales sunt ex quæ inter Morales præcipuum tenent locum: sunt autem quatuor, Prudentia, Justitia, Fortitudo & Temperantia.

§. I.

De Prudentia.

1. Quæst. Quid est Prudentia?

R. Est virtus, *Per quam in quovis negotiorum genere cognoscitur quid hic & nunc tamquam honestum agendum sit, aut quid fugiendum tanquam turpe.*

2. Q. Quotuplex est Prudentia?

R. Duplex: Personalis, & Gubernatrix. Prior, solum bonum operantis; posterior, bonum communis attendit.

Gubernatricis species, sunt, *Oeconomica*, qua quis rectè familiam gerit; *Politica*, qua curatur, ut in republica leges observentur; *Legislatrix*, qua conduntur justæ leges; *Militaris*, qua rectè administratur militia.

3. Q. Quodnam est objectum materiale Prudentiæ?

R. Sunt actus humani singulares, tota enim cir-

ea eis occupatur ; ad eorum scilicet aut electionem, aut omissionem liberum arbitrium movet , & inclin-
nat.

4. Q. Quodnam est objectum formale Prudentiæ ?

R. Est verum singulare , non quidem speculati-
vum , sed practicum , seu (quod idem est) confor-
mitas actionis singularis cum veritate practica.

§. II.

De Justitia ?

1. Quæst. Justitia prout est virtus moralis , quomodo
dò definitur ?

R. Definitur , *Consans & perpetua voluntas , ius
suum cuique tribuendi ad æqualitatem.*

2. Q. Quomodo Justitia dividitur ?

R. Dividitur in Commutativam , Distributivam,
& Legalem.

3. Q. Quid est Justitia Commutativa ?

R. Est ea per quam pars comparti quod suum est
tribuit.

4. Q. Quid est Justitia Distributiva ?

R. Est ea , quæ præmia , aut bona communia ci-
vibus distribuit .

5. Q. Quid est Justitia Legalis ?

R. Est ea per quam unaquæque pars se gerit, prout
expedit totius bono.

6. Q. Quænam est proportio ad quam Justitia
commutativa debet attendere ?

R. Est proportio æqualitatis arithmeticæ : nimi-
tùm efficit ut tantùm reddatur , quantum debetur,
nulla habita ratione dignitatis , aut meriti persona-
rum.

7. Q. Quænam est proportio , ad quam Justitia
Distributiva debet attendere ?

R. Est proportio æqualitatis geometricæ : ita ut,
qua-

qualis est proportio inter merita & dignitates eorum quibus fit distributio, talis etiam servetur in distributione bonorum.

8. Q. Quodnam est Objectum Justitiæ?

R. Sunt actiones quibus jus suum cuique tribuitur: nempe justitia actiones illas dirigit, præscribitque ut cum æquitate fiant.

9. Q. Quodnam est Subiectum Justitiæ?

R. Sunt personæ inter quas justitia potest habere locum.

10. Q. Quænam sunt in specie personæ, inter quas justitia potest habere locum?

R. Inter Deum & creaturam est imperfecta tantum justitia: unde Patres docuerunt eum qui peccat, reum esse injustitiæ in Deum; Idem dicendum est de filio respectu patris, & de servo respectu domini: unde si iste, invito domino, fugiat, reus est in herum suum injustitiæ.

11. Q. Quot & quænam conditiones requiruntur ad rigorosam, & strictè dictam justitiam?

R. Tres requiruntur. Nam 1. debet esse ad alterum: 2. debitum supponit: 3. Debet æqualitatem constituere.

12. Q. Quodnam est fundamentum justitiæ?

R. Est dominium: quod quidem definitur: *Facultas disponendi in proprium commodum de re aliqua tanquam sua ad omnem usum lege non prohibentum.*

13. Q. Quotuplex est dominium?

R. Multiplex. Aliud enim est dominium *propriæ*, de quo mox dictum fuit; & aliud, dominium *jurisdictionis*, quod quidem definitur, *legitima potestas regendi subditos liberos*. Aliud est *Utile*, quod confert rei, non proprietatem, sed usum tantum; aliud *Directum*, quod quidem importat aut solam rei proprietatem, si sit imperfectum; aut rei proprietatem & usum simul, si sit perfectum.

14. Q.

14. Q. Dominium quo fruitur homode quibus est rebus?

R. Jure creationis homo innocens dominium habuit in res omnes sublunares, juxta illud Scripturæ, Genesios 1. *Replete terram, & subjicite eam, & dominamini piscibus maris*. Illud verò dominium post peccatum remanet quidem in humano genere, sed non in quolibet illius individuo.

15. Q. Religiones possuntne habere dominium rei alicujus?

R. Possunt, sed non privati religiosi: quidquid enim acquirit Monachus, acquirit monasterio.

16. Q. Clerici habentne dominium in reddituecclesiasticos, ita ut non peccent *contra justitiam*, cum eos dilapidant?

R. Non habent. Nam Canones definiunt 1. Res Ecclesiasticas *Dei* esse, non Beneficiatorum: ita Can. 28. inter Apostolicos, quem sibi fecit proprium Tridentina Synodus. Definiunt 2. res Ecclesiasticas esse commendatas, non proprias: *Ut Episcopus* (ait Can. 13. Concilii IV. Carth.) *rebus Ecclesie tanquam commendatis, non tanquam propriis utatur*. Definiunt 3. Titulares esse earum Oeconomos tantum & dispensatores. 4. Eas res (teste Juliano Pomerio lib. 2. de vita contemplativa capite 9.) non aliud esse quam patrimonia pauperum, vota fidelium, & pretia peccatorum. Definiunt 5. furti reos esse, qui redditus Ecclesiasticos, post acceptam honestam sustentationem, in alios usus, quam in usus pios impendunt: *Quidquid* (ait Bernardus in Epistola ad Fulconem) *præter necessarium victum, ac simplicem vestitum de altari retinet, tuum non est, rapina est, sacrilegium est*.

Nec obest Ecclesiasticorum reddituum erectio in Beneficia, & in partes singulares. Nam pars sequitur naturam totius, illiusque oneribus subjacet.

17. Q. Clerici quibus satis est patrimonii, possuntne

suntne licitè vesci redditibus Ecclesiasticis?

R. Ex Hieronymo qui refertur à Gratiano in Canone *Clericos*; Juliano Pomerio in libro de vita contemplativa; Augustino in Epistola ad Bonifacium; Adriano Papa VI. in Commentarium in librum 4. Sententiarum; Alexandro de Hales; Dionylio Carthusiano; Thomassino nostro; Samborio Sorbonico Doctore, Casuum conscientiae tom. 2. pag. 114. editionis Pariensis; & tandem ex Genetio Episcopo Vasionensi; Clericis, de quibus agitur, licitum non est vesci ex redditibus Ecclesiasticis; ita ut si eis utantur, teneantur ad restitutionem. Quae in contrarium obijci solent argumenta, intelligi semper debent ex suppositione quod Clerici bonis Ecclesiasticis ad sui sustentationem honestam indigeant. Vide Concilium Aquilgranense, quod Juliani Pomerii non sensum tantum, sed & verba, sibi propria fecit, redegitque in Canonem.

18. Q. Unde exorta est Dominiorum origo?

R. Statim post peccatum, jure gentium coepit dominiorum origo: ac deinde jure civili & politico facta est in variis regionibus bonorum divisio.

19. Q. Quibus modis transferri potest dominium?

R. Transferri potest 1. per legitimum contractum: 2. per praescriptionem: 3. per jus haereditarium.

20. Q. Dominium transfertur per contractum jure naturae validum, sed cui desunt requisitae à jure civili solemnitates?

R. Non transfertur: illi nimirum contractus sunt irriti, etiam in foro conscientiae: quia Potestatis est Civilis praescribere condiciones ad contractuum validitatem spectantes, & pro bono communi impedire, ne dominium, non servatis illis conditionibus, transferatur. Unde est illud Augustini (tractatu 6. in Joannem, circa finem) *Quisquis possidet quidquid possidet, nonne jure humano? Tolle jura Imperatorum, & quis audet dicere; mea est illa villa?*

12. Q. Do-

21. Q. Dominium transfertur per legitimam præscriptionem?

R. Transfertur. Ita enim post antiquos Canones, definitum est in Concilio Lateranensi IV. cap. 41. Ita quoque docent S. Thomas quodlibet 12. art. 24. necnon Scotus in 4. Sent. dist. 15. q. 2.

22. Q. Quot & quam conditiones requiruntur ad legitimam præscriptionem?

R. Quinque requiruntur: 1. Ut res sit præscriptibilis: 2. ut sit rei continuata possessio: 3. ut ex parte possidentis sit bona fides: 4. ut adsit præsumptus titulus; unde latro præscribere non potest: 5. ut sit tempus lege definitum.

23. Q. Quomodo Contractus definitur?

R. Definitur: *Plurium ad idem placitum conventio liberè facta.*

24. Q. Quinam possunt contrahere?

R. II omnes quibus rerum & usus & proprietas conveniunt; servatis tamen servandis.

25. Q. Quenam est materia contractus?

R. Bona omnia, quorum contrahens habet & proprietatem & liberam administrationem.

26. Q. Contractus quomodo dividuntur?

R. In Innominatos, qui scilicet non habent speciale nomen, ut sunt *Da, ut des; Facio, ut facias*; & in Nominatos: quibus speciale nomen competit, ut sunt venditio & emptio.

Dividuntur iterum in Gratuitos, & Onerosos. Priores, ii sunt in quibus res aliqua datur nullo recipienti imposito onere: hujusmodi sunt Donatio, Commodatum, Precarium. Posteriores verb, in quibus pro dato aliquod onus imponitur recipienti.

Dividuntur tandem in contractus stricti juris & in contractus bonæ fidei. Primi, sunt ii in quibus iudex, ad verba contrahentium adstringitur: Alii verb, in quibus iudex potest ex æquo & bono non nihil arbitrari, quod licet à contrahentibus non fue-

fit expressum, subintellectum censetur.

26. Q. Dominium transfertur ne per ludum alea-
rum?

R. S. Thomas 2. 2. q. 32. art. 2. ad 7. docet
transferri, in iis locis in quibus ludi de quibus agi-
tur, non sunt legibus prohibiti: secus vero ubi veti-
ti sunt.

27. Q. Restitutio estne actus iustitiæ?

R. Est: quia ed spectat ut cuique jus suum tri-
buatur.

28. Q. Unde oritur Restitutionis obligatio?

R. Oritur ex quadruplici capite: ex acceptione
nimirum, ex cooperatione ad acceptionem; ex
parte rei acceptæ, & tandem ex parte damni quod
illatum est.

29. Q. Quot modis alienum accipi potest, cum
obligatione restitutionis?

R. Tribus modis: 1. illicitè nimirum, invito
rei Domino; ut fit per furtum & per rapinam; 2.
illicitè quidem, sed Domino consentiente, ut fit
in usurario contractu; 3. licitè & iustè, ut fit, cum
accipitur vel sub falso titulo qui putabatur verus,
vel ex suppositione alterius facti quod veritate mi-
nimè nititur.

30. Q. Quinam ratione cooperationis tenetur
ad restitutionem?

R. li omnes qui iniustæ & illicitæ acceptioni rei
alienæ efficaciter cooperati sunt: modi verb quibus
id fieri potest, sunt novem, hisce versibus con-
tenti.

*Iussio, Consilium, Consensus, Palpo, Rec-
ursus*

*Participans, Mutus, Non obstant, Non ma-
nifestans.*

31. Q. Quanam restitui debent ex parte rei
acceptæ?

R. 1. Res ipsa, si extet. 2. rei pretium, si non extet in
spe.

specie 3. accepta per contractum qui licet valeat habita ratione solius juris naturalis, legibus tamen civilibus irreti sunt & invalidi.

32. Q. Restitutio estne ad salutem necessaria?

R. Est, juxta illud Augustini in Epist. 54. *Non remittitur peccatum, nisi restituatur ablatum*, saltem in animi præparatione, si restitutio propter necessitatem ejus qui reus est, sit impossibilis.

33. Q. Quænam sunt causæ quæ eximunt à restitutione?

R. 1. Rei ex bona fide possessæ consumptio: 2. rei justè & licetè acceptæ interitus qui sine habentis culpa accidit, ut in Commodato, & Depolito evidens est.

34. Q. Unde petitur ordo qui debet in restitutione servari?

R. Petitur aut ex parte debitorum, aut ex parte creditorum: uterque autem ille ordo aut jure naturali, aut positivis legibus definitus est.

§. III.

De Virtutibus Justitiæ annexis.

1. Quæst. Quænam sunt virtutes quæ Justitiæ annexæ sunt; quæque integrales Justitiæ partes appellantur?

R. Novem à sancto Thoma recensentur: Religio, nimirum, Pœnitentia, Pietas, Observantia, Gratitude, Vindicta, Veritas, Amicitia & Liberalitas.

2. Q. Quid est Religio?

R. Est virtus quæ cultum Deo debitum præscribit: unde differt à Virtutibus Theologicis, quæ circa Deum immediatè versantur.

3. Q. Quinam sunt ætus Religionis?

R. Sunt Devotio, seu prompta Deo cum aliquo fervore serviendi voluntas; Adoratio, Sacrificium, Oblatio, Juramentum, Sanctificatio Sabbati, Oratio, Votum.

De Oratione.

1. *Quæst.* Quomodd definitur Oratio?

R. A sancto Thoma definitur. *Actus rationis practica, voluntatis desiderium explicans, & ab alio aliquid postulans.*

2. *Q.* Oratio estne lingulis hominibus ratione utentibus necessaria?

R. Est: & quidem 1. jure naturali; quælibet enim creatura rationalis debet adorationem, & gratiarum actionem Supremo rerum omnium Domino. 2. jure positivo divino: *Oportet* (inquit Christus Lucæ 18.) *semper orare & numquam deficere.*

3. *Q.* Oratio quomodd dividitur?

R. In publicam & privatam; in mentalem & vocalem. Flures utriusque species recenset Apostolus primæ ad Timoth. 2. *Obsecro igitur primùm omnium fieri Obsecrationes, Orationes, Postulationes, Gratiarum actiones pro omnibus hominibus.* Nempe per *Obsecrationes* Augustinus intellexit malorum deprecationes; per *Orationes*, petitiones bonorum quæ nobis sunt necessaria. Theodoretus per *Postulationes*, intelligit interpellationes; hoc est, adversariorum accusationes. Tandem per *Gratiarum actiones* intelligitur pia & grata accepti à Deo beneficii memoria.

4. *Q.* Oratio publica vocalis quomodd dividitur?

R. Dividitur in orationem quæ *Dominica* dicitur, & in orationem quæ vulgò dicitur *Breviarium*, seu horæ Canonice; hoc est, oratio quæ certis quibusdam horis, ex canonum præscripto recitandæ sunt.

5. *Q.* Ad quod capita reducuntur petitiones septem, quæ continentur in oratione Dominica; hoc est, ea oratione cujus formam Christus ipse tradidit Apostolis?

R. Ad capita duo: scilicet ad ea quæ ad Dei gloriam

riam promovendam, & ad ea quæ ad nos ipsos spectant.

6. Q. Quid petitur prima orationis Dominicæ petitione: *Sanctificetur nomen tuum?*

R. Oramus ut Dei nomen omnibus hominibus innotescat; ut omnes Deum fide, spe, & charitate colant: arque ita illud impleatur quod Malachias, cap. I. aliquando futurum prædixit: *Ab ortu solis usq; ad occasum, magnum est nomen meum in gentibus.*

7. Q. Quid altera petitione: *Adveniat regnum tuum*, postulamus?

R. Consecutionem æternæ beatitudinis quæ ita perfecta Dei cognitione, & perfecto illius amore consistit. Ubi enim eam fuerimus adepti, Deus perfecte regnabit in nobis, destructa nimirum cupiditate, & superatis omnibus hostibus nostris.

8. Q. Quis est sensus tertiæ petitionis: *Fiat voluntas tua?*

R. Deum rogamus ut jugiter nobis auxilia conferat, quæ efficiant ut ejus voluntatem, quam *Signi* vocant; hoc est, illius mandata, fideliter observemus, & quibus præparatam nobis ab æterno gloriam promereamur: *Hac est enim* (ait Apostolus secundæ ad Thessalon. 4.) *voluntas Dei, sanctificatio vestra.*

9. Q. Quid oramus quarta petitione: *Panem nostrum quotidianum da nobis hodie?*

R. Precamur ut Deusea suppeditet quæ ad vitam tum corpoream, tum spirituales sustentandam necessaria sunt; cibum scilicet & vestitum, concionum subsidia, utilem Sacramentorum, ac præsertim Eucharistiæ perceptionem; quæ quidem omnia panis *quotidianus* vocantur, quod his quotidie indigeamus, ac præcipuè Eucharistiæ fructu, quæ quotidianum est Christianæ Religionis sacrificium. Ità petitionem illam Cyprianus interpretatur.

10. Q. Quid oramus petitione quinta: *Dimitta nobis*

nobis debita nostra, sicut & nos dimittimus debitoribus nostris?

R. Deum rogamus ut peccata quorum reus sumus condonet nobis: siquidem *Debitorum* nomine non aliud intelligi potest, quam peccata; cum I. Lucæ 11. eadem de qua agitur petitio his verbis exprimitur: *Et dimitte nobis peccata nostra*. Cui quidem petitioni, hæc additur sententia: *Sicut & nos dimittimus debitoribus nostris*, qua non significatur Deum solitum esse nos imitari, sed ea docemur, illatæ nobis à fratribus injuriæ condonationem viam esse qua reatum nostrorum veniam à Deo impetremus.

11. Q. Quid sextâ petitione, *Ne nos inducas in tentationem*, postulamus?

R. Precamur (ajunt Hieronymus & Augustinus) non quidem ut non tentemur (plerumque scilicet tentatio perutilis est) sed ne tentatione superemur. Econtrâ (testibus Tertulliano & Chrysostomo) petimus ut tentatio ne quidem nos aggrediatur.

Duplicem illum sextæ petitionis sensum sic aucthores nonnulli, conciliant, ut velint, peccatum non committendum peti tanquam finem, immunitatem vero a tentatione tanquam medium: scilicet tentatio neminem urget, quin eum alicui periculo criminis exponat.

12. Q. Quis est sensus septimæ petitionis: *Libera nos a malo*?

R. Rogamus (secundum plures Patres Græcos) ne Diabolus inimicus noster nobis quidquam noceat: at secundum Latinos Patres, postulamus ut Deus nos liberet ab hujus vitæ calamitatibus, quibus post primi parentis peccatum sumus obnoxii.

13. Q. Estne præter allates Orationis Dominicæ sensus, aliquis alius, quem Patres tradiderint?

R. Est: scilicet Augustinus singulas (excepta tamen quinta) Orationis Dominicæ petitiones inter-

pre-

pretatur de dono perseverantiæ, quod iusti a Deo petunt in illa orationis formula quam Christus Apostolis præscripsit: *Cum* (inquit in libro de dono perseverantiæ cap. 2.) *ipsa Oratione, quæ Dominica nuncupatur, quia eadem Dominus docuit, quando oratur à Sanctis, nihil penè aliud, quàm perseverantia posci intelligatur.* Eiusdem libri cap. 5. hæc iterum habet idem sanctus Doctor, *Quinto orationis loco dicimus: Dimitte nobis debita nostra; sicut & nos dimittimus debitoribus nostris: In qua sola petitione non invenitur posci perseverantia.*

14. Q. Quid sunt Horæ Canonice?

R. Sunt preces vocales, ex præscripto Canonum, corporis Ecclesiæ nomine recitandæ a personis quibusdam, quibus id officii ac oneris impolitum est.

15. Q. Quæ personæ tenentur ad horas Canonicas?

R. Tenentur 1. constituti in aliquo ex sacris ordinibus: 2. Clerici beneficiati; nec Canones (ut advertit S. Antoninus) inter pingue & tenue beneficium distinguunt. 3. Religiosi professi in quibusdam religionibus, quæ Breviarii recitationem alumnis suis præscribunt. Responsum illud probari potest tum ex S. Thoma, Opusculo 65. cap. 1. tum ex Leonis X. Constitutione quæ incipit: *Suprema dispositionis*: tum ex Pii Papæ V. Bulla quæ incipit, *Ex proximo*: tum denique ex recepta ubique consuetudine, quæ vim legis habet.

16. Q. Suntne aliquæ causæ quæ eximant a recitatione Breviarii?

R. Suntne. Et quidem 1. morbus, quem ex medici iudicio augerent aut attentio debita, aut ipsa vocum prolatio: 2. Oculorum privatio, saltem quoad partes quæ non sciuntur memoriter, quæque cum socio, quem quis penes se habeat, recitari non possunt: 3. Officium charitatis, quod sine proximi

detrimento differri non posset.

17. Q. Quanam requiruntur ad debitam Breviarii recitationem?

R. Requiritur 1. ut illud numero officium recitetur, quod pro illa die præcipitur ab Ecclesia.

Requiritur 2. ut ii qui nulli Societati cui peculiare sit Breviarium, additi sunt, recitent aut Romanum, aut Horas quæ recitantur in Diœcesi ex qua oriundi sunt, aut in qua peregrinantes degunt: id enim innuit Augustinus Epist. 118. quæ est ad Januarium ubi asserit laudem mereri, qui honestis, & piis locorum consuetudinibus sese in praxi conformem exhibere conatur.

Requiritur 3. ut statis & determinatis a jure horis, Breviarium persolvatur: sed hoc ita dictum velim 1. ut non peccet lethaliter, qui ante mediam noctem totum diei officium recitat: 2. ut ne quidem venialiter delinquat, qui propter honestam aliquam causam aliquandiu vel antevertit, vel protrahit Canonicum tempus: 3. ut quis peccet tantum cum (ut ait Bellarminus) multum a præscripto tempore per incuriam & negligentiam recedit.

Requiritur 4. pietas: quæ quidem duo dicit, Attentionem nimirum ex parte intellectus, & nonnullam in impio, ex parte cordis, contritionem. Necessitas attentionis colligitur ex ipsa orationis natura, quæ, ex Augustino, non aliud est, quam pius mentis affectus in Deum directus. Alicujus, seu saltem inchoatæ contritionis necessitas in impio Canonicas horas recitante colligitur ex Scriptura: *Non est*, (inquit Ecclesiast. cap. 15.) *speciosa laus in ore peccatoris*, ejus scilicet cui nullo modo peccatum displicet.

18. Q. Quid sacri Canones statuerunt de Canonicis aliisque Clericis, qui in choro tenentur horas Canonicas recitare?

R. Ho-

De Deo Ultimo Fine. 121

R. Homines illi prohibiti sunt 1. ne secum invicem confabulentur: 2. ne litteras, aut alias scripturas legant: 3. ne cum in communi canuntur Horæ, privatim suum recitent officium: 4. ne exeant è choro ante finem horarum. Ita Concilium Basileense Sess.4.

Iussi sunt præterea 1. ut cum cæteris in choro cantant: 2. ut per se, & non per substitutos sua obeant officia; ex quo concluditur ordinariè peccare eos, qui Horarum minorum, Primæ nimirum, Tertiæ, Sextæ, Nonæ, & Completorii recitationem vicaria tantum opera in choro persolvunt; licet extrà chorum privatim recitent: 4. ut distributiones restituant, cum absuerunt à choro, aut quando cum cæteris confabulati sunt. Vide Concilium Tridentinum Sess.24. de reform. cap.12.

De Voto.

1. *Quæst.* **V**otum quomodo definitur?

R. *Definitur, Premissio Deo facta de meliori bono:* hoc est de bono quod non est impeditivum majoris boni: hincque patet, votum non idem esse cum simplici proposito aliquid agendi aut omittendi.

2. *Q.* Quomodo votum dividitur?

R. Dividitur 1. in Absolutum & Conditionatum. Istud emittitur supposita aliqua conditione; illud verò independentèr à quacumque conditione.

Dividitur 2. in Reale, Personale, & Mixtum. Prius, est illud quo res voventis Deo promittuntur. Alterum, quo persona, vel illius actio promittitur. Tertium, quo & persona, vel aliqua illius actio, & res illius promittuntur.

Dividitur 3. in Perpetuum, quod quidem fit absque ulla temporis limitatione, & in Temporale, quod emittitur tantum ad tempus.

Dividitur 4. in Solemne, & Simplex. Illud, æqua-

lem

lem ad præscriptorum ab Ecclesia rituum & formarum normam, personæ voventis traditionem includit. Istud verò, independens est à præscriptis ab Ecclesia ritibus. Prioris generis tria sunt tantum: emissæ nimirum in approbata religione vota Castitatis, Paupertatis, & Obedientiæ; alterius verò generis, alia quæcumque.

3. Q. Quænam est materia voti?

R. Non est 1. res illicita: 3. nec indifferens ad pietatem; sed est bonum possibile ac liberum.

4. Q. Quænam est forma quæ essentialis est voto?

R. Non est voluntas adimplendi quod promittitur; scilicet promissio, & illius executio à se invicem distinguntur: sed est promissio per quam de re aliqua facienda aut omittenda Deo se quis astringit. Ita docet Sanctus Thomas 2. 2. q. 88. art. 4.

5. Q. Quinam vovere possunt?

R. Omnes ii qui ratione fruuntur, & sui sunt juris quo ad rem quam vovent & promittunt.

6. Q. Quinam sunt votorum effectus?

R. Votum 1. ligat emittentem, juxta illud Ecclesiast. 5. *Quodcumque voveris, redde.* 2. Efficit ut opus sit magis meritorium, quia efficit ut actus procedat non tantum ex speciali virtute cujus est actus, sed etiam ex virtute Religionis. 3. Si sit solemne, irritum reddit subsequens matrimonium: non quidem (ut probabilior fuit sententia) jure naturali, sed Ecclesiastico tantum.

7. Q. Vota quot modis mutari possunt?

R. Mutantur 1. per irritationem: 2. per commutationem: 3. per dispensationem, quæ quidem fieri debet ex gravi causa. Dispensatio autem ad Prælatos tantum spectat, quia eiti effectus jurisdictionis. Tria sunt tantum in quibus (ex recepta ubique consuetudine) solus Pontifex Romanus dispensare potest: nempe votum perpetuæ castitatis,

votum dandi nomen approbatæ religioni: votum perigrinationis aut ad Apostolorum limina, aut ad S. Jacobum Compostellensem, aut ad loca sancta, quæ jam in Palæstina à Turcis occupantur.

De Juramento.

1. *Quæst.* Juramentum quomodo definitur?

R. Juramentum definitur, *invocatio Divini Nominis ad faciendam fidem.* Unde S. Thomas 2.2.q.89.art.4. docet quod *assumere Deum in testimonium, dicitur jurare.* Hinc etiam sic loquitur Augustinus in Sermone de perjurio: *Quid est jurare, nisi testis est Deus?*

2. *Q.* Cur Juramentum dicitur *invocatio?*

R. Ut doceatur differre Juramentum à citatione sacræ Scripturæ, ut aliquid probetur.

3. *Q.* Ad Juramentum, requiritur ne ut *expressè* divinum Nomen invocetur?

R. Non requiritur, sed satis est ut in creaturis invocetur, ut patet tum ex capite 13. tum ex cap. 25, Matthæi.

4. *Q.* Juratne qui per Idolum quod putat esse Deum verum, jurat?

R. Jurat. Ita Augustinus in Epistola 47. n. editæ ad Publicolam. Unde concludit quod Gentilis qui per Deos suos falsum jurat, sit perjurus.

5. *Q.* Ad Juramentum requiritur ne ut proferantur quædam verba quibus exprimatur Divini Nominis invocatio?

R. Non requiritur, absolutè loquendo; nempe Juramentum se habet sicut votum; quod quidem sola promissione facta Deo continetur, quamvis promissionem illam nulla verba, aut signa expriment.

6. *Q.* Juramentum estne per se malum?

R. Malum non est, si ipsum debitis conditiones

comitentur. Nempè Deus ipse juravit: *Per memet-
ipsum* (inquit Genesios cap. 22.) *juravi dicit Do-
minus*. Juravit & Apostolus: *Testis autem mihi est
Deus* (ait ad Romanos cap. 1.) *quod sine intermis-
sione memoriam vestri facio*. E contra malum est, si
debitis conditionibus destituatur..

Obj. 1. Christus Matthæi 5. absolutè prohibet Ju-
ramentum: *Ego autem dico vobis non jurare omni-
nò*; ergo, &c.

R. *Intelligendum est* (verba sunt Augustini in li-
bro de Mendacio, cap. 3.) *Illud quod dictum est,
OMNINO, ad hoc positum, ut, quantum in te est,
non ames jurjurandum.*

Obj. 2. Christus vetat, ne ultra *Est, Est, Non,
Non*, aliquid addatur: *Quod amplius est* (inquit)
à malo est.

Resp. Dist. ant. A malo est hominis cui juratur,
con. ant. A malo est jurantis, nego ant. *A malo est*
(inquit Augustinus in Sermonem Christi in monte)
illius, cujus infirmitate jurare cogaris: infirmitas
enim est, quod promittenti non credat sine adhibi-
to Juramento.

7. Q. Juramentum per creaturas, estne juramen-
tum strictè & rigorosè dictum?

R. Est. Quia creaturæ invocantur in testes, quod
in eis eluceant nonnulla Dei attributa: Unde
Christus Matthæi 5. vetat ne, ubi defunt conditio-
nes requiritæ, juretur per cælum, aut per terram,
aut per caput alicujus.

8. Q. Quotplex est Juramentum, seu quomodo
Juramentum dividitur?

R. Dividitur 1. in Assertorium, quo nimirum
res aliqua præsens aut præterita affirmatur, aut ne-
gatur; & in Promissorium, quo confirmatur res
futura quæ promittitur.

Dividitur 2. in Contestatorium, Execratorium,
& Comminatorium. In primo, simplex est invoca-
tio

tio divini Nominis; in altero inducitur creatura aliqua, in qua divinum iudicium exerceatur; in tertio, confirmatur comminatio mali quod jurans alicui minatur.

Dividitur 3. in Absolutum & Conditionatum. In primo, nulla ne tacita quidem conditio reperitur: in altera verò aut exprimitur, aut subintelligitur à jure aliqua conditio; ut cum quis cum Juramento puellæ promisit matrimonium, subintelligitur enim juris conditio, si nempe illa puella in fornicationem non incidat.

9. Q. Quot condiciones requiruntur ut Juramentum sit licitum: seu ut non sit peccatum?

R. Tres requiruntur: *Jurabis, vivit Dominus* (Jeremiæ 4.) *in Veritate, in Judicio, & in Justitia*: ita verò necessariæ sunt illæ condiciones, ut si vel una desit, Juramentum sit illicitum: *Si ista defuerint* (ait Hieronymus in caput 4. Jeremiæ) *nequaquam erit Juramentum, sed perjurium.*

10. Q. Quid intelligitur per *Veritatem*, quæ prima est Juramenti liciti conditio?

R. 1. Intelligitur in Juramento Assertorio conformitas rei assertæ aut negatæ cum ipsa assertione aut negatione. Peccat verò contra veritatem illam tum is qui affirmat quod scit esse falsum; tum is qui dubitat, an sit falsum; tum etiam qui verum jurat, quod falsum putat ex errore; *Nisi tamen* (ait Catechismus Romanus) *quantum potuit, curam & diligentiam adhibuerit, ut totam rem compertam atque exploratam haberet.*

R. 2. Per veritatem intelligitur in Juramento Promissorio, 1. conformitas promissionis cum intentione id agendi quod promittitur. Intelligitur quoque 2. executio ipsius rei promissæ, cum tempus de quo conventum est, acciderit. Intelligitur 3. conformitas rei promissæ cum expectatione ejus cui juratur; unde S. Augustinus ait: *Perjuri non sunt qui*

qui verbis non servatis, illud quod ab eis, cum iurarent expectatum est, impleverunt: & perjuri sunt, qui etiam servatis verbis, expectatione eorum quibus iuratum est, decipiunt. Vide propositiones hac in causa damnatas à Clero Gallicano ad Comitata generalia coactio anno 1700.

11. Q. Quid intelligitur per *Judicium*, quod requiritur, ut Juramentum sit licitum?

R. Intelligitur discretio, ita ut temerariè non juretur: ad eam autem discretionem requiritur 1. ut non juretur sine gravi necessitate: *Quantum ad me pertinet* (ait Augustinus, Sermo 30. de Verbis Apostoli) *juro, sed quantum mihi videtur, magna necessitate compulsus*. Requiritur 2. ut accurata diligentia præcesserit in examine rei quæ promittitur: ita ut attentata fuerit tum interna mentis dispositio ad id faciendum quod promittitur; tum etiam potentia, seu facultas cum tempus conventum adveniret promissum exequendi.

12. Q. Quid debet intelligi nomine *Justitia* in Juramento requisita?

R. Intelligi debet æquitas, seu bonitas moralis, rei quæ per juramentum affirmatur, negatur, aut promittitur: Porro (ait Canon *inter cætera*, caus. 22. q. 4.) *Juramentum non ad hoc institutum invenitur, ut esset vinculum iniquitatis*.

13. Q. Teneturne stare promissis qui rem licitam voluntariè cum Juramento promissit?

R. Tenetur: alioquin enim Deum redderet, quantum in se est, testem falsitatis & mendacii: unde eib. illud Script. Matt. c. 5. *Reddes Domino juramenta tua*.

14. Q. Ad quid obligant Juramenta Promissoria vi aut metu extorta?

R. Obligant ad sui executionem, si fuerint de re honesta & licita. Ita Alexander Papa III. capite. *Si verò Extr. de jurejurando*.

15. Q. Estne licitum in certis casibus Juramentum ab alio exigere.

R. Li.

R. Licitum est : nempè certi sunt casus , in quibus id interest aut privatorum hominum , aut Reipublicæ : *Quamvis* (ait Augustinus in Epist. 47. n. edit. ad Publicolam) *dictum sit ne juremus, nusquam autem in Scripturis sanctis legi meminerim , ne ab aliojurati onem accipiamus.*

16. Q. Estne licitum Juramentum exigere ab infideli qui per idola sua juraturus est ?

R. Licitum est , ubi gravis urget necessitas : quia tunc non postulatur ut per sua idola juret, hoc enim ex se malum est, sed simpliciter ut juret ; quod quidem potest , si velit , benè aut malè facere . Ita post Augustinum S. Thomas 2. 2. q. 89. articulo 4. ad 4.

1. Q. Licetne Juramentum ab eo exigere qui perjuraturus prævidetur ?

R. Non licet : nullum enim emolumentum ex eo Juramento refert is qui illud exigit : unde Augustinus de verbis Apostolis Serm. 28. Jurationis in eo casu postulationem damnat . Ab ea tamen lege excipitur judex qui ad postulationem litigantis, Juramentum exigit : *Quia* (ait S. Thomas) *non videtur ille exigere , sed ille ad cujus instantiam exigit.* Conditiones tamen nonnullæ sunt , quas judex servare tenetur , ut licitè possit ad partis instantiam, ab alia Juramentum exigere .

18. Q. Juramentum potestne aliquando irritum fieri ?

Potest à superiore , in iis tamen rebus ratione quarum , jurans est illi inferior .

19. Q. Juramentum potestne remitti aut relaxari ?

R. Potest : ab eo nimirum in cujus gratiam & favorem præstitum fuit . Ita S. Thomas 2. 2. q. 89. art. 9.

20. Q. Ecclesia potestne remittere Juramentum quod in favorem tertii præstitum est ?

R. Potest , si injustè exactum fuerit , ut videre est in

in Gregorianis Decretalibus, titulo *De his quæ vi metusve causa fiunt*, & titulo, *De iurejurando*. E contra, si iustè fuerit exactum, non solet Ecclesia dispensare aut relaxare: æquum enim est ut concessæ ab Ecclesia relaxationes aut dispensationes non sint in detrimentum tertii.

21. Q. Ecclesia potestne in certis casibus dispensare ab observatione Juramenti?

R. Non potest permittere ut qui juravit, contra suum iuramentum agat. Sed potest efficere (teste S. Thoma 2. 2. q. 89. art. 9.) ut id quod sub Juramento cadebat, sub Juramento non cadat, quasi non existat amplius debita materia Juramenti.

22. Q. Quis inter Prælatos potest in Juramento dispensare?

R. Episcopi in iis omnibus dispensare possunt, quorum materia non est reservata Summo Pontifici; imò & in istis, si dubia sint.

De Sanctificatione Sabbati.

1. Quæst. Quam diem in hebdomada Judæi quondam Sanctificatione tenebantur.

R. Septimam, quæ quidem vocatur *Sabbatum*, eo quodd ea die Deus requieverit ab omni opere quod patrarat: nimirum intrâ sex dies completa fuit Universi creatio.

2. Q. Quam hebdomadæ diem Christiani tenentur Sanctificare?

R. Primam, quæ quondam apud Gentiles dicebatur *Dies Solis*; nunc verò Dominica dies, eo quodd ea ipsa die Christus à mortuis resurrexerit. Mutationis Sabbati in diem Dominicam Apostoli tamquam Ecclesiæ Christianæ Pastores authores fuerunt: unde ubique gentium illa mutatio servata fuit à Christianis.

3. Q. Suntne aliquæ dies præter Dominicam, quæ Christi

Christiani sanctificare teneantur?

R. Sunt, nimirum dies festi quos Ecclesia successu temporum instituit. Eadem enim hoc in capite, potestate fruitur, qua usi sunt Apostoli, cum die septimæ substituerunt primam.

4. Q. Quis est sensus præcepti de Sanctificatione Sabbati?

R. Nonnulla vetat jure naturali, alia jure divino, alia Ecclesiastico: nonnulla etiam præcipit tum interna, tum etiam externa, ut ex responsis ad subsequentia quæ sita patebit.

5. Q. Quænam sunt in genere, quæ jure naturali vetita censentur per præceptum de Sanctificatione Sabbati?

R. Jure naturali, prohibentur ea omnia quibus ita mens disponitur, ut de Deo cogitare non possit, & cor ita avertitur, ut debitum Deo cultum exhibere non valeat. Nempè festivis diebus jubemur id implere quod Christus præcipit in Evangelio Joan.

4. *Veri adoratores adorabunt Patrem in Spiritu & veritate*: ac proinde ab iis abstinere quæ adorationem illam impedire possunt.

6. Q. Quænam sunt in specie, quæ die Sabbati prohibentur?

R. Prohibetur 1. peccatum: quia maximè avertit à Dei cultu qui Deo die Sabbati debetur: Ideo (ait S. Thomas 2. 2. q. 122. art. 4. ad 3.) *magis contra hoc præceptum agit qui peccat in die festo, quam qui aliud corporale opus licitum facit.*

Prohibentur 2. opera servilia: *Omne opus servile (Leviticus 23.) non facietis in tempore illius diei.* Per opera autem servilia intelliguntur ea: Quæ (ait S. Thomas) *proprie pertinent ad servientes*; seu quæ domini à servis exigunt.

Prohibentur 3. opera omnia mechanicæ, seu earum artium quæ ab iis quos vulgò artifices vocant, exerceri solent.

Prohibentur 4. venatio, clamorosa præsertim, nundinarum celebratio, strepitus forensis, & nonnulla alia quæ legere est tum in Decreto Gratiani, tum in Decretalibus Gregorii IX.

7. *Q. Quid in genere, faciendum injungitur præcepto de Sanctificatione Sabbati?*

R. Præcipitur *in genere*, ut debitus Deo cultus exhibeatur; est enim præceptum de quo agitur, quædam determinatio legis naturalis, qua creatura rationalis debet in Spiritu & veritate adorare eum, qui sui est & auctor & finis ultimus.

8. *Q. Quid in specie faciendum injungit præceptum de Sabbati Sanctificatione?*

R. Injungit 1. ut dies Sabbati piis operibus tota, loquendo moraliter, impendatur. 2. inter ea opera necessarium locum tenet pia auditio Missæ; hoc est, totius liturgiæ ad cujus normam Eucharistiæ Sacrificium offertur. Vide S. Thomam & alios auctores qui argumentum istud fusè pertractarunt.

9. *Q. Suntne aliquæ causæ quæ aliquando fideles eximant à præcepto de Sanctificatione Sabbati?*

R. Sunt: urgens nimirum necessitas, & dispensatio quæ legitimè & licitè obtenta fuerit.

De Beneficiis.

Nota. Cum ingressus in Beneficia, executio onerum quæ Beneficiatis imponuntur, & administratio proventuum qui ex Beneficiis oriuntur, ad virtutem Religionis pertineant: non abs re erit sub titulo *de Religionis* tractare de Beneficiis.

1. *Quæst.* Beneficium quomodo definitur?

R. Definitur jus percipiendi fructus ex bonis Ecclesiæ, ab Episcopo ordinatum, & Clerico concessum propter sacrum & Ecclesiasticum ministerium: unde habet regula juris: *Beneficium datur propter officium.*

2. *Q. Be-*

2. Q. Beneficia quomodo dividuntur?

R. Dividuntur 1. in Secularia, quæ non nisi Clericis secularibus dantur; & in Regularia ad quæ solis tantum Clericis regularibus aditus patet.

Dividuntur 2. in Simplicia quibus nimirum non est annexa aliqua administratio, vel Clerus, vel populus; & in Duplicia, quibus aliquid horum annexum est.

Dividuntur 3. in Dignitates, Personatus, & Officia; Dignitatibus affixa est Ecclesiastica administratio cum jurisdictione supra Clerum; hujusmodi sunt Episcopatus, Abbatia, Decanatus, Præpositura, Archidiaconatus. Personatus inhaeret supra Clerum præminencia, sed absque ulla jurisdictione, ut in Præcentore, Primicerio, & Sacrista primario. Officio demum annexa est administratio, sed absque Præminencia & absque jurisdictione. Hujusmodi sunt Canonicatus, Præbenda Theologalis & præbenda Præceptorialia.

Dividuntur 4. in Titularia & Commendata: illa, conferuntur ad vitam, & cum plenitudine juris; Ista verò conferuntur solius administrationis, aut custodiæ causa.

3. Q. Quænam hominem reddunt inhabilem ad obtinenda Beneficia?

R. Multa sunt. 1. Excommunicatio sive sit occulta, sive sit publica, cap. *Pastoralis* Ext. *De Clerico excommunicato ministr.* 2. Suspendio ab Ordine cujus functiones exigit Beneficium. cap. *Cum dilectus* Ext. *de Consuetudine*. Irregularitas: cap. *Henricus*. Ext. *De Clericis pugnantibus in duello*. Si tamen sine peccato contracta fuerit inhabilitas locum non habet, nisi respectu Beneficii, cujus officia irregularitas ipsa respicit. 4. Defectus Tonsuræ Clericalis: cap. *Ex Litteris*. Ext. *De Transactionibus*. Defectus Cælibatus in Ecclesia Latina: cap. *sunt*. Imo & ipso jure per matrimonium vacant Be-

neficia antè possessa. 6. Defectus natalium: unde extrà legitimum matrimonium natum, si non dispensetur, inhabilis est ad quæcumque Beneficia. 7. Defectus ætatis. Ætas autem ad Canonicatum Ecclesiæ Cathedralis requisita, in Galliis est ætas xiv. annorum qui jam sint completi; si tamen per Regaliam non obtinentur, tunc enim sufficit etas vii. annorum. Ubi servatur dispositio Concilii Tridentini, xiv. anni qui cœperint, ad quodcumque Beneficium requiruntur: sed in Galliis sufficiunt ad Beneficium simplex viii. anni incœpti, & ad Canonicatum Ecclesiæ Collegiatæ, decennium completum. Defectus Ordinis ad Beneficium requiriti: satis est tamen ut intrà annum Clericus ad illum promoveri possit: annus autem ille in Galliis, numeratur a pacifica ejusdem Beneficii possessione. 9. Defectus qui oritur ex eo quodd Clericus non sit Regnicola: in Galliis enim inhabiles sunt ad quæcumque Beneficia qui vulgò dicuntur, *Aubanis*, id est, extrà regnum nati.

4. Q. Quenam sunt dotes requisitæ, ut quis licetè Beneficium obtinere possit?

R. Quatuor sunt. 1. Morum integritas, ità ut de Clerico dici possit, quodd (ait S. Thomas) Quodlib. 8. art. 6. *Sit bonus simpliciter*. Scientia quæ ad obeunda Beneficii munera requiritur. Quanam verò scientia pro variis Beneficiis requiratur, docet Tridentina Synodus. 3. voluntas non dimittendi Beneficium quod acquiritur. 4. Divina vocatio, quæ tùm morum probitate, tùm intentione Deo in Beneficio ut par est, deservendi, tùm idoneitate se prodit.

5. Q. Quibus modis acquiruntur Beneficia?

R. Acquiruntur Electione, Præsentatione, Collatione, Gradibus, Devoluto, Indulto, Resignatione, vel Permutatione.

6. Q. Quenam requiruntur ad Canonicam Electionem?

R. Re-

R. Requiritur 1. ut omnes vocandi, secundum usum receptum vocati fuerint. Requiritur 2. ut electio fiat per vota secreta: ita enim declarat Concilium Trident. Sess. 25. *de Regul.* cap. 6. Requiritur 3. ut electio sit omnino libera; ita ut nullus ex iis qui jus habent suffragii passivi, excludatur.

7. Q. Jus Patronatus, seu jus presentandi ad Beneficia, quotuplex est?

R. Duplex: Ecclesiasticum nimirum & Laicum; Differunt autem 1. quod sex menses Patrono Ecclesiastico ad presentandum concessi sint; & contra quatuor tantum Patrono laico. 2. Laicus variare potest, non vero Ecclesiasticus. 3. quod Papa Ecclesiasticum, non autem laicum, saltem in Galliis, praevenire possit.

8. Q. Quis possit Beneficia conferre?

R. Summus Pontifex. Et quidem 1. iure praeventionis nullum est quod conferre non possit. 2. ipse solus confert ea quae vacant in Curia Romana, ubicumque sita sint: cap. *Licet.* Ext. *de Præbendis.* 3. iure ordinario potest quoque Episcopus ea omnia conferre, quae in sua Diocesi vacaverint.

9. Q. Quid per jus Devoluti intelligitur?

R. Jus conferendi Beneficium, cui inter debitum tempus, quod est sex mensium, ordinarius collator non providit.

10. Q. Quid per indultum intelligitur?

R. Est jus quo ex concessione Romanae Sedis, Rex collatoribus præcipit, ut certa quaedam Beneficia proximè in sua Diocesi vacatura Indultario conferant.

11. Q. Quid est Beneficii Resignatio?

R. Est dimissio Beneficii quod possidetur. Ea autem dimissio vel est *Simplex* vel est *in favorem tertii*. *Prima*, est ea per quam Clericus cedit Beneficio, nec aliquem Episcopus nominat, cui conferatur. *Altera*, est dimissio Beneficii ea lege, ut tertio conferta-

tur: hanc solus Pontifex Romanus potest admittere, illam vero admittit & Episcopus.

12. Q. Quid intelligitur per Beneficiorum Permutationem?

R. Intelligitur permutatio unius Beneficii in aliud. Eam Episcopus, consentiente patrono laico; Imò & Vicarius generalis qui speciale mandatum habet conferendi Beneficia, potest admittere. Si compermutanda Beneficia in diversis diœcesibus sita sint, utriusque Episcopi auctoritas interveniat necesse est.

13. Q. Electores, Patroni, & alii quibus jus competit præsentandi ad Beneficia, tenenturne præsentare, aut eligere non solum *Dignos*, sed etiam *Digniores*?

R. 1. Si quæstio sit de Beneficiis, quibus incumbit animarum cura, certum est Patronos & alios teneri eligere & præsentare digniores: *Eosque* (ait Concilium Tridentinum, sess. 24. de reform. cap. 1.) *alienis peccatis communicantes, MORTALITER peccare, nisi quos DIGNIORES, & Ecclesia magis utiles judicaverint, &c.* 2. Si quæstio sit de Beneficiis quibus non incumbit animarum cura, idem planè dicendum est; tùm quia id exposcit justitia distributiva; tùm quia alioquin Ecclesia detrimentum pateretur, tùm denique ubi digni dignioribus præferuntur, locum habet vitium turpe acceptionis personarum.

14. Q. Estne licitum plura simul Beneficia possidere?

R. Non est licitum 1. si illa Beneficia sint incompatibilia. 2. Id quoque non licet, quamvis non sint incompatibilia, cum unum ad honestam ejus cui confertur, sustentationem sufficit: *Sancta Synodus* (ait Concilium Tridentinum sess. 24. de reformat. cap. 17.) *debitam regendis Ecclesiis disciplinam resistere cupiens, præsentis Decreto, quod in quibuscumque personis, quocumque titulo, etiamsi Cordis*

palatus honore fulgeant, mandas observari, ut inop-
sterum UNUM TANTUM Beneficium Ecclesiasticum
singulis conferatur.

§. III.

De Fortitudine.

1. *Quaest.* Quomodo Fortitudo definitur?

R. Definitur, *Virtus coercitiva timoris,
& audacia moderativa instantibus gravibus periculis.*

2. Q. Quodnam est objectum Fortitudinis?

R. Objectum materiale sunt labores & pericula;
formale verò est difficultas superandi pericula, &
tolerandi labores.

3. Q. Quodnam est immediatum subiectum For-
titudinis?

R. Est voluntas prout est appetitus sensitivus ir-
rascibilis: hoc est, prout tendit ad bonum arduum.

4. Q. Quinam sunt actus praecipui Fortitudinis?

R. Duo sunt Perpassio, & Aggressio: nonnun-
quam enim necesse est ut vir fortis adeat pericula &
incommoda sustineat quæ ex re ardua nascuntur.

5. Q. Elucetne major Fortitudo in Perpassione,
quàm in Aggressione?

R. Ex S. Thoma, elucet. Quia (ut ait idem S. Do-
ctor) difficilius est stare immotus in periculis, quàm
ipsamet adire pericula. Malum enim praesens magis
moveret, quàm futurum.

6. Q. Quot sunt virtutes annexae Fortitudini?

R. Quatuor sunt: Magnanimitas nimirum, Ma-
gnificencia, Patientia, Perseverantia.

§. I V.

De Temperantia.

1. *Quaest.* Temperantia quomodo definitur?

Definitur: *Virtus qua moderatur
usum*

usum rerum; quia sensus ad oblectationem movent;

2. Q. Quodnam est objectum Temperantiæ?

R. Objectum materiale sunt omnes delectationes corporeæ, sed præsertim eæ quæ ex cibo, potu, & actibus venereis, in matrimonii usu percipiuntur. Objectum verò formale est earundem delectationum usus honestus, seu rationi conveniens.

3. Q. Quænam sunt species Temperantiæ?

R. Quatuor sunt. Castitas, Pudicitia, Abstinencia, & Sobrietas. Nempè quatuor sunt objecta specie diversa, circa quæ Temperantia occupatur. Nam 1. moderatur actum conjugalem, & sic indiget Castitate: 2. Moderatur actiones quæ ad actum conjugalem ordinantur, ut sunt tactus & oscula: ad hoc autem indiget Pudicitia: 3. Moderatur quoque delectationes quæ ex cibo percipiuntur; ei autem usui subservit Abstinencia: 4. Moderatur delectationes quæ nascuntur ex potu: illi verò usui inservit Sobrietas.

4. Q. Quot sunt virtutes quæ annexæ sunt Temperantiæ?

R. Tres sunt tantùm, Mansuetudo nimirum, Clementia, & Modestia: nempè tres illæ virtutes modum imitantur, quem Temperantia circa propriam materiam servat, sicut enim Temperantia comprimit passionem quæ sunt circa delectabilia: ita Mansuetudo, Clementia, & Modestia iis modum præscribunt, quæ sunt circa actiones externas.

5. Q. Quomodo virtutes quæ annexæ sunt Temperantiæ, præscribunt modum iis quæ sunt circa actiones externas?

R. Mansuetudo sic iram coercet, ut non sinat eam exurgere, nisi cum oportet, & sicut oportet, seu ea mensura & eo ordine quibus necesse fuerit ad finem aliquem honestum.

Clementia vindictam refrænât; ne scilicet exeat extra fines debitos; nonnihilque præterea minuit

nuit ex pœna quæ reo alioquin deberetur.

Modestia modum statuit, quem quis servare debeat in humanis affectibus, & actibus externis; ejusmodi sunt corporis gestus, cultus, vestitus.

C A P U T VIII.

De Peccatis in Genere.

§. I.

De essentia, Objecto, & Causis peccati.

1. *Quæst.* Peccatum quomodo definitur?

R. Definitur ab Augustino in libro 22. contra Faustum c. 27. *Factum, dictum, vel concupitum contra æternam Dei legem.*

Obj. 1. Peccatum originale nec est factum, nec dictum, nec concupitum: ergo, &c.

R. Dist. ant. Per propriam voluntatam, conc. ant. per alienam, Adami nimirum voluntatem, nego ant. Ita Augustinus in lib. 1. Retract. cap. 13.

Obj. 2. Peccatum Omissionis nec est factum, nec dictum, nec concupitum: ergo, &c.

R. Dist. ant. Et ad illa reducitur, conc. ant. Scilicet, ex logicis, privationes reducuntur ad eorum genus, quorum sunt privationes: Et ad illa non reducitur, nego ant.

Obj. 3. Actus quidam, ut odium Dei; forent peccata, quamvis non esset lex æterna per quam prohiberentur: ergo essenziale non est peccato ut sit contra legem.

R. Nego ant. Quia in ea suppositione, quæ est impossibilis, odium Dei non esset contra regulam: sicut enim non potest esse linea curva, ex suppositione quod non detur rectitudo à qua declinare possit: ita nec esset peccatum, si nulla esset

lex, nullaue regula à qua defleſceret.

2. Quodnam eſt obiectum Peccati?

R. Materiale, eſt actus humanus in ſe ſumptus, quia peccatum phyſicè ſumptum non aliud eſt, quàm aliquis actus humanus & liber. Formale verò, eſt privatio rectitudinis debitæ: ſcilicet opponitur virtuti, quæ non in alio poſita eſt, quàm in rectitudine quæ humano debetur actui.

3. Q. Quotuplicis ſunt generis cauſæ peccati?

R. Duplicis. Nonnullæ enim ſunt internæ, in-
tellectus, voluntas, ignorantia, & concupiſcentia:
aliæ verò ſunt externæ, Diabolus nimirum &
Mundus.

4. Q. Quomodo ignorantia eſt cauſa peccati?

R. Per modum removentis prohibens: remouet enim cognitionem, quæ ſi adeſſet, non fieret (ut ſupponitur peccatum, & juxta illud Apoſtoli 1. Cor. 2. *Si enim cognoviſſent, nunquam Dominum gloria crucifiſſent.*

5. Q. Quomodo concupiſcentia eſt cauſa peccati?

R. Per modum moventis & excitantis ad amorem obiecti illiciti. Juxta illud Jacobi, cap. 1. *Unuſque tentatur, à concupiſcentia ſua abſtractus & illeſus.*

6. Q. Quomodo Mundus eſt cauſa peccati?

R. Moraliter: prava nimirum doctrina, iniquis exemplis, poteſtatis ac authoritatis abuſu. Ità Auguſtinus in libro 3. de Doctrina Chriſt. cap. 10.

7. Q. Qua ratione Diabolus eſt cauſa peccati?

R. Moraliter. Nam 1. nonnunquam tranſfiguratur ſeſe in Angelum lucis, ut homines decipiat: 2. illud imaginatiōi, imprimendo ſpecies quibus exhibentur obiecta quæ concupiſcentiæ placent.

8. Q. Deus eſtne cauſa Peccati?

R. Non eſt: tum quia non influit in peccati malitiam: cum non in alio poſita ſit, quàm in privatione debitæ rectitudinis: tum quia defectus operis non

cadit in causam indefectibilem, ut est Deus, sed tantum in deficientem, ut patet in tibia curva.

Obj. 1. Deus non impedit peccatum, licet illud impedire possit: ergo est illius causa, saltem moralis.

Resp. Conc. ant. nego consequ. Quia ut quis sit causa moralis alicujus actus, satis non est ut illum non impediat, cum possit impedire: sed præterea requiritur ut illud impedire teneatur: at Deus non tenetur, quia exigit illius providentia, ut creatura rationalis quæ naturaliter est sui juris, sibi ipsi permittatur ad bonum, & malum.

Obj. 2. Deus concurrit ad quosdam actus physicos odium Dei v.g. qui sunt essentialiter mali: ergo, &c.

Resp. Dist. ant. Qui sunt essentialiter mali sunt aliquo respectu sub quo Deus ad illos non concurrit, concedo ant. sub quo concurrit, nego ant. Deus concurrit ad odium sui prout genericè sumitur, seu prout est actus humanus, non autem ad odium sui, prout specificè sumitur, hoc est, reduplicativè prout est odium Dei.

Obj. 3. Deus in Scripturis nonnumquam dicitur præcepisse actus malos, ut cum injunxit Semei ut Davidi malediceret, 2. Reg. c. 16. ergo, &c.

Resp. Dist. ant. Præcepto improprie sumpto, hoc est sumendo præceptum pro mera permissione, concedo ant. Præcepto proprie sumpto, hoc est sumendo præceptum pro imperio, nego ant.

§. 11.

De Proprietatibus & Effectibus Peccatorum.

1. Quest. Unde sumitur distinctio peccatorum?

R. Distinctio numerica, sumitur aut ex objecto materiali, circa quod peccatum versatur; aut ex morali interruptione quæ in pluribus ejusdem speciei

iei actibus reperitur. E. contrâ specifica peccatorum distinctio petitur ex objectis specie diversis, circa quæ versantur: sic homicidium & furtum specie differunt. Sumitur etiam aliquandò ex fine operantis: unde qui furatur, ut adulterium committat, fur est simul & adulter: sumitur tandem nonnumquam ex circumstantia quæ comitatur actum malum, ut patet in furto quod in loco sacro committitur: tunc enim qui furatur, & furti & sacrilegii reus est.

2. Q. Peccata suntne inter se connexa?

R. Non sunt: quia nonnumquam & specie & numero diversa sunt: imò & aliquandò contraria, ut prodigalitas & liberalitas.

Obj. 1. Virtutes sunt inter se connexæ: ergo & peccata.

Resp. Conc. ant. nego consequ. Ratio disparitatis est, quia virtutes omnes ex S. Thoma, in uno tertio, charitate nimirum, uniuntur: è contrâ verò peccata, in aliquo tertio non uniuntur: nempe inordinatus creaturarum amor, in quo positum est peccatum, mentem ad diversa, & nonnumquam opposita distrahit.

Obj. 2. Jacobus in Epistola Canonica cap. 2. scribit, eum qui peccat in uno, fieri reum omnium, ergo, &c.

Resp. Dist. ant. Quantum ad maledictionem quam lex minatur, conc. ant. Quantum ad reatum, nego ant. Ne quis incurrat in legis maledictionem, satis non est ut aliqua illius præcepta servet, sed requiritur ut observet omnia, juxta illud Apostoli ad Galatas cap. 3. *Maledictus omnis qui non permanserit in omnibus, quæ scripta sunt in libro legis, ut faciat ea.* Vide aliam expositionem apud Augustinum in Epist. ad Hieronymum, veteris Ed. 29. novæ. 167.

3. Q. Peccata suntne inter se æqualia?

R. Non sunt. Nam id expressè Scriptura testatur: *Qui me tradidit* (ait Christus ipse, Joan. c. 19.) *maius*
pec-

De Deo Ultimo Fine: 141

peccatum habet. 2. Major est in quibusdam peccatis recessus à morum regula, quam in aliis: quia in nonnullis major est vel minor, seu intensior aut remissior inordinatus creaturarum amor, in quo malitia peccati consistit.

4. Q. Unde petitur inæqualitas peccatorum?

R. Inæqualitas essentialis sumitur ab objectis quæ specie differunt. Unde graviora sunt gravitate essentiali, quæ opponuntur virtutibus præstantioribus. Inæqualitas verò accidentaliter petitur ex circumstantiis quæ intrà eandem speciem aut aggravant, aut minuunt operis malitiam. Sic furtum decem aureorum gravius est, quam furtum quinque tantum.

5. Q. Quinam sunt peccatorum effectus?

R. Duo sunt, reatus culpæ, & reatus pænæ. Prior, nihil est aliud, quam macula quæ anima peccans inficitur. Alter verò, est debitum seu obligatio ad pœnam.

6. Q. Pœna quæ debetur peccato, estne æterna?

R. Pœna quæ peccato mortali in altera vita debetur, est æterna: quia malitia illius est infinita; quippe quod sit offensa infinitæ personæ. Quæ verò debetur veniali, est finita; quia licet veniale sit contra Deum, non est tamen ex effectu qui animæ dominetur: per accidens tamen peccatum veniale in hac vita non dimissum homini reprobo, æterna pœna in inferis punietur: quia in æternum stabit illius culpa.

§. III.

De Divisione Peccati:

1. Quæst. Quid modo peccatum dividitur?

R. Dividitur 1. in Originale & Personale: 2. Personale subdividitur in Actuale & habituale. 3. Actuale, aliud est mortale, quod uno actu perimit.

mit animam, ed quod charitatem dominantem expellat: aliud verò veniale, quod animam quidem vulnerat, ed quod minuat charitatis fervorem, sed non perimit; quia charitatem dominantem, seu amorem Dei super omnia non expellit. 4. Peccata iterum dividuntur in peccata ignorantia, infirmitatis & malitia.

2. Q. Existitne peccatum Originale?

R. Existit. Nam 1. id asseritur in veteri Testamento Job. 14. *Nemo mundus a sorde, nec infans, cuius est unius diei vita super terram.* Idem asseritur quoque in Novo Testamento: Sicut (ait Apostolus ad Rom. 5.) *per unum hominem peccatum in hunc mundum intravit, & per peccatum mors pertransiit, in quo omnes peccaverunt.* 3. Id Ecclesia definiit contra Pelagianos. 4. Idem demonstrant peccata quibus in hac vita cruciamur, ignorantia nimirum, concupiscentia, mors, aliaque calamitates quas inviti patimur: scilicet homo ad intuitivam Dei visionem creatus, non potest sub Deo iusto esse miser, nisi mereatur.

3. Q. In quo posita est essentia peccati originalis?

R. Posita est in concupiscentia reatu. Ita enim docet S. Augustinus in lib. 1. de nuptiis & concupiscentia cap. 19. & 26. S. Thomas 1. 2. q. 82. art. 3. Ille autem reatus, est privatio iustitiae originalis: nec mirum, ex eo enim quod infantis anima propter finem supernaturalem, ut supponitur, creata careat originali iustitia; sequitur ipsam esse immun-dam & iniquam, concupiscentiae, hoc est, amoris creaturarum servam & mancipium, eam esse extra ordinem illum quem lex aeterna, conservari jubet, perturbari vetat; hoc est, non esse eam per amorem immediatè sub Deo, & suprà creaturas omne.

4. Q. Quomodo peccatum originale per baptismi Sacramentum tollitur?

R. Non tollitur quidem materiale peccati Originale,

nalis; hoc est, concupiscentia, sed tollitur formale, seu illius reatus: *Manet actus* (inquit Augustinus) *transit reatu*, scilicet per baptismum charitas infunditur animæ: ac proinde tollitur imperium & dominium concupiscentiæ.

5. Q. Per quid in homine transfunditur peccatum Originale?

R. Transfunditur per generationis libidinem; Quod autem attinet ad peccati Originalis in omnes transitum (inquit Augustinus in libro 5. contra Julianum cap. 13.) quoniam per carnis concupiscentiam transit, transire in eam carnem non potuit, quam, non per illam, Virgo concepit.

6. Q. Quinam ex hominibus contrahunt peccatum Originale?

R. Ex Apostolo ad Rom. 5. in omnes (uno excepto Christo) pertransit; quia omnes (uno eodem excepto Christo,) per libidinem generantur. Debuisse B. Virgo, propter eam rationem illud quoque contrahere, sed singulari Dei privilegio præservatam fuisse, ne actu contraheret, piè quidem, sed non catholica fide creditur. Vide Conc. Trident. sess. 5.

7. Q. Quæ sunt pœnæ quibus peccatum Originale punitur in altera vita?

R. Castigatur 1. exclusionem a regno cælorum: 2. interiori dolore de amissa beatitudine. 3. Juxta S. Augustinum & plures de Schola Theologos, pœna sensus, seu æterno ignis cruciatu. Scilicet infantes sine baptismo mortui, erunt in extremo judicio, non a dextris, sed a sinistris Christi judicis; ac proinde ignis pœna damnabuntur: *Tunc* (ait Evangelium Matthæi 25.) *dicit & iis qui a sinistris erunt: Discedite a me maledicti in ignem æternum, qui paratus est Diabolo, & Angelis ejus.... Et ibunt ibi in supplicium æternum.* Hicquæ patet quam falsò nonnulli recentiores putaverint infantes sine baptismo mortuos, fructuosos esse in altera vita, beatitudine qua-

quadam naturali, quæ posita sit in immunitate ; doloribus, & miseriis, & in quadam abstractiva ; hoc est, per creaturas, Dei contemplatione.

8. Q. Peccatum mortale & veniale quomodo inter se differunt ?

R. Mortale ex natura sua differt a veniali : quia peccatum mortale per se & ex natura sua pellit charitatem ex anima, cum importet dominantem creaturarum amorem : è contrà peccatum veniale non depellit ex anima charitatem, quia licet sit amor inhærens creaturæ, non est tamen amor dominans, seu qui animæ affectibus dominetur.

Confirmatur ex Apostolo, qui primæ ad Corinthios 3. peccata venialia comparat cum stipula & fœno, quæ ædificii fundamento superimponuntur : ergo quemadmodum stipula & fœnum non destruunt fundamentum ædificii materialis : ità nec peccata venialia destruunt ædificii spiritualis fundamentum : quod quidem non aliud est, quàm charitas.

9. Q. Peccatum quod ex natura sua est mortale, potestne per accidens fieri veniale ?

R. Potest : defectu nimirum requisitæ deliberationis, aut ratione levitatis materiæ.

10. Q. Peccatum veniale potestne aliquando fieri mortale ?

R. Potest per accidens. Et quidem ratione conscientie erroneæ ; ratione gravis scandali quod parit ; ratione contemptus formalis in legislatorem ; ratione ordinationis seu relationis ad finem mortalem ; & tandem ratione periculi, cum nimirum operantem exponit proximo periculo peccati mortalis, quod ipse operans prævidens, vitare noluerit : qui enim vult efficaciter proximam causam, velle censetur & effectum qui ex ea sequitur.

11. Q. Solum peccatum Veniale potestne esse in aliquo subiecto cum solo Originali ?

R. Pos.

R. Potest . Scilicet adultus cui per baptismum peccatum Originale nondum remissum est , potest in primo suæ rationis instanti actum ex se malum elicere sine sufficiente ad peccatum mortale rationis advertentia ; potest quoque in aliqua levi materia delinquere.

Obj. 1. Quilibet adultus ex S. Thoma in primo rationis instanti tenetur sub pœna peccati lethalis , elicere actum amoris Dei super omnia : ergo , &c.

R. Dist. ant. in primo morali rationis instanti , conc. ant. Physico , nego ant. Instans morale aliquam habet latitudinem ; ac proindè adultus intrà eam latitudinem potest leviter mentiri , & consequenter venialiter tantum peccare .

Obj. 2. Quilibet adultus in primo physico instanti suæ rationis , debet finem aliquem ultimum sibi constituere : ac proindè si peccet , peccabit lethaliter.

R. Dist. ant. Debet finem *ultimum secundum quid* sibi constituere , conc. ant. Finem *simpliciter ultimum* , nego ant. Hoc est , adultus in eo instanti necessarid quidem sibi constituit finem operis quod agit , non autem finem totius vitæ , ac proindè nec finem qui illius voluntati prædominetur.

12. Q. Danturne ignorantiae peccata ?

R. Fide certum est dari : juxtà illud Prophetæ Regii, Ps. 24. *Delicta juventutis meæ , & ignorantias meas ne memineris* : unde Levitici 5. præscribitur ritus sacrificii pro peccatis ignorantiae Deo offerendi.

Obj. Nihil est actu volitum , nisi sit cognitum : ergo , &c.

R. Dist. ant. Nihil est volitum , nisi sit cognitum , aut cognosci potuerit , conc. ant. nisi sit actu cognitum , nego ant. Hincque sequitur peccantem ex ignorantia velle consequenter & indirectè malitiam quæ resultat ex facto quod operatur : sequitur iterum peccata ignorantiae esse voluntatis voluntate *facti* , licet non sint voluntaria : saltem di-

rectè, voluntate peccati.

13. Q. Ignorantia simpliciter invincibilis excusatne à peccato?

R. Excusat: quia actus qui sequitur ex ignorantia simpliciter invincibili, se habet sicut motus concupiscentiæ, qui quidem si simpliciter & absolute superari non possent, non forent peccata: unde merito ab Alexandro Papa VIII. damnata est hæc propositio: *Tametsi detur ignorantia invincibilis juris naturæ, hæc in statu naturæ lapsæ, operantem eam ipsa non excusat à peccato formali.*

14. Q. Dantur peccata infirmitatis?

R. Dantur: quia peccare possumus aut ex passione quam non excitaverimus, aut ex negligentia quam statim, propter humanæ naturæ vires infirmas, non depulerimus.

15. Q. Dantur quædam malitiæ peccata?

R. Dantur: quia dantur peccata quæ de industria fiunt, quæquæ oriuntur ex eo quodd corrupta voluntas passionem de industria ad peccandum excitaverit.

16. Q. Peccata malitiæ suntne irremissibilia?

R. Simpliciter & absolute non sunt: quia nullum est peccatum cujus hominem adjutum Dei gratia pœnitere non possit.

Obj. Peccata quæ dicuntur peccata in Spiritum sanctum, nec in hoc seculo (ut habetur Luc. 12.) nec in futuro remittentur. Præterea primæ Joannis 5. est peccatum ad mortem, pro cuius remissione veramur orare: atqui peccata in Spiritum sanctum, & peccatum ad mortem, non alia sunt quam quæ vulgè malitiæ peccata vocantur: ergo, &c.

Resp. Peccata in Spiritum sanctum sunt ea per quæ quis Diabolo tribuit opera quæ manifestè Dei sunt solius; dicuntur verò irremissibilia, moraliter loquendo, ed quodd eorum hominem perrard & ferè numquam pœniteat; cum enim apertam inferant Spiri-

Spiritui sancto contumeliam, excludunt medium seu Dei auxilium per quod remissio impetrari valeat. Peccatum ad mortem est, ex Augustino, impœnitentia finalis: unde mirum non est quod pro illius dimissione orare non liceat.

16. Q. Quid sunt peccatum Commissionis, & Omissionis?

R. Peccatum Commissionis est actus quò præceptum negativum infringitur: Omissionis verò, est privatio actus qui Præcepto affirmativo præscribitur.

17. Q. Quid est peccatum Philosophicum, & quid Theologicum?

R. Theologi qui duplicem illam peccati speciem commenti sunt, docent, peccatum Philosophicum esse illud quod est contrà solam rationem: Theologicum verò quod est contrà Dei legem. Volunt, illud dissolvere quidem Dei cum creatura amicitiam, non autem illud, hincque concludunt, illud non esse æterna pœna dignum, sed tantùm illud.

18. Q. Daturne peccatum Philosophicum quod simul non sit Theologicum?

R. Non datur: scilicet omne peccatum, cùm sit contrà rectam rationem, est etiam contrà æternam Dei legem: ratio enim est æternæ legis participatio per inspirationem luminis & amoris. Præterea conversionem inordinatam ad creaturam necessariò consequitur aversio à Deo in qua posita est formalis malitia cujuslibet peccati.

C A P U T IX.

De Peccatis in specie.

Nota: **N**on hic dicemus de singulis peccatorum speciebus, sed tantùm de Capitalibus, & postea de Simonia & Usura.

§. I.

De Peccatis Capitalibus :

1. *Quaest.* Suntne quædam peccata Capitalia ?
R. Sunt : quia sunt quædam quæ cæ-
 terorum sunt veluti fontes & principia .

2. *Q.* Quot sunt peccata Capitalia ?

R. Vulgo septem recensentur : Superbia scilicet ,
 Avaritia , Luxuria , Invidia , Gula , Ira , Acedia .

3. *Q.* Quid est Superbia ?

R. Est amor inordinatus propriæ excellentiæ ;
 sicque , hoc est , ratione objecti (propriæ nimirum
 excellentiæ cuius est appetitus inordinatus) est spe-
 ciale peccatum à cæteris distinctum .

4. *Q.* Quot sunt Superbiæ species ?

R. Quatuor . *Prima* , cum aliquis de bonis , cu-
 uscumque sint generis gloriatur , ac si ea non
 à Deo , sed à se ipso haberet . *Alterna* , cum aliquis
 putat , bona quibus donatus est , fuisse propriis suis
 meritis debita , vel ita se gerit , ac si reverà crederet
 meritis fuisse repensa . *Tertia* , cum aliquis bona quæ
 verè non habet , arrogat sibi , sive in sua , sive in
 aliorum opinione . *Quarta* , cum aliquis , despectis
 aliis hominibus , videri vult cæteris in aliquo singu-
 lariter præeminere .

5. *Q.* Quid est Avaritia ?

R. Est immoderatus amor divitiarum . Ille autem
 amor licèt non sit contra iusticiam , est ex genere suo
 peccatum mortale , si multum excedat .

6. *Q.* Quid est Luxuria ?

R. Est peccatum quo venerea voluptas suprà mo-
 dum & contra legem naturalem & divinam perci-
 pitur , aut appetitur . Hujus verò peccati septem sunt
 species : scilicet fornicatio simplex , adulterium , stu-
 prum , sacrilegium , incestus , raptus , & vitium
 contra naturam .

7. *Q.*

7. Q. Quid est Invidia?

R. Vulgò definitur, Tristitia de bonis alterius, quatenus illis propriam nostram gloriam, aut excellentiam imminui conspiciamus.

8. Q. Ira quomodo definitur?

R. Definitur Ultionis libido, sive, Immoderatus animi motus quo quis injustam, & indebitam ultionem sumit, vel expetit ab eo, à quo vel reipsa læsus est, vel se læsum putat.

9. Q. Quid est Acedia?

R. Est tristitia de bono spirituali, in quantum est bonum divinum; non quocumque quidem, sed de eo quod nobis à Deo præcipitur; ita ut aut fugiamus illud bonum, aut ægrè feramus quodd nobis à Deo sit imperatum: *Quando* (inquit S. Thomas 2. 2. q. 24. art. 3.) *tristatur* (quis) *in his quæ ei imminuent facienda propter Deum.*

§. II.

De Simonia.

1. Quæst. Quid est Simonia?

R. Definitur à S. Thoma: *Studiosa voluntas emendi, aut vendendi spiritualia, aut spiritualibus annexa.*

2. Q. Simonia quomodo dividitur?

R. Dividitur in Mentalem, Conventionalem, & Realem. *Prima*, vel ad rei pretio æstimabilis clarificationem non procedit; vel procedit quidem, sed sine pacto expresso quodd præcesserit. *Altera*, ea est in qua pactum exterius quidem expressum est, sed vel nihil reale datum fuit, vel datum est ab una tantum parte, sicut beneficium cujus promissum pretium non fuit persolutum. *Tertia* denique est ea, in qua hæc tria concurrunt; Pactio, Solutio pretii, & Receptio rei quæ objectum sit Simonie.

3. Q. Quotuplex est Simonie pretium?

R. 3

R. Tri-

R. Triplex: scilicet munus à manu; munus à lingua, munus ab obsequio.

4. Q. Quodnam est obiectum Simoniae?

R. Sunt res omnes spirituales, aut spiritualibus annexae.

5. Q. Quanam sunt Simoniacorum poenae?

R. Tres sunt: 1. Privatio rei spiritualis per Simoniam acquisitae: 2. Restitutio pretii quod acceptum est: 3. Censura: & quidem excommunicatio latae sententiae, si Simoniacus sit homo laicus; suspensio vero ab ordinum exercitio, si sit Clericus: at duplex haec ultima poena locum habet tantum in Simonia ex utraque parte reali; hoc est, cum tradita fuit res spiritualis, & persolutum fuit conventum illius pretium.

6. Q. Quid est Simonia Confidentialis?

R. Est conventio, siue tacita, siue verbis apertis expressa, ut qui Beneficium recipit illud ipsum in aliam certam personam conferat, aut beneficii fructus ab alio percipi sinat. Qui hujus speciei Simoniae fit reus, incidit, ex Bulla Pii Papae V. quae incipit *Intolerabilis*, in excommunicationem latae sententiae: ac praeterea jus amittit ad Beneficia quae etiam ante Confidentialiam habuerat; atque inhabilis ad alia in posterum obtinenda, nisi cum ipso specialiter fuerit dispensatum.

§. III.

De Usura:

1. Quaes. Quid est Usura?

R. Est lucrum ex Mutuo speratum, aut exactum.

2. Q. Quid intelligitur *Lucri* nomine quod in Usurae definitione reperitur?

R. Intelligitur id omne, quod est pretio aestimabile; hoc est, munus à manu, à lingua, ab obsequio.

3. Q.

3. Q. Cur in Usuræ definitione fit mentio Mutui?

R. Ideo fit illius mentio, quod Usura non in alio contractu reperiatur, quam in mutuo: nimirum si quæ sit in venditione & emptione, id contingit quod in illis contractibus tacitum & implicitum mutuum contineatur. Mutuum verò definitur, Contractus quo rei alicujus quæ usu consumitur, dominium transfertur ea lege, ut non eadem numero, sed eadem specie reddatur.

4. Q. Cur Usura dicitur lucrum ex mutuo acceptum, aut speratum?

R. Quod usura non re tantum committatur, sed etiam sola mente, cum nempe lucrum, etiam absque pacto, præcipue intenditur à mutuante.

5. Q. Quomodo modo Usura dividitur?

R. Dividitur in Mentalem & Realem. Prior, fit sine extrinseco pacto, sed sola mente. Altera fit cum pacto externo de aliquo ultra sortem lucro.

6. Q. Usura quo jure prohibetur?

R. Naturali, Divino, & Humano. Et quidem 1. Naturali: quia naturalis ratio vetat ne quis bis rem tandem repetat. ut reperitur in Usura: scilicet res ipsa quæ mutuo data fuit repetitur à mutuante & pretereà aliquid propter illius usum: qui quidem in rebus quæ sunt materia mutui non aliud est, quam ipsa earum substantia, ut patet in pecunia, oleo, frumento, aliisque rebus usu consumptibilibus. 2. Jure divino: hæc enim habentur Ezechielis cap. 18. *Vir, si fuerit justus, & fecerit judicium & justitiam.... ad Usuram non commodaverit, & amplius non acceperit*. Si quæ autem usuræ Judæis permittæ sunt in alienos, id toleratum fuit ad duritiam cordis Judæorum, qui alioquin fratres suos usuris oppressissent. 3. Jure Humano; ut videre est tum in Decreto Gratiani, tum in Decretalibus Gregorii IX. tum in politicis legibus, Francis præsertim, aliisque quampluribus.

6. Q. Sūntne aliqui tituli quorum vi mutuans possit aliquid ultrā sortem exigere?

R. Sūnt duo tantū scilicet damnum emergens, & lucrum cessans.

7. Q. Quid est damnum emergens?

R. Est damnum reale quod quis patitur ex eo præcisè, quod pecuniam, aut res alias proximo mutuaverit.

8. Q. Quid est lucrum cessans?

R. Est omissio lucri quod quis ex pecunia quam mutuavit, patitur: sicut mercator qui cū non habeat alias pecunias, mutuat eam quam verè ac sincerè statuerat impendere ad emendas merces ex quibus lucrum comparasset.

9. Q. Licetne pecuniam aut res alias recipere sub Usuræ onere?

R. Licet ei qui est in necessitate gravi constitutus: tunc enim usuram promittens, redimit iniquam ex parte mutuantis vexationem. Non licet verò extrā gravis necessitatis casum: quia tunc mutuanti daret peccandi occasionem, quam lex naturalis, ratione charitatis quæ proximo debetur, prohibet dari.

10. Q. Usuræ sūntne restituendæ?

R. Restituendæ sūnt 1. cum quis iis factus est ditor: 2. cum quis (ut ait S. Thomas), eas bona fide non consumpsit.

11. Q. Quibus hominibus Usuræ restitui debent?

R. Iis iplis, a quibus acceptæ sūnt, aut eorum hæredibus, si reperiri possint: si verò non possint reperiri, erogandæ sūnt aut pauperibus, aut Ecclesiæ, aut dispensari debent in pium aliquem usum, qui coram Deo profit iis à quibus solutæ fuerunt.

P A R S Q U A R T A :

De Deo Authore Sacramentorum :

Nota. **H**ujus partis compendii nostri octo erunt Capita, in quibus dicemus tum de Sacramentis in genere, tum de singulis in specie ; quibus & adjungemus nonnulla de censuris & irregularitatibus.

C A P U T P R I M U M :

De Sacramentis in genere :

Nota. **H**ujusce Capitis plures erunt paragraphi ; quibus continebuntur omnia, quæ ad Sacramenti Nomen, Essentiam, Partes, Authorem, Ministrum, Subjectum, Effectus & Proprietates pertinent.

§. I.

De Nomine, Essentia, & Existentia Sacramenti :

1. *Quæst.* **Q**uid apud Autores prophanos significat Sacramenti nomen ?

R. Significat 1. id omne quod habet aliquam cum re sacra relationem ; sic litigantium pignus dicitur sacramentum, eo quod donec jus diceretur litigantibus, in loco sacro deponeretur. Significat, juramentum, quod per rem sacram, Supremi nimirum Entis, aut ejus quod putabatur Supremum Ens, fieret.

2. *Q.* Quid in Scripturis significat Sacramenti nomen ?

R. Suꝑ

R. Sumitur 1. pro signo rei arcanæ, licet impia sit ac nefaria : *Sacramentum mulieris*, Apocal. 17. &c. Sumitur 2. pro signo rei arcanæ, sed quæ sacra sit, ac sublimis : *Magnum est* (ait Apostolus 1. ad Timot. 3. de Incarnatione loquens) *pietatis Sacramentum*. Sumitur 3. pro figura rei alicujus quæ magnum est mysterium *Sacramentum hoc* (ait Apostolus ad Ephesios 5. de Matrimonio loquens) *magnum est : ego autem dico in Christo & in Ecclesia*.

3. Q. Sacramenti nomen quid apud Patres & Theologos significat?

R. Dicit signum rei sacræ, non cujuscumque; sed quæ homines sanctificet : *Signa* (ait Augustinus Epist. 5. ad Marcellinum) *cum ad res divinas pertinent, sacramenta appellantur*.

4. Q. Quid est sacramentum in genere sumptum hoc est, prout commune est sacramentis Novæ & Antiquæ legis?

R. *Est signum rei sacræ homines sanctificantis*, exterius quidem in Lege Mosaica, & interius in Evangelica. In ea definitione; *Signum* tenet locum generis, & voces istæ rei sacræ homines sanctificantis, differentię locum tenent : per eas nimirum Sacramentum differt a plerisque figuris quæ licet in Scripturis contineantur, non sunt tamen institutæ ad conferendam hominibus aut legalem, aut internam sanctitatem.

5. Q. Quomodo definitur Sacramentum in specie sumptum : hoc est, prout est Sacramentum novæ legis?

R. *Definitur Ritus externus qui ex Christi institutione est signum & causa gratiæ sanctificantis*. Et in hoc sacramenta nostra differunt a sacramentis veteris legis : erant enim signa tantum, non autem causa gratiæ per quam homines sanctificantur : unde cum illa essent egena & vacua elementa ; ista è contra sunt efficacia, hoc est productiva eius quod significant.

6. Q.

De Deo Authore Sacramentorum. 155

6. Q. Extiteruntne quædam Sacramenta in statu naturæ innocentis?

R. Non extiterunt. 1. Nec Scriptura, nec Traditio aliquorum meminerunt. 2. Par non fuit ut homo innocens rebus sensibilibus subjiceretur, ut aut veritatem disceret, aut sanctitatem consequeretur.

Obj. Adamus ante lapsum cognovit suo cum Eva matrimonio significari unionem Verbi cum humana natura: ergo matrimonium etiam in statu naturæ innocentis fuit Sacramentum.

R. Negoant. Ratio est, quia Adamus innocens non cognovit se peccaturum esse, ac proinde nec futuram Verbi incarnationem: si enim (ut suo loco probavimus) Adamus non peccasset, Verbum non fuisset incarnatum.

7. Q. Extiteruntne Sacramenta in Mosaica lege?

R. Extiterunt plura, ut patet in variis purificationibus quas lex Judæis præscripsit: in esu Agni Paschalis, aliisque permultis ritibus, qui significabant internam sanctitatem per Novæ legis Sacramenta comparandam.

8. Q. Existuntne Sacramenta in Evangelica lege?

R. Existunt: scilicet in Nova lege plura sunt signa, non speculativa tantum, sed & practica rei sacræ homines sanctificantis; hoc est (ut suo loco dicitur) verè sanctitatis operativa.

9. Q. Quot sunt Novæ legis Sacramenta?

R. Nec plura nec pauciora quam septem: Baptismus, Confirmatio, Eucharistia, Pœnitentia, Extrema Unctio, Ordo, & Matrimonium. Nempè eos tantum septem ritus Christus instituit ad conferendam hominibus internam sanctitatem.

Obj. 1. Ablutio pedum est verum Novæ legis Sacramentum: habet enim omnia quæ ad sacramentum requiruntur: nimirum 1. est signum sensibile: 2. præcepta est & instituta a Christo: *Vos debetis*, (ait Joannis capite 15.) *alter alterius lavare pedes*: 3. est

est productiva gratiæ: *Si non laverō te* (ait Christus, Petrum alloquens) *non habetis partem mecum.*

R. Nego 1. externam ablutionem pedum à Christo fuisse præceptam: unde illius usus perpetuè in Ecclesiis non obtinuit; sed præceptum fuit quod eo ritu Christus nos docere voluit, charitas nimirum & humilitas. 2. Nego his verbis, *si non laverō te*, contineri gratiæ promissionem; continent solum minas privationis gratiæ in pœnam inobedientiæ, cujus Petrus se reum constitueret, nisi paruisset Domino pedes illius abluere volenti.

Obj. 2. Bernardus in Serm. 1. de Cœna Domini, ablutionem pedum vocat *Sacramentum remissionis quotidianorum peccatorum*: ergo, &c.

R. Dist. ant. Sacramentum latè sumptum; hoc est, acceptum pro quolibet ritu, sive producat gratiam, sive eam non producat, conc. ant. Sacramentum stricte sumptum, hoc est, quod gratiam significet & conferat, nego ant.

Obj. 3. In Ordine sunt septem Sacramenta; singuli nimirum ordines sunt; ex pluribus saltem Theologis, vera & propriè dicta Sacramenta, quæ à se invicem realiter distinguuntur: ergo in Nova lege sunt plusquam septem Sacramenta.

R. Dato antecedente, dist. conseq. Ergo in Nova lege sunt plusquam septem Sacramenta, incompletè sumpta, conc. conseq. completè sumpta, nego conseq. Nempè septem ordines sunt partes Sacramenti Ordinis, quod quidem est veluti quoddam totum ex septem partibus coalescens: *Tota* (ait sanctus Thomas 3.p.q.37.art.1.ad 2.) *plenitudo Sacramenti est in uno Ordine, scilicet Sacerdotio; sed in aliis est quadam participatio Ordinis; & ideo omnes Ordines sunt unum Sacramentum.*

10. Q. Cur Christus septem tantum in Nova lege Sacramenta instituit?

R. Quod

De Deo Authore Sacramentorum. 157

R. Quod septem sufficiant, ut spiritali perfectioni consulatur. Scilicet homo per Baptismum nascitur; per Confirmationem crescit; nutritur per Eucharistiam; lethales illius morbi per Pœnitentiam depelluntur; Extrema-Unctio morbi reliquias curat & sanat; per Ordinem habet ministros à quibus pascatur & gubernetur; per Matrimonium tandem vit & mulier legitimè conjuncti, carnales filios generant, qui aliquando in Ecclesia regenerandi sunt.

§. II.

De partibus ex quibus constant Sacramenta Nova Legis.

1. *Quest.* **O** quot partibus constant Sacramenta Novæ Legis?

R. Duabus constant, quarum una dicitur *Materia*, altera verò dicitur *Forma*. Prior, est res ipsa sensibilis ex qua constat Sacramentum, ut aqua in Baptismo: dicitur autem *Materia*, quod per se sit indifferens ad producendum effectum Sacramenti: altera, nihil aliud est, quàm verbum à ministro prolatum; quod quidem idèd dicitur *Forma* quòd materiam, seu rem sensibilem determinet ad producendam gratiam in homine qui recipit Sacramentum.

2. Q. Reperiuntur ne materia & forma in singulis Sacramentis Novæ legis?

R. Reperiuntur. Nempè unumquodque Sacramentum constat rebus & verbis: *Sacramenta* (inquit Eugenius Papa IV. in Decreto pro instructione Armenorum) *tribus perficiuntur, videlicet rebus tanquam materia: verbis tanquam forma &c.* Hinc est illud Augustini Tractatu 80. in Joannem: *Accedit verbum ad elementum, & fit Sacramentum.*

Obj. 1. Nulla res sive in Sacramento Pœnitentiæ, sive in Sacramento Matrimonii est res sensibilis: ergo in eis nulla quoque est materia,

Resp.

Resp. Nego ant. In pœnitentia nimirum reperitur contritio signo aliquo demonstrata, & in Matrimonio, consensus nutu, vel verbis expressus.

Obj. 2. Nulla reddi potest ratio cur Christus voluerit Sacramenta Novæ legis constare materia & forma: ergo, &c.

Resp. Nego ant. Scilicet conveniens fuit 1. ut homo qui ex corpore constat & anima, per res sensibiles ad spiritualium cognitionem deduceretur. 2. Par fuit ut is qui sperabat se Deo in cognitione boni & mali fore æqualem: *Eritis sicut dii scientes bonum & malum*, Genes. c. 3. rebus maximè vilibus, ut sunt externæ Sacramentorum partes, ad recipiendam gratiam subjiceretur.

3. Q. Christus determinavitne materiam & formam Sacramentorum Novæ legis?

R. Christus determinavit. 1. *In specie* materiam & formam aliquorum Sacramentorum: scilicet aquam, non autem materiam aliam adhiberi voluit ad conferendum Baptisma; panem & vinum determinatè assignavit pro materia ex quâ Eucharistiæ Sacramentum conficiatur.

Christus determinavit. 2. *saltem in genere*, materiam & formam singulorum Sacramentorum Novæ legis. Nempè Sacramenta non potuit instituere, quin simul eorum partes essentielles, *in genere saltem*, institueret; hoc est, quin præciperet adhiberi debere res aliquas sensibiles ad ea Sacramenta conferenda. Verum utrum *etiam in specie* determinaverit *singulorum* materiam & formam, non una est Theologorum sententia; quidam enim affirmant, quidam verò negant.

4. Q. Quinam probabiliùs sentiunt, an qui affirmant Christum determinavisse *in specie* materiam & formam omnium Sacramentorum Novæ legis, an verò qui negant?

R. Qui affirmant. Nempè ubi Concilium Tridenti-

De Deo Authore Sacramentorum. 159

tinum sess. 21: declaravit Ecclesiam posse mutare Sacramentorum ritus, addidit non posse tamen eorum substantiam mutare: *Salva* (inquit) *eorum substantia*: at Concilii restrictio foret vana, si Christus non determinasset in specie singulorum Sacramentorum materiam & formam: siquidem materia & forma ipsammet Sacramentorum substantiam constituunt.

Obj. 1. Non legitur in Scripturis aut in Traditione Patrum, quod Christus, dum instituit Confirmationem, determinatè assignaverit chrismationem pro materia Confirmationis; nec quod assignaverit impositionem manuum, aut porrectionem instrumentorum pro materia Ordinis: ergo, &c.

Resp. Dist. ant. Non legitur explicitè, conc. ant. non legitur implicitè, nego ant. Scilicet constat ex Scriptura, Apostolos eorumque in Episcopatu Successores, in collatione Confirmationis & sacrae Ordinationis semper usos fuisse manuum impositionem; & ex traditione eos per illum ritum & per chrismationem, Spiritum sanctum fidelibus contulisse. Inde verò concluditur eos ab ipso met Christo iussos fuisse, ut recipientibus eo signo gratiam & caracterem conferrent: neque enim ipsi poterant auctoritate propria effectum omnino spirituale cum signis sensibilibus coniungere.

Obj. 2. Apostoli contulerunt Confirmationem & Ordinem per impositionem manuum; jam verò Confirmatio per chrismationem in fronte, & Ordo per instrumentorum porrectionem conferuntur: ergo Christus non determinavit *in specie*, amborum illorum Sacramentorum materiam: alioquin enim Ecclesia nec impositioni manuum quæ fit in Confirmatione, nec impositioni manuum quæ adhibetur in Ordine, substituere potuisset chrismationem & instrumentorum porrectionem.

Resp. Ad 1. Apostoli in conferenda Confirmatione

ne

ne non usi sunt sola impositione manuum, sed etiam chrismatione, ut hujusce partis cap. 3. docebitur. Ad 2. dicendum est porrectionem instrumentorum non esse, his etiam temporibus essentialem Ordinis materiam, sed accidentalem tantum & integram, ut agentes de Ordinis Sacramento inferius ostendemus.

5. Q. Mutatio quæ à ministro Sacramentum conficiente fieret aut in materia, aut in forma, tolleretur veritatem Sacramenti?

R. Tolleret, si substantialis esset hoc est, si aut tolleretur materiæ substantiam, aquam v. g. substituendo loco vini, quod est altera materia Eucharistiæ; aut si tolleretur sensum verborum ex quibus forma constat. E contra mutatio de qua agitur, non tolleretur Sacramenti veritatem si foret accidentalis tantum, & non substantialis.

6. Q. Error Ministri qui Sacramentum conficit, tollitne Sacramenti veritatem?

R. Non tollit, 1. si in forma non sit expressus: quia in eo casu non tollit obvium, seu naturalem sensum verborum ex quibus constat forma sacramenti: 2. imò nec expressus in forma, si sensum verborum non tollat. Vide Augustinum lib. 6. contra Donatistas cap. 25.

7. Q. Mutatio accidentalis quæ à Ministro fieret in materia, aut forma sacramenti, essetne illicita?

R. Esset illicita: scilicet esset contra Dei præceptum, quo injungitur ut materia & forma purè adhibeantur. Foret quoque contra Ecclesiæ mandatum, quo Ministri prohibentur ne quid mutare audeant nedum in substantia, sed nec in ritibus sacramentorum. Vide Concilium Tridentinum sessione 7. canone 13.

8. Q. Quotuplex est materia sacramentorum?

R. Alia

R. Alia est remota, alia verò proxima. Prior, est res sensibilis ex qua sacramentum conficitur, ut aqua in Baptismate, & oleum in Extrema-Unctione; Altera verò, est actus per quem Minister materiam remotam applicat subiecto cui vult sacramentum conferre, ut ablutio in Baptismate, & unctio in Extrema-Unctione. Alia iterum est certa, alia verò dubia. Prima, est res sensibilis quam constat à Christo fuisse præscriptam, & ab Ecclesia Catholica ad sacramenti consecutionem adhiberi: Secunda è contrà est ea de qua dubium est, an reverà sit res illa sensibilis quam Christus præcepit, & quam adhibet Ecclesia.

9. Q. Estne licitum in sacramentorum consecutione, aut collatione uti materia dubia, seu probabili tantum.

R. Non est licitum, i. cum potest haberi materia certa: quia sacramentum sine causa exponeretur nullitatis periculo.

2. Id quoque non licet etiam in casu, in quo maximè probabile foret illam materiam esse materiam à Christo institutam: quia probabilitas non tollit periculum nullitatis sacramenti. Inde verò rectè concluditur, meritò tùm ab Innocentio Papa XI. tùm à Clero Gallicano ad Comitìa generalia coacto anno 1700. proscriptam fuisse hanc propositionem: *Non est illicitum in sacramentis conferendis sequi opinionem probabilem de valore sacramenti, relicta tutiore.*

3. Licitum tamen est in casu extremæ necessitatis uti materia dubia; sed in collatione eorum tantum sacramentorum quæ (ut Baptismus & Pœnitentia) sunt ad justificationem impii necessaria necessitate mediis: quia tunc potius consulendum est homini, de æterna sua salute alioquin periclitanti, quàm reverentiæ quæ vetat ne sacramentum exponatur periculo nullitatis. Unde Augustinus in lib. 2. de Adul-

terinis Conjugiis cap. 28. docet absolutionem impendi debere homini jam jam morituro & sensibus destituito, quamvis maximè dubium sit, an habeat contritionem, quæ est (ut suo loco dicetur) essentialis & necessaria materia Sacramenti.

10. Q. Quotuplex est sacramentorum forma?

R. Duplex: absoluta nimirum, quæ sine ulla conditione exprimitur; & conditionalis, quæ exprimitur cum aliqua conditione, ut cum dicitur: *Si tu non es baptizatus, ego te baptizo, &c.*

11. Q. Estne licitum uti in aliquibus casibus forma conditionali?

R. Licitum est, cum prudenter dubitatur in casu extremæ necessitatis an subiectum sit capax sacramenti, vel an sacramentum aliquod validè confectum fuerit. Ita nimirum in causa Baptismi definiit Alexander Papa III. *Ext. de Baptismo*, cap. 2.

§. III.

De Authore Sacramentorum.

1. *Quæst.* Christus estne Author omnium & singulorum sacramentorum Novæ legis?

R. Est. Ità enim expresse definiit Concilium Tridentinum sess. 7. can. 1. ubi anathema dicitur iis qui id negaverint.

2. Q. Christus instituitne *immediatè* omnia & singula sacramenta Novæ legis?

R. Instituit *immediatè*. Siquidem nullo Scripturæ, aut Traditionis testimonio probari potest Christum dedisse potestatem Apostolis instituendi aliqua sacramenta. Unde Paulus 1. ad Corinth. 4. seipsum cum collegis, non authorem, sed dispensatorem tantum mysteriorum Dei appellat.

3. Q. Christus instituitne sacramenta prout est Deus, an verò prout est homo?

R. Prout est Deus; quia sub ea tantum ratione
po2

De Deo Authore Sacramentorum. 163

potuit gratiæ sanctificationis productionem cum signis sensibilibus conjungere; quod tamen requisitum fuit ad sacramentorum Novæ legis institutionem.

4. Q. Quam præ cæteris hominibus Christus *propterea est homo*, potestatem habet in sacramenta Novæ legis?

R. Habet peculiarem, quam sanctus Thomas vocat potestatem *Excellentiæ* in eo positam 1. quod sacramenta non nisi ex illius meritis operentur: 2. quod illius tantum nomine, hoc est, potestate ab ipso recepta confici, aut dispensari possint: 3. quod solo humanæ voluntatis desiderio impetrare possit a Patre, ut absque ullis sensibilibus signis gratiam sanctificantem conferat; quam tamen, posito præsentem rerum statu, non confert impio, nisi aut Baptismi si sit infidelis; aut Pœnitentiæ, si sit Christianus, votum habuerit; scilicet ambo illa sacramenta sunt ad salutem necessaria necessitate medii.

5. Q. Quo tempore instituta fuerunt a Christo singula Novæ legis sacramenta?

R. Pertinet illa quæstio ad ea loca in quibus dicitur inferius de Authore cujusvis in specie sacramenti.

§. IV.

De Ministris Sacramentorum.

1. Quæst. Quotuplicis generis distingui possunt sacramentorum Ministri?

R. Duplicis. Alii nimirum sunt ministri *Ordinarii*, alii vero, *Extraordinarii*. Primi, sunt illi qui ad conficienda & dispensanda sacramenta a Christo missi sunt per Episcopalem manuum impositionem: hoc est, per veram, realem & legitimam Ordinationem. Alii, sunt illi qui præter viam illam ad consecrationem, aut dispensationem sacramentorum mitti possunt.

2. Q. Quinam sunt Ordinarii sacramentorum ministri?

L. 2

R. Sunt

R. Sunt homines viatores: nempe Christus homines viatores alloquebatur; cum in Evangelio sacramentorum consecrationem & dispensationem præcepit; id tamen juris non habent omnes homines, licet viatores sint & Christiani: alioquin enim ex institutione divina non esset in Ecclesia illa graduum & officiorum diversitas, cujus meminit Apostolus 1. ad Corinth. 9.

3. Q. Quinam sunt *Extraordinarii* sacramentorum ministri?

R. li omnes qui non ex officio, non ex vi sui characteris, sacramenti alicujus, Baptismatis v. g. dispensationem tentare possunt: quinam verò sint in specie, & quæ sacramenta ab aliis quàm ab Episcopis & Sacerdotibus dispensari possint, dicetur iis locis ubi agemus de sacramentis in particulari.

4. Q. Quanam requiruntur in ministro ut sacramenta conficiat?

R. Duo requiruntur, ut *licite* id agat, intentio nimirum, & sanctitas: unum verò tantum, ut *valide* id operetur, intentio nimirum faciendi quod facit Ecclesia, seu debita applicatio formæ ad materiam, & utriusque debita applicatio ad subiectum: sic in baptizante ministro requiritur 1. ut habeat (ut dictum est) intentionem faciendi quod facit Ecclesia: 2. ut debite proferat Baptismi formam: 3. ut aquam quæ est sacramenti materia debite applicet ab subiectum, seu ad hominem baptizandum.

De Intentione Ministri.

1. *Quæst.* Quid & quotuplex est intentio?

R. Intentio definitur ætus liber quo quis vult rem aliquam. Dividitur verò in *Adæqualem*, *Virтуalem*, *Habitualem*, & *interpretativam*. *Adæqualis*, est presens rei volitio cum mentis attentione: Ea autem attentio aut est ad rem volitam, aut ad ætum quo voluntas vult rem ipsam. Si primum, æqualis

intentio dicitur *Directa*: si secundum; *Reflexa* dicitur. *Virtualis*, est præsens rei volitio, sed absque mentis attentione, orta ex actuali quæ præcessit, quæque moraliter perdurare censetur. *Habitualis*, est intentio merè præterita; hoc est, quæ licet actu contrario-revocata non fuerit, multo tamen tempore fuit intercepta. Tandem *Interpretativa*, est ea per quam res ad finem per se refertur; sed non ex voluntate agentis, qui fortè de ea nusquam cogitavit.

2. Q. Ad conficiendum validè sacramentum requiriturne aliqua ex parte ministri illud conficientis intentio?

R. Requiritur. Nam 1. id declaravit Eugenius Papa IV. in Decreto pro instructione Armenorum. 2. Sine aliqua ex parte ministri intentione, sacramenti confectio non est actus humanus, seu voluntarius: at ad validitatem sacramenti necesse est ut illius confectio sit actus humanus: nempe propter eam rationem majores nostri iterabant datum ab energumenis baptisma.

3. Q. Quænam intentio ex parte ministri sacramentum conficientis requiritur, ut ipsum sacramentum valeat?

R. 1. Habitualis non sufficit, quia actum non reddit humanum, seu voluntarium; potest enim in dormiente reperiri. 2. *Interpretativa* satis quoque non est, quia non se tenet ex parte operantis, sed tantum ex parte rei quæ agitur. 3. *Actualis* absolutè non requiritur: nempe ut plurimum non est in hominis potestate, ut diù attendat ad opus quod agit. 4. Dicendum est igitur quodd *Virtualis* satis sit, eò quodd sufficienter reddat liberam & voluntariam actionem per quam sacramentum conficitur, aut dispensatur. Sed addendum est, quemque ministrum propter reverentiam quam debet sacramento conari debere ut intentionem actualem conservet, quandiu actioni sacramentariæ dat operam.

4. Q. Quodnam debet esse objectum intentionis quæ requiritur ut *licita* sit sacramenti confectio aut dispensatio?

R. Debent esse ea omnia quæ vult Ecclesia: Ecclesia autem vult 1. confectioem ritus externi, quem Christus præcepit, seu applicationem formæ ad debitam materiam: vult 2. ut ex illo ritu debitè peracto resultet id quod sacramentum dicitur: vult 3. ut ritus ille debitè applicatus, subiecto ritè disposito gratiam sanctificantem conferat.

5. Q. Quodnam debet esse objectum intentionis ministri, ut sacramentum valeat?

R. Minister debet velle *facere* quod facit Ecclesia, *Si quis dixerit* (inquit Concilium Tridentinum sessione 7. de Sacramentis in communi, Canone 11.) *in ministris, dum sacramenta conficiunt & conferunt, non requiri intentionem saltem FACIENDI, quod facit Ecclesia, anathema sit*, Ecclesia verò nihil aliud facit, quam externum ritum a Christo sacramentorum institutore præscriptum: ille autem ritus in debita formæ suprà materiam applicatione positus est: cum v. g. Ecclesia catechumeno Baptismum confert, illum exterius suorum ministrorum manibus abluit, ac per eorum os hæc profert verba: *Ego te baptizo in nomine Patris, & Filii, & Spiritus Sancti.*

6. Q. Numquid, ut sacramentum valeat, requiritur ut minister velit quod ex seria & debita applicatione supra materiam resultet sacramentum?

R. Non requiritur: nempe sacramentum, hoc est ritus sacer a Christo institutus, resultat necessariò ex conjunctione formæ cum materia, facta a ministro qui serio se gerit tanquam Ecclesiæ minister; velit nolite, tunc sacramentum propter Christi institutionem & promissionem resultat, quemadmodum imago regis resultat ex certa materiæ dispositione, quamvis statuarius nolit ut ex ea

De Deo Authore Sacramentorum. 167

resultet. Nec obest quod minister interiùs in semetipso dicat: *Nolo me gerere tanquam Ecclesia ministrum*. Scilicet voluntas non faciendi quod facit Ecclesia, est mera velleitas in illo qui seriù se gerens exteriùs tanquam Ecclesiæ ministrum, efficaciter actu & de facto Ecclesiæ nomine totum ritum a Christo præscriptum operatur.

7. Q. Numquid ut valeat Sacramentum, requiritur ut minister velit ut effectus sacramenti producat in recipiente?

R. Non requiritur: scilicet effectus sacramenti in subiecto minimè fìcto; hoc est ritè disposito, necessariù sequitur ex ritu externo quem Christus præcepit, quemque minister non mimicè, sed seriù fuerit operatus, quemadmodùm ex facis ardentis ad domum aliquam admotione sequitur domus huiusmodi combustio, velut nolitve is qui facem admovit. Confirmatur responsum illud ex Ecclesiæ praxi, quæ admittit datum a Calvinistis Baptisma, quamvis per illud non velint gratiam sanctificantem catechumeno conferre. Nempè censent Novæ legis sacramenta non habere vim producendi gratiam & ea esse signa seu sigilla receptæ justificationis per fidem qua quis certò credit sibi per Christum remissa esse peccata.

De Sanctitate Ministri:

1. *Quæst.* **V**alentne sacramenta ab impiis ministris confecta, aut collata?

R. Valent, modò (ut dictum est, habeant intentionem faciendi quod facit Ecclesia.) Ratio est, 1. quia potestas conficiendi, aut conferendi sacramenta non ex iis est donis, quæ subiectum Deo gratum faciunt, sed ex iis quæ ad aliorum salutem ordinantur quæque Theologi vocant gratias gratis datas.

2. Impietas, seu status peccati mortalis non efficit ut minister suà excidat potestate & iurisdictione,

unde Augustinus contra Donatistas agens advertit non baptizatum esse post Judam: *Dedit (inquit) Baptismum Judas, & non baptizatum est post Judam, quia datus à Juda Baptismus, Christi est.*

Obj. 1. Impii non habent gratiam sanctificantem: ergo eam conferre non possunt: nemo enim dat quod non habet.

R. Dist. ant. Non habent gratiam sanctificantem in seipsis, conc. ant. in sacramentis quæ conferunt, nego ant.

Obj. 2. Impii non sunt conjuncti cum Ecclesia, quæ tanquam Christi castissima sponsa, sacramenta per suos ministros dispensat & conficit: ergo, &c.

R. Dist. ant. Non sunt conjuncti per sanctitatem propriam, conc. ant. per fidem, aut per intentionem saltem faciendi quod facit Ecclesia, nego antecedens.

2. Q. Peccatne impius, seu qui jacens in statu peccati mortalis, sacramenta conficit, aut dispensat?

R. Peccat; & quidem lethaliter, si conficiat, aut dispenseat tanquam ordinarius minister. Nempè 1. gravem Christo injuriam infert, cujus exhibet personam. 2. Sacrilegii reus est, quod sancta sanctè non pertrahet: *Obsunt* (ait Augustinus contra Donatistas agens) *indignè tractantibus, profunt tamen per eos dignè sumentibus.*

Obj. Ex S. Thoma 3. p. q. 64. art. 6. ad 3. Non peccat impius Sacerdos, cum baptizat in casu necessitatis, in quo etiam laicus baptizare posset: ergo, &c.

R. Nego conseq. Ratio est, quia Sacerdos ille non agit ex vi receptæ in sua ordinatione consecrationis, sed tantum ex charitate, quæ jubet ut proximo in extremis constituto subveniatur.

3. Q. Estne licitum sacramenta ab impiis ministris recipere?

R. Extra casum necessitatis non licet recipere ab
iis

De Deo Authore Sacramentorum. 169

his qui ex officio ea minimè dispensant: quia vetat charitas, ne quis proximum inducat ad actum, quem scit in illo futurum esse grave peccatum. Sed licitum est, si alius non adsit minister, ea recipere & petere à ministro, Parocho v.g. qui ex officio dispensat: tunc enim fidelis utitur jure suo in re bona ac utili, qua vel simpliciter indiget, vel ad melius esse.

Obj. Fidelis de quo agitur esset scandalo Pastori suo: sed vetat charitas, ne simus alicui homini scandalo: ergo, &c.

R. Illud scandalum fore passivum tantum, non autem activum; hoc est, acceptum, non verò datum.

4. Q. Estne licitum recipere sacramenta à ministris suspensis, imò & excommunicatis?

R. Si non adsint alii à quibus commodè recipi possint, licitum est, modò illi ministri non sint denunciati. Nimirum id docet Martinus Papa V. in Extravag. *Ad evitanda scandala*. Imò qui in casu *extremae necessitatis* Baptismum, aut Pœnitentiam recipit ab excommunicato minimè tolerato, & nominatim denunciato non peccat, sed prudenter sibi consult. Vide Augustinum in libro 1. de Baptismo contra Donatistas, cap. 2. Vide etiam Concilium Tridentinum sess. 4. cap. 7.

C A P U T V.

De Subjecto Sacramentorum.

1. *Quest.* Quid intelligitur per Sacramentorum subjectum?

R. Intelliguntur ii, quibus sacramenta validè, aut licitè conferri possunt. Ii verò sunt soli homines. Angelis enim utpotè corporis expertibus, signa sensibilia, ac proinde nec sacramenta applicari possunt. Ii autem homines sunt soli viatores: nec enim patitur Beatorum status, ut in eis augeatur gratia, aut aliqua damnatis conferatur.

2. Q.

2. Q. Ut sacramentum *valide* recipiatur, requiritur in adultis hominibus aliqua intentio, seu voluntas illud recipiendi?

R. Requiritur. Nam 1. jubent Canones ut adultorum voluntas exploretur, antequam initientur Baptismate. 2. Alioquin Ethnicis qui nihil unquam audiissent de Evangelio, deberet in extremis Baptisma conferri: quod est falsum.

Obj. 1. Innocentius Papa III. capite *Majores* asserit sacramentalem actionem tunc characterem imprimere, *quando obicem contrariae voluntatis non invenerit*: ergo non requiritur, etiam in adultis, positiva intentio recipiendi sacramentum, sed sufficit indifferentia, seu ut illius receptioni non contradicatur.

Resp. Dist. ant. Et Innocentius supponit, in illis de quibus agit, prius adfuisse positivam intentionem recipiendi sacramentum, conc. ant. loquitur enim de iis qui prius *cathecumeni* extitissent, & *habuissent propositum Baptismatis*: Et non supponit adfuisse prius positivam intentionem, nego ant.

Obj. 2. Nonnulli, vel inviti, vel saltem inscii, receperunt Ordinis sacramentum, ut referunt Theodoretus de Macedonio Solitario, & Epiphanius de Pauliniano sancti Hieronymi fratre: ergo nullam habuerant intentionem recipiendi sacramentum.

Resp. Conc. ant. dist. conseq. Nullam habuerunt explicitam & formalem, conc. conseq. implicitam & virtualem, nego conseq. Scilicet cum viri essent eximiae pietatis, animo erant in omnibus Ecclesiae obediens & submissi: ac proinde implicitè consentiebant ordinationi, ejus nomine & autoritate collatae.

Obj. 3. Licet & valide confertur Extrema Unctio fideli, qui prae subito morbo amittit rationis usum: ergo supponitur ad illud saltem sacramentum nullam ex parte subiecti intentionem requiri.

Resp.

De Deo Authore Sacramentorum. 151

Resp. Nego conseq. Eo enim in casu Ecclesia præsumit adesse intentionem de qua agitur: qui enim dum sua ratione frueretur, Christianismum ad mortem usque in Ecclesia Catholica profiteri voluit, censetur voluisse ut sibi postea ratione destituto sacramenta conferrentur, & ea præsertim, quæ de vita periclitantibus ex Christi mandato necessaria esse cognoscit.

3. Q. Quænam debet esse intentio ex parte subjecti requisita, ut sacramentum valeat?

R. Nec actualis, nec virtualis absolutè requiruntur. Scilicet valent sacramenta dormientibus, amentibus, & præsubita infirmitate obmutescens, collata, modò tamen priùs ea vel verbo, vel signo aliquo petierint: atqui in iis hominibus nec actualis, nec virtualis intentio reperiuntur: ac proinde dicendum est ad validam sacramenti receptionem satis esse intentionem habitualement.

4. Q. Fides estne ex parte subjecti necessaria, ut sacramentum valeat?

R. Non est necessaria. Nempe 1. valet Baptisma Atheo datum qui habet intentionem recipiendi ritum illum qui tanquam sacer habetur in Ecclesia quæ Christiana dicitur. 2. Augustinus in libro 3. de Baptismo cap. 14. hæc ait: *Non interest cum de sacramenti integritate & sanctitate tractatur, quid credat, aut quali fide imbutus sit ille qui accipit sacramentum.*

5. Q. Quænam ex parte subjecti requiruntur, ut illius respectu licita sit sacramenti receptio?

R. Requiritur 1. intentio saltem virtualis, in homine adulto qui sua ratione fruitur. Id enim exigat singularis reverentia quæ sacramento debetur. Requiritur 2. status gratiæ sanctificantis, cum agitur de receptione sacramentorum, quæ à Theologis vocantur *Sacramenta vivorum*. Requiritur 3. voluntas planè sit libera ab affectu ad peccatum mortale, ac

ac præterea necessarius est *inchoatus* Dei amor super omnia, etiam cum agitur de receptione sacramentorum quæ sunt & vocantur *Sacramenta mortuorum*: hoc est hominum qui jacent in *statu* peccati mortalis, ut sunt Baptismus & Pœnitentia.

§. VI.

De effectibus Sacramentorum.

Nota. **D**illo sunt sacramentorum effectus: nempe gratia ab omnibus producitur, & character ab aliquibus tantum, Baptismo nimirum, Confirmatione & Ordine.

De Gratia quam Sacramenta produciunt.

Nota. **D**E gratia quam Novæ legis sacramenta produciunt, quæri potest 1. utrum reipsa ab omnibus producat? 2. Quenam sit illa gratia? 3. Utrum producat ex *Opere operato*? 4. Utrum physicè, an moraliter tantum?

1. Q. Sacramenta Novæ legis produciuntne gratiam?

R. Produciunt. Nam 1. de Baptismo hæc habentur Actuum 2. *Baptizetur unusquisque vestrum in remissionem peccatorum.* Hæc iterum ad Ephesios 5. *Mundans eam* (Ecclesiam) *lavacro aquæ in verbo vitæ.* 2. De confirmatione hæc habentur Actuum 8. *Imponebant* (Apostoli) *manus super illis* (Neophitos) *& accipiebant Spiritum sanctum.* 3. De Eucharistia hæc leguntur Joannis 6. *Qui manducat meam carnem, & bibit meum sanguinem, habet vitam æternam.* 4. De Pœnitentia sic Christus Joannis 20. loquitur: *Accipite Spiritum sanctum, quorum remiseritis peccata, remittuntur eis.* De Extrema Unctione: *Si in peccatis sit* (Jacobi 5.) *remittentur ei.* De Ordine 1. ad Timoth. 4. *Noli negligere gratiam quæ in te est, quæ data est tibi per Prophetiam cum*
impo-

De Deo Authore Sacramentorum. 173

Impositione manuum mearum. 5. De Matrimonio: Sacramentum hoc magnum est (ait Paulus ab Ephes. 5.) ego autem dico in Christo & in Ecclesia.

Ex iis vero locis sic arguitur. Ritus quibus confertur remissio peccatorum, quibus datur Spiritus sanctus, quibus datur jus ad vitam æternam, producant gratiam: atqui (ut ex relatis textibus patet) sacramenta Novæ legis remittunt peccata, conferunt Spiritum sanctum, dant jus ad vitam æternam: ergo producant gratiam. Hinc patet debito anathemate damnatos fuisse qui contrarium asseruerint: *Si quis dixerit (ait Concilium Tridentinum sessione 7. canone 6.) sacramenta Novæ legis non continere gratiam quam significant, aut gratiam ipsam non ponentibus obicem non conferre anathema sit.*

Obj. Si sacramenta producerent gratiam, inutilis esset Christi Passio: quod tamen dictum impium est: ergo, &c.

Resp. Dist. ant. Si producerent per modum causæ principalis, conc. ant. si tantum per modum causæ instrumentalis, nego ant. Hoc autem, non autem illo modo sacramenta Novæ legis gratiam producant: totam enim suam virtutem hauriunt ex Christi Passione, cujus sunt fructus & applicatio.

2. Q. Quænam est gratia quæ producitur per sacramenta Novæ legis?

R. Non est gratia actualis: neque enim sacramenta movent & excitant animam ad pietatis opera, ut patet in infantibus quibus Baptisma confertur. Dicendum est igitur, quod Sacramenta producant gratiam habituales seu gratiam quæ permanenter inhæret animæ, eamque reddit Deo gratiam, donec ipsa per peccatum mortale deleatur.

3. Q. Gratia quæ per sacramenta producitur, estne prima, an secunda tantum?

R. Quædam sacramenta, ea nimirum quæ dicuntur *Sacramenta mortuorum*, ut sunt Baptismus & Pœni-

Pœnitentia, conferunt primam gratiam: nempe gratia habitualis quam producant, non supponit in subiecto aliam gratiam habitualement sanctificantem. Alia verò sacramenta, quæ dicuntur *Sacramenta vivorum*, non conferunt primam gratiam, seu quæ subiectum primò iustificet; sed secundam tantum, quæ quidem posita est in augmento gratiæ sanctificantis.

4. Q. Quodlibet Novæ legis sacramentum, habetne peculiarem gratiam sibi annexam, quam præter habitualement & sanctificantem conferat recipientibus?

R. Habet: scilicet ex sancto Thoma 3. p. q. 62. art. 2. addit divinum auxilium ad consequendum sacramenti finem: sic Baptismus dat veluti quoddam ius ad auxilia, quibus Neophytus hominis Christiani officia exequi possit: sic etiam Extrema Unctio dat quoddam ius ad auxilia actualia, ut ægrotus morbi incommoda ferat patienter.

5. Q. Sacramenta Novæ legis producantur gratiam ex opere operato; an verò tantum ex opere operantis?

R. Producant ex opere operato; quia producant eam vi operis quod exterius exercetur à ministro, seu vi applicationis formæ ad materiam, & utriusque ad subiectum à quo sacramentum recipitur. Non producant verò ex opere operantis, quia non producant dependenter à sanctitate ministri aut solum ex virtute dispositionum quæ sunt in subiecto qui accedit ad sacramenta. Ità quondam Ecclesia definiit contra Donatistas, & postea Concilium Tridentinum sess. 7. can. 8. *Si quis dixerit (ait) per illa Nova legis sacramenta ex opere operato non conferri gratiam, anathema sit.*

Obj. 1. Sacramenta, ut gratiam producant, nonnullas ex parte recipientis, dispositiones præsupponunt: ergo non agunt ex opere operato.

R. Conz

De Deo Authore Sacramentorum. 179

R. Conc. ant. nego conseq. Licet enim ignis & alia causa naturales agant ex opere operato, id tamen non impedit quin requirantur aliqua dispositiones ex parte subjecti in quo agunt & operantur: sed illae dispositiones non se habent per modum causae efficientis quae influat in effectum, sed tantum per modum causae materialis; unde non impediunt ne agens suum effectum producat *ex opere operato*.

Obj. 2. Voces istae, *Ex opere operato*, quibus Concilium Tridentinum utitur, novae sunt; ergo sunt rejiciendae.

R. Dist. ant. Novae sunt quoad syllabas ex quibus constant, conc. ant. quoad sensum quem continent, nego ant. Vide Commentarium nostrum Historicum & Dogmaticum de Sacramentis in genere, ubi praecise notavimus quo tempore voces de quibus agitur, adhiberi coeperint ad explicandum sacramentorum virtutem & operandi modum.

6. Q. Quomodo Sacramenta novae legis producant gratiam? an physice, an verò moraliter tantum?

R. Duplex est ea de re Scholasticorum opinio. Thomistae passim docent; sacramenta novae legis producere gratiam physice, sicut sol lucem & calorem: è contrà Scotistae contendunt non producere, nisi moraliter, ita ut eorum applicatio moveat Deum, ut ipsemet, prout pollicitus est, in recipientibus producat gratiam, quam se collaturum promittit, quoties signa extrinseca à Christo instituta & praecepta, subjectis, ut par est dispositis applicentur.

His praemissis dicendum est probabiliorem videri sententiam quae docet sacramenta gratiam, non physice, sed moraliter tantum producere. Ratio est
1. quia eo momento quo gratia producitur, non existit tota physica sacramenti substantia: non enim producitur, nisi post prolationem ultimae ex vocibus quibus

quibus constat sacramenti forma; at tunc priores voces, seu quæ antè prolatae sunt, non existunt physice, sed tantum moraliter. 2. Patres videntur asseruisse sacramentis non physicam, sed moralem tantum virtutem operandi: nempe docuerunt, Deum ipsum ad illorum applicationem conferre gratiam, dare Spiritum sanctum: *Neque enim* (ait Augustinus in libro 15. de Civitate Dei, cap. 26.) *aliquis discipulorum Christi dedit* (physicè scilicet) *Spiritum sanctum: orabant ut veniret in eos quibus manus imponebant, non ipsi eum dabant.*

Obj. 1. Scriptura dicit, gratiam per sacramenta produci, *Salvos nos fecit* (ait Apostolus Epist. ad Tit. c. 3.) *PER lavacrum regenerationis.* Concilium Tridentinum asserit, sacramenta *continere* gratiam quam produciunt: Sed ii loquendi modi denotant physicum operandi modum: ergo, &c.

Resp. Nego min. Scilicet præpositio *per*, est ex se indifferens ad significandum influxum physicum, aut moralem: unde Rex potest dicere, totum exercitum moveo *per* brevissimam Epistolam. Indifferens est quoque ad significandam actionem physicam, aut morales terminum, *continere*, quo Concilium Tridentinum utitur: nempe de schedula ad cujus exhibitionem mercator, ex pacto quod iniit cum alio mercatore, præsentem pecuniam numerat offerenti, dici potest quod pecuniam contineat, quamvis non physice, sed moraliter tantum ea contineatur.

Obj. 2. Si hoc esset, Sacramenta Novæ legis non differrent à sacramentis Mosaicæ legis: hæc enim gratiam moraliter producebant; scilicet Deum movebant, ut ipse eam hominibus rectè dispositis conferret: ergo, &c.

Resp. Ad 1. nego ant. ad 2. nego quod sacramenta Legis Mosaicæ, per se & ex sui institutione Deum (ut sacramenta Novæ legis) moverent ad conferendam gratiam: neque enim Deus pollicitus fuerat

De Deo Authore Sacramentorum: 177.

fuerat (ut promissit tamen in Nova lege) se daturum esse gratiam iis hominibus quibus Mosaici ritus applicarentur . Nec id mirum est : erant quippè nuda & mera signa , vacua & egena elementa quibus Judæi suam in Deum fidem profitebantur ; nec alia virtus eis inerat , quàm fidei quæ per ea signa manifestabatur exterius .

Obj. 3. Cum sola operatione morali stare non videtur modus agendi *ex opere operato*, quem Concilium Tridentinum Legis novæ sacramentis adscribit : ergo , &c.

Resp. Nego ant. Nempè agere *ex opere operato*, est (ut dictum fuit superius) agere ex vi operis quod exterius exercetur : sed cum illo operandi modo rectè stat actio moralis , qua fit ut quoties opus exercetur , Deus moveatur efficaciter , ut , stando suis promissis , subiecto debitè disposito gratiam sanctificantem conferat .

De Characterè quem Sacramenta produciunt :

1. *Quæst.* **Q**uid est character , seu quomodò character definitur ?

R. Definitur , Signum quoddam indelebile , animæ per quædam Sacramenta impressum . Dicitur 1. *signum* , quia est veluti tessera quæ distinguit homines quibus impressus est , ab aliis qui eo non sunt insigniti . Dicitur 2. *signum indelebile* , & in hoc differt à gratia sanctificante quæ per peccatum mortale expellitur ab anima .

Dicitur 3. *signum animæ per quædam sacramenta impressum* : ut significetur non omnia Novæ legis sacramenta , sed tantum nonnulla , characterem imprimere .

2. *Q.* Quot sunt legis Novæ sacramenta , quæ characterem produciunt ?

R. Tria tantum Baptismus nimirum , Confirmatio , & Ordo . Unde dantur per modum consecra-

tionis subiecti ad cetera quædam officia. Hinc etiam fit quod illa tria sacramenta; si semel valide data fuerint, iterari minimè possint, nec unquam in Ecclesia Catholica iterata fuerint. Vide Concilium Tridentinum sess. 7. can. 9.

3. Q. Quot & quæ sunt characteris proprietates?

R. Tres sunt. Nam 1. est (ut jam fuit observatum) omnino indelebilis. 2. Subiecto cui imprimitur, confert quandam ad externum Dei cultum idoneitatem: hoc est, ipsum reddit aptum ad alia sacramenta aut recipienda, aut conferenda: sic baptismi character, reddit subiectum idoneum ad alia sacramenta recipienda, ita ut si illo careat, nullum aliud sacramentum recipere possit; sic etiam character Sacerdotalis hominem reddit aptum ad conficiendam Eucharistiam, & ad extremam unctionem conferendam. 3. Sola creatura est capax characteris, quia character est imperfecta potestatis participatio, unde in Christo character esse non potuit; scilicet non participatam, sed completam habuit sacerdotalem potestatem per hypostaticam humanæ naturæ cum Verbo unionem.

Obj. Nec Scriptura nec Patres aliquando meminerunt characteris qui per sacramenta Novæ legis producat: ergo reverà per Sacramenta non producit.

R. Nego ant. Nam 1. secundæ ad Corinth. 1. dicitur quod Deus nos unxerit, & signaverit. 2. Basiliius hom. 13, quæ est exhortatio ad baptismum, comparat Deum cum Duce exercitus, aitque, quod quemadmodum Dux exercitus suis militibus dat tesseram, ut ab hostibus discernantur; ita Deus iis qui per baptismum fiunt Christi milites, characterem imprimit per quem discernantur ab iis qui per baptismum nondum facti sunt milites Christi: *Nisi (inquit) characterem in te agnoscat Angelus*

quo-

De Deo Authore Sacramentorum. 179

quonam modo pro te pugnabit, aut ab inimicis vincietur? 3. Augustinus Epist. 23. quæ est ad Bonifacium Episcopum, scribit baptismum in Ecclesia ab impiis datum valere, quod characterem imprimat: *Habentem (inquit) Dominicum CHARACTEREM, corrigendum tamen admonet sana doctrina, non iterum consecrandum.* Vide ejusdem S. Doctoris Epistolam 3. quæ est ad Comitem Bonifacium; necnon caput 13. libri 3. contra Epistolam Parmeniani.

§. VII.

De proprietatibus Sacramentorum.

Nota. **D**ixæ sunt Sacramentorum in genere proprietates, dignitas nimirum & necessitas: unde necesse est ut hic de utraque nonnulla dicantur, necnon de ceremoniis, seu ritibus quæ Sacramentorum administrationem comitantur.

1. Q. Omnia sacramenta suntne dignitate omnino paria?

R. Paria non sunt; Eucharistia enim præ cæteris omnibus eminet: nempe non gratiam tantum accidentalem, sed & ipsum gratiæ fontem continet: unde Concilium Tridentinum sess. 7. can. 8. debito anathemate damnat eos qui vellent omnia Novæ legis sacramenta esse inter se paria, ita ut nulum sit alio dignius.

2. Q. Sacramenta Novæ legis suntne paria quoad effectum quem producant?

R. Non sunt paria. Nam 1. baptismus non tantum peccati culpam, ut alia, sed etiam totam delet poenam ipsi debitam. 2. Confirmatio dat (quod non efficiunt alia sacramenta) jus ad auxilia quæ necessaria sunt ad consistendam coram tyrannis fidem. 3. Eucharistia aliis præeminet quantum ad nutriendam spiritualiter animam, & ad ætium concupis-

tionis subiecti ad cetera quædam officia. Hinc etiam fit quod illa tria sacramenta; si semel valide data fuerint, iterari minimè possint, nec unquam in Ecclesia Catholica iterata fuerint. Vide Concilium Tridentinum sess. 7. can. 9.

3. Q. Quot & quæ sunt characteris proprietates?

R. Tres sunt. Nam 1. est (ut jam fuit observatum) omnino indelebilis. 2. Subiecto cui imprimitur, confert quandam ad externum Dei cultum idoneitatem: hoc est, ipsum reddit aptum ad alia sacramenta aut recipienda, aut conferenda: sic baptismi character, reddit subiectum idoneum ad alia sacramenta recipienda, ita ut si illo careat, nullum aliud sacramentum recipere possit; sic etiam character Sacerdotalis hominem reddit aptum ad conficiendam Eucharistiam, & ad extremam unctionem conferendam. 3. Sola creatura est capax characteris, quia character est imperfecta potestatis participatio, unde in Christo character esse non potuit; scilicet non participatam, sed completam habuit sacerdotalem potestatem per hypostaticam humanæ naturæ cum Verbo unionem.

Obj. Nec Scriptura nec Patres aliquando meminerunt characteris qui per sacramenta Novæ legis producatur: ergo reverà per Sacramenta non producitur.

R. Nego ant. Nam 1. secundæ ad Corinth. 1. dicitur quodd Deus nos unxerit, & signaverit. 2. Basiliius hom. 13. quæ est exhortatio ad baptismum, comparat Deum cum Duce exercitus, aitque, quod quemadmodum Dux exercitus suis militibus dat tesseram, ut ab hostibus discernantur; ita Deus iis qui per baptismum fiunt Christi milites, characterem imprimit per quem discernantur ab iis qui per baptismum nondum facti sunt milites Christi: Nisi (inquit) characterem in te agnoscat Angelus.

De Deo Authore Sacramentorum. 179

quonam modo pro te pugnabit, aut ab inimicis vindicabit? 3. Augustinus Epist. 23. quæ est ad Bonifacium Episcopum, scribit baptismum in Ecclesia ab impiis datum valere, quod characterem imprimat: *Habentem (inquit) Dominicum CHARACTEREM, corrigendum tamen admonet sana doctrina, non iterum consecrandum.* Vide ejusdem S. Doctoris Epistolam 3. quæ est ad Comitem Bonifacium; necnon caput 13. libri 2. contra Epistolam Parmeniani.

§. VII.

De proprietatibus Sacramentorum.

Nota. **D**iximus sunt Sacramentorum in genere proprietates, dignitas nimirum & necessitas: unde necesse est ut hic de utraque nonnulla dicantur, necnon de ceremoniis, seu ritibus quæ Sacramentorum administrationem comitantur.

1. Q. Omnia sacramenta suntne dignitate omnino paria?

R. Paria non sunt; Eucharistia enim præ cæteris omnibus eminet: nempe non gratiam tantum accidentalem, sed & ipsum gratiæ fontem continet: unde Concilium Tridentinum sess. 7. can. 8. debito anathemate damnat eos qui vellent omnia Novæ legis sacramenta esse inter se paria, ita ut nulum sit alio dignius.

2. Q. Sacramenta Novæ legis suntne paria quoad effectum quem produciunt?

R. Non sunt paria. Nam 1. baptismus non tantum peccati culpam, ut alia, sed etiam totam delet poenam ipsi debitam. 2. Confirmatio dat (quod non efficiunt alia sacramenta) jus ad auxilia quæ necessaria sunt ad consistendam coram tyrannis fidem. 3. Eucharistia aliis præeminet quantum ad nutriendam spiritualiter animam, & ad ælitum concupi-

scientiæ minuendum. 4. Pœnitentia præstat aliis quantum ad vim delendi peccata lethalia quæ post baptismum commissa sunt. 5. Extrema unctio vim peculiarem habet quantum ad delendas peccatorum reliquias. 6. Ordo ratione Ministri à quo confertur, præstantior est aliis sacramentis; à solo enim Episcopo conferri potest. 7. Matrimonium eminet quantum ad id quod significat: scilicet exhibet unionem Christi cum Ecclesia, dicente Apostolo, Ephes. 5. *Sacramentum hoc magnum est: ego autem dico in Christo & in Ecclesia.*

3. Q. Sacramenta suntne in Nova lege hominibus necessaria?

R. Duo sunt hominibus impiis; hoc est, jacentibus in statu peccati mortalis, necessaria necessitate medii; Baptismus nimirum hominibus infidelibus, & Pœnitentia lapsis post baptismum; ita ut sine aut eis actu, aut in voto receptis justificationem consequi non possint. Duo quoque absolute necessaria sunt Ecclesiæ corpori, Ordo nimirum & Matrimonium: nempè sine eis Ecclesia deficeret. Reliqua verò, pro loco & tempore, singulis fidelibus necessaria sunt necessitate præcepti divini; sed hæc suo loco fusiùs exponuntur.

4. Q. Ceremoniæ quædam adhibitæne fuerunt semper in solemni sacramentorum administratione?

R. Nonnullæ, sed non eadem ubique, semper adhibitæ fuerunt. Id patet, ex libro Tertulliani *De Corona militis*, qui quidem totus est in referendis ritibus, qui sætate in Baptismi & Eucharistiæ dispensatione adhibebantur. 2. Nonnullarum meminit Cyprianus Epist. 76. ad Magnum. 3. Cyrillus Hierosolymitanus in suis Catechesibus myagogicis describit quo externo ritu Baptismus, Confirmatio, & Eucharistia suo tempore dispensabantur in Oriente, sicut & Gregorius in suo Sa-

cra-

De Deo Authore Sacramentorum. 181

cramentario eos refert qui in Occidente ævo suo in illorum & aliorum sacramentorum confectioe & dispensatione servabantur.

5. Q. Qui in solemni sacramentorum administratione adhibetur ceremoniarum usus, estne utilis?

R. Utilis est. Nam 1. juvat intellectum; ut facilius sacramenti vim & effectum cognoscat. 2. Ritus populos nonnumquam confirmat in fide quam de sacramentis habere debent. 3. Fidelium veluti ponunt ob oculos mytheria quæ sacramentis recondunt. 4. Conferunt ad reverentiam quæ sacramentis tum à ministris, tum à recipientibus debetur.

6. Q. Ecclesia potuitne ceremoniarum in solemni sacramentorum administratione usum præscribere?

R. Potuit. Nempè 1. potest leges quæ ad disciplinam, & externum Dei cultum pertineant condere. 2. Eo jure usa est quovis sæculo, ut videre est innumeris Conciliorum Canonibus, quibus præscribuntur ritus, de quibus est quæstio.

7. Q. Peccantne ministri qui in solemni sacramentorum administratione omittunt voluntariè præscriptos ab Ecclesia ritus?

R. Qui, etiam citrà scandalum, & citrà contemptum, ritus de quibus agitur omittunt, peccant vel lethaliter, vel venialiter, pro levitate aut gravitate materiæ: scilicet infringunt Ecclesiæ præceptum, quo ministri ligantur: unde Canones certis quibuldam pœnis in eos animadvertunt.

8. Q. Quinam sunt in specie ritus quos ministri servare debent in Solemni Sacramentorum administratione?

R. Debent eos in specie servare, qui præscribuntur ritualibus libris diœcesis in qua sacramenta conficiunt, aut dispensant: nempè locorum in quibus degunt, legibus tenentur: *Nec disciplina ulla* ait

Augustinus Epist. 118.) *est in eis melior gravi prudentique Christiana, quam ut eo modo agat quo agere viderit Ecclesiam ad quamcumque fortè devenerit.* Ab ea tamen regula excipi debet casus, cujus in Graecorum gratiam meminit Concilium Florentinum in Decreto Unionis.

C A P U T II.

De Baptismo.

§. I.

De Essentia & Materia Baptismi.

1. *Quaest.* **B**aptismus quomodo definitur?
R. Definitur, *Sacramentum regenerationis per aquam in verbo.*

Dicitur 1. sacramentum, quia est signum sensibile ad hominum sanctificationem (ut infra dicetur) divinitus institutum.

Dicitur 2. sacramentum *Regenerationis*, quia dat vitam spiritualement per modum generationis; cum è contrà sacramentum Pœnitentiæ det eam per modum suscitationis è mortuis.

Dicitur 3. sacramentum regenerationis, *Per aquam in verbo*, ed quodd aqua & verbum, sunt duæ res sensibiles per quas Deus hominem in baptismo regenerat, juxtà illud Apostoli ad Ephes. 5. *Mundans eam (Ecclesiam) lavacro aquæ in verbo vitæ.*

2. *Q.* Quotuplex est Baptismi materia?

R. Duplex, Remota nimirum & Proxima. *Prima*, est elementum seu aqua ex qua baptismus constat: *Alter*a est ejusdem aquæ, ad catechumeni corpus applicatio; seu est catechumeni ablutio.

3. *Q.* Quæ

3. Q. Quæ est in specie Baptismi materia Remota?

R. Est sola aqua naturalis, seu est ea omnis aqua, quæ opponitur aquæ artificiali. Nam 1. aquæ naturalis usum ad conferendum baptismum Christus ipse præcepit. Joannis 3. *Nisi quis (ait) renatus fuerit ex aqua & Spiritu sancto, non potest introire in regnum Dei.* 2. Ecclesia quovis sæculo non per aliam quam per naturalem aquam baptismum contulit. Hinc meritò contrà Calvinistas & Lutheranos Concilium Tridentinum hunc edidit Canonem: *Si quis (ait sess. 7. can. de Baptismo) dixerit aquam veram, & naturalem non esse de necessitate baptismi, anathema sit.*

Obj. 1. Matthæi 3. Joannis baptismus in eo opponitur baptismum Christi, quodd, cum ille datus sit in aqua; iste è contrà dandus esset in igne: *Ille (Christus) vos baptizabit in Spiritu sancto & igni:* ergo, &c.

Resp. Disting. ant. baptizabit *spiritualiter* in Spiritu sancto & igni, die nimirum sacra Pentecostes, conc. ant. Baptizabit *materialiter*, & baptismum a se instituto, nego ant.

Obj. 2. Stephanus Papa II. in responsis ad Monachos monasterii Britannici admisit baptismum in casu necessitatis vino collatum: ergo, &c.

Resp. Disting. ant. Admisit tanquam licitum ex parte ministri, qui bona fide illud vino, urgente extrema necessitate, aquæ defectu contulerat, conc. ant. tanquam validum, nego ant. Undè ait, *Nulla ei adscribitur culpa, si infantes sic permaneant.*

4. Q. Cur Christus baptismum aqua naturali constare voluit?

R. Id voluit. 1. quodd aqua maximè sit apta ad significandum baptismi effectum; animæ nimirum interiorem ablutionem: 2. quodd aqua naturalis ubique reperitur, ac proinde sacramentum quod ne-

cessarium est necessitate medii, ubique gentium conferri potest. Vide Augustinum libro 12. contr. Faustum.

4. Q. Quænam aqua debet censi naturalis?

R. Ea omnis quæ opponitur artificiali. Hincque colligitur 1. valere baptismum datum aqua maris, fluminis, pluvie, resoluta ex nive, glacie, grandine, aut pruina; transfusa per cineres, per balnea sulphurea, aut per alia loca mineralia; adhibita ad carnes, pisces aliaque alimenta decoquenda; nisi tamen aqua ista tantam spirituum copiam contraxerit, ut mutarit speciem.

Colligitur 2. è contrà, irritum esse baptismum datum aqua, quæ ex rosis, herbis, aut vitæ fuerit expressa. Unde nullo in casu ejusmodi aquis artificialibus licitum est baptismi collationem tentare, etiam adhibendo conditionalem formam.

Colligitur 3. si dubium sit, an aliquis liquor sit aqua naturalis, licitum esse in casu extremæ necessitatis eo uti cum hac forma conditionali: *Si materia hæc idonea est ad baptizandum, ego te baptizo, &c.* Ubi autem postea occurrerit liquor quem constiterit esse aquam naturalem, eo baptizandus est is qui in casu necessitatis baptizatus fuit cum materia dubia; sed cum hac conditione: *Si tu non es baptizatus, ego te baptizo in nomine, &c.*

6. Q. Quænam est proxima baptismatis materia?

R. Est ablutio: quia per abluitionem aqua, quæ est materia remota, cathecumeno per ministrum applicatur.

7. Q. Quot modis fieri potest ablutio?

R. Tribus modis; asperione nimirum, infusione, immersione.

8. Q. Quinam ex tribus abluendi modis, quorum minuit responsio ad præcedens quæritum, necessarius est, ut baptismus valeat?

R. Valet, quocumque modo fiat ablutio. Nempè 1.
per

De Deo Authore Sacramentorum. 185

per quemcumque illum ablutionis modum sit satis Christi præcepto : *Baptizantes eos, &c.* per quemcumque enim catechumeni corpus (quod Christus imperavit) verè abluatur. 2. Ecclesia probavit semper baptisma per infusionem, aut aspersionem datum Clinicis; hoc est, decumbentibus in lectulo mortis. Probavit quoque collatum per immersionem, ut in Ecclesia Latina factum est ordinariè per duodecim priora sæcula; & nunc etiam fit in tota Ecclesia Græca.

9. Q. Quomodo, ut baptismi collatio sit licita, fieri debet ablutio?

R. Infusione apud Latinos, & immersione, saltem ordinariè, apud Græcos. Nempè quilibet minister tenetur in solemni sacramentorum administratione servare ritus præscriptos ab Ecclesia cui adscriptus est.

1. Q. Quænam ablutio debet censi sufficiens?

R. Insufficiens est 1. quæ fit per unam & alteram tantum aquæ guttulam, quia per eam catechumenus non censetur ablutus: 2. quæ non carnes, sed tantum crinem aut vestem attingit: 3. quæ fit tantum in manu aut pede catechumeni, quia licet homo per eam ablutionem dicatur ablutus *secundum quid* non dicitur tamen ablutus *simpliciter & absolute*. Itaque dicendum est ablui debere aut caput, quod præcipua est hominis pars; aut saltem major totius corporis pars. Vide S. Thomam 3. p. q. 68. art. 12, ad 4.

CAPUT II.

De Forma Baptismi.

1. Quæst. **O**uæ est forma Baptismatis apud Græcos?

R. Sunt hæc verba : *Baptizatur servus, vel serva Dei N. in nomine Patris, & Filii, & Spiritus sancti*;
Si;

Si: Ità nimirum fert Euchologium quo Græci a mille annis & ampliùs in administratione sacramentorum utuntur. Eam verò formam probavit Eugenius Papa IV. in Decreto pro instructione Armenorum.

2. Q. Quænam est apud Latinos forma baptismatis?

R. Sunt hæc verba: *Ego te baptizo in nomine Patris, & Filii, & Spiritus sancti*. Ità eam referunt Gregorius Magnus in suo Sacramentario, Eugenius IV. in Decreto pro instructione Armenorum, & Rituale, Pauli Papæ V. iussu editum. Cum autem Gregorius eam tanquam usum ubique apud Occidentales suo tempore receptum referat, invictè colligitur eam esse Gregorii sæculo antiquiorem.

3. Q. Verba quibus exprimitur actio ministri baptizantis: *Ego te baptizo*, vel (ut fert Græcorum usus) *Baptizatur servus, &c.* fuerunt semper in usu?

R. Fuerunt: nec enim alicubi primam eorum institutionem reperire est: hincque concluditur illorum usum autoritate Apostolica traditum esse.

4. Q. Verba quæ exprimunt ministri baptizantis actum: *Ego baptizo*, vel *baptizatur*, requiruntur ne ut sacramentum valeat?

R. Requiruntur. Ita nimirum definiit Alexander Papa III. cap. *Si quis* Ext. de Baptismo & ejus effectu. Ita etiam declaravit Alexander Papa VIII. à quo, die 7. Decemb. ann. 1690. proscripta fuit hæc propositio: *Valuit aliquando baptismus sub hac forma collatus: in nomine Patris, &c. prætermisiss illis: Ego te baptizo*.

5. Q. Expressio pronominis *Te*, quod in forma baptismatis legitur, requiritur ne ut valeat baptismus?

R. Requiritur. Nempe non minùs ipsam requirere videtur Alexander III. quàm expressionem ablutionis

De Deo Authore Sacramentorum. 187

nis externæ: *Et non dixerit (ait) ego Te baptizo; puer non est baptizatus.*

6. Q. A quo proferri debet hæc verba: *Ego te Baptizo, &c.*

R. Ab eo qui catechumenum abluit: si enim aliud ea proferret, mentiretur: nempe, licet reipsa non lavaret, affirmaret tamen per verbum *Baptizo*, se reipsa catechumenum lavare.

7. Q. Ut baptismus valeat, requiriturne expressa & distincta invocatio trium personarum Sanctissimæ Trinitatis? hoc est, requiriturne ut hæc formæ verba proferantur: *In nomine Patris, & Filii, & Spiritus sancti?*

R. Necessariò requiritur. Nam 1. Christus distinctam, de qua agitur, invocationem injunxit cui-libet baptismatis ministro: *Euntes (ait Matthæi 28. Apostolos alloquens) docete omnes gentes, baptizantes eos in nomine Patris, & Filii, & Spiritus sancti.* 2. Patres dixerunt irritum esse baptismum quod quis absque verbis de quibus est quæstio, conferre tentaret: *Quis dubitat (ait Augustinus lib. 6. de Baptismo contra Donatistas cap. 25.) non esse baptismum Christi, si verba Evangelica, quibus Symbolum constat, illic defuerint.* 3. Iidem SS. Patres docuerunt idem valere datum ab hæreticis baptismum, quod verbis Evangelicis utantur: *Si (ait Augustinus lib. 3. de Baptismo capite 15.) Evangelicis verbis: id est, In nomine Patris, & Filii & Spiritus sancti, Marcion baptismum consecrabat, integrum erat sacramentum.*

Obj. 1. Apostoli baptismum contulerunt per solam invocationem nominis Christi. Nempe Petrus Actuum 2. hæc ait: *Baptizetur unusquisque vestrum in nomine Jesu Christi.* Cap. 8. hæc habentur. *In nomine Jesu Christi baptizabantur viri ac mulieres.* Cap. 19. *His auditis, baptizati sunt in nomine Domini Jesu: ergo, &c.*

Resp.

Resp. Dist. ant. In nomine Jesu Christi ; hoc est ; baptismo quod Christus instituit , conc. ant. invocato solo Christi nomine , nego ant. Ita respondet Augustinus libro 2. contra Maximinum , cap. 27.

Obj. 2. Nicolaus Papa I. capite *A quodam* de consecrat. distinct. 4. Bulgaris respondet rebaptizari non debere, qui à Judæo baptizati fuerant, *in nomine sanctæ Trinitatis , vel tantum in nomine Christi :* ergo, &c.

Respondet Estius dist. ant. Nicolaus Papa Bulgaris respondet *obiter* rebaptizari non debere qui tantum in nomine Christi baptizati fuerant , conc. ant. Respondet *ex professo & expressè* , nego ant. Scilicet consultus fuerat circa ministrum baptismatis, seu an valeret baptismus à Judæo datus ; non autem circa sacramenti formam ; quam (ut dictum est) *obiter* tantum attigit.

Obj. 3. Ambrosius libro 1. de Spiritu sancto , capite 3. scribit, eum qui unam tantum SS. Trinitatis personam appellat ; censerì omnes simul appellare : ergo censuit valere baptismum in quo una tantum persona invocata fuerit : *Qui unum dixerit* (ait) *Trinitatem significavit.*

Resp. Dist. ant. Trinitatem significavit , quantum ad effectum baptismi , conc. ant. quantum ad illius formam , nego ant. Scilicet eò loci sanctus Ambrosius intendit probare , quòd quando operatio ad extrà , in Scripturis uni personæ tribuitur , aliæ personæ non excludantur , sed è contrà subintelligi debeant.

Obj. 4. Sanctus Bernardus Epistola 390. ratum habet baptismum datum *In nomine Dei , & sanctæ veræ Crucis :* ergo, &c.

Resp. Dist. ant. Et in hoc Bernardus privatam suam opinionem proposuit cum formidine partis oppositæ , conc. ant. *sine præjudicio tamen* (inquit) *sanctius sentientis :* Proposuit Ecclesiæ traditionem , nego ant.

De Deo Authore Sacramentorum. 189

8. Q. Valeretne baptismus datus in nominibus Patris, & Filii, & Spiritus sancti?

R. Non valeret, quia voces istæ in nominibus, exprimunt errorem, naturarum scilicet in divinis diversitatem, ac proinde formæ sensum tollunt.

§. III.

De Authore Baptismi.

1. *Quæst.* Quis baptismum instituit?

R. Christus ipse: nempe Matthæi cap. 28. Apostolis injunxit, ut baptizarent: *Docete omnes gentes: baptizantes eos, &c.*

2. Q. Quâdonam baptismus institutus est à Christo?

R. Nonnulli contendunt institutum fuisse tantum post Christi resurrectionem: Sed immeritò: scilicet ante illius mortem discipuli baptizarunt: *Quamquam* (Joannis 4.) *Jesus non baptizaret; sed discipuli ejus:* Illud autem baptismus à discipulis datum ante Christi mortem, non erat institutum à Joanne baptista: Nam (ut Augustinus docet Tractatu 5. in Joannem) *ii quos baptizavit Judas, non sunt iterum baptizati; quos enim baptizavit Joannes, Joannes baptizavit; quos autem baptizavit Judas, Christus baptizavit.*

Aliqui alii volunt institutum fuisse baptismus, cum Christus à Joanne baptizatus est: Sed id non videtur verum. Nam 1. baptismus Joannis quod tunc Christus recepit, nihil habet commune cum Christi baptismate: 2. tunc præscripta non fuit baptismi forma, invocatio scilicet distincta trium personarum Ss. Trinitatis.

Aliis placet institutum fuisse, cum à Christo dictum est Nicodemo: *Nisi quis renatus fuerit ex aqua & Spiritu sancto, non potest introire in regnum Dei.* Verum non aliud inferitur ex eo textu, quàm quodd

quod tunc prædicta & designata fuerit baptismi suo tempore instituendi necessitas, sicut hæc verba: *Nisi manducaveritis carnem Filii hominis, & biberitis ejus sanguinem non habebitis vitam in vobis*, non denotant tunc institutum fuisse Eucharistiæ sacramentum, sed solum illud suo tempore sumendi necessitatem adstruunt.

Dicendum est igitur baptisma institutum à Christo fuisse, cum Matthæi 10. Marci 3. Lucæ 9. Christus Apostolos misit, ut Judæos adventum Messie, docerent: *Euntes autem predicare, dicentes: quia appropinquavit regnum celorum*. Scilicet ea missione jussi sunt baptizare: unde Joannis cap. 3. legitur quod reipsa baptizaverint: *Quamquam ipse non baptizaret, sed discipuli ejus*.

§. IV.

De Baptismi Ministro.

1. Quæst. **Q**uoniam sunt Ordinarii ministri baptismatis?

R. Soli Sacerdotes, primi & secundi ordinis; hoc est, soli Episcopi & Presbyteri. Scilicet eos tantum in persona Apostolorum, qui jam constituti fuerant Episcopi & Sacerdotes, Christus alloquebatur, cum Matthæi 28. contulit baptizandi potestatem: *Euntes, docete omnes gentes baptizantes eos, &c.* Sacerdotum verò nomine hîc significantur Parochi, aut designati ab iis Vicarii: Parochis nimirum Ecclesiæ regimen sub Episcoporum autoritate commissum est.

Obj. 1. Diaconis, cum ordinantur, hæc dicuntur ab Episcopo: *Diaconum oportet ministrare ad altare, baptizare & predicare: ergo sunt, &c.*

R. Dist. ant. Diaconum oportet baptizare, tanquam ministrum *extraordinarium*, conc. ant. tanquam ministrum *ordinarium*, nego. ant. *Diaconi*

(in-

De Deo Authore Sacramentorum. 191

(inquit cap. *Diaconos*, dist. xciii.) *absque Episcopo vel Presbitero baptizare non audeant, nisi prædictis ordinibus fortasse longius constitutis, necessitas extrema compellat.*

Obj. 2. Si Diaconi essent tantum *extraordinarii* baptismatis ministri, non plus juris haberent in baptismum quam laici: sed hoc est absurdum: ergo, &c.

R. Nego maj. Scilicet Diaconi, non verò laici, ab Episcopo aut Parocho committi possunt, ut solemne baptismum conferant; idque, licet baptizandus de vita non periclitetur.

2. Q. Quinam sunt *extraordinarii* ministri baptismatis?

R. Omnes & singuli homines qui sua ratione fruuntur, & habent intentionem saltem faciendi quod facit Ecclesia.

Et quidem 1. valere datum à Pagano, aut Judæo baptismum, declarat Nicolaus Papa I. cap. *A quodam*, ubi respondet ad Consulta Bulgarorum. Idem quoque declaravit Eugenius Papa IV. in Decreto pro instructione Armenorum: *in casu necessitatis* (inquit) *etiam Paganus baptizare potest.*

Obj. Gregorius Papa III. Epistola 1. ad Bonifacium Episcopum jubet ut à Paganis baptizati, iterum baptizentur: ergo, &c.

R. Dist. ant. Supponens Paganos legitimam formam usos non fuisse, conc. ant. non supponens, nego ant. Unde ait: *Ut denuò baptizes in nomine Trinitatis, mandamus.*

2. Valet quoque datum ab hæreticis baptismum. Nam 1. si datum à Pagano valeat, à fortiori valet quoque datum ab hæretico. 2. Ità definiit contra sanctum Cyprianum Stephanus Papa I. Ità etiam docuit Augustinus libro 5. de Baptismo contra Donatistas cap. 7. ubi de industria solvit argumenta omnia quæ sanctus Cyprianus Stephano Papæ objecerat. Ità tandem sub anathematis pœna credendum esse

esse definiit Concilium Tridentinum sess. 7. can. 4.

Obj. 1. Baptisma non est hæreticorum, sed est Ecclesiæ tantum: ergo sola Ecclesia potest illud conferre. 2. Plures Patres contenderunt olim irritum fuisse baptisma de quo agitur: ergo, &c.

R. Ad 1. conc. ant. dist. conseq. Ergo sola Ecclesia potest *sic* illud conferre, conc. conseq. validè, nego conseq. Nempè quamvis hæretici fiant rei, jus alienum hæc in re usurpando, validè tamen rem illam dispensant.

R. Ad 2. dist. ant. Antequam quæstio illa definita fuisset in plenario totius orbis Concilio, quod quidem est aut Arelatense I. aut Nicænum I. conc. ant. postquam definita fuit, nego ant.

3. Valere quoque baptismum datum à laicis Catholicis, colligitur 1. ex validitate baptismatis dati ab infidelibus, aut hæreticis. 2. ex Tertulliano qui in libro *de Baptismo* cap. 7. hæc ait *Dandi quidem (baptismi) etiam laicis jus est.*

Obj. Canones arcent homines laicos, & præsertim mulieres a ministerio baptismatis: *Mulier* (inquit Concilium Carthaginense IV.) *baptizare non præsumat*: ergo, &c.

R. Dist. ant. A ministerio *licito* extra casum extremæ necessitatis, conc. ant. A ministerio *valido*, etiam si non urgeat extrema necessitas, nego ant.

3. Q. In casu necessitatis, ubi plures sunt qui baptizare possunt, suntne quidam aliis præferendi?

R. Sunt: *Illud cavendum est* (ait sanctus Carolus in instructionibus de Baptismo) *ut ne femina viro præsentem, neque Clericus præsentem Subdiacono, hique et idem coram Diacono, nemoque præter eorum coram Sacerdote baptizare audeat: ipse autem norit sibi licere baptizare etiam præsentem suo Episcopo.* Id verò non consilii sed præcepti esse probant hæc quæ addit sanctus Præsul: *Et quoniam si vel a muliere, vel à laico secus sit, grave peccatum admittitur.*

4. *Q.* Suntne aliqui casus, in quibus non est habenda ratio ordinis illius de quo agitur in responsione ad 3. quæsitum?

R. Tres sunt. Nempè femina, viro præsentē baptizare potest 1. cū vir ratione artis quam profitetur, infamis est, ut sunt Comœdi, alique peccatores publici, seu quos iudicis sententia tales declaravit: 2. cū femina v. g. obstetrix viro peritior est, & aptior ad cōferendum baptismum: 3. cū, nisi mulier baptizet, pudori parturientis satis consultum non est. Ita sanctus Carolus.

C. A P U T V.

De Subiecto Baptismi.

1. *Quæst.* Infantes suntne capaces baptismatis?

R. Sunt. Nam 1. infantes capaces sunt regni cœlestis, juxta illud Christi in Evangelio: *Sinite parvulos venire ad me; talium est enim regnum cœlorum*: ergo & baptismatis; quod quidem ad regnum cœleste consequendum, necessarium est necessitate medii. 2. Viget in Ecclesiâ consuetudo cōferendi baptismum infantibus: eam autem consuetudinem ex Apostolica esse traditione docet Augustinus libro 1. de Genesi cap. 2. *Nec (inquit) omnino credenda, nisi Apostolica esset Traditio.*

Obj. Infantes credere non possunt, fides tamen baptismi præsupponitur, juxta illud Christi Matth. 28. *Docete omnes gentes, baptizantes eos, &c.*

R. Dist. ant. Fides in adultis baptismi præsupponitur, conc. ant. in infantibus, nego ant. Nempè doctrinæ, cujus meminerunt Evangelica verba: *Docete omnes gentes*, capaces non sunt. Unde Augustinus serm. 14. *De verbis Apostoli*, cap. 7. sic loquitur: *Decet ut ad aliena verba sanentur: qui ad factum alienum vulnerantur.*

2. *Q.* Infantes possuntne baptizari in utero matris?

R. Non possunt: tum quod quandiu sunt in utero matris, ablui non possint: tum etiam quia (ut ait Augustinus).

stinus ad Dardanum scribens) *Nec renasci quisquam potest, antequam natus sit.*

3. *Q.* Peccantne graviter qui multo tempore suorum infantum baptismum protrahunt?

R. Peccant graviter: scilicet cum plurimum sit incostans infantium valetudo, diu baptismum differri non potest, quin infantes exponantur, defectu baptismatis, æternæ damnationis periculo.

4. *Q.* Ubinam infantes baptizari debent?

R. Ex Canonibus in templo baptizari debent, nisi aliud necessitas exposcat: nec extrâ necessitatis casum, cuiquam eos licet domi abluere, cum vetent iidem Canones ne ipsa baptismi collatio à solemnibus ceremoniis sejungatur.

5. *Q.* Infantes Infidelium possuntne baptizari invitis parentibus?

R. Non possunt *ordinariè*. Nam 1. subtrahi non possunt à potestate parentum, potestas nimirum parentum in filios est (ait sanctus Thomas) de jure naturali. 2. Morale periculum esset ne sub potestate parentum remanentes, Sacramento sic recepto summam injuriam inferrent.

6. *Q.* Suntne aliqui casus, in quibus filii parentum infidelium, iis invitis baptizari possint?

R. Sunt. Et quidem 1. si illis immineat vitæ periculum: 2. si alter ex parentibus consentiat, quamvis alter renuat, ut Concilium Toletanum III. assertit: 3. si parentes sunt servi, seu mancipia Christianorum: quia tunc infantes, sicut & eorum parentes, subjacent dominorum potestati: 4. Baptizari tamen possunt, ubi primum rationis usum adepti sunt, si baptismum consentiant; quia, tunc in iis quæ pertinent ad salutem, sunt sui, non parentum, juris.

7. *Q.* Amentes aut furiosi possuntne baptizari?

R. 1. Si semper amentes aut furiosi fuerint, baptizari possunt & debent: nempe nunc iis consulendum est, sicut infantibus consulitur. 2. Si dum suâ ratione fruebantur, sed baptismum desiderare signo aliquo prodiderint, baptizari debent etiam in amentia & phrenesi: secus ve-

rd, si nullo unquam signo illum petierint Ità Innocentius III. declarat, Ext. de Baptismo, cap. *Majores*.

8. Q. Ex parte subjecti quod sua ratione truitur, requiriturne aliqua intentio, ut baptismus valeat?

R. Requiritur intentio vera & sincera recipiendi baptismum. Scilicet 1. adulto non datur, nisi ubi interrogat *sa au velit baptizari*, responderit, *volo*. 2. Ità definitum est in capite *Majores* Ext. de Baptismo.

Obj. 1. Valet baptismus datum homini qui interiùs illi contradicens, seriò exterioriùs rogat sibi baptismum conferri: ergo in subjecto baptismatis non requiritur intentio, ut sacramentum valeat.

Resp. Conc. ant. nego conseq. Ille enim qui seriò rogat sibi baptismum conferri, & seriò patitur ut ritus ex quo baptismus constat, sibi applicetur, verè ac sincere vult baptismum recipere. Nec obest, quòd interiùs contradicat: nempe interior illa contradictio, est voluntas inefficax, quæ non destruit voluntatem efficacem recipiendi baptismum eo tempore quo lubens & volens sese illius ritui seriò subijcit. Confirmari potest responsum illud ex capite *Majores*, cujus textus interiùs referetur.

Obj. 2. Valet baptismus datum homini dormienti qui vigilans illud desideraverat: atqui in illo homine nulla est intentio; tunc enim sua ratione non fruitur: ergo, &c.

Resp. Nego min. Scilicet in homine de quo agitur, est intentio *habitualis*, seu quæ sequitur ex actuali minime revocata: licet autem ea intentionis species satis non sit in ministro sacramenti, cum ministri respectu Christi sint instrumenta animata, satis est tamen in subjecto; quod quidem non est principium activum, ut est minister, sed passivum tantum.

9. Q. Requiriturne consensus ex parte subjecti, ut sacramentum valeat?

R. Requiritur: ità definit Innocentius III. cap. *Majores*, Ext. de Baptismo & ejus effectu, ubi hæc habentur: Ille verò qui nunquam consentit, sed penitus contradicit, nec rem, nec characterem suscipit sacramenti.

Obj. Innocentius III. capite *Majores*, admittit tanquam validum baptisma quod nonnulli tum in Saxonia, tum in Hispania terroribus atque suppliciis violenter attracti susceperant: atqui in iis hominibus nullus erat consensus ad baptismum: ergo, &c.

R. Conc. maj. dist. min. Nullus erat consensus *absolutus*, conc. min. *conditionatus*, nego min. Nempè homines illi noluisſent quidem, absolute loquendo, baptizari, sed tamen voluerunt conditionate, ut nimirum vitarent quæ illis alioquin impendebant supplicia.

10. *Q.* Requiriturne in subiecto baptismi aliqua de illo fides, ut sacramentum valide recipiatur?

R. Non requiritur. Ità docet Augustinus in libro 3. *de Baptismo*, cap. 14. Nec immeritò: si enim (quod superius probatum est) fides in sacramenti ministro non requiratur, à fortiori necessaria non est in subiecto, ut sacramentum valide recipiatur: unde sicut Ecclesia admittit datum ab hæreticis baptisma, ita etiam & acceptum ab iis qui actualem habent ad suam hæresim affectum.

Obj. Augustinus in lib. 7. *de Baptismo*, capite 53. docet valere baptismum, sed cum aliqua fide receptum, ergo, &c.

Resp. Dist. ant. Cum fide *improprie* sumptà receptum; hoc est, cum persuasione quòd baptismi ritus habeatur pro sacro ritu in societate quæ à nonnullis hominibus vera Ecclesia existimatur, conc. ant. cum fide *proprie* sumpta, hoc est pro certitudine quæ ex revelatione petitur, nego ant.

11. *Q.* Quænam ex parte subiecti adulti dispositiones requiruntur, ut Baptismi sacramentum licite & cum fructu recipiat?

R. Requiruntur fides, spes, inchoatus Dei amor super omnia, & contritio: scilicet dispositiones illas prærequirit Tridentina Synodus sessione 6. capite 6.

12. *Q.* Quà ratione probari debent Catechumeni, antequam ad Baptismum admittantur?

R. Doctrinà, pietatis operibus, discessu à proximis pec-

De Deo Authore Sacramentorum. 197

peccati mortalis occasionibus, æris alieni, si eo teneantur, restitutione, dimissione actuali uxorum cum quibus vivente primâ contraxerunt: & sic de aliis capitibus.

§. VI

De Baptismi effectibus.

1. *Quæst.* Q Uotuplex est Baptismi effectus?

R. Duplex: Gratia nimirum, & Character. Illa, hominem ex impio reddit justum; Iste, cum sit signum animæ impressum, baptizatum distinguit à non baptizato: Illa, hoc est, gratia, per peccatum mortale amittitur; Iste verò, cum sit signum indelebile, per nullum peccatum, ne per apostasiam quidem, deleri potest.

2. *Q* Gratia quæ per baptismum producit, remittitne peccata omnia quorum catechumenus reus est?

R. Remittit omnia 1. quoad culpam, seu reatum: nempe justificat impium: at impius justificari non potest, quin ipsius peccata remittantur: idque in Symbolo aperte profiteamur: *Confiteor unum baptismum in remissionem peccatorum.* 2. Non remittit peccata solum quoad culpam, sed etiam quantum ad totam poenam temporalem illis jam quoad culpam remissis alioquin in altero sæculo debitam. Nempe id semper Ecclesia credidit: unde cum catechumenos abluit, nullam eis satisfactoriam Poenam injungit, quâ redimant in altero sæculo persolvendam.

Obj. 1. Sacramentum Pœnitentiæ non delet poenam temporalem quæ pro peccato jam remisso debetur in alterâ vitâ: ergo neque baptismus eam remittit.

R. Conc. ant. nego consequ. Ratio disparitatis est, quia peccata post baptismum commissa, per se graviora sunt iis quæ antè commissa sunt: par igitur non fuit ut tantus esset in catechumenos qui baptizantur divinæ justitiæ effectus, quantus est in eos qui post baptismum receptum lapsi sunt in peccatum mortale.

Obj. 2. Baptismus non aufert concupiscentiam, cor-

cor oris miseras, moriendi debitum : ergo non tollit pœnas omnes temporales peccato jam quoad culpam remisso debitas .

R. Conc. ant. disting. conf. q. Non tollit pœnas hujus vitæ, quæ pœnalitates dicuntur, conc. conseq. pœnas temporales in altero sæculo debitas, nego conseq. *Ut* (inquit Augustinus Enchiridij cap. 66.) *intelligamus totum quod salutaribus agitur sacramentis, magis ad fidem venturorum bonorum, quam ad retentionem, vel adoptionem presentium pertinere.*

3. Q. Votum baptismatis quod defectu aut materiæ, aut ministri recipi non potest, suppletne illius effectum?

R. Non supplet 1. characterem : non enim produci-
tur, nisi per sacramentum actu collatum & receptum .

2. Non supplet remissionem pœnæ temporalis quæ peccato jam quoad culpam remisso debetur in altera vita : Scilicet id planè persuasum fuit Majoribus nostris qui pro catechumeno sine baptismo mortuo preces ad remissionem pœnæ temporalis in altero sæculo debite, solemnes preces fuderunt . 3. Dicendum est igitur baptismatis voto, in casu necessitatis remitti peccatum quoad culpam catechumeno, qui dispositionibus ad sacramentum prærequisitis instructus sit . Idque demonstrat Ecclesiæ praxis, quæ orat pro catechumenis sine baptismo mortuis ; non oraret verò, nisi crederet illis ante mortem dimissum fuisse peccatum quoad culpam : neque enim orare potest, nisi pro iis quos piè censet in statu gratiæ sanctificantis extremam clausisse diem .

4. Q. Martyrium quod catechumenus pro Christo in Ecclesia passus est, suppletne omninò & integrè totum baptismatis effectum ?

R. Supplet totum gratiæ sanctificantis effectum, hoc est, remittit sicut baptismus peccatum tùm quoad culpam, tùm quoad pœnam temporalem illi jam dimisso in altera vita alioquin debitam . Scilicet Martyrium eximiam charitatem, seu tùm intensivè tùm, extensivè perfectam probat : at par est ut charitatis, utroque illo modo perfectæ, idein privilegium sit quod baptismatis : unde Ma-
jores

De Deo Authore Sacramentorum. 199

jores nostri nusquam fuderunt preces, ut poena aliqua martyribus in altera vita dimitteretur: *Injuriam* (ait Augustinus serm. 17. de verbis Apostoli) *facit Martyr qui orat pro Martyre.*

5. Q. Baptisma à Joanne institutum & Judæis collatum, fuitne productivum gratiæ sanctificantis?

R. Non fuit productivum. Siquidem ipse Joannes ex eo probat se non esse Messiam lege promissum, quod instituendus à Messia baptismus Spiritum Sanctum collaturus esset, non autem is quem instituerat ipse: *Ego* (inquit apud Marcum cap. 3.) *baptizo in aqua: illo v rò, baptizabit vos Spiritu Sancto.*

6. Q. Circumcisio in antiqua Lege producebatne in parvulis gratiam sanctificantem?

R. Producebat quidem gratiam sanctificantem (inquit S. Thomas,) sed non per se, & ex opere operato, seu vi actionis extrinsecæ in qua posita erat, sed tantum ex fide parentum, qui illo signo suam de Christo futuro fidem profitebantur, significabantque se suos infantes Deo, futuroque Messie consecrare. Scetus aliud censuit: nempe docuit Circumcisionem etiam *ex opere operato*, gratiam contulisse. Cum verò objicitur Concilium Florentinum in quo asseritur sacramenta Veteris legis non produxisse gratiam ex opere operato, sed tantum ex opere operantis, respondet textum illum intelligi tantum debere de sacramentis quæ Dei jussu Moyses instituerat; Addit verò Circumcisionem ex eorum numero non fuisse, juxta illud Evangelii, Joan. c. 7. *Circumcisio non est ex Moyse, sed ex patribus.*

§. VII.

De Baptismi Proprietatibus.

1. *Quæst.* Q Uor sunt Baptismi proprietates?

R. Dux sunt præcipuè, Unitas nimirum & NECESSITAS. Unitatem profitemur in Symbolo, *Confiteor unum baptisma in remissionem peccatorum.* Necellitatem

tatem verò adstruunt hæc Christi verba, Joannis 3. *Nisi quis renatus fuerit ex aqua & Spiritu Sancto, NON POTEST introire in regnum Dei.*

2. Q. Quid intelligitur per Unitatem baptismatis?

R. Posita est in eo quòd semel validè datum sive in Ecclesia Cathòlica, sive in Paganismo, iterari minimè possit. Nèpè ubicumque verbis Evangelicis cum intentione saltem faciendi quod facit Ecclesia, collatum fuerit, characterem indelebilem imprimit recipienti. Vide Augustinum in libris *de Baptismo* contra Donatistas; vide etiam quæ superiùs a nobis de hujusce Sacramenti characterè dicta sunt.

3. Q. Baptismus estne necessarius necessitate præcepti divini?

R. Est. Nèpè Christus injunxit Apostolis ut omnes & singulos homines Evangelium docerent, & baptismo initiarent: *Docete* [ait Matt. 28.] *omnes gentes, baptizantes eos in nomine Patris, & Filii, & Spiritus Sancti*: ergo præcepit quoque singulis hominibus, ut baptismum reciperent: præceptum enim ministris impositum, conferendi baptismum, est correlativum cum præcepto illum recipiendi.

Si verò quis roget quo præcisè tempore homines adulti teneantur adimplere divinum de recipiendo baptismo præceptum, dicendum erit teneri eos, cum sufficienter, propositis motivis credibilitatis, annuntiatum est eis Evangelium: unde peccant lethaliter, si tunc ad illius receptionem sese non disponant, etsi non dene catechumenatui nomen.

4. Q. Baptismus estne necessarius ad salutē necessitate medii?

R. Est omnibus omniò hominibus, sive infantibus, sive adultis, necessarius ad salutem necessitate medii. Scilicet eo non recepto vel in re, vel in voto, ab iis etiam qui legis Evangelicæ ignorantia invincibili laborant, salus æterna comparari minimè potest. Eam nimirum absolutam necessitatem apertè adstruunt hæc Christi verba, Joannis cap. 3. *Nisi quis renatus fuerit ex aqua & Spiritu Sancto, non potest introire in regnum Dei,*

Nec

De Deo Authore Sacramentorum. 201

Nec dici potest cum Calvino, textum illum intelligi debere metaphoricè, ita ut aqua & Spiritus unum & idem significant, renascentiam scilicet internam quam Deus per gratiam in nobis operetur. Nam 1. aqua & Spiritus apertè in eo textu distinguuntur: *Ex aqua & Spiritu Sancto*. 2. In aliis Scripturæ locis, ubi agitur de baptismo, aqua quoque deberet sumi metaphoricè; quod est falsum: alioquin enim probari non posset, quod sit necessaria baptismatis materia. 3. Quotquot extiterunt ad Calvinum usque Patres textum illum propriè, & non metaphoricè de baptisate materiali & externo intellexerunt; ut videre est apud Tertullianum in libro *de Baptismo*; apud Cyprianum in Epistola ad Fidum; apud Augustinum in libris *de Baptismo* contra Donatistas. Hincque patet, quàm debito anathemate Lutheranos & Calvinistas ferierit Concilium Tridentinum sess. 7, Canone 2. *de Baptismo*.

Obj. 1. Ex Apostolo 1. ad Corinth. 7. Filii fidelium sancti sunt: ergo non recepto, sive in re, sive in voto baptisate, possunt æternam consequi salutem: ac proinde baptisma non est necessarium necessitate mediæ.

R. Dist. ant. Sancti sunt sanctitate futura? quia præsumitur alterum ex conjugatis fidelem nimirum, daturum operam, ut ex suo conjugio nati baptismum aliquando recipiant; quo sensu etiam dicitur 1. cor. 7. *Sanctificatus est vir infidelis per mulierem fidelem*; conc. ant. Sancti sunt sanctitate præsentis seu præcisè quod nati sint ex parentibus fidelibus, nego ant. Alioquin enim dicendum esset propinquitatem carnis cum sanctis hominibus ad justitiam conferre: quod tamen Christus negat in Evangelio.

Obj. 2. Qui nati sunt ex parentibus fidelibus, pertinent ad pactum quod Deus iniit cum Abrahamo, Genes. 17. *Ero Deus tuus, & seminis tui*. Sed iis qui pertinent ad illud pactum, baptisma non est necessarium: ergo, &c.

R. Dist. maj. Et illud pactum incipit mandari executioni per baptismi receptionem, conc. maj. & incipit man.

mandari executioni sine baptismo, nego maj. Scilicet pactum illud incipit executioni mandari, cum is qui ad ipsum pertinet, incipit credere; juxta illud Apostoli Galat. 3. *Qui ex fide sunt, ii sunt filii Abrabæ, & benedicentur cum fidei Abrabam.* Infantes verò tunc tantum credunt tum fide infusa, tum aliena, susceptorum scilicet, cum actu baptizantur: *Quis enim nesciat* (inquit Augustinus libro 1. de peccatorum meritis & remissione, cap. 27.) *credere, esse infantibus baptizari; non credere autem non baptizari?*

5. Q. Quo præcisè tempore post Christi mortem Baptisma omnibus omniò hominibus cœpit esse necessarium?

R. Post solemnem Evangelii promulgationem, quæ facta est die sacra Pentecostes quæ proximè subsecuta est Christi passionem. Tunc qui apud Judæos erant justii, obligati fuerunt sub pœna amittendæ justitiæ, recipere baptismum: qui verò impii sive apud Judæos, aut alibi non potuerunt alio medio, quàm per baptismum justitiam consequi; ac proinde nec vitam æternam comparare.

C A P U T VIII.

De Confirmatione.

§. I.

De essentia, Materia, & Forma Confirmationis.

1. Quest. I N quo posita est Essentia Confirmationis?

R. Posita est in illius definitione, quæ quidem est hujusmodi 1. *Confirmatio est sacramentum Novæ legis quo propter gratiam sanctificantem, datur jus ad auxilia specialia, quæ necessaria sunt, ut fidem quis intrepidè coràm infidelibus, & hæreticis profiteri possit.* Primò, est sacramentum, quia constat visibili signo, impositione nimirum manuum & unctione. 2. Ex institutione divi-
na

na producit gratiam sanctificantem: *Imponebant* [Acto-
rum 8.] *manus super illos, & accipiebant Spiritum San-
ctum*. 3. Dat jus ad auxilia quæ necessaria sunt, ut quis
fidem profiteri valeat: nempe ad illum præsertim finem
à Christo fuit instituta: & in hoc hujus sacramenti ef-
fectus *per se* distinguitur ab effectu aliorum sacramen-
torum.

2. Q. Quæ est materia sacramenti Confirmationis?

R. Conveniunt omnes Theologi esse vel solam ma-
nuum impositionem, vel solam unctionem chrismatis,
vel utrumque ritum simul. Quænam ex iis Theologo-
rum sententiis nobis videatur probabilior, aperient no-
stræ subsequenter quæsitæ responsiones.

3. Q. Impositio manuum estne essentialis materia sa-
cramenti Confirmationis?

R. Est essentialis illius materia. Nempè 1. Apostoli
Confirmationis sacramentum conferentes, usi sunt ma-
nuum impositione, & per eam impositionem manuum
Spiritus Sanctum, seu gratiam sanctificantem, Neo-
phytis contulerunt: *Tunc* (ait Lucas actorum 8.) *im-
ponebant manus super illos, & accipiebant Spiritum San-
ctum*. 2. Eadem impositione manuum usi sunt Patres,
illique Spiritus Sancti productionem adscripserunt. *De-
binc* (ait Tertullianus in libro de Baptismo, cap. 7.) *ma-
nus imponitur* (egressis de lavacro) *per benedictionem
advocans & invitans Spiritum Sanctum*. Idem asserit Hie-
ronymus in suo Dialogo adversus Luciferianos: *Episco-
pus* (ait) *ad invocationem Spiritus Sancti, manum impo-
nitur excurrit*. Eum quoque ritum refert Gregorius
Magnus in suo Sacramentario; describitur quoque in
hodiernis pontificalibus: ergo, &c.

Obj. 1. Græci cum administrant Confirmationem
non utuntur manuum impositione: nec enī imposi-
tionem manuum recenset Euchologium, seu Rituale,
ex cuius præscripto à mille & ampliùs annis sacramenta
dispensant: ergo, &c.

R. Dist. ant. Non recenset *explicitè* conc. ant. non re-
censet *implicitè*, nego ant. Nam 1. Euchologium præci-
pit

pit orationem quâ Spiritus Sanctus invocatur *ad robur* : Ea autem oratio *implicitè* dicit conjunctam manuum impositionem, nempe ex Augustino, *Manus impositio nihil aliud est, quam oratio*. 2. Græci aliquot ab hinc sæculis eam manuum impositionem, quam Latini adhibent ante unctionem chrismatis, conjunxerunt cum ipsamet chrismatis unctione. Vide Arcudium.

Obj. 2. Eugenius Papa IV. in Decreto pro instructione Armenorum asserit quod *loco manus impositionis datur in Ecclesia Confirmatio* : ergo manus impositio distinguitur à Confirmatione ; ac proinde non est essentialis illius materia.

R. Conc. ant. dist. conseq. Distinguitur *nomine tenus* ; passim enim jam non vocatur Sacramentum impositionis manuum, sed Sacramentum Confirmationis : conc. conseq. Distinguitur *re ipsa*, nego conseq. Neque enim Eugenius IV. excludere voluit ritum quem non Scriptura modò, & Patres, sed etiam omnia Pontificalia recensent.

3. *Q.* Sola impositio manuum estne essentialis & adæquata materia sacramenti Confirmationis?

R. Non est sola essentialis & adæquata illius materia. Nempe 1. quovis sæculo in conferenda Confirmatione, unctio chrismatis adhibita fuit, illique Patres non minus, quàm impositioni manuum adscripserunt vim conferendi neophytis Spiritum Sanctum, seu gratiam sanctificantem : *Corpus* (inquit Cyrillus Hierosolymitanus, Catechesi 3. mystagogica, ubi de Confirmatione tractat) *isto visibili unguento perungitur, anima verò sancto vivificoque Spiritu sanctificatur*. Idem docet Tertullianus in libro de Baptismo, cap. 3. Idem quoque Cyprianus Epist. 70. *Ungi* (inquit) *neccesse est eum qui baptizatus est, ut habere in se gratiam possit*.

Obj. Apostoli in Confirmatione conferenda, sola manuum impositione usi sunt : *Tunc* (Actorum. 8.) *imponabant manus super illos, & accipiebant Spiritum Sanctum* : ergo, &c.

Resp. Nego ant. Nempe Scriptura, dùm unum recenset,

set, impositionem scilicet manuum, non excludit aliud, chrismationem nimirum. Hanc verò etiam adhibitam fuisse probat Traditio, qua docemur ea quovis sæculo ministros Confirmationis usos fuisse: dicit enim Augustinus libro 4. de Baptismo cap. 24. *Quod Univerſa tenet Eccleſia, nec Conciliis inſtitutum, ſed ſemper retentum eſt, nonniſi authoritate Apoſtolica traditum rectiſſimè credimus.*

4. Q. Quænam conditiones requiruntur in chrismate Confirmatorio?

R. Duæ requiruntur. Prima, ut baſſamum admixtum fuerit oleo ex olivis expreſſo: oleum enim aliud non eſt oleum ſimpliciter, ſed ſecundum quid tantum: Altera, ut chriſma Episcopali benedictione ſanctificatum fuerit. Nempe utramque illam conditionem recenſent Euchologia Græca, & Pontificalia Latina. Verum licet plures Thomiſtæ utramque illam conditionem ita requirant, ut, ſi vel una deſuerit, ſacramentum non valeat; alii ſunt tamen Theologi qui contendunt requiri quidem eas, ut licita ſit ex parte miniſtri Confirmationis, non autem ſimpliciter & abſolutè ut valeat. Nec immeritò; non enim de iis alio modo ſive Euchologia, ſive Pontificalia, ſive Patres quàm de baptiſmi ceremoniis loquuntur.

5. Q. Quæ eſt forma totalis & adæquata ſacramenti Confirmationis.

R. Eſt duplex exterior ritus; Oratio nimirum quam Episcopus fundit, dum manus imponit neophyto; & præterea hæc verba, quæ profert Episcopus, dum chrismat neophytum: *Signo te ſigno crucis, & confirmo te chriſmate: ſalutis in nomine Patris & Filii & Spiritus Sancti.* Nempe utrumque illum ritum referunt Pontificalia, ſaltem hodierna.

3. Q. Uterque ritus, oratio ſcilicet Episcopi, & hæc verba: *Signo te ſigno crucis, &c.* ſuntne eſſentialis forma Sacramenti Confirmationis?

R. 1. Oratio de qua agitur, eſt eſſentialis: tum quia Lucas illius meminit tanquam rei ſenſibilis per quam Apo-

Apostoli gratiam recenter baptizatis contulerint : *Oraverunt* (ait Actorum 8.) *pro ipsis, ut acciperent Spiritum Sanctum : tunc imponebant manus super illos &c.* Tum etiam quia Patres Orationi quæ comitatur Episcopalem manuum impositionem, adscripserunt vim ac virtutem per quas effectus Confirmationis producitur: *Quod* (ait Cyprianus Epist. 73.) *nunc quoque apud nos geritur, ut qui in Ecclesia baptizantur, Præpositis Ecclesiæ offerantur, & per nostram orationem & manuum impositionem Spiritum Sanctum consequantur, & signaculo Dominico consummentur.*

2. Hæc verba : *Signo te signo crucis, & confirmo te chrismate salutis in nomine Patris &c.* non pertinent ad essentialiam materiam sacramenti. Nempè per sex priora sæcula nullibi fuerunt in usu : neque enim illorum temporum Patres, vel obiter, eorum meminere, nec ipse etiam Gregorius Magnus in suo Sacramentario ea vel implicite recenset, licet in eo describat non essentielles modò, sed etiam accidentales sacramentorum ritus.

Obj. 1. Eugenius Papa IV. in Decreto pro instructione Armenorum, expressè docet, verba de quibus agitur; *Signo te signo crucis, & confirmo te chrismate salutis &c.* esse formam sacramenti Confirmationis: ergo, &c.

R. Dist. ant. Esse formam *integralem, & accidentalem*, conc. ant. Esse formam *essentialiam*, nego ant. Ita respondet Sambovius in suo Tractatu de Confirmatione. Nec id mirum est : cum enim oratio quæ manuum impositionem comitatur, apud Armenos jam esset in usu, debuit Eugenius, qui populos illos Latinæ disciplinæ subicere, voluit, eos Ecclesiæ Occidentalis sacramentorum ritus, etiam integrales & accidentales, docere.

Obj. 2. Hæc verba : *Signo te signo crucis, & confirmo te &c.* proferuntur ab Episcopo, eo monumento quo neophytum inungit : ergo sunt essentialis forma, saltem inadæquata, sacramenta confirmationis.

R. Conc. ant. nego conseq. Nempè Oratio quam Episcopus, dum manuum imposuit, moraliter

ter subsistit, dum inungit neophyti frontem; ac proinde satis est ut unctionem illam determinet ad concurrendum cum manuum impositione ad effectum sacramenti producendum. Vide totam hanc materiam historicè & dogmaticè fusiùs pertractatam in nostro *de Sacramentis* Commentario, Tom. 1. in fol. pag. 154. & aliis sequentibus primæ Editionis.

§. II.

De Authore, Ministro, & Subiecto Confirmationis.

1. *Quest.* **Q**uis est author sacramenti Confirmationis?

R. Ipsemet Christus. Ita contrà Lutheranos definiit sacra Tridentina Synodus sess. 7. Canone 1. *De sacramentis in communi*. Nec mirum: ipse enim solus potuit gratiæ productionem (ut in singulis sacramentis Novæ ægis requiritur) signis sensibilibus conjungere.

2. *Q.* Quo præcisè tempore Christus Confirmationis Sacramentum instituit?

R. Iis diebus, qui à Resurrectione usque ad Ascensionem fluxerunt: *Iis enim diebus* (ait Leo Magnus serm. 1. de Ascensione) *magna sunt confirmata Sacramenta, magna revelata mysteria.*

Obj. Apostoli die sacra Pentecostes receperunt effectum Confirmationis, scilicet Spiritum Sanctum *ad robur*; ergo & ipsammet Confirmationem, proindeq; instituta fuit tantum post Ascensionem Domini.

R. Conc. ant. nego consequ. Ratio est, quia tunc nec materia, nec forma Confirmationis adhibitæ fuerunt, aut Apostolis applicatæ. Nec id mirum est: Dei enim potentia non est ita sacramentis alligata, ut sine ejusmodi instrumentis absolute non possit speciales sacramentorum effectus producere.

3. *Q.* Quis est *Ordinarius* minister sacramenti Confirmationis?

R. Solus Episcopus. Nam 1. ita Concilium Tridentinum

tinum fess. 7. can. 3. definit. 2. Qui in Scripturis leguntur Confirmationem contulisse, sunt soli Episcopi, Apostoli nimirum; licet baptismus ab aliis datum fuisset. Innocentius Papa I. in Epistola ad Decentium, & postea Gregorius Magnus lib. 3. Epistola 9. damnaverunt simplices Presbyteros, qui jus de quo agitur, sibi tribuere præsumperant.

4. Q. Quis inter Clericos potest esse *Extraordinarius* minister sacramenti Confirmationis.

R. Presbyter qui ad id muneris a Summo Pontifice delegatus fuerit. Scilicet 1. à mille & amplius annis Ecclesia Græca confirmationem confert per eosdem Presbyteros qui baptismum catechumeno dispensarunt: ita enim expresse, præscribunt Euchologia quæ apud Orientales fuerunt olim & nunc etiam sunt in usu. 2. Gregorius Mag. qui in prima sua Epistola contra Presbyteros Calaritanos, vetuerat ne illi confirmarent, postea Epistola 2. id œconomix causa, concessit. 3. Eugenius IV. in Decreto pro instructione Armenorum, docet (haud dubiè alludens ad Gregorii Magni Decretum pro Calaritanis) simplices Sacerdotes aliquandò ex Apostolica dispensatione sacramentum istud contulisse. 4. Concilium Tridentinum loquens de Confirmationis ministro, non ob aliud utitur hac voce, *Ordinarium*, quàm ut innuat posse alium esse, nempe *Extraordinarium*, seu simplicem Sacerdotem.

Obj. Apostoli nusquam leguntur simplicibus Presbyteris commisisse jus conferendi sacramentum Confirmationis: ergo, &c.

Resp. Conc. ant. nego conseq. Id enim accidit 1. quòd Apostoli ferè nullum ordinaverint Presbyterum, quem simul Episcopum non consecraverint. 2. Cùm Confirmatio non sit ad salutem necessaria necessitate mediæ, & aliunde homines reddat perfectos Christianos perfectione substantiali, par fuit ut Apostoli & Episcopi priorum seculorum, quibus Sacerdotalis gradus perfectio per Episcopatum data fuit, jus illud nemini Presbytero committerent. 3. Primis illis temporibus
vix

De Deo Authore Sacramentorum. 209

vix umquàm prore aliqua dispensationibus locus erat: at sine dispensatione facultas de qua agitur, Sacerdotibus tribui non potuisset.

5. *Q.* Quodnam est subiectum capax sacramenti Confirmationis?

R. Omnes & soli homines baptizati. Nempè Confirmatio est *de se* consummativa, & perfectiva characteris & gratiæ baptismatis. Unde (ut inferiùs patebit) Patres asserunt hocce sacramento homines reddi perfectè Christianos: ac proinde Confirmatio, ut valeat, præsupponit baptismatis characterem.

6. *Q.* Quæ corporis partes sint immediatum subiectum Confirmationis; hoc est, quænam corporis partes inungi debent?

R. Ut Chrismatio confirmatoria validè fiat, satis est unctio in fronte. Nempè illius tantùm partis unctionem contulit olim (ut probat Gregorii Magni Sacramentarium) & nunc etiam confert Ecclesia latina. Ea verò pars corporis præ cæteris electa est, ut confirmatus discat se ad hoc renatum esse, ut Evangelium non erubescat.

§. III.

De Effectibus & Proprietatibus Confirmationis.

1. *Quest.* *Q*uinam & quot sunt effectus Confirmationis?

R. Duo sunt, nimirùm gratia, & character, de quibus in responsis ad quæsitâ subsequentiâ differetur.

2. *Q.* Quæ gratia per Confirmationem produci-
tur?

R. Gratia sanctificans. Nam 1. de ea gratia intelligitur Concilii Tridehtini Canon, quo definitur omnia & singula Novæ legis sacramenta gratiam producere. 2. Actorum 8. gratia de qua agitur, vocatur Spiritus sanctus; *Imponebant manus super illos, & accipiebant Spiritum sanctum*: at nomine *Spiritus sancti* qui detur alicui, simpliciter & absolutè prolato semper in

novo Testamento gratia sanctificans intelligitur; ut cum de Stephano dicitur, quod Spiritu sancto plenus fuerit.

3. Q. Confirmatio producitne *ex se*, seu *ex vi sue institutionis* primam gratiam, an verò secundam tantum?

R. Non producit primam. Scilicet prima gratia est ea quæ justificat impium: at gratia quam Confirmatio producit; non justificat impium: id enim virtutis spectat solum ad baptismum, & ad poenitentiam, cum sola sint (ut loquuntur) sacramenta mortuorum: unde Concilium Tridentinum sessione 14. docet nemini post baptismum lapsò obvenire justificationem, nisi ex receptione Sacramenti poenitentiae, aut saltem ex illius voto. Dicendum est igitur gratiam quæ Confirmatione producit, esse secundam tantum: hoc est, eam quæ ex justo facit magis justum.

4. Q. Confirmatio valide data producitne characterem in recipiente?

R. Producit. Non enim ob aliud iterari non potest, quàm quod recipientibus characterem imprimat qui nusquam deleri possit.

Obj. Concilium Oecumenicum II. quod est Constantinopolitanum I. jubet Canone 7. ut pluribus hæreticis quos recenset, quique jam in sua secta confirmati fuerant (ferebat enim tunc apud Orientales; sicut & jam temporis, ut statim post baptismum Confirmatio neophytis conferretur) jubet (inquam) ut conferatur unctio cum hac verborum formula *Signaculum doni Spiritus sancti*: atqui illa unctio & illa forma sunt ipsamet Confirmationis sacramentum: ergo, &c.

Resp. Conc. maj. nego min. Ratio est, quia deest illi ritui, 1. impositio manuum, quæ tamen (ut superius dictum est) est essentialis materia sacramenti Confirmationis. Deest 2. invocatio Spiritus sancti *ad robur*, quæ est forma essentialis: quæ enim in Euchologiis legitur invocatio Spiritus sancti, hæreticis quorum Canon meminit, redeuntibus impendenda, non est *ad robur*, sed *ad poenitentiam*.

5. Q. Con-

De Deo Authore Sacramentorum. 211

5. Q. Confirmatio estne necessaria?

R. Nulla est necessaria necessitate mediæ, quia catechumeni, per Baptismum; & lapsi post Baptismum, per Pœnitentiæ Sacramentum possunt consequi justificationem. Sed ex Concilio Tridentino sessione 23. cap. 4. necessitate præcepti *Ecclesiastici* necessaria est iis, qui initiandi sunt prima Tonsura Clericali. 1. Est etiam pro loco & tempore singulis adultis sua ratione fruentibus necessaria necessitate præcepti tum divini, tum *Ecclesiastici*: scilicet omnes & singuli indigent effectu Confirmationis, substantiali nimirum Christianitatis perfectione; & auxilio ad quod veluti quoddam jus tribuit: ergo & Sacramento quod ad illum effectum specialiter fuit institutum.

6. Q. Quæ dispositiones requiruntur ad recipiendum sacramentum Confirmationis?

R. 1. Ut *validè* recipiatur, prærequiritur in subiecto baptismatis character: nempe est essentialiter perfectio characteris baptismatis. 2. Ut ex parte recipientis *libera* sit, prærequiritur status gratiæ: neque enim (ut jam fuit observatum) est sacramentum mortuorum, sed vivorum tantum. 3. Decet quidem ut a jejunis recipiatur, sed id jam non est de præcepto. 4. Apud Græcos statim post baptismum infantibus confertur; sed apud Latinos multis abhinc sæculis invaluit usus, ut non nisi ratione utentibus dispensetur.

CAPUT IV.

De Eucharistia prout est Sacramentum.

§. I.

De Essentia, & Materia Sacramenti Eucharistiæ.

1. *Quæst.* QUA sunt Eucharistiæ nomina?

R. Dicitur 1. *Eucharistia*, quòd sit eximia quædam gratiarum actio. Dicitur 2. *Cena Domini*, quod

quod eam Christus post habitam cum suis Apostolis cœnam instituerit. Dicitur 3. *Communio*, quod per illius usum Christo tanquam capiti, & fidelibus tanquam illius membris communicemus. Dicitur 4. *Viaticum*, eo quod ex hac vita migraturis detur in subsidium adversus invisibiles nostræ Religionis hostes.

2. Q. Eucharistia, prout est sacramentum, quomodo definitur?

R. Definitur; *Sacramentum Corporis & Sanguinis Christi sub speciebus panis & vini, ad spiritualem animæ refectiōem ab ipsomet Christo institutum.*

3. Q. Valetne mox data Eucharistiæ definitio?

R. Valet, Nempè 1. vox hæc *Sacramentum*, tenet locum generis; in hoc enim cum cæteris Novæ legis sacramentis convenit. Hoc est, est sicut & sunt, compositum quoddam ex duabus rebus, quarum una, panis nimirum, tenet locum materiæ, & altera, seu verba, tenet locum formæ. 2. Hæ voces, *Corporis & Sanguinis Christi sub speciebus panis & vini* denotant Eucharistiæ tùm res quas interiùs continet; *Corpus & Sanguinem Christi*, tùm partem externam ex qua constat, nimirum species, seu apparentias panis & vini. 3. Per hæc verba, *Ad spiritualem animæ refectiōem*, explicatur discrimen quod inter effectum Eucharistiæ, & effectum aliorum sacramentorum reperitur: scilicet Eucharistia per modum potus & cibi suum effectum in recipientibus producit.

4. Q. Quid est id quod in Eucharistia propriè habet rationem Sacramenti?

R. Ipsamet Corpus & Sanguis Christi, non quidem absolutè considerata, sed prout sensibilibus panis, & vini speciebus obteguntur: scilicet ex Concilio Tridentino sess. 13. cap. 5. Latriæ cultus *Sacramento* Eucharistiæ debetur.

5. Q. Eucharistia quæ duplici specie constat, estne duplex Sacramentum?

R. Non est duplex, sed unum tantum. Nempè unus est illius finis, animarum scilicet refectio, quæ duplici panis & vini specie representatur.

6. Q. Quæ

De Deo Authore Sacramentorum. 213

6. Q. Quæ est inadæquata Eucharistiæ materia?

R. Est aut panis, aut vinum: quæ quidem, si simul adhibeantur, constituunt totam & adæquatam materiam.

7. Q. Qui panis est necessaria Eucharistiæ materia; hoc est, quis secundum substantiam debet esse panis, ut validè consecretur?

R. Panis triticeus, & non alius. Nempe solus panis triticeus est & vocatur panis *simpliciter*, alii verò panes dicuntur panes *secundum quid*, & cum addito, panis *bordeacensis*, panis *siligineus*. At panis quo Christus, dum Eucharistiam instituit, usus est, vocatur panis *simpliciter* & *sine addito*.

8. Q. Valetne consecratio sive in azymo, sive in fermentato pane?

R. Valet: nempe nec azymus, nec fermentatum mutant substantialiter naturam panis, quem constat esse ex institutione Christi inadæquatam Eucharistiæ materiam: unde meritò hæc ait Concilium Florentinum in Decreto Unionis: *Definimus in azymo, sive in fermentato pane triticeo Christi corpus veraciter confici*.

9. Q. Estne licita cuique ministro consecratio tam in azymo, quam in fermentato pane?

R. Non est licita. Scilicet tenetur quisque minister Ecclesiæ leges servare: sed ferunt Ecclesiæ leges ut Latini Sacerdotes azymum panem, & Græci fermentatum consecrent. Nempe in Concilio Florentino definitur Sacerdotes in Altari ipsum Domini Corpus conficere debere, unumquemque scilicet juxta suæ Ecclesiæ sive Occidentalis, sive Orientalis consuetudinem.

10. Q. Quem panem Christus ipse in ultima cum Apostolis cœna consecravit?

R. Consecravit azymum. Scilicet (ut habetur Matthæi cap. 26.) Christus Eucharistiam instituit *prima* die Azymorum; hoc est, ad vesperam qua incipiebant azymorum dies, seu ii, quibus Judæis licitum non erat non modò uti fermentato, sed nec illius frustulum domi servare: ergo Christus, Legis accuratus semper observator, non fermentato, sed azymo pane usus est, cum Eucharistiam instituit.

Obj. Christus Eucharistiam instituit pridie Paschatis: ergo & ante primam diem azymorum, quâ ad vesperam dies Paschatis incipiebat: proindeque non azymo, sed fermentato pane tunc usus est.

Probatur ant. 1. Ea die qua Christus Eucharistiam instituit, lavit suorum Apostolorum pedes: at lavit ante diem Paschæ: *Ante diem festum Pasche* (inquit Joanne cap. 3.) *sciens Jesus..... capit lavare pedes discipulorum.*

2. Dies Veneris, qua Christus mortuus est, erat Paschæ pervigilium, juxta illud Joannis cap. 18. *Erat autem mane: & ipsi (Judæi) non introierunt in Prætorium, ut non contaminarentur, sed ut manducarent Pascha.*

3. Joannis cap. 10. dies Veneris, qua Christus passus est, dicitur præparatio ad Pascha: *Erat (inquit) parafceve Pascha.*

4. Judæi decreverant, Christum non esse cruci affigendum die Paschatis: *Dicebant autem (Joannis, cap. 26.) non in die festo: ne forte tumultus fieret in populo.* Id tamen accidit, si dies Jovis qua Christus ad vesperam Eucharistiam instituit, incepit prima die azymorum: siquidem prima dies azymorum erat ipse Paschatis dies cum tota die subsequente, usque ad solis occasum.

R. Ad 1. Joannes loquitur de *die naturali* Paschæ, qui incipiebat ab ortu Solis, & eo anno incidebat in diem Veneris; sed non loquitur de *die ceremoniali*, quæ quidem jam inceperat ad vesperam diei Lunæ 13. quæ incidebat in diem Jovis.

Ad 2. Nomine *Pasche* Joannes eo loci non intellexit manducationem agni Paschalis, sed hostias in sacrificium per septem dies azymorum ex præscripto Legis offerendas: scilicet Deuteronomii cap. 16. illæ hostiæ vocantur *Phase* seu, quod idem est, *Pascha*.

Ad 3. Parafceve de quo Joannes loquitur, non fuit ad ipsam diem Paschæ, sed ad diem subsequentem Sabbatum, qui eo anno incidebat in secundam azymorum: neque enim dies Paschæ indigebat Parafceve, seu prævia ciborum præparatione, quia ipso Paschatis die, si in Sabbatum non caderet, licebat Judæis ea parare quæ ad victum erant necessaria.

Ad 4.

Ad 4. Judæi decreverant quidem in Concilio non occidere Christum ipso die Paschæ, ne fortè tumultus fieret in populo: sed ipso die Paschæ nasci occasionem illum perdendi, judicarunt standum non esse suo decreto, veriti scilicet, ne quæ tunc se dabat occasio, postea elaberetur.

11. Quæ est altera Eucharistiæ materia?

R. Vinum. Nempè Christus, cùm instituit Eucharistiam vinum consecravir ut habetur Marci 14. illiusque usum ad Eucharistiæ confectionem suis Apostolis hucce verbis injunxit: *Hoc*, seu, quod faciebat ipse, *facite*.

12. Q. Aqua debetne admisceri vino consecrando?

R. Debet ex Ecclesiastica lege: *Monet sancta Synodus* [verba sunt Concilii Tridentini sess. 13.] *præceptum esse AB ECCLESIA Sacerdotibus, ut aquam vino in calice offerendo misceant.*

Si quis verò roget cur Ecclesia mixtionem aquæ cum vino consecrando præceperit, dicendum erit præcepisse, 1. quod Apostolica sit Traditio Christum vinum aqua temperatum consecravisse: 2. ea mixtione exhibetur mysterium expressum in aqua & sanguine, quæ de Christi jam mortui latere lancea percusso fluxerunt: 3. exhibetur unio populi fidelis cum Christo Capite, seu docetur Ecclesiam una cum Christo in Eucharistiæ sacrificio offerri Deo Patri. Vide Cypriani Epistolam ad Cæciliam.

13. Q. Aqua quæ vino consecrando admiscetur, mutaturne in Christi Sanguinem?

R. Quæstio illa ad fidem non pertinet. Nimirum propositam sibi ab Archiepiscopo Lugdunensi Innocentius Papa III. (ut patet ex capite *Cum Martha*. Ext. *De celebratione Missarum*) definire noluit.

14. Q. Quæ conditiones in vino Eucharistico requiruntur?

R. Requiritur 1. ut integra sit illius substantia: hincque colligitur non valere tentatam aceti consecrationem. 2. Debet esse potabile, quia Eucharistia consecratur in ordine ad summptionem per modum cibi & po-

tus: *Manducate* (inquit Christus in Evangelio) *Bibite*. Hinc verò colligitur uvam ex qua nondum expressum est vinum, validè non posse consecrari. 3. Ad decemtem, sed non ad validam consecrationem requiritur ut vinum quandam maturitatem jam sit assecutum: hinc autem infertur mustum non nisi urgente necessitate a sacerdote consecrari debere.

§. II.

De Forma Eucharistiae.

1. *Quest.* **C**hristus consecravitne Eucharistiam absque omni verborum forma?

R. Non consecravit absque omni verborum forma. Nempe Veteres asserunt, Christum panem in Corpus suum his verbis, *Hoc est Corpus meum*, & vinum in suum sanguinem his aliis, *Hic est Sanguis meus*, mutasse. Ità enim expresse docent Tertullianus libro 4. contra Marcionem, cap. 40. & sanctus Joannes Damascenus in libro 4. de Fide orthodoxa, cap. 15.

Obj. Innocentius III. in libris de *Mysterio Altaris*, docet Christum absque ulla verborum forma, sed solo suæ potentissimæ voluntatis imperio, panem & vinum in suum corpus & in suum sanguinem in ultima cœna transmutavisse: ergo, &c.

Resp. Docet opinativè, conc. ant. determinativè & definitivè, nego ant. Tunc enim Innocentius non erat summus Pontifex, ac proinde quæ tunc scripsit, opiniones sunt privati Theologi ratiocinantis, non autem Summi Pontificis definientis.

2. *Q.* Quæ est forma verborum per quæ panis consecratur?

R. Ista: *Hoc est corpus meum*. Nam 1. id clarè innuit Ambrosius in libro 4. de Sacramentis, cap. 4. ubi sic loquitur: *Consecratio igitur cujus verbis est, & cujus sermonibus? Domini Jesu*. 2. Id quoque docet Eugenius IV. in Decreto pro instructione Armenorum: *Forma* (inquit) *hujus sacramenti sunt verba Salvatoris, quibus hoc*

hoc conficit sacramentum, sed illa Christi verba non alia sunt quàm ista, *Hoc est corpus meum*: ergo &c.

3. Q. Hæc sola verba: *Hoc est corpus meum*, suntne satis ad validam panis consecrationem?

R. Sunt satis; quia clarè exprimunt effectum formæ, seu transubstantiationem; hoc est, mutationem panis in corpus Christi, in cujus persona loquitur Sacerdos, cum ea profert in Altari.

Obj. 1. In Liturgia Chrysostomi post prolata Evangelica verba, *Hoc est Corpus meum*, Sacerdos à Deo petit mutationem panis in corpus Christi: *Fac quidem panem hunc pretiosum corpus Christi tui*; ergo supponit mutationem nondum per hæc verba, *Hoc est Corpus meum*, factam fuisse.

Resp. Dist. ant. petit mutationem *moralem*; hoc est, ut profint eis qui Sacrificio præsentés sunt, conc. ant. petit mutationem *physicam*, seu qua panis & vinum physicè transmutentur, nego ant.

Obj. 2. Patres (ut videre est in Hieronymo ad Evagrium scribente) asserunt Eucharistiam confici per Sacerdotum preces: ergo non conficitur per hæc verba, quæ haud dubiè non sunt preces: *Hoc est Corpus meum*.

Resp. Conc. ant. dist. subsumptum. Hæc verba: *Hoc est Corpus meum*, non sunt preces *explicitè*, conc. subsumptum: non sunt preces *implicitè*, nego subsumptum: continent enim invocationem divinæ potentiæ, per quam ex Christi promissione fit transubstantiatio panis in verum Christi corpus.

4. Q. Quæ est forma verborum per quæ vinum validè consecratur?

R. Sunt hæc sola verba: *Hic est calix sanguinis mei*, aut (ut habet Marcus) *Hic est sanguis meus*. Nempe clarè exprimunt transubstantiationem vini in Christi Sanguinem. Aliqui tamen aliter sentiunt, sed minùs probabiliter.

Obj. Præter illa verba: *Hic est calix sanguinis mei*, multa alia uno eodemque tenore suprà calicem profert Sacerdos; addit enim, *Novi & æterni Testamenti, qui pro vobis & pro multis effundetur in remissionem peccato-*

rum:

rum: ergo, &c.

Resp. Dist. ant. Alia multa profert ex Ecclesiæ mandato; ut nempe explicetur sacrificii Eucharistiæ effectus, conc. ant. ex mandato Christi, nego ant.

5. *Q.* Quænam mutationes in Eucharistiæ formâ tollunt ejus veritatem?

R. Ex omnes quæ tollunt sensum formæ, seu quæ efficiunt ne Sacerdos in persona Christi loquatur, aut ne panis aut vini transubstantiatio significetur.

§. III.

De Ministro Eucharistiæ prout est Sacramentum.

1. *Quest.* **Q**ui sunt *Ordinarii* Eucharistiæ dispensandæ ministri?

R. Sunt soli Episcopi & Sacerdotes. Nam 1. soli à Christo in ultima cœna jussi sunt Eucharistiam fidelibus dispensare; hoc est, solos Episcopos & Sacerdotes Christus in Apostolis allocutus est, cùm dixit: *Hæc facite*, seu non tantùm Eucharistiam conficite, ut ego confeci, sed & eam confectam dispensate, sicut & ego eam vobis dispensavi. 2. Ad eos solùm pertinet jus ordinarium Eucharistiam dispensandi, ad quos pertinet illius confectio: atqui ad solos Episcopos & Sacerdotes, &c. Ergo, &c.

2. *Obj.* Diaconi quondam in Ecclesia solenniter Eucharistiam dispensarunt: ergo illius erant ministri.

Resp. Dist. ant. Ex commissione Ecclesiæ, conc. ant. ex institutione Christi, nego ant. Hincque colligitur Diaconos quondam fuisse Eucharistiæ solenniter dispensandæ ministros extraordinarios, non autem ordinarios, de quibus solùm hæc agitur.

2. *Q.* Diaconi possuntne his etiam temporibus ab Episcopo committi ad solemnem Eucharistiæ dispensationem?

R. Possunt, si urget aliqua necessitas: *Si necessitas urgeat* (ait Canon. 38. Concilii Carthaginensis IV.) *jussus erogat*. Imò, etiam minimè jussus, urgente extrema

ma necessitate, potest eam ad ægrotum deferre: *Si necessitas evenerit* (inquit Alcuinus) *& Presbyter non fuerit præsens, Diaconus suscipiat penitentem, & det sanctam Communionem.*

3. *Q.* Subdiaconi & alii Clerici Diacono inferiores, possuntne ab Episcopis committi, ut Eucharistiam sollemniter dispensent?

R. Non possunt committi: cum enim id nusquam factum sit in Ecclesia, id non est in Episcopi potestate. Imò non fert præsens Ecclesiarum consuetudo ut subdiaconi alique Clerici minores, & à fortiori homines laici, sine expressà Romani Pontificis dispensatione, etiam in casu necessitatis, sibi ipsis Eucharisticam Communionem dispensent, licet id olim sæviente persecutione, fieret à fidelibus.

§. IV.

De Subiecto Eucharistia prout est Sacramentum.

1. *Quest.* **A** Pud Latinos estne licitum Eucharistiam infantibus dispensare?

R. Non est licitum: quia sic ferunt jura quæ vigent in Ecclesia Occidentali.

Obj. Nunc in Ecclesia Græca, & olim in Latina per duodecim priora sæcula, infantibus statim post baptismum Eucharistia conferebatur: ergo nunc quoque conferri potest in Ecclesia Latina.

R. Nego consequ. Nempe pluribus abhinc sæculis usus contrarius apud Latinos invaluit, qui quidem instar est legis. Immeritò tamen Calvinus damnat Antiquos qui infantes communicarunt. Nam (ut ait Concilium Tridentinum sess. 21. cap. 4.) *sanctissimi illi Patres sui facti probabilem causam pro illius temporis ratione habuerunt.*

2. *Q.* Eucharistia debetne dari furiosis, amentibus, energumenis?

R. Iis pro loco & tempore dari debet qui non nunquam ratione sua fruuntur; possunt enim eo temporis momento sacrum illum cibum à prophano secernere: è con-

contrà concedi non debet iis qui nusquam sunt rationis & iudicii compotes, quia non possunt (quod vult Apostolus) seipso probare, nec cibum illum sacrum à profano distinguere.

3. Q. Eucharistia debetne concedi publico peccatori?

R. Concedi non debet, si illum publicè non poeniteat: scilicet alioquin grave oriretur scandalum, & præterea Sanctum moraliter loquendo, daretur cani: Si tamen ille casus prævideri possit, consuli debet Episcopus, quia, ex Concilio Tridentino, ad ipsum specialiter pertinet publicæ poenitentiae disciplina.

Si quis verò roget quinam, quoad caput de quo agitur, censeri debeant peccatores publici? Respondendum erit intelligi debere eos quorum crimen est omnibus ferè notorium aut notorietate facti; quales sunt Comædi, Histrones, quidam Usurarii, & alii de quibus loquitur Rituale Parisiense, pag. 73. aut notorietate Iudicii Ecclesiastici, aut Civilis.

4. Q. Eucharistia potestne negari occulto peccatori?

R. Si eam publicè petat, negari non debet: quandiù enim est occultus, jus habet ad suam apud alios famam. E contrà, si eam in occulto petierit, debet negari, in eo nimirum casu nullum in fama (ut supponitur) detrimentum patitur, & aliunde consulitur debitæ Sacramento reverentiæ. Ita S. Thomas.

§. V.

De re quæ in Eucharistia continetur.

Nota. Quæ spectant ad rem quæ in Eucharistia continetur, reduci possunt, 1. ad existentiam corporalis præsentiae Christi: 2. ad ejusdem realis præsentiae modum: 3. ad ea quæ eandem realem præsentiam consequuntur: 4. ad accidentia panis & vini quæ illam comitantur.

De existentia corporalis presentie Christi in Eucharistia.

1. *Quest.* **Q**ui sunt ii qui negarunt realem, corporalem & substantialem presentiam Christi in Eucharistia?

R. Joannes Scotus Erigena qui obiit anno 884. primus inter eos qui admisit veritatem Incarnationis, aggressus est dogma de corporali ac substantiali presentia Christi in Eucharistia. Subsecutus est Berengarius, Archidiaconus Andegavensis circa annum 1035. Subscriperunt sæculo 16. multi in Germania hæretici, quibus tandem adhæsit Calvinus, qui contendit Corpus Christi esse in Eucharistia præsens solum quoad virtutem, non autem quoad substantiam & veritatem.

2. *Q.* Realis & substantialis presentia corporis Christi in Eucharistia potestne demonstrari ex capite 6. Joannis?

R. Potest. 1. Eo in loco Christus de orali manducatione sui corporis, & de orali potu sui sanguinis locutus est; potum enim à manducatione distinxit; quod tamen non fecisset, si de manducatione, aut potu tantum spiritali per fidem, locutus fuisset: *Nisi* (inquit) *manducaveritis carnem Filii hominis, & biberitis ejus sanguinem, &c. Qui manducat meam carnem, & bibit meum sanguinem, &c.* Atqui oralis manducatio, oralis potus, seu per os sumptio, supponunt presentiam realem corporis & sanguinis Christi: in hoc enim differunt à manducatione & sumptione quæ fiunt tantum per fidem; in istis nimirum actus manducandi & actus bibendi à se invicem non distinguuntur.

2. Res quæ per fidem tantum manducantur, aut bibuntur, non sunt verè cibus, nec verè potus: *Caro mea* (ait ipse eodem Joannis capite 6.) *VERE est cibus, & sanguis meus VERE est potus.*

3. Tantum abest ut Christus Judæos qui verba de quibus agitur, intellexerunt de manducatione verè, re ali & orali, deterruerit ab eo sensu, quin è contrà illum

lum hæc comminatoria sententia confirmaverit : *Amen, amen dico vobis, nisi manducaveritis carnem Filii hominis, & biberitis ejus sanguinem, non habebitis vitam in vobis.*

Obj. 1. Christus Joannis cap. 6. hæc habet : *Spiritus est qui vivificat : caro non prodest quidquam. Verba quæ ego locutus sum vobis, spiritus & vita sunt : at eâ sententiâ docuisse videtur, ea quæ de Carnis manducatione & de potu sui Sanguinis dixerat, non ad literam, sed metaphoricè tantum sumi debere : ergo, &c.*

Resp. Dist. maj. Caro, hoc est sensus carnalis non prodest quidquam, conc. maj. Caro, hoc est Corpus Christi cum Verbo conjunctum non prodest quidquam, neg. maj. Is igitur est allatæ sententiæ sensus : *Quæ hætenus dixi vobis, res sunt à sensibus maximè diffita, quæ proinde mente sola quæ fide illustrata sit, capi possunt : mirum igitur non est quid vos, utpote maximè carnales & sensibus dediti, ea minimè capiat.*

Obj. Augustinus enarratione in Psalm. 98. scribit *spiritualiter* intelligi debere, quæ Christus Joannis cap. 6. de sui corporis manducatione, & de potu sanguinis asseruit : ergo ex Augustino intelligi non debent in sensu litterali.

Resp. Conc. ant. dist. conseq. Intelligi non debent in sensu litterali Capharnaitico ; hoc est, pro manducatione quæ fiat modo communi, quo scilicet res manducata ita dentibus atteritur, ut dividatur in frusta, conc. conseq. in sensu litterali non Capharnaitico, quo nimirum res māducata reverà trajicitur in stomachum manducantis, sed sine ulla læsione & divisione, nego conseq.

3. Q. Corporalis præsentia Christi in Eucharistia potestne demonstrari ex verbis quibus Christus Eucharistiam instituit?

R. Potest. Nempe Christus cum Eucharistiam instituit, hisce verbis : *Hoc est corpus meum. Hic est sanguis meus,* usus est, ut patet ex Matthæi cap. 26. Marci 14. Lucæ 22. Primæ ad Corinth. 11. Atqui ea verba demonstrant corpus & sanguinem Christi esse realiter & substant-

stantialiter in Eucharistia : nam alioquin Christus falsum dixisset : tunc nimirum aliquis falsum dicit, quando rem significatam prædicat simpliciter de signo, quod nullo prorsus hominum usu sumitur pro signo ; sic mentiretur is qui de quercu simpliciter & absolute diceret, quod sit Alexander Magnus : atqui Christus rem significatam seu corpus suum, & sanguinem suum absolute & simpliciter prædicasset de signo (seu de pane & vino) quod nullo prorsus hominum usu pro signo sumitur ; neque enim quisquam panem sumperat pro signo, seu figurâ corporis humani, nec vinum pro figura sanguinis humani alicujus : ergo, &c.

Obj. 1. Ea verba : *Hoc est corpus meum : Hic est Sanguis meus*, in sensu litterali sumpta contradictionem implicant : nempe pronomen *Hoc*, sumitur pro pane ; sicut & pronomen *Hic*, pro vino : ac proinde hæc verba : *Hoc est corpus meum . Hic est sanguis meus*, ad litteram sumpta faciunt hunc sensum : *Hic panis est meum corpus . Hoc vinum est meus sanguis* : at ille sensus contradictionem implicat ; neque enim panis potest esse simul panis & corpus humanum, nec vinum potest esse simul vinum & sanguis humanus : ac proinde Evangelica verba, sumi debent in sensu metaphorico ; ita ut hunc sensum reddant : *Hic panis est figura corporis mei . Hoc vinum est figura sanguinis mei*.

R. Dist. min. Atqui iste sensus : *Hic panis est corpus meum . Hoc vinum est sanguis meus*, implicat contradictionem, si corpus dicatur de pane sumpto secundum significationem permanentem ; hoc est, ita ut panis remaneat substantialiter panis, conc. min. Si corpus dicatur de pane sumpto secundum significationem transientem : hoc est, ita ut panis desierit esse panis, & vinum desierit esse vinum post completam & finitam prolationem verborum, *Hoc est corpus meum , Hic est sanguis meus*, nego min. Ratio est, quia sermo Christi in eo casu fuit operatorius sermo, de cujus natura est, ut subiectum mutet in naturam prædicati, sicut si Christus aquam in vinum mutans in nuptiis Cana dixisset, *Aqua hæc est vinum*.

Obj.

Obj. 2. Ex re ipsa quam Christus conficiebat, Apostoli plusquam satis determinati erant ut Evangelica verba: *Hoc est corpus meum*, *Hic est sanguis meus* metaphorice sumerent: scilicet Christus instituebat Sacramentum; at de Sacramenti natura est, ut quæ de illo prædicantur, non ad litteram, sed figurativè sumantur; ergo, &c.

R. Dist. min. De natura Sacramenti est ut quæ de illo prædicantur prout est Sacramentum, hoc est, prout est signum, metaphorice sumantur, conc. min. prout est res aliqua realis, nego min. Christus in verbis Evangelicis: *Hic est corpus meum* non prædicavit suum corpus de pane prout est Sacramentum, seu signum; quia reverà panis non est signum humani corporis, sed prout panis est res aliqua realis; unde necesse est ut Apostoli eo loquendi modo Transubstantiationem panis in Christi corpus agnoverint.

4. Q. Realis præsentia corporis Christi in Eucharistia potestne ex Sanctis Patribus demonstrari?

R. Potest demonstrari. Nam 1. SS. Patres crediderunt Christi verba: *Hoc est corpus meum*, *Hic est sanguis meus*, non debere sumi metaphorice, sed in sensu litterali & proprio; nusquam nimirum metaphoricum illum sensum explicuerunt; id tamen erat valdè necessarium, tum quòd facile non veniat in mentem eorum qui Evangelica illa verba audiunt; tum quòd grave fuerit periculum ne fideles ea verba audientes, sensum litteralem intellexerint, sicut omnes Orbis Christiani fideles eum à Christi morte usque ad Scoti Erigenæ tempora, & à Berengario usque ad sæculum XVI. illum intellexere.

2. Nonnullos fideles olim subiit tentatio dubitandi, an Christus sit præsens in Eucharistia: *Quomodo* (inquiunt apud Ambrosium in libro de iis qui mysteriis initiantur, capite 9.) *tu dicis mihi quod Christi Corpus accipiam*. Patres verò dubium illud expugnarunt urgendo hæc Evangelica verba: *Hoc est Corpus meum*; atqui immerito eis curæ fuisset urgere illa verba, & quidem sine ulla prorsus explanatione, si non censuissent ea sumi

mi debere in sensu proprio & litterali, non autem in metaphorico.

3. Patres asseruerunt quod fideles *veram* Christi carnem, *verum* Christi sanguinem in Eucharistia recipiant, ut videre est apud Ambrosium lib. 6. de *Sacramentis* cap. 1. Asseruerunt Eucharistiam continere *proprium ipsummet* Christi corpus: *Seipsum* (ait Chrysostomus hom. 83. in Matthæum) *tibi tradit, non ut videas solum, verum etiam ut tangas, & in te habeas.*

Obj. 1. Patres non semel Eucharistiam vocarunt Antitypum, imaginem, figuram corporis & sanguinis Christi: ergo, &c.

R. Dist. ant. secundum *externam* illius partem, conc. ant. Nempè species panis & vini quæ etiam post consecrationem remanent, sunt imago & figura corporis Christi: Secundum partem *internam* quam continet, nego ant. Licet Catholici credant Christi corpus esse substantialiter in Eucharistia, eam tamen, his etiam temporibus passim vocant Sacramentum: hoc est, *signum* corporis & sanguinis Christi: mirum igitur non est quod Patres, licet persuasum eis fuerit eam continere realiter ipsummet Christi corpus, nonnunquam *signum*, Antitypum, figuram & imaginem corporis Christi eam appellaverint.

Obj. 2. Tertullianus *metaphoricè* exponit Evangelica verba: *Hæc est corpus meum*: sic enim loquitur libro 4. contra Marcionem cap. 40. *Acceptum panem, Corpus suum, illum fecit, Hæc est corpus meum dicendo, id est. FIGURA corporis mei*: ergo, &c.

R. Dist. ant. Et illa verba, *Id est, figura corporis mei*, referuntur ad hanc vocem *Panem*, & cum ea conjungi debent, conc. ant. Referuntur ad hæc verba: *Hæc est corpus meum*, & cum iis conjungi debent, nego ant. Sic enim Tertulliani verba disponi debent: *Hæc, id est, panis qui in Antiquo Testamento erat figura mei corporis, iam est corpus meum*: hincque Tertullianus contra Marcionem concludit, veterem Legem non fuisse malam, cum illius figuras ipse Christus cum instituit Eucharistiam, simpleverit.

Obj. 3. Patres docuerunt, eos qui fide carent, non manducare corpus Christi, ut videre est apud Augustinum Tractatu 25. in Joannem: ergo, &c.

R. Dist. ant. Non manducare corpus Christi, ratione *fructus* quem Eucharistia receptio per se nata est parere, conc. ant. ratione *rei* quam continet, nego ant.

5. *Q.* Corporalis Christi praesentia in Eucharistia sacramento, potestne ex *Præscriptione* demonstrari?

R. Potest. Nempè argumentum quod *Præscriptionis* vocant, est illud quo demonstratur Ecclesiam idem de dogmate aliquo credidisse semper quod nunc credit: atqui demonstrari potest Ecclesiam semper id de Eucharistia credidisse quod nunc credit: siquidem 1. assignari non potest *tempus*, quo aliqua mutatio eo in capite contigerit. 2. Appellari non possunt *authores*, qui illam mutationem primùm invexerint. 3. Dici non potest *qua via* fides de reali praesentia in omnes ubique gentium Ecclesias irrepsit. 4. Fieri non potuisset mutatio de qua agitur, quin plures tùm ex Episcopis, tùm ex Theologis, tùm ex fidei populo, illi solemniter & publicè contradixissent: neque enim mutatur fides, quin hinc & inde disputationes, strepitus & alia hujusmodi contingant: idque videre est in Berengario, qui ubi undecimo sæculo invehere tentavit doctrinam de absentia reali corporis Christi in Eucharistia, omnes ferè ad unum Orbis Episcopos passus est adversarios, ubique tùm doctorum hominum scriptis, tùm Conciliorum Decretis illi contradictum fuit. Unde locum hic habet illud Tertulliani in libro de Præscriptionibus: *Ceterùm quod apud multos unum invenitur, non est erratum, sed traditum.*

6. *Q.* Corporalis praesentia Christi in Eucharistia potestne philosophicis argumentis expugnari?

R. Non potest: quæ enim ab hæterodoxis ex Philosophia petuntur objectiones facillè solvantur à Catholicis.

Obj. 1. Ex doctrina de praesentia Corporali sequitur 1. unum & idem corpus esse simul in pluribus locis, e jusque partes sub exigua quantitate contineri. Sequitur

De Deo Authore Sacramentorum. 227

tur 2. accidentia panis & vini absque ullo substantiali subiecto remanere: Sequitur 3. falsum esse testimonium sensuum, à quibus panis & vinum eodem modo percipiuntur, ac si reverà adesset illorum substantia: sed hæc perabsurda sunt: ergo, &c.

Resp. Conc. maj. nego min. Nempe decuit jugiter illa miracula fieri, ut fidei de præsentia corporali locus daretur. Ità docent antiqui Patres. Gregorius Nyssenus Orat. Cath. cap. 87. Chrysostomus in libro 3. de Sacerdotio, Cyrillus Hierosolymitanus Catech. 4. Mystagogicà.

Obj. 2. Inutilis est Corporalis præsentia Christi in Eucharistia: Christus scilicet, si in ea secundum virtutem præsens supponatur, re ipsa fidelem animam interiùs reficiat: ergo, &c.

Resp. Nego ant. Christus enim pro sua in homines summa charitate, elegit illud medium, seu sui corporalem præsentiam, præ aliis mediis quæ poterat eligere: *Parentes* (inquit ipsemet Christus apud Chrysostomum; hom. 43. in Joannem) *sapè numero liberos suos aliis alendos dederunt: ego autem mea Carne alo.* Vide integram mox laudati sancti Præfulis homiliam.

De modo Corporalis præsentia Christi in Eucharistia.

1. *Quest.* **V** Erbum Divinum estne in Eucharistia per Impanationem?

R. Non est per impanationem; hoc est, per substantialem sui cum pane unionem: alioquin enim dici deberet quòd panis sit corpus Verbi, quemadmodum, propter unionem hypostaticam, de Christi carne dicitur quòd sit Verbi caro: sed hoc dici non potest: nempe Matthæi, capite 26. corpus de quo agitur in verbis Evangelicis: *Hoc est corpus meum*, est illud de quo Christus addidit, *Quod pro vobis tradetur*: atqui panis non erat Corpus quod pro nobis tradendum erat: ergo, &c.

2. *Q.* Corpus Christi estne in Eucharistia per Consubstantiationem?

P 2

R. Non

R. Non est per Consubstantiationem; hoc est, in pane qui post consecrationem supersit & remaneat. Alioquin enim dicendum esset in his Evangelii verbis; *Hoc est corpus meum*, prædicatum: *Corpus*, asseri de pane demonstrato per pronomen, *hoc*, tamquam de subiecto, aut loco, in quo contineretur: atqui id dici non potest: nempe res contenta non prædicatur simpliciter & sine explicatione de subiecto continente, nisi fortè in rebus in quibus ille loquendi modus invaluit, ut cum de dolio dicitur quòd sit vinum. At Christi tempore usus non invaluerat, nec jam etiam invaluit, ut humanum corpus prædicaretur simpliciter de pane tamquam de subiecto in quo contineatur: proindeque in systemate de Consubstantiatione, perabsurda, imò & falsa fuisset Christi sententia: *Hoc est corpus meum*.

3. Q. Christus estne in Eucharistia per panis & vini Transubstantiationem in Corpus & Sanguinem illius?

R. Est per Transubstantiationem. Nam 1. Evangelica verba *Hoc est Corpus meum*, *Hic est Sanguis meus*, cum (ut superius ostensum est) nullam metaphoram contineant, necessariò includunt Transubstantiationem, sicut & eam inclusissent ista, *Hoc est vinum*, si prolata fuissent à Christo, cum in nuptiis Cana aquam in vinum convertit.

2. Patres transubstantiationem expressè docuerunt. Nempe contenderunt 1. panem & vinum per consecrationem mutari in Corpus & Sanguinem Christi: *Aquam* (inquit Cyrillus Catech. 4. mystagog.) *aliquando mutavit in vinum: & non erit dignus cui credamus, quod vinum in Sanguinem transmutarit?* Contenderunt 2. panem qui in Eucharistia videtur, non esse realiter panem. 3. Fidendum non esse sensibus, licèt post Eucharistiæ consecrationem eodem modo afficiantur, ac si reperiretur ipsa panis substantia: *Non esse panem* (ait Cyrillus mox laudatus) *etiamsi gustus panem esse sentiat*.

3. Hac etiam referri potest argumentum, quod *Præscriptionis* vocant: hoc est, Ecclesia Christiana ubique gentium crediderat semper transubstantiationem, cum Lutherus consubstantiationem sæculo 16. conatus est invenire:

vehere: eamque jam temporis credit non Occidentalis tantum Ecclesia; hoc est, quæ Romano Pontifici communione jungitur, sed etiam Orientales omnes: sive Catholicæ, sive schismaticæ, sive hæreticæ, sive etiam à se invicem in aliis gravissimis capitibus dissidentes.

Obj. 1. Patres Eucharistiam, etiam post consecrationem, non semel vocarunt *panem & vinum*: ergo, &c.

R. Conc. ant. nego conseq. Ratio est, quia res potest appellari iis nominibus, quæ licet ei prout est a parte rei, non convenient, ei tamen conveniunt prout nobis apparet.

Obj. 2. Si panis in Eucharistia non remaneret, Deus ipse, qui sensus dedit nobis ad cognoscendam rerum veritatem, nos ipsos deciperet: sed hoc est absurdum: ergo, &c.

R. Deus hac in re nos nequaquam decipit. Nempè asserendo de pane quodd sit suum Corpus, *hoc est Corpus meum*, monuit *implicite* ne ex sensuum perceptione de Eucharistia post consecrationem judicarem.

Obj. 3. Gelasius Papa, in lib. *De duabus in Christo naturis*, hæc ait; *Et tamen esse non definit substantia vel natura panis & vini*. Similia scribit Theodoretus Dialogo 1. quem *Impatibilis* inscripsit; *Manent* (inquit de panẽ & vino loquens) *in priore substantia, & figura, & forma*: ergo, &c.

R. Ad 1. Nomine *Substantie*, Gelasius intelligit quod jam per *Species* & per *Accidentia* intelligimus. Ratio est, quia ibidem conceptis terminis asserit panem & vinum *in divinam transire sancto Spiritu perficente, substantiam*. Eadem est Theodoreti sententia: scribit nimirum se *substantia* nomen sumere, pro eo quod *videri, tangique possit sicut prius*.

4. Q. Quo tempore *Transsubstantiationis* nomen cœpit usurpari, ut explicaretur modus quo Christi Corpus est præsens in Eucharistia?

R. Res illo nomine significata, fuit quidem semper à Christianis credita, sed ipsum *Transsubstantiationis* nomen, licet jam ante Concilium Lateranense IV. apud aliquos esset in usu, ut videre est in Stephano Aduens

& Petro Blesensi; tamen nonnisi post illud Concilium apud omnes adhibitum fuit.

De iis quæ conitantur & sequuntur Corporalem Christi præsentiam in Eucharistia?

1. *Quest.* **C**ORPUS Christi habetne quantitatem in Eucharistia?

R. Habet. Nempè habet partes extrà se invicem; ità tamen ut se ipsas invicem penetrent: unde corpus Christi totum est sub minima specierum parte.

Obj. Quantitatis essentia, posita est in extensione: sed Christi corpus non est extensum in Eucharistia: ergo, &c.

Resp. Disting. maj. Posita est in extensione *in ordine ad se*, ità ut partes sint extrà partes, conc. maj. In extensione in ordine ad locum, ità ut partes sese ab eodem loco excludant, nego maj. Hincque patet impenetrabilitatem actualem, non esse de essentia quantitatis, sed (ut loquuntur Thomistæ) exigitivam tantum & radicalem, qualis fuit in Christi corpore, cùm coenaculum januis clausis ingressum est.

2. *Q.* Corpus Christi estne in Eucharistia *definitivè*, aut *circumscriptivè*; aut alio modo peculiari?

R. Corpus Christi non est 1. *definitivè*: quia rem esse *definitivè* est eam ita esse in uno loco, ut non sit in alio: sic autem Christi corpus non est in Eucharistia: est enim præterea in cælis. 2. Non est quoque *Circumscriptivè*, nec enim illius partes respondent variis locis, aut spatii partibus. 3. Est præsens modo peculiari, qui quoddam careat simili, *Sacramentalis* vocatur.

3. *Q.* Quænam sunt in Eucharistia *Vi verborum*, quænam verò tantum per *Concomitantiam*?

R. Sunt *vi verborum* ea tantum quæ distinctè exprimuntur in forma: sic solum Corpus est, *vi verborum*, sub speciebus panis, quia solum distinctè exprimitur in forma per quam panis consecratur; *Hoc est Corpus meum*. Sunt verò præsentia per *Concomitantiam* ea quæ distinctè non exprimuntur in forma: sic Sanguis est sub

sub specie panis, & Corpus est sub specie vini: dicuntur verò esse *per Concomitantiam*, quia a parte rei sunt unita iis quæ sunt *vi Verborum*. Vide Concilium Tridentinum sess. 13. cap. 13. ubi argumentum de quo agitur, clarissimè explicatur.

4. Q. Quantitas Corpori Christi propria, est ne in Eucharistia *vi verborum*, an verò *per concomitantiam*?

R. Est *præsens vi verborum*. Nempè quantitas exprimitur, cum exprimitur corpus humanum: neque enim (ut jam superius observatum est) aliquod corpus potest esse alicujus determinatæ speciei, nisi habeat partes extrâ partes, ac proinde nec sine quantitate, qua efficiatur ut substantia partes habeat extrâ partes.

De iis quæ sequuntur Corporalem Christi præsentiam in Eucharistia.

1. *Quest.* Adorationis seu Latriæ cultus debitus, sequiturne ex præsentia corporali Christi in Eucharistia?

R. Sequitur necessariò: ubicumque enim Corpus Christi reperitur, est hypostaticè cum Verbo conjunctum: at Corpori quod cum verbo hypostaticè conjunctum est, debetur cultus latriæ.

Obj. 1. Christi Corpus non est in Eucharistia ante illius usum: ergo tunc solùm exhiberi debet cultus latriæ, cum Eucharistia actu & de facto sumitur.

Resp. Nego ant. Scilicet Corpus Christi nunc est ante illius usum præsens in Eucharistia, si in ultima cœna Christi cum Apostolis præsens fuerit, antequam Apostoli illud sumerent: sed de facto res sic se habuit: nam alioquin Christus mentitus fuisset, cum dixit de pane quòd esset suum Corpus: siquidem prolata fuerunt Evangelica verba; *Hic est Corpus meum*, antequam Apostoli panis speciem sumerent.

Obj. 2. Non legitur in Scripturis quòd Christus præceperit Eucharistiæ adorationem, sed solùm illius usum: *Accipite & manducate*: ergo &c.

P 4

Resp.

Resp. Dist. ant. Non præcepit *explicitè*, conc. ant. *implicitè*, nego ant. Scilicet ad præceptum illud implicitum satis fuit ut *moneret* Apostolos suum Corpus Verbo hyvostaticè conjunctum, in Eucharistia realiter contineri.

2. Q. Piane est consuetudo quæ fert, ut peracta fidelium communione Christi Corpus reservetur?

R. Est maximè pia; nempe fuit in usu primis & purioribus Ecclesiæ sæculis. Nam. 1. Romani Pontifices Eucharistiam ad Episcopos in signum mutæ Communionis mittebant: ut videre est in Epistola Irenæi ad Victorem Papam. 2. Cypriano teste in libro *De Lapsis*, tradebatur fidelium in manus, ut ea domi quotidie sese reficerent. 3. Servabatur quoque (teste Concilio Laodicæno) ad Missam Præsanctificationum.

3. Q. Estne perantiqua consuetudo Eucharistiam deterendi ad absentes?

R. Est perantiqua. Scilicet secundo Ecclesiæ sæculo illius non tanquam rei novæ, sed antiquæ, & ubique servatæ meminit Justinus Martyr in altera pro Christianis Apologia.

4. Q. Quandonam instituta est Corporis Christi festivitas? Quandonam cœpit publica illius circumgestatio in processionibus? Quandonam cœpit sollemnis & publica illius expositio?

R. Festivitas anno 1264. primùm ab Urbano Papa IV. instituta est: Circumgestatio verò paulò ante Martini Papæ V. tempora, qui illius non tanquam rei a se institutæ, sed quæ jam esset in usu, meminit in Constitutione quæ incipit, *Ineffabile Sacramentum*. Publicæ illi circumgestationi sollemnis expositio suam debet originem. Vide de iis omnibus ritibus quæ a nobis scripta sunt in Commentario Historico, & Dogmatico *De Sacramentis in genere & specie*.

5. Q. Accidentia panis & vini remanentne in Eucharistia consecrata?

R. Remanent Accidentia, quæ non aliud sunt quàm qualitates seu species panis & vini: color nimirum, sapor,

De Deo Authore Sacramentorum. 233

sapor, & alia hujusmodi. Ex verò qualitates a nonnullis Patribus qui transubstantiationem expressè docuerunt, vocantur *panis & vinum*; à Concilio Lateranensi IV. vocantur *panis & vini species*: a Concilio Constantensi Wiclefum damuante dicuntur *Accidentia panis & vini*: ita etiam nominantur in Concilio Tridentino sess. 13. can. 2. species.

6. Q. Estne de fide quòd *omnia* accidentia panis & vini remaneant in Eucharistia sine aliquo subjecto?

R. De fide est, quòd remaneant sine subjecto *substantiali*, id est, pane & vino: sed non est de fide quòd remaneant absque omni subjecto *accidentali*: neque enim damnati fuerunt Thomistæ qui contendunt saporem, colorem, gravitatè immediatè recipi in panis & vini quantitate, quæ (ut suprà dictum est) remanent in Eucharistia consecrata.

§. VI.

De Effectibus Sacramenti Eucharistia.

1. Ques. **E**ucharistia Sacramentum confertne gratiam iis qui, eo quo par est modo dispositi, eam recipiunt?

R. Confert. Nempè 1. animæ dat vitam: *Panis* (ait Christus Joannis 6.) *quem ego dabo, caro mea est pro mundi vita*. 2. Efficit ut Christus in anima, & anima in Christo maneat, juxtà illud Evangelii Joan. 6. *Qui manducat meam carnem, & bibit meum sanguinem, in me manet, & ego in illo*. 3. Nutrit animam: *Caro mea verè est cibus, & sanguis meus verè est potus*: ergo producit gratiam, seu charitatem, charitas enim est (Augustino teste) animæ vita, sicut anima est vita corporis.

2. Q. Adeptio vitæ æternæ estne effectus Sacramenti Eucharistia?

R. Est illius effectus. Nempè Eucharistia est immortalitatis semen: *Et ego resuscitabo eum* [qui manducat meam carnem] *in novissimo die*. 2. Eucharistia est pignus felicitatis æternæ: *Qui manducat meam carnem, & bibit*

meum

meum sanguinem, habet vitam eternam. Verum quamvis *per se* duplicem illum effectum habere debeat? eo tamen *per accidens* nonnumquam frustratur, ratione nimirum infirmitatis subjecti in quo recipitur, alimenti communis adinstar, quod quidem licet *per se* possit sumentis vitam servare, non servat tamen semper propter illius infirmitatem.

3. Q. Eucharistiæ Sacramentum remittitne peccata mortalia?

R. Non remittit *per se*. Siquidem 1. se habet in anima sicut cibus in corpore: sed cibus non expellit mortem a corpore: ergo nec Eucharistia eam ab anima depellit; ac proinde *per se* non delet peccata mortalia, cum sint in anima, quod mors est in corpore. 2. Eucharistia non est Sacramentum *mortuorum*: at sola Sacramenta mortuorum *per se* remittunt peccata lethalia.

Obj. In ipsa Eucharistiæ institutione Christus asseruit illi remissionem peccatorum: *Hic est calix* (ait) *Matth. 26. qui pro vobis & pro multis effundetur in remissionem peccatorum*: ergo, &c.

R. Disting. ant. Eucharistia prout est Sacrificium, conc. ant. *per* eam enim sic acceptam obtinetur donum contritionis. Prout est Sacramentum, nego ant. Vide quæ dicentur inferius de effectu Sacrificii.

4. Q. Eucharistiæ Sacramentum remittitne peccata venialia?

R. Remittit, quatenus nimirum dat quoddam velut jus ad auxilia actualia per quæ serventes charitatis actus exerceantur, quibus peccatorum venialium & reus & affectus tolluntur. Præservat quoque a mortalibus: cum enim hominem fortiolem & validiorem reddat, efficit, ut si aliquæ tentationes insurgant, facilius superentur: Unde Christus in Evangelio ait *Joan. 6. Patres vestri manducaverunt manna in deserto, & mortui sunt: Hic est panis de cælo descendens, ut si quis ex ipso manducaverit, non moriatur.*

Obj. Licet aliqui reprobi Eucharistiam in statu gratiæ recipiant, à futuris tamen peccatis non præservantur: ergo Eucharistia non præservat a futuris peccatis

catis: ac proinde in hoc non opponitur manna quod Judæi manducaverunt in deserto.

R. Disting. conseq. Non præservat *per accidens*, quia nimirum recipitur in subiecto defectibili, conc. conseq. Non præservat *per se*, nego conseq. In hoc Eucharistia opponitur manna Judæorum, quod *per se* vim habeat præservandi a peccatis futuris, cum manna è contrà vim illam non haberet.

5. Q. Quo temporis momento Eucharistiæ Sacramentum effectum suum præcipuum, scilicet gratiæ sanctificantis augmentum, in recipiente producit?

R. Producit eo momento, quo verum est dicere quod in stomachum t. ajeſta est; tunc enim impletum est Christi præceptum: *Accipite, Manducate, Bibite*.

6. Q. Sane obices aliqui, quibus Eucharistiæ prout est Sacramentum, effectus impediuntur?

R. Sunt. Nempè 1. conscientia peccati lethalis eos impedit *ex toto*, ut loquitur sanctus Thomas; quia cum sit Sacramentum vivorum non operatur, nisi in subiecto quod vivit per dominantem charitatem, seu per amorem Dei super omnia. Confirmatur ex sanctis Patribus qui quovis sæculo hanc Apostoli sententiam 1. Cor. 11. *Qui manducat & bibit indignè judicium sibi manducat & bibit*, explicarunt de iis qui Eucharistiam cum conscientia peccati mortalis reciperent; unde ubique ante Communionem Diaconus inſclamabat: *Sancta Sanctis*.

Si quis verò roget utrùm peccata lethalia, sed quorum conscientia non habeatur, *ex toto* impediunt effectum Sacramenti Eucharistiæ; dicendum erit cum sancto Thoma 3. p. q. 80. art. 4. impedire omninò, imò & sacrilegam reddere Communionem in iis qui *sua culpa* ignorant se in ſtatu peccati mortalis verſari: è contrà verò non impedire *ex toto* in iis qui non sua culpa id ignorantes, effectum habent ab iis peccatis liberum: in eo nimirum casu illa peccata censentur iucludi in iis quæ ille impius per contritionem cum voto Sacramenti Pœnitentiæ conjunctam detestatur.

2. Amor voluntarius peccatorum venialium, sed qui

qui subreptitius fit, non impedit *ex toto* sacræ Communionis effectum: quia non depellit ex anima dominantem charitatem in Deum, seu Dei amorem super omnia: sed licet non impediat *ex toto*, illum tamen impedit *ex parte*, sicut levis debilitas stomachi impedit *ex parte* cibi communis effectum.

3. Voluntarius peccatorum venialium ac pluribus actibus confirmatus amor adducit in periculum Communionis indignæ. Ratio est, quia peccatorum venialium, quæ sæpius ex advertentia rationis commissa sunt, amor voluntarius disponit ad peccatum mortale: multum scilicet auget cupiditatem, plurimum minuit charitatem. Vide sanctum Bonaventuram in libro *de preparatione ad Missam*.

§. VII.

De Necessitate, & usu Sacramenti Eucharistia.

1. *Quest.* **U**sus Eucharistiæ estne ad salutem necessarius necessitate medii?

R. Non est necessarius *necessitate medii*. Quia independentem ab Eucharistia impius potest justificationis gratiam comparare, per Baptismum nimirum & Pœnitentiam.

Obj. 1. Christus Joannis 6. sic loquitur: *Nisi manducaveritis Carnem Filii hominis, & biberitis ejus Sanguinem, non habebitis vitam in vobis*: ergo usus Eucharistiæ necessarius est necessitate medii.

R. Nego consequ. Ratio est, quia illa particula *Nisi*, non complectitur omnes omnino homines; cum omnes, parvuli v. g. amentes, & plures alii non sint capaces probationis ab Apostolo ad Eucharistiam prærequisitæ: ac proinde intelligitur tantum de necessitate præcepti, non autem de necessitate medii.

Obj. 2. Sanctus Augustinus, multique alii Patres asseruerunt Eucharistiæ usum ipsis etiam infantibus esse necessarium *necessitate medii*: unde Majores nostri il-

lam

Iam olim statim post baptisma parvulis conferebant : ergo , &c.

R. Disting. ant. Esse necessarium necessitate medii, quoad illius effectum ; hoc est, quoad conjunctionem fidelium cum Christo, velut membrorum cum capite, conc. ant. quoad illius substantiam, nego ant. Nempè ille Eucharistiæ effectus ab infantibus habetur per Baptismum quo charitas eis infunditur: *Ut autem* (ait Augustinus tractatu 27. in Joannem) *simus membra ejus, unitus non compaginat, ut compaginet unitas, quæ facit nisi charitas?*

2. Q. Eucharistiæ usus estne cuiuslibet adulto necessarius necessitate præcepti?

R. Est. Et quidem 1. de necessitate præcepti *Divini* : scilicet cum Christus Apostolis injunxerit ut fidelibus Eucharistiam dispensarent ; *Hoc facite* ; id est, Consecrate & distribuite, ut me consecrantem & distribuentem vidistis, fidelibus consequenter injunxit : ut illam reciperent . 2. Etiam necessitate præcepti *Ecclesiastici* ; quod quidem legitur in Canone 21. Concilii Lateranensis IV. sub Innocentio Papa III. necnon in Concilio Tridentino sessione 13. can. 9.

3. Q. Quo vitæ tempore fideles ligat *Divinum* de Communionem Eucharistica præceptum?

R. Ligat 1. sæpius in vita : est enim animæ cibus ; ac proinde sicut corpus sæpè cibo indiget, ita & animus Eucharistia . Ligat . 2. in morali vitæ periculo : unde Majores nostri curarunt semper , ne quis adultus debite dispositus, sine illo ac maxime necessario viatico ex hac vita dimitteretur .

4. Q. Quo tempore fideles *Ecclesiastico* præcepto tenentur ad Eucharistiam accedere?

R. Tenentur semel saltem in anno, in Paschate scilicet . Ità post Concilium Lateranense IV. Tridentina Synodus sessione 13. definiit .

5. Q. Qui indignè communicavit in Paschate, fecitne satis *Ecclesiastico* de annua Communionem præcepto?

R. Non fecit satis . Eandem enim Communionem præcipit Ecclesia , quam Christus ipse præcepit : illius enim præceptum non aliud est , quam divini præcepti de

determinatio ad certum & determinatum tempus. Unde meritò ab Innocentio Papa XI. & postea à Clero Gallicano ad Comitia Generalia ann. 1700. coacto, ad minus tanquam scandalosa & in praxi perniciose damnata fuit hæc Propositio: *Præcepto Communionis ANNUÆ satisfit per sacrilegam Domini manducationem.*

6. Q. Confessarius potestne ex causa, pœnitenti injungere ut Paschalem Communionem differat?

R. Potest; imò, & nonnunquam tenetur. Ità enim declaravit Concilium Lateranense IV. *Nisi fortè (inquit) de consilio proprii Sacerdotis, & ob rationabilem causam ad tempus duxerit abstinendum...*

7. Q. Frequens usus Eucharistiæ estne per se utilis, & maximè consulendus?

R. Est per se plurimum utilis; atque adeò per se; hoc est, abstrahendo à circumstantiis particularibus, consulendus est: scilicet in se & absolutè loquendo, bonum est accedere sæpiùs ad gratiarum omnium fontem & principium; sed licet per se utilis sit, nonnunquam tamen per accidens; hoc est, ratione dispositionum in quibus sunt ii qui possunt accedere, utilis non est.

Et quidem. 1. Utilis non est, imò noxius est iis hominibus qui gentiliter vivunt; hoc est, iis qui honestatem moralem præ se ferentes, ac exterius obeuntes Christianæ religionis officia, Christi Spiritum non habent; hoc est, nec humilitati, nec mortificationi, nec paupertati, nec charitatis exercitiis dant operam. Hincque colligitur meritò ab Innocentio Papa XI. & postea à toto Clero Gallicano damnatam fuisse propositionem hisce terminis conceptam: *Frequens Confessio, & Communionio etiam in his qui gentiliter vivunt, est nota predestinationis.*

2. Non est quoque utilis iis hominibus qui sæpiùs in peccata mortalia ex consuetudine relabuntur: Nempe non censentur liberi ab effectu peccati mortalis: undè ob id donari non debent nec ipsa absolutione sacramentali, nisi postquam suam emendationem operibus probaverint.

3. Frequens Eucharistiæ usus iis tantum concedi debet,

bet, qui liberi sunt non quidem à reatu, sed ab affectu peccatorum venialium: *Omnibus* (inquit Gennadius) *Dominicis diebus Communionem suadeo, & hortor: si tamen mens sine affectu peccandi sit.* Eadem est sancti Francisci Salesii doctrina Epistola 17. Hominem verò liberum esse ab affectu peccandi colligitur ex mortificatione sensuum, occasionum fuga, studio mutue charitatis conservandæ, & mox redintegrandæ, si vel leviter laxa fuerit.

8. Q. Communio Eucharistica sub utraque panis & vini specie, estne fideli populo, aut Sacerdotibus qui actu non sacrificant, necessaria necessitate præcepti divini?

R. Non est necessaria necessitate præcepti divini. Ita nimirum Concilium Constantiense contra Joannem Hus, Basiliense contra fratres Bohemos, & tandem Tridentinum contra Lutheranos & Calvinistas definierunt.

Idque probari pot. fit 1. ex eo quòd nec Apostoli, nec qui sub eorum oculis vixerunt fideles, *semper* sub utraque specie communicaverint. Christus discipulis in Castello Emmaus Eucharistiam sub solâ panis specie dispensavit: *Cognoverunt eum* [ait Lucas cap. 24.] *in fractione panis.* Actorum 2. de fidelibus dicitur: *Erant autem perseverantes in doctrina Apostolorum, & Communionem fractionis panis & orationibus.* Paulus 1. ad Corinth. 11. sub disjunctiva particula *vel*, Eucharistiæ usum describit: *Itaque quicumque manducaverit panem hunc, VEL biberit calicem Domini indignè, reus erit Corporis & Sanguinis Domini.*

Probari potest 2. ex Traditione. Ex Cypriano libro *de Lapsis*, satis apertè colligitur infantes (quibus statim post baptismum Majores nostri Eucharistiam conferebant) sub vini tantum specie communicasse. Communio domestica, cujus Tertullianus meminit lib. 2. ad uxorem, sub sola panis specie fieri solebat. Ante Leonis Magni tempora liberum erat cuique fideli Eucharistiam sub sola panis specie sumere: ob id enim Manichæi quibus vini usus summa erat impietas, iniepebant in

in fidelium Synaxes: sed ut prohiberentur, mox laudatus Papa publico edicto sanxit, ut deinceps quisque fidelis in templis utramque speciem sumeret. Tandem Missa Præsanctificatorum, cujus meminit Concilium Laodicænum quarto ineunte sæculo celebratum, & quæ etiam his temporibus per Quadragesimale tempus apud Græcos habetur Liturgia, offerri solet sub una tantum panis specie.

Obj. 1. Christus Joannis 6, utriusque speciei usum cuique fideli præcepit: *Nisi manducaveritis Carnem Filii hominis, Et biberitis ejus Sanguinem, non habebitis vitam in vobis: ergo, &c.*

Resp. Nego ant. Ratio est quia particula *Et*, eo in loco sumitur pro disjunctiva *vel*: ita enim explicatur ab Apostolo 1. ad Coriuth. 11. *Quicumque manducaverit panem hunc, VEL biberit calicem Domini indignè &c.*

Obj. 2. Christus in ultima cœna usum Calicis omnibus præcepit. *Bibite* (inquit) *ex hoc omnes: ergo, &c.*

Resp. Disting. ant. Omnibus *Apostolis* præcepit, cum nimirum oblaturi erant sacrificium, conc. ant. Omnibus *fidelibus*, nego ant. Unde Marcus narrat illud Christi præceptum fuisse in Apostolis completum: *Et biberunt* (inquit) *ex illo omnes.*

Obj. 3. Fideles laici *passim & ordinariè* sub utraque specie communicarunt per duodecim priora sæcula, ut videre est apud sanctum Thomam 3. p. qu. 80. art. 12. Ergo id agebant ex divino præcepto.

Resp. Conc. ant. nego conseq. Id enim per plura sæcula usque ad Leonem Magnum egerunt ex sola devotione; postea verò, Manichæorum occasione: ex merito Ecclesiæ præcepto.

Q. Expeditne ut Ecclesia Calicis Communionem laicis restituat?

R. Non expedit, tùm ne Sacramentum, propter periculum effundendi sanguinem, alicui irreverentiæ periculo exponatur: tùm ne detur hæreticis locus asserendi, Ecclesiam Catholicam tandem aliquando judicasse necessarium Calicis usum.

Obj. Uberiore gratia donatur qui sub utraque specie com-

com.

De Deo Authore Sacramentorum. 247

communicat, quàm qui sub unà tantùm: par igitur est ut Ecclesià fidelibus omnibus Calicis usum restituat.

Resp. 1. Nego ant. 2. Dato ant. nego conseq. Nempè Ecclesià satius esse duxit nonnullo gratiæ ad salutem (ut loquitur Concilium Tridentinum) non necessaria augmento, per Calicis subtractionem laicos privare, quam Sanctissimum Sacramentum exponere alicujus irreverentiæ periculo.

C A P U T - V.

De Eucharistia prout est Sacrificium.

§. I.

De existentia & Essentia Sacrificii Eucharistiæ.

1. *Quest.* **Q**uomodò definitur Sacrificium in genere sumptum?

R. Est. Oblatio externa, soli Deo facta, qua in testimonium supremi illius in res omnes dominii, res aliqua sensibilis aut realiter, aut mysticè mutatur, aut absolute destruitur.

Dicitur 1. Oblatio, ex Actione ministri offerentis. Dicitur 2. Oblatio rei sensibilis, quia est signum Sacrificii invisibilis, ejus nimirum quo quisque fidelis mentem, seu animam offert Deo per charitatis, aut alterius virtutis exercitium. Dicitur 3. soli Deo facta: quia soli Deo potest exhiberi, juxta illud Augustini in libro 10. De Civitate Dei cap. 4. Sacrificium certè nullus hominum est, qui audeat Dicere debet, nisi Deo. Dicitur 4. In testimonium supremi dominii in res omnes creatas: nempe institutum est Sacrificium, ut homo essentialem suam à Deo dependentiam exterius profiteatur. Dicitur 5. Oblatio facta à legitimo Ministro, eò quod ii tantum externum Sacrificium offerre, ac consecrare possint, qui ad id muneris à Deo tanquàm Aaron specialiter vocati & missi sunt. Dicitur 6. Oblatio quæ res ali-

qua sensibilis mutatur, aut mylticè, cum ex prophana fit sacra & sancta, aut absolute destruitur, ut ostendatur Deum vitæ ac necis esse dominum.

2. Q. Quotuplex est Sacrificium in genere?

R. Triplex; Latreuticum, Propitiatorium, & Pacificum. *Primum*, est illud cujus finis immediatus est Dei cultus & honor. *Alterum*, est illud cujus finis est Dei placatio, & obtinenda peccatorum remissio. *Tertium*, subdividitur in *Eucharisticum*, & *Impetratorium*. Illud, pro acceptis beneficiis offertur; istud verò, pro aliquibus de novo recipiendis.

3. Q. Eucharistia estne Sacrificium verè & propriè dictum?

R. Est sacrificium verè & propriè dictum. Nam 1. Christus cum in ultima cum Apostolis Cæna Eucharistiam instituit, verè ac propriè dictum Sacrificium obtulit Deo Patri. Id enim realiter tunc egit, quod Melchisedech olim egerat in typo: hoc est, obtulit sacrificium illud, cujus sacrificium oblatum Melchisedech in pane & vino fuerat typus & figura; alioquin immeritò (ut docet sanctus Cyprianus in Epistola ad Cæciliam) dictus fuisset Sacerdos *secundum ordinem Melchisedech*.

2. Eucharistia est *Oblatio illa* quam Malachias capite 1. hisce verbis prædixerat: *In omni loco sacrificatur & offertur Nomini meo OBLATIO MUNDA, quia magnum est Nomen meum in gentibus*. Nempè prædictum à Propheta sacrificium non est sacrificium quod Christus semel obtulit in Cruce: siquidem sacrificium Crucis, non in omni loco, sed in Judæa tantum oblatum est.

3. Patres qui Liturgias scripserunt, millies meminerunt oblationis, immolationis, sacrificii, Sacerdotum, Altarium, sacrorum vasorum, & instrumentorum, quorum usus adhiberi debet ad ritum illum externum, cujus leges & ceremonias describebant in suis Liturgiis: et ipsam suam illis fuit Eucharistiam, cujus offerendæ ritus descripserunt, esse verè ac propriè dictum sacrificium.

4. Idem persuasum fuit Patribus qui Concilia celebra-

bant.

brarunt. Nicænum I. canone 18. Diaconis vetat ne deinceps audeant Christi corpus Præbyteris concelebrantibus dispensare: *Quod* (inquit) *nec regula, nec consuetudo tradidit, ut ab his qui potestatem non habent offerendi, illi qui offerunt, Christi corpus accipiant.* Concilium Ephesinum I. in declaratione XI. Anathematismi II. hæc habet, quæ non de alio, quàm de Eucharistiæ sacrificio intelligi possunt; *Sanctum ac vivificum, incruentumque in Ecclesia peragimus SACRIFICIUM.* in Concilio Calchedonenſi mota est adversus Dioscorum querela, quod largissimis pecuniis omne frumentum in Ægypto coemisset: *Et ex hoc* (inquit author libelli supplicis qui Concilio oblatus fuit) *neque terribile & incruentum sacrificium celebratum est.* Vide etiam Concilium Tolentanum XII. & alia quæ deinceps in variis Orbis Provinciis habita sunt.

Obj. 1. Missæ sacrificium supponeret sacrificium Crucis non fuisse satis ad integram & perfectam hominum redemptionem, sed hoc est falsum: ergo, &c.

Resp. Dist. ant. Non fuisse satis quantum ad applicationem, traſeat ant. quantum ad virtutem, neg. ant. Scilicet Eucharistiæ sacrificium non aliud est *quoad effectum*, quàm applicatio meritorum quæ Christus in Cruce comparavit.

Obj. 2. Christi Corpus & ejus Sanguis, quæ supponuntur esse hostia quæ offertur in Eucharistiæ sacrificio, nullam omninò mutationem patiuntur: & tamen ad sacrificium verè & strictè sumptum requiritur ut Hostia quæ offertur, destruatur, aut saltem mutationem aliquam patiatur: ergo Eucharistia &c.

Resp. Disting. ant. Nullam patiuntur mutationem *internam* conc. aut. mutationem *externam*, nego ant. Nempe Corpus & Sanguis Christi *vi verborum* quibus Eucharistia consecratur, redduntur præſentia in loco in quo priùs non erant; hoc est, sub panis & vini speciebus.

4. Q. In quo *precisè* Liturgiæ ritu posita est essentia sacrificii Eucharistiæ?

R. Posita est in sola specierum consecratione: quia hostia (quæ non est alia, quàm corpus & sanguis Christi)

sti) fit substantialiter præsens in loco in quo non erat prius.

Obj. 1. Die Parasceves verum Sacrificium offertur; & tamen ea die nulla fit specierum consecratio: ergo, &c.

Resp. Nego ant. Ritus enim ille non est sacrificium, sed mera commemoratio sacrificii quod pridie fuit oblatum.

Obj. 2. In consecratione Hostia non moritur etiam mysticè: ergo, &c.

Resp. Nego apt. Scilicet mors naturalis quæ Christo à Judæis illata est, distinctè exhibetur per consecrationem panis distinctam à consecratione vini: quia *vi verborum* quibus panis consecratur, solum Christi Corpus fit realiter præsens sub panis speciebus, sicut & per consecrationem vini distinctam à consecratione panis, solus sanguis fit *vi verborum* præsens sub vini speciebus: unde duplex specierum consecratio, est veluti spiritualis gladius quo iterum, sed *mysticè* tantum, Corpus & Sanguis Christi à se invicem separantur.

Obj. 3. Sacerdotes qui Eucharistiam conficiunt, jure divino tenentur consecrata sumere, juxta illud Christi in Evangelio: *Accipite, Manducate, Bibite*: ergo specierum per communionem sumptio requiritur ad sacrificium, ac proinde non in sola consecratione positum est.

Resp. Dist. conseq. Requiritur ad sacrificium tamquam pars illius *integralis*, conc. conseq. tamquam pars *essentialis*, nego conseq. Cum enim Eucharistia sit convivii spiritualis ad instar, mirum non est quod Christus cuilibet Sacerdoti sacrificanti præceperit ut species consecratasumat & accipiat. Vide apud Gratianum, Canonem *relatum*, quod est Concilii Toletani XII. ubi non obscure innuitur quod mox à nobis datum est responsum.

5. Q. Ad Eucharistiæ sacrificii *essentialiam* requiriturne utriusque speciei consecratio; ita ut si una tantum species, panis v. g. consecratur, nullum prorsus sit sacrificium?

R. Cer-

De Deo Authore Sacramentorum. 245

R. Certum est quidem quòd Sacerdotes qui offerunt, *præcepto divino teneantur utramque panis & vini speciem consecrare*, juxta illud Christi Eucharistiam instituentis: *Hoc* (id est, quod à me fieri vidistis) *facite*. Sed *fide Catholica* certum non est *utriusque speciei panis & vini consecrationem ad sacrificii Eucharistiæ essentiam requiri*: tùm quia non est Canon, quo id expresse definitum fuerit: tùm etiam quia per unius tantùm speciei consecrationem, Hostia redditur physicè præsens; statum mutat extrinsecè, & tandem (ut jam observatum est superius) *mysticè & metaphoricè* moritur.

6. Q. Ad quam sacrificii speciem reducitur Eucharistiæ sacrificium?

R. Est simul Latreuticum, Eucharisticum, Propitiatorium, & Impetratorium.

1. Est *Latreuticum*. Ecclesia nempe per Christi mortem quæ in Eucharistiæ sacrificio exhibetur, agnoscit & veneratur supremum Dei in res omnes dominium, proficiturque illum esse summum necis & vitæ Dominum.

2. Est etiam *Eucharisticum*, Scilicet per Christum Victimam simul & Sacerdotem Ecclesia pro acceptis à Deo beneficiis gratias agit: unde est illud Augustini ad Dardanum scribentis: *Nosti in quo sacrificio dicatur, Gratias agamus Deo nostro*.

3. Est quoque: *Propitiatorium*: Deus enim in hominem iratus, per Eucharistiæ sacrificium placatur: eadem quippè victima per eundem Sacerdotem offertur, quæ iram illius in Cruce placavit, eumque nobis reddit propitium: hoc est, bene in nos affectum.

4. Tandem est *Impetratorium*: nimirum Christi oblatione quæ fit ab ipso met Christo tanquàm à primario & præcipuo Sacerdote, Deus (à quo Christus pro sua dignitate & merito exaudiri debet juxta illud Apostoli Hebr. 5. *Exauditus est pro sua reverentia*) movetur ad conferendam peccatorum remissionem & ad largienda auxilia quibus impii homines ad contritionem, & justi ad perseverantiam & reliquorum mandatorum observationem indigent: quo autem modo id fiat, inferius

exponetur. *Vide* interim Concilium Tridentinum sessione 22. capite 2. ubi explicatur qua ratione Eucharistiæ sacrificium sit simul Latreuticum, Eucharisticum, Propitiatorium, & Impetratorium.

§. II.

De Authore, Ministro, & Subiecto Sacrificii Eucharistiæ.

1. *Quæst.* **Q**uis est author Sacrificii Eucharistiæ?
R. Christus ipse, qui in ultima Cœna se ipsum sub panis & vini speciebus præsentem obtulit Deo Patri; & Apostolis, quos tunc Novi Testamenti Sacerdotes creavit, injunxit ut illum quoque per consecrationem redditum sub panis & vini speciebus præsentem eidem Deo Patri offerrent, offerrendique potestatem facerent suis in Sacerdotio successoribus.

2. *Q.* Quis est sacrificii Eucharistiæ minister necessarius?

R. Solus Sacerdos, hoc est, is qui per Episcopalem manuum impositionem ad id muneris electus & consecratus est.

Et sanè 1. non omnes fideles, sed solos Apostolos, in eorumque persona eos qui deinceps consecrandi erant Sacerdotes, Christus alloquebatur, cum hisce verbis: *Hoc facite*, præcepit ut Eucharistiæ sacrificium offerretur.

2. Id planè persuasum fuit Nicæni-Concilii I. Patribus, qui id ex præcedenti traditione hæserant, cùm can. 8. expressè asseruerunt id juris non esse ipsis etiam Diaconis: *Quod (inquit) nec Regula, nec Consuetudo tradidit, ut ab his qui POTESTATEM NON HABENT OFFERENDI, illi (loquitur de Sacerdotibus per Episcopalem manuum impositionem consecratis) qui OFFERUNT, Christi corpus accipiant.* Vide Concilium Tridentinum sess. 21. canone 1. ubi anathemate damnantur, qui contrarium ausi fuerint asserere.

Obj. 1. Singuli fideles, 1. Petri 2. dicuntur *Regale Sacer-*

De Deo Authore Sacramentorum. 247

Sacerdotium: ergo omnes vi characteris quod receperunt in Baptismate, sunt Eucharistiæ, etiam consecrandæ, Ministri.

R. Dist. ant. Dicuntur regale Sacerdotium *Spirituale & internum*; scilicet vocati ad offerendum sacrificium internum mentis per fidem & charitatem; cordis per contritionem: *Sacrificium Deo Spiritus contribulatus* Ps. 50.; corporis per mortificationem sensuum, conc. ant. Dicuntur regale Sacerdotium *externum*: hoc est, vocati ad offerendum & consecrandum sacrificium *externum*, sacrificium *Religionis*, ut est Encharistiæ, nego ant.

Obj. 2. Laicus *tanquam minister extraordinarius*, potest hominem in periculo mortis constitutum baptizare: ergo in eodem articulo potest quoque *tanquam minister extraordinarius* Eucharistiæ consecrare, & eam homini in huiusmodi discrimine constituto consecratam dispensare.

R. Conc. ant. nego conseq. Ratio est, quia Christus propter *summam* baptismi necessitatem, quæ (ut suo loco dictum est) Eucharistiæ non convenit, pro sua in homines charitate, laicis etiam hominibus facultatem fecit baptizandi in necessitatis articulo.

Obj. 3. Canon. secundus Ancyraui Concilii, quod quarto ineunte sæculo celebratum est, in Diaconis supponit potestatem offerendi: nempe tollit eam à Diaconis flagitiosis: ergo non *soli* Sacerdotes sunt Eucharistiæ consecrandæ ministri.

R. Dist. ant. Tollit à Diaconis flagitiosis potestatem *offerendi*, hoc est, facultatem Sacerdoti sacrificanti porrigendi panem & vinum à fidelibus ad consecrationem oblata, conc. ant. Tollit potestatem *offerendi*; hoc est facultatem panem & vinum consecrandi, nego ant. Unde Canon. de quo agitur, utitur sine addito voce *offerendi*, non autem cum hoc addito *Christi Corpus & Sanguinem*.

3. Q. Eucharistiæ sacrificium potestne à pluribus simul Sacerdotibus offerri & consecrari?

R. Potest. Nam mos ille quondam invaluerat, ut colligitur ex canone 18. Concilii Nicæni. Obtinet quoque

que his etiam temporibus, ut videre est in Pontificali Romano, quo Sacerdotes mox ab Episcopo consecrati, jubentur consecrationis verba simul cum illo proferre. Eo autem in casu singulorum & omnium actio se habet per modum unius actionis moralis; inde verò concluditur Eucharistiam eo tantum instanti esse consecratam, quo omnes Sacerdotes verba consecrationis protulerunt.

4. Q. Quinam sunt ii pro quibus Sacerdos non potest offerre Eucharistiæ sacrificium?

R. Non licet illud offerre 1. pro iis qui extrà Ecclesiæ sinum, diem clauserunt extremum; aut quos constat obiisse in actu peccati mortalis: unde est illud Aug. lib. 3. *de Origine anime*, cap. 12. *Noli credere, nec dicere, sacrificium Christianorum pro iis, qui non baptizati, de corpore exierint, offerendum, si vis esse Catholicus.*

Obj. 1. Adrevaldus in libro *de miraculis S. Benedicti*, cap. 21. scribit Monachos Floriacenses, preces ad Dominum fudisse pro animabus prædonum qui in ipso actu peccati occisi fuerant; ergo, &c.

Resp. Illi Floriacenses Monachi facto suo probarunt quidem se habere zelum, sed qui non esset secundum scientiam.

Obj. 2. Judas Machabæus (ut constat ex libro 2. Machab. cap. 12.) præcepit offerri sacrificium pro Judæis in acie occisis, iis etiam quos constabat mortuos esse non modò in statu peccati mortalis, sed & in illius affectu, iis nimirum sub quorum tunicis inventa sunt idolorum donaria: ergo, &c.

Resp. Dist. ant. Inventa sunt idolorum donaria, tanquam pretium quod belli jure eis debebatur, conc. ant. tanquam idola quæ venerarentur, nego ant. Unde falsum est quòd Machabæus judicaverit Judæos illos obiisse in statu & affectu peccati mortalis.

Obj. 3. Hæc oratio legitur in hodierna Latinorum Liturgia: *Libera animas omnium fidelium defunctorum de pænis INFERNI, & de profundo lacu, ne absorbeat eas tartarus, ne cadant in obscurum*, ergo, &c.

Resp. 1. Voces istæ *Inferni & de profundo lacu* non intelliguntur de inferno ubi dæmones torquentur, sed de

De Deo Authore Sacramentorum. 1249

locis subterraneis, in quibus usque ad perfectam & integram liberationem, animæ justorum qui defuncti sunt, detinentur.

Resp. 2. Illa Liturgiæ oratio refertur ad illud instans quo defunctorum animæ de corpore exierunt: scilicet (ut Augustinus advertit Epistola 23. quæ est ad Bonifacium Episcopum) Ecclesia in suis precibus solet præteritum tempus aliquando recollere: quasi præseus esset, aliquando etiam præsens, quasi futurum esset.

2. Eucharistiæ sacrificium nec pro Beatis, nec pro Damnatis offerri potest: tum quia Beatis, hoc est, Deo jam fruentibus, peccata omnia sive quoad culpam, sive quoad poenam integrè remissa sunt: tum etiam quod ex immutabili Dei decreto perpetua sint damnatorum supplicia, juxta illud Evangelii, *Matt. 25. Ite maledicti in ignem æternum, &c.*

5. Q. Quinam sunt ii pro quibus licet Sacerdoti offerre sacrificium Eucharistiæ?

R. Sacerdoti non licet quidem in Liturgia eorum nomina appellare, qui actu jacent extra Ecclesiæ sinum vel per infidelitatem, vel per hæresim, vel per majorem excommunicationem: id enim præsens Ecclesiæ disciplina non patitur, nisi in Liturgia quæ die Parasceves recitatur. Verùm licitum est privatim, & non recitando cum fidelibus nomina, pro omnibus omnino viventibus Eucharistiæ sacrificium offerre; nimirum ut pro impiis & infidelibus hominibus à Deo petatur conversionis & poenitentiae donum; nempe jubet Apostolus primæ ad Timoth. 2. ut pro omnibus omnino hominibus, cum Deus velit omnes salvos fieri, & ad agnitionem veritatis venire, præces fundantur etiam in publicis conventibus, in quibus (Justino teste) prioribus sæculis ferè semper offerebatur Eucharistiæ sacrificium.

Obj. Non licet offerre sacrificium pro iis qui non sunt membra Christi; dicit enim Augustinus in lib. 1. de origine animæ, capite 9. *Quis offerat sacrificium Corporis Christi; nisi pro iis qui sunt membra Christi?* ergo, &c.

Resp. Dist. ant. Nisi pro iis qui sunt aut actu, aut in

potentia membra Christi, conc. ant. pro iis solùm, qui *actū* sunt membra Christi, nego ant.

6. Q. Eucharistiæ sacrificium potestne offerri pro animabus eorum omnium qui in Ecclesiæ sinu, & non in ipso actu peccati mortalis, obierunt?

R. Potest: omnes enim illi de quibus est quæstio, præsumi debent obisse in statu gratiæ sanctificantis: id verò Scriptura laudat 2. Machab. 12. id etiam confirmat perpetua Ecclesiæ praxis, ut videre est apud Tertulianum in libro *de Corona militis*, capite 3. apud Cyprianum in Epistola *ad Præsbyteros, Diaconos, plebem Furnis consistentem*; apud Augustinum in libro *de cura pro mortuis gerenda*; & tandem apud Patres sive Græcos, sive Latinos qui Liturgiās quondam conscripserunt.

§. III.

De effectibus Sacrificii Eucharistiæ.

1. *Quæst.* S. Sacrificium Eucharistiæ remittitne peccata; tum mortalia, tum venialia?

R. Suo modo (ut dicetur inferiùs) tum quoad culpam, tum quod poenam remittit. Nam 1. est omnino idem cum Crucis sacrificio, solaque ab eo differt offerendi ratione. 2. eundem scopum Concilium Tridentinum sess. 21. c. 2. definiit Eucharistiæ sacrificium *verè propitiatorium esse, per ipsumque fieri ut misericordiam consequamur, & gratiam inveniamus in auxilio opportuno.*

2. Q. Sacrificium Eucharistiæ remittitne *immediatè* sicut Baptismus & poenitentia, peccata mortalia?

R. Non remittit *immediatè*, sed *mediatè tantùm*; scilicet in quantum impetrat media, quibus peccatum remittatur, contritionem nimirum & Sacramenti Poenitentiae receptionem: is enim est sensus Concilii Tridentini sessione 21. cap. 2. cum hæc docet: *Hujus quippe ablatione placatus Dominus, gratiam & donum poenitentia concedens, crimina & peccata, etiam ingentia, dimittit.*

3. Q. *Eu-*

3. Q. Eucharistiæ sacrificium remittitne peccata ex opere operato, sicut Sacramentum Eucharistiæ; an verò solùm ex opere operantis?

R. Ea de re non una est Scholasticorum opinio. Belarminus Eucharistiæ sacrificio describit virtutem quæ sit ex opere operato: alii verò, virtutem qui sit solùm ex opere operantis. Horum verò Theologorum sententia videtur probabilior. Ratio est, quia licet offeratur aut pro quorundam impiorum conversione, aut pro quorundam justorum in bono perseverantia usque ad finem; effectum tamen illum aliquando non consequitur: ac proinde non agit ex opere operato, seu ex vi oblationis in se sumptæ; quæ enim agunt ex opere operato, ut sol respectu caloris, semper, quoties non opponitur obex, suum effectum consequuntur.

Obj. Si Sacrificium Eucharistiæ non ageret ex opere operato, illius oblatio suo, propter Sacerdotis iniquitatem, effectum frustraretur: sed hoc est absurdum; ergo, &c.

R. Nego maj. Ratio est, quia sacrificium Eucharistiæ est Ecclesiæ totius oratio publica: sed propter iniquitatem ministri, oratio publica non redditur inutilis: scilicet (proprie loquendo) non tam Sacerdos qui loquitur, orat, quam Ecclesia quæ utitur illius ministerio Unde Augustinus gemitui Columbæ, seu justorum cœtui, qui præcipuam Ecclesiæ partem constituit, adscribit omnia beneficia, quibus ex Christi meritis fideles afficiuntur.

4. Q. Valor Sacrificii Eucharistiæ estne infinitus?

R. Est infinitus in se & secundum sufficientiam. Scilicet in Eucharistiæ sacrificio Victimæ sanctitatis infinite ab ipsomet Christo, cujus actiones & orationis meriti sunt infiniti; Deo Patri per Sacerdotis ministerium offertur: finitus tamen est secundum effectum quem operatur, quia per illud finito modo nobis applicantur dona quæ Christus in cruce moriens promeritus est.

5. Q. unde desumi debet quantitas fructus qui per Eucharistiæ sacrificium fidelibus applicatur?

R. Desumi debet ex triplici capite: nimirum 1.

ex absoluto Dei beneplacito : hincque fit ut Deus non semper id concedat, quod pro nonnullis in specie hominibus petitur a Sacerdote qui rei Sacrae dat operam. Desumitur 2. ex speciali intentione ministri ; nempe (ut contra Wiclefium Concilium Constantiense defunxit) speciales orationes profunt magis quam generales, iis pro quibus funduntur. Desumitur 3. ex majori vel minori devotione, seu charitate personae, cui à Sacerdote sacrificium Eucharistiae specialiter applicatur : *Quamvis ergo (inquit S. Thomas 3. p. q. 79. art. 5.) oblatio ex sui quantitate sufficiat ad satisfaciendum pro omni peccato : tamen fit satisfactoria illis pro quibus offertur, vel etiam offerentibus, secundum quantitatem suae devotionis, & non pro tota peccato.* Nec id mirum est, cum (ut superius dictum fuit) Eucharistiae sacrificium per modum impetrationis, seu orationis operetur.

§. IV.

De Proprietatibus Sacrificii Eucharistiae.

Nota. **N**on patitur hocce Compendium ut de omnibus ac singulis sacrificii Eucharistiae proprietatibus tractemus : itaque de sola illius necessitate hic est a nobis agendum, tum respectu ministri qui jus habet illud offerendi, tum respectu populi fidelis qui certis diebus tenetur illi se praesentem sistere.

1. *Q.* Sacerdotes legitime non impediti, tenenturne, licet eis non incumbat animarum cura, Eucharistiae sacrificium aliquando offerre ?

R. Ad id jure divino tenentur : haec enim Christi verba : *Hoc facite*, spectant ad eos omnes qui Apostolorum futuri erant in Sacerdotio successores. *Ut sumerent* (inquit Concilium Tridentinum sess. 21. cap. 2.) *& eisdem, eorumque in Sacerdotio successoribus, ut offerrent, PRÆCEPIT per haec verba : Hoc facite in meam commemorationem, uti semper Ecclesia Catholica intellexit & docuit.*

2. *Q.* Quo-

De Deo Authore Sacramentorum. 253

2. Q. Quoties intrà annum Sacerdos legitimè non impeditus, tenetur offerre Eucharistiæ iacrificium?

Respondet S. Thomas hisce verbis 3. p. q. 83. art. 10. *Saltem videtur quòd celebrare teneatur in precipuis festis, in quibus fideles communicare consueverunt.* Concilium Tridentinum sess. 23. cap. 14. Episcopis injungit ut dent operam, quòd Sacerdotes quilibet saltem diebus Dominicis, & festis solemnibus Missas celebrent: quæ quidem sacræ Synodi verba sanctus Carolus in Concilio Mediolanensi l. de præcepto strictè sumpto interpretatur.

3. Q. Licetne Sacerdoti offerre sacrificium Eucharistiæ, quamvis nullus sit qui præter ipsum communicet?

R. Licet. Ità nimirum contrà Lutheranos in Concilio Tridentino sess. 22. can. 8. definitum est: nec immeritò; cùm astantium communio nec ad essentiam, nec ad integritatem sacrificij Eucharistiæ requiratur.

Obj. Mancum est sacrificium in quo nullus præter Sacerdotem communicat: sed non licet offerre sacrificium quod mancum sit: ergo, &c.

Resp. Nego quòd mancum sit 1. quantum ad finem *primarium* in eo positum, quòd Deo debitus latræ cultus exhibeatur, & impetrentur dona quibus indiget Ecclesia. 2. Non est quoque mancum quantum ad finem *secundarium*; quia in eo populus, *saltem spiritualiter*, communicat.

4. Q. Suntne causæ aliquæ quæ Sacerdotem *ad tempus*, impedire debeant, ne offerat Eucharistiæ sacrificium?

R. Multæ sunt. Et quidem 1. Suspendio; 2. Irregularitas; 3. Conscientia peccati mortalis; nisi (ut docet Concilium Tridentinum) urgeat necessitas; & non adsit alius Sacerdos a quò possit absolvi; 4. flagitia aut facinora in quæ Sacerdos ex consuetudine lapsus fuerit. Tandem 5. flagitium aliquod grave, aut facinus enorme brevi ante commissum! Vnde est illud Cypriani libro de lapsis, *A Diaboli aris revertentes, ad Sanctum Domini, sordidis & infectis nidore manibus accedunt,*

Mor-

Mortiferos idolorum cibos adhuc pendē ructantes, exhalantibus etiamnum scelus suum faucibus, & contagia funesta redolentibus, Domini corpus invadunt.

5. Q. Fideles tenenturne aliquo præcepto sistere se præsentēs Eucharistiæ sacrificio, diebus Dominicis, & aliis anni festivis diebus?

R. Tenentur. *Missas* (inquit Concilium Agathense, quod habitum est ann. 505. quodque relatum est in Corpus juris Canonici) *die Dominico a secularibus totasteneri speciali ordinatione precipimus*, Idem jubetur in Decretalibus Gregorii Papæ IX. titulo *de feriis*. Vigebat verò lex illa in ipsis Ecclesiæ incunabulis: illius enim meminit Justinus Martyr in altera Apologia quam pro Religione Christiana obtulit Imperatoribus.

6. Q. Qui sunt ii qui non faciunt satis præcepto *Ecclesiastico* de audiendâ Missa festivis diebus?

R. Sunt 1. ii qui absunt a notabili parte Liturgiæ: 2. qui plures a diversis Sacerdotibus Missæ partes simul audiunt: 3. Qui duas Missæ partes a duobus Sacerdotibus etiam successivè audirent: 4. Qui per gravem Liturgiæ partem voluntarias mentis evagationes paterentur: 5. Qui tantum abest ut tunc cogitent de obtinenda peccatorum contritione, quin potiùs in illorum amore per id tempus animum suum obfirment. *Vide Cleri Gallicani Comitæ Generalia ann. 1700. ubi doctrina contraria proscribitur.*

7. Q. Quænam ex parte fidelium dispositiones interne requiruntur, ut faciant satis præcepto de audienda Missa?

R. Requiritur 1. *Mentis* attentio: quia ii qui adsunt Missæ sacrificio, orare jubentur. Requiritur 2. *devotus Cordis affectus*: *Devoto* (inquit Concilium Tridentinum sess. 22. in Decreto, *de Observandis*) *Cordis affectu*. Ille autem *devotus cordis affectus*, non præsupponit necessariò statum gratiæ sanctificantis; nec requirit *absolutè* ut quis omninò liber sit ab amore peccati dominante; sed includit in homine impio *inchoatum* saltem poenitentis & contritionis *desiderium*; ita ut eo sine se sacrificio præsentem sistat, ut obtinere conetur

veræ

veræ ac integræ contritionis donum, per quod ab effectu, seu peccati amore dominante liberetur: is est enim Concilii Tridentini sensus, cum in sess. 22. c. 2. in Decreto de *Observandis*, sic loquitur: *Per ipsumque (Missæ sacrificium) fieri ut si cum VERO CORDE, ET RECTA FIDE, cum metu & reverentia CONTRITI ac pœnitentes ad Deum accedamus, misericordiam consequamur, & gratiam inveniamus in auxilio opportuno.*

8. Q. Fideles tenenturne diebus Dominicis, & majoribus anni Festis sistere se præsentibus Missæ Parochiali?

R. Tenentur jure Ecclesiastico, tum *Antiquo*, quod quidem in Gratiani Decreto legitur, cuique robur addidit Sixti Papæ IV. Constitutio, quæ incipit *Vices illius*; tum etiam, *Novo*, quod promulgatum est in Concilio Tridentino sess. 24. capite 4. *Moneas* (inquit) *Episcopus populum diligenter TENERI unumquemque Parochia sua interesse, ubi COMMODE id fieri potest, ad audiendum verbum Dei*; quod quidem, ex ejusdem Concilii decreto, inter Missarum solemnità prædicari debet. Vide plures propositiones ad illud argumentum spectantes, quibus Clerus Gallicanus ad Comitia generalia coactus ann. 1700. censuras speciales inussit.

9. Q. Suntne aliquæ causæ quæ fideles eximent à debito audiendi Missam diebus Dominicis, ac Festivis aliis diebus?

R. Sunt aliquæ. Et quidem 1. eximit impotentia aut *physica* aut *moralis*, quæ nimirum efficitur ut quis aut absolute, aut sine gravi detrimento sui, aut aliorum, adesse non possit Eucharistiæ sacrificio. Eximit 2. charitatis erga proximum, sed in re necessaria, exercitium. Eximit 3. officium quod quis non potest deferere. Eximit 4. a debito audiendi Missam Parochialem honesta aliqua causa: *Nisi forsitan* (ait Sixtus IV. in Constitutione, *VICES illius*) *ex honesta causa ab ipsa Ecclesia se absentarent.*

CAPUT VI.

De Sacramento Pœnitentie.

§. I.

De essentia & Existentia Sacramenti Pœnitentie.

1. *Quæst.* **Q**Uot modis sumi potest Pœnitentia?

R. Duobus modis; nimirum, vel prout est virtus quæ *Pœnitentia* virtus dicitur, vel prout est Novæ legis Sacramentum.

2. *Q.* Pœnitentia, prout est virtus, quomodo definitur?

R. Definitur displicentia de præterito peccato, cum proposito non peccandi de cetero; ac Deo ut par est, satisfaciendi: hincque patet Pœnitentiam prout est virtus, esse omnino idem cum Contritione de qua suo loco fusè dicitur.

3. *Q.* Pœnitentia, prout est Nova legis Sacramentum, quomodo definitur?

R. Definitur *Ritus sacer*, quo lapsis post baptismum, Contritis, Confessis, ac Satisfacere proponentibus absolutio à peccatis impenditur à Sacerdote.

Dicitur 1. *Ritus sacer*; constat enim rebus & verbis, quæ sunt ex Christi Salvatoris institutione: & in hoc convenit cum sex aliis sacramentis Novæ legis.

Dicitur 2. quo lapsis post baptismum impenditur peccatorum absolutio: hincque colligitur illius a baptismo discrimen; cum enim baptismus per se præcipuè remittat peccatum Originale; Pœnitentia è contra non dimittit, nisi quæ post baptismum commissa sunt: unde dicitur à Patribus *Secunda post naufragium tabula*.

Dicitur 3. quo Contritis, Confessis, ac Satisfacere proponentibus impenditur absolutio, cò quòd (ut inferius exponetur) illi actus sint quasi illius materia.

4. *Q.* Existitne in nova Lege Sacramentum quod Pœnitentia dicitur?

R. Exi-

R. Existit. Scilicet Christus Joannis 10. dedit Apostolis, eorumque in Sacerdotio successoribus potestatem remittendi peccata post baptismum commissa. *Accipite (inquit) Spiritum sanctum: quorum remiseritis peccata remittantur eis, & quorum retinueritis, retenta sunt*: Atqui in usu illius potestatis reperitur ratio Sacramenti strictè sumpti. Primò enim reperitur *signum sensibile* quia humano modo & per jurisdictionis viam fieri debet. 2. Usus hujusmodi potestatis est de *præcepto divino*: SICUT *misit me vivens Pater, & ego mitto vos. Accipite Spiritum sanctum: quorum, &c.* 3. Reperitur in eodem usu *Collatio gratiæ sanctificantis*: neque enim (ut ostendunt Theologi in tractatu de justificatione) peccata remittuntur, quin gratia sanctificans producat. *catur*.

Obj. 1. Hæc Christi verba: *Quorum remiseritis peccata, &c.* intelliguntur de remissione quæ per Baptismum confertur: ergo, &c.

R. Nego ant. Nam 1. distinctè in aliis Evangelii locis agitur de remissione quæ per Baptismum confertur. 2. Patres textum de quo est quæstio, unanimi consensu intellexerunt de remissione quæ fiat non per Baptismum, sed per Ecclesiæ claves. *Vide Cyprianum Epistolâ 52. & libro de lapsis, Augustinum libro 5. de Baptismo, cap. 10. Chrysostomum libro 3. de Sacerdotio, Gregorium Magnum in eum de quo agitur, Evangelii locum.* Hincque patet debito anathemate à Concilio Tridentino mulctatos esse eos qui contrarium ausi fuerint asserere.

Obj. 2. Per Sacerdotis absolutionem peccata verè non dimittuntur, sed tantùm declarantur esse remissa ei qui credit: ergo Pœnitentia in Nova lege non est Sacramentum strictè sumptum.

R. Nego ant. Nempè vox, *Remittuntur*, quæ Christus usus est, ad litteram & in sensu obvio, veram & realem, & non declaratoriam tantùm, remissionem significat. 2. Patres unanimi consensu illam Christi sententiam de reali & vera remissione intellexerunt: ea enim usi sunt, ut assererent discrimen quod inter Leviti.

cos & Evangelicos Sacerdotes intercedit: hoc est, asseruerunt quod cum isti verè depellant animi morbos curentque ac sanent ejus vulnera; illi è contrà solum possent declarare quis sanus esset quisve impurus.

Obj. 3. Assignari non potest discrimen quod inter Baptismum & Pœnitentiæ Sacramentum intercedit: ergo sunt unum & idem Sacramentum.

R. Nego ant. Nam differunt 1. ratione materiæ; 2. ratione formæ; 3. ratione ministri; 4. ratione effectus. Ita contra Lutheranos Concilium Tridentinum definiit, sess. 14. cap. 2. *Vide quæ de quadruplici illo discrimine dicentur inferius.*

Obj. 4. Lutherani & Calvinistæ qui denegant Ecclesiæ potestatem verè dimittendi peccata per claves, doctrinam illam hauserunt ex antiquis Patribus; ergo, &c.

R. Nego ant. Nam 1. nullus Catholicus ante Hæreticorum de quibus agitur tempora, Ecclesiæ denegavit potestatem de qua agitur. 2. Nec ipsi Montanistæ nec Novatiani negarunt jus illud, eam facultatem à Christo Ecclesiæ concessam fuisse: scilicet peccata mortalia dividebant in remissibilia per claves Ecclesiæ concessas, & in irremissibilia per easdem claves: proindeque quoad primum caput, Evangelica verba; *Quorum remisistis peccata remittuntur eis*, intelligebant de vera & reali remissione quæ fiat per Ecclesiæ claves.

§. II.

De Materia Sacramenti Pœnitentiæ in genere.

1. *Quest.* **Q**uotuplex est materia Sacramenti Pœnitentiæ?

R. Duplex; nimirum materia *Circà quam*, & materia *Ex qua*. Prima sunt peccata omnia post baptismum commissa; cum hoc tamen discrimine, quod venialia sint materia *libera*; lethalia verò, materia *necessaria*; hoc est, dimitti non possunt, nisi aut per *actualem* Sacerdotalem absolutionem, aut saltem per illius votum,

seu

seu desiderium. *Altera*, est res aut pars ex qua intrinsece constat Pœnitentiæ Sacramentum, sicut aqua est materia *Ex qua*, baptismi; eo quod baptismus aqua tamquam intrinseca parte constet.

2. Q. Quæ est materia *Ex qua* Sacramenti Pœnitentiæ?

R. Sunt Pœnitentis actus: Contritio nimirum, Confessio, & Satisfactio: siquidem illi actus sunt materia *ex qua* constituitur Sacramentum Pœnitentiæ, quos Concilium Tridentinum asserit esse *quasi* illius materiam, & esse illius *partes*: atqui de actibus de quibus agitur, id asserit Concilium Tridentinum: hæc enim habet sacra Synodus sess. 14. cap. 2. *Sunt autem QUASI MATERIA huius Sacramenti, ipsius pœnitentis actus, nempe Contritio, Confessio, & Satisfactio*; quia quatenus in pœnitente ad integritatem Sacramenti, & ad plenam & perfectam peccatorum remissionem ex Dei institutione requiruntur, Pœnitentiæ *PARTES* dicuntur.

Obj. 1. Concilium Tridentinum non dicit simpliciter actus pœnitentis esse materiam sacramenti Pœnitentiæ, sed cum addito, *quasi* materiam: ergo censuit eos non propriè, sed metaphoricè tantum esse materiam; quod nimirum sint dispositiones ad effectum sacramenti consequendum omnino necessariæ.

Resp. Nego consequ. Nempe non idè Concilium actus illos vocavit *quasi* materiam, quod veræ ac propriæ materiæ rationem non habeant: Sed (inquit Catechismus Romanus ad Parochos) *quia ejus generis materia non sunt, quæ extrinsecus adhibeatur, ut aqua in Baptismo, & chrismatio in Confirmatione.*

Obj. 2. Materia *ex qua* Sacramentum constat, debet esse sensibilis: atqui contritio non est sensibilis, cum sit actus merè internus: ergo contritio non est materia *ex qua* sacramenti Pœnitentiæ.

Resp. Dist. min. Contritio non est sensibilis *per se*, conc. min. non est sensibilis *per aliud*; nego min. Scilicet sensibilis est aut per oris confessionem, aut per petitionem Sacramenti, aut per aliquod aliud signum exterius.

Obj. 3. Valet sacramentum Pœnitentiæ sine peccatorum confessione. Nempè valet absolutio sacramentalis collata homini qui ubi advocavit Sacerdotem, usum rationis amisit, antequam Sacerdos adveniret: ergo, &c.

Resp. Dist. ant. Valet aliquando Sacramentum sine *oris* confessione, conc. ant. sine *omni* prorsus confessione, nego ant. In casu verò de quo agitur est confessio virtualis, per nutus nimirum & signa; qui enim Sacerdotem advocat, seipsum fatetur reum, suumque in absolutionem desiderium significat; quod quidem satis est in circumstantia de qua est questio.

Obj. 3. Pœnitentiæ Sacramentum valet sine Satisfactione; idque in triplici casu; 1. cum Sacerdos post absolutionem datam omittit satisfactionis impositionem; 2. cum pœnitens destitutus usu rationis absolvitur; 3. cum idem pœnitens statim post receptam absolutionem moritur; ergo satisfactio non est materia *ex qua* sacramenti Pœnitentiæ.

Resp. Conc. ant. dist. conseq. Ergo satisfactio non est *essentialis* materia *ex qua* sacramenti Pœnitentiæ, conc. conseq. Non est materia *integralis* *ex qua* nego conseq. Materia *ex qua* seu intrinseca, duplex est; essentialis, ut corpus respectu hominis; & integralis, ut digitus respectu ejusdem hominis, satisfactio (ut rectè probat argument m) non est materia essentialis sacramenti Pœnitentiæ, sed est materia integralis; ita ut quamvis Pœnitentiæ sacramentum sine satisfactione habeat omnia quæ sibi essentialia sunt, non habet tamen ea quæ ad ejus integritatem requiruntur, sicut homo habens corpus & animam, sed orbatus digito, habet quidem omnia quæ homini sunt essentialia, sed non habet omnia quæ necessaria sunt ad illius integritatem.

Quæ mox de satisfactione dicta sunt, intelliguntur de satisfactione *actuali*, non autem de satisfactione *in animi preparatione*. Scilicet satisfactio in animi præparatione est idem cum proposito satisfaciendi: propositum autem satisfaciendi, saltem implicitum, est essentialis materia inadæquata sacramenti, quia est pars con-

§. III.

*De prima parte materia Sacramenti Pœnitentiæ,
seu de Contritione.*

Nota. **D**icemus in hoc paragrapho de Essentia, Necessitate, Effectu, & Divisione Contritionis.

De essentia Contritionis.

1. *Quest.* **I**N quo posita est Contritionis essentia?

R. In hac ejus definitione, quam Concilium Tridentinum tradit sessione 14. cap. 4. *Contritio, animi dolor ac detestatio est de peccato commisso, cum proposito non peccandi de cætero.*

1. Contritio est animi dolor ac detestatio de peccato commisso: Nempe dolor ille, eaque detestatio reperiuntur in omnium pœnitentium, de quibus Scriptura loquitur, contritione: *Recogitabo tibi* (inquit) *Ezechias pœnitens* Isaïæ 38.) *omnes annos meos in amaritudine animæ meæ.* Psaltes Regius Psal. 6. *Laboravi in gemitu meo. Lavabo per singulas noctes lectum meum.* In ea autem verba sic loquitur Concilium Tridentinum: *Et certè qui illos Sanctorum clamores consideraverit, facile intelliget eos ex vehementi quodam antecæ vitæ odio, & ingenti peccatorum detestatione manasse.*

2. Contritio est etiam propositum non peccandi de cætero: illud enim propositum tanquàm contritioni essentiale refert Scriptura: *Odite malum* [Amos 5.] & *diligite bonum,* Isaïæ 1. *Quiescite agere perversè, discite bene facere.* Ezechielis 18. *Si impius egerit pœnitentiam ab omnibus peccatis suis, & custodierit omnia præcepta mea, vita vivet, & non morietur.* Hinc verò patet Concilium Tridentinum meritò damnaſſe hanc Lutheri propositionem: *Optima Pœnitentia, nova vita.*

2. *Q.* Odium vitæ veteris quod includitur in Contritione.

R. 3

tri.

tritione, debetne esse formale & explicitum? an verò fatiline est ut sit implicitum & virtuale?

R. Debet esse formale & explicitum: nam implicitum includitur in proposito non peccandi de cætero: at illud propositum satis non est ad contritionem: ergo neque odium virtuale & implicitum vitæ veteris. *Vide in hanc quæstionem Dominicum Soto.*

3. Q. Quænam sunt conditiones requisitæ in Contritione, ut sit materia sacramenti Pœnitentiæ?

R. Requiritur 1. ut sit *vera*; debet enim esse ex toto corde; *Convertimini ad me* (inquit Joelis 2.) *ex toto corde vestro.*

Requiritur 2. ut sit *supernaturalis*: nempè debet ad justificationem disponere; quòd quidem actui merè naturali non convenit; hoc est, actui qui non elicitur ex motione gratiæ per Christum.

Requiritur 3. ut sit *summa appretiative*, seu (ut alii loquuntur) *extensive*; hoc est, necesse est ut pœnitens ità sit animo dispositus, ut pro nullo commutabili bono lethaliter peccare velit. Non requiritur tamen ut dolor quem includit, sit maximè sensibilis, seu ut magis sensus & imaginationem afficiat, quàm dolor de malo aliquo temporali. Ratio est, quia major, aut minor sensibilitas oriuntur à majori vel minori motu imaginationis: at imaginatio magis movetur à rebus quæ cadunt sub sensum, quàm à spiritualibus, quæ solo mentis apice & per fidem attinguntur.

Requiritur 4. ut sit *Universalis*, seu ut se se extendat ad omnia peccata mortalia, quæ post diligens examen memoriæ occurrunt, quæque secundùm speciem & numerum pœnitens in eam revocare tenetur. Nec mirum: nam pœnitens in iniquo suo facto debet detestari rationem *divinæ offense*: hoc est, detestari peccatum prout est *offensa Dei*: at ratio offensæ divinæ in omni peccato mortali reperitur. Verum observet lector Contritionem quæ se extendit actu ad omnia peccata mortalia quæ memoriæ occurrunt, implicitè & virtualiter se extendere ad ea quæ non occurrunt memoriæ; in quantum nempè impius paratus est ad ea detestanda formali-

ter

ter & actu; si memoriæ occurrerent. Vide Concilium Tridentinum sessione 14.

De Necessitate Contritionis.

1. *Quest.* **C**ontritio estne necessaria *necessitate medi* ad obtinendam remissionem peccatorum mortalium?

R. Est iis omnibus qui post baptismum lapsi sunt, necessaria necessitate medi. Nam 1. iis tantum promittitur peccatorum remissio qui de iis contriti fuerint: *Si impius* (ait Deus Ezechielis 18.) *egerit poenitentiam ab omnibus peccatis suis, vita vivet & non morietur.* 2. Iis qui de suis peccatis contriti non fuerint Christus æternam damnationem minatur: *Nisi* [ait Luc. 13.] *poenitentiam egeritis;* hoc est, nisi habueritis poenitentiae virtutem, quæ [ut superius fuit observatum, est planè idem cum Contritione] *omnes similiter peribitis.*

Obj. Amor Dei super omnia satis est in impio, ut remissionem peccatorum consequatur: *Operit enim* (primæ Petri 4.) *multitudinem peccatorum;* ergo necessaria non est Contritio, saltem quæ à charitate distinguitur.

R. Ad 1. nego ant. ad 2. dist. ant. Charitas operit *mediate* multitudinem peccatorum, quia movet ad contritionem quæ necessaria est ad illorum remissionem, conc. ant. Operit *immediate*, hoc est, non movendo ad contritionem, nego ant. Ratio est, quia charitas *in se* sumpta, non aliud est, quàm nova vita, ac proinde *per se* abstrahit ab odio vitæ veteris; sine quo tamen odio, peccata, ex Dei ordinatione, non remittuntur.

2. *Q.* Contritio venialium, saltem aliquorum ex iis quæ homo iustus apud Sacerdotem confitetur, estne necessaria necessitate medi ad eorum per sacramentum Poenitentiae remissionem consequendam?

R. Est. Scilicet si in illo homine iusto de quo agitur, non sit contritio aliquorum, nulla erit materia; nam (ut ex dictis patet) contritio est materia essentialis, saltem inadæquata, sacramenti Poenitentiae; ac sine ma-

teria nullum omninò est faciamtum ; ac proinde nullum potest effectum producere .

3. Q. Justus qui absque aliquorum venialium contritione confitetur , & absolvitur à Sacerdote , peccatne graviter ?

R. Si supina fuerit illius negligentia in advocandà & eliciendà contritione , & conscientiam habeat , quod nullum detestatur , peccat graviter . Ratio est , quia ex gravi ejus culpa fit , ut Sacramenti forma reddatur non modò inutilis quoad effectum , sed etiam irrita secundum substantiam . E contra verò si sine supina negligentia , & cum bona fide accedat existimans se esse contritum , non peccat graviter . Nempè se habet in eo casu sicut ille qui leviter negligens , sed bona fide aquam vini loco Sacerdoti sacrificanti ministrasset . Vide quæstionem illam fusè pertractatam Tom. 2. Commentarii nostri Historici & Dogmatici de Sacramentis pag. 526. Primæ Editionis Lugdunensis .

4. Q. Contritio estne extrà Pœnitentiæ sacramentum necessaria justo ad remissionem peccatorum venialium ?

R. Non est absolutè necessaria : satis enim ad hoc est contritio implicita , quæ includitur [ut superius jam observatum est] in actu charitatis elicitò ab homine qui peccatorum venialium affectum deposuit . Unde Augustinus in libro Quinquaginta homiliarum , hom. 28. scribit peccata , de quibus agitur , dimitti , cum quis pie , hoc est , ex motivo charitatis , recitat quintam Orationis Dominicæ petitionem , *Dimitte nobis debita nostra* .

5. Q. Contritio estne impio necessaria non modò necessitate mediï , sed etiam necessitate præcepti ; ita ut , si non conteratur , non solùm non consequatur remissionem peccatorum quorum reus est , sed etiam aliud novum contrahat ?

R. Est illi necessaria non solùm necessitate mediï , sed etiam necessitate præcepti . Nempè 1. homo tenetur deferere statum , in quo creaturam Deo anteponit : at impius non potest statum illum deferere , nisi de peccatis lethalibus conteratur 2. Præceptum de quo est quæstio

ex.

De Deo Authore Sacramentorum. 265

expresse traditur in Evangelio: *Nisi* [ait Christus ipse Luc. 13.] *pœnitentiam egeritis, omnes similiter peribitis.*

6. Q. Quandonam Contritionis præceptum *per se* obligat impium, ut actum Contritionis eliciat?

R. Urget impium 1. in morali vitæ periculo: quia non est a¹ia via per quam suæ salutis [ut certè tenetur] consulere possit. 2. Obligat impium ne in multum tempus actum contritionis differat, aut proroget; quia status inimicitie cum Deo, est status intrinsecè malus; ac proindè homo non potest diù in eo manere quin novum peccatum contrahat. 3. Qui suam conversionem in multum temporis protrahit, sese exponit periculo moriendi in statu peccati mortalis, cum intrà multum tempus sit morale periculum.

Obj. Pluribus Scholasticis visum est impium ad contritionem teneri, statim atque peccatum admisit, aut saltem ubi primùm occurrit memoriæ: nam alioquin [inquiunt] sese exponit periculo moriendi in statu peccati mortalis, cum nullus sit, qui vel instans vitæ sibi polliceri possit: ergo, &c.

Resp. Dist. ant. Sese exponit periculo *metaphysico* moriendi in statu peccati lethalis, quia, absolutè loquendo, intrà brevissimum instans mors potest accidere, conc. ant. Sese exponit periculo *morali*, nego ant. scilicet ordinariè, & ad iudicium viri prudentis mors homini intrà tam exiguum tempus accidere non solet: at reus non fit peccati, qui se exponit solum periculo *metaphysico*, sed tantum qui se exponit periculo *morali*.

7. Q. Quo tempore *per accidens* obligat præceptum Contritionis?

Respondet Scotus præceptum Contritionis obligare singulis festivis diebus: quia [ut contendit] nisi impius sua peccata detestetur, non potest facere satis præcepto de sanctificatione Sabbati, nec præcepto quo iubetur sistere se præsentem Missæ sacrificio.

Sed vera non videtur ea Scoti doctrina. Nam 1. quamvis impius remaneat in statu peccati mortalis; imò & in ejus affectu dominante, potest tamen cum aliquo fru-

fructu sistere se presentem sacrificio, scilicet (ut agentes de dispositionibus ad audiendam Missam requisitis ostendimus) non inutile est sacrificium ei, qui licet exploratum habeat se nondum habere contritionem super omnia, audit tamen Sacrum, ut auxilium obtineat, quo contritionem illam super omnia à Deo virtute sacrificii consequatur. 2. Impius, hoc est, homo qui jacet in statu peccati mortalis, licet nondum habeat charitatem Dei super omnia, potest ex motivo charitatis quæ nondum sit super omnia, potest, inquam, pie exequi pietatis opera quæ diebus festivis ab Ecclesia præscribuntur.

Omissa igitur ea Scoti doctrina, dicendum est præceptum contritionis *per accidens* obligare impium, 1. cum urget præceptum administrandi, aut recipiendi aliquod Sacramentum: 2. iis temporibus in quibus instat præceptum eliciendi actum amoris Dei super omnia: quænam autem in specie sint illa tempora, explicuimus agentes de virtute charitatis.

De effectu Contritionis.

1. *Quest.* **C**ontritio remittitne omnia omninò peccata?

R. Remittit. Nam Scriptura pollicetur remissionem peccatorum iis omnibus, quos illorum verè pœnituerit: Si impius (ait Deus ipse, Ezechielis 18.) egerit pœnitentiam ab omnibus peccatis suis, omnium iniquitatum ejus non recordabor.

2. *Q.* Contritio qua ratione remittit peccata?

R. Extrà Pœnitentiæ Sacramentum peccata remittit *dispositive*, ut Concilium Tridentinum hisce verbis tradit sess. 14. cap. 4. *In homine post baptismum lapsò, ita demùm preparat ad remissionem peccatorum, si cum fiducia divinæ misericordiæ, & voto præstandi reliqua, conjunctus sit, quæ ad ritè suscipiendum hoc (Pœnitentiæ) Sacramentum requiruntur.*

E contra Contritio in ipso Sacramento, seu prout est conjuncta cum absolutione sacramentali, remittit per
mo-

De Deo Authore Sacramentorum. 267

modum *causa efficiens*. Ratio est quia tunc Contritio est materia Sacramenti: materia verò Sacramenti est causa efficiens, saltem moralis, effectus qui per sacramentum producitur: Unde (inquit Augustinus) *santa virtus aquæ, ut corpus tangat, & cor abluit?*

3. Q. Merita per peccatum lethale mortificata, reviviscuntne postea per Contritionem?

R. Reviviscunt. Nam 1. si non reviviscerent, eorum etiam post contritionem, Deus aliquo modo recordaretur: nempe propter illa peccata, pietatis opera quæ præcessissent, remanerent absque ulla mercede.

2. Ex Concilio Tridentino sess. 6. cap. 6. tria tantum requiruntur ad opus meritorium, cui in fine gloria æterna rependi debeat. Primum, ut sit opus elicitedum ab homine justificato: 2. ut factum sit ex Dei auxilio: 3. ut ipsemet operans in statu gratiæ moriatur. Atqui tria illa contingunt, cum hominem poenitet criminis post justitiam admissi: ergo tunc præcedentia illius merita reviviscunt; hoc est mercede ante subsequens peccatum debita non frustabuntur.

Obj. Dici non potest ad quem gloriæ gradum merita per peccatum mortificata reviviscunt per subsequentem contritionem: ergo, &c.

R. Nego ant. Scilicet reviviscunt ad eum gloriæ gradum, qui advenientis Contritionis merito & fervore responderit. Unde per eam reviviscuntiam poenitens non donabitur in cœlis intensiore & majore gloria *essentiali*, quæ posita est in intuitiva Dei visione, quam si ante peccatum nihil meruisset; sed donabitur uberiore gloria *accidentali*: hoc est, poenitens, præter gaudium quo perfruetur ob meritum suæ contritionis, perfundetur etiam alio propter merita quæ lapsus illius præcesserant. Ita expresse docet Sanctus Thomas 3. p. q. 89. art. 5. ad 3.

De Divisione Contritionis .

1. *Quest.* **C**ontritio quomodo dividitur?

R. Dividitur in perfectam & Imperfectam . Ita Concilium Tridentinum sessione 14. cap. 4. quid verò iis nominibus intelligatur , aperient ad subsequencia quæsitæ responsiones .

2. *Q.* Quotuplex est Contritio Imperfecta?

R. Duplex . Alia nimirum est imperfecta ratione *Motivi* , & alia , imperfecta ratione *fervoris* ; seu ratione quantitatis graduum charitatis qui in illa reperiuntur .

3. *Q.* Quæ contritio , est Imperfecta ratione *Motivi*?

R. Quæ non concipitur ex motivo benevolentiz in Deum , seu ex motivo charitatis in Deum ; sed aut ex poenarum metu aut ex consideratione turpitudinis peccati : hoc est , peccati prout opponitur honestati quam recta ratio præscribit .

4. *Q.* Quæ contritio , est Imperfecta solum ratione *fervoris* , aut ratione quantitatis graduum charitatis , qui in illa reperiuntur?

R. Est ea , cujus motivum præcipuum , est quidem amor Dei super omnia , sed *in gradu valde debili* , ac multum remisso : seu , in qua pauci sunt gradus charitatis in Deum super omnia .

5. *Q.* Contritio , Imperfecta aut ratione motivi , aut ratione gradus remissi , quo nomine solet appellari?

R. Passim appellatur *Attritio* , petita nimirum similitudine ex rebus corporeis , quæ ubi omnino fracta non sunt , sed tantum divisa sunt in aliqua frusta , dicuntur *Attrita* .

6. *Q.* Contritio Imperfecta ratione motivi : hoc est , concepta ex solo aut præcipuo motivo timoris poenarum , estne actus bonus *in se ipsa* , hoc est , si ex parte operantis nulla prava circumstantia vitietur?

R. Est bonus : 1. bonum siquidem est æternam poenam timere ; unde in Evangelio dicitur Matt. 5. *Time-*

te cum, qui postquam occiderit, habet potestatem mittere in gehennam. 2. Bonum est in se, detestari peccatum, eo quod aversetur honestati quam recta ratio præscribit. 3. Dolor de quo agitur, non solum est bonus, sed etiam utilis; quia si fit ex auxilio Dei moventis, licet nondum inhabitantis, disponit ad justificationem in Sacramento Pœnitentiæ recipiendam.

7. Quid de Attritione Imperfecta aut ratione motivi aut ratione fervoris, imò de Contritione perfecta tum ratione motivi, tum ratione fervoris, cui tamen admixtus esset aliquis gehennæ metus, docuerunt Lutherani?

R. Docuerunt actum illum non esse actum bonum, actum utilem; sed malum, qui hominem reddat hypocritam. Ratio autem cur Lutherani in eum errorem abierint, petitur, ex eo quod docuerint hominem justificari per actum fidei, quo certissime credat sibi per Christum remissa esse peccata: at illi fidei, seu internæ persuasioni contrarius est actus, quo timentur inferorum pœnæ: neque enim qui de sua justificatione ac perseverantia usque in finem omnino securus est (ut ex Luthero, est omnis justus) potest pœnas inferorum pertimescere, aut si pertimescit, securus non est de sua justitia, nec de sua usque in finem perseverantia.

Quæ huc usque dicta sunt, confirmantur ex Concilio Tridentino: Si quis (ait sessio 14. can. 5.) dixerit eam contritionem, . . . qua quis recogitat annos suos in amaritudine anime sue, ponderando peccatorum suorum gravitatem, multitudinem, sæditatem, amissionem æternæ beatitudinis, & æternæ damnationis incursum, cum proposito melioris vite, non esse verum & utilem dolorem; nec præparare ad gratiam, sed facere hominem hypocritam & magis peccatorem; demum illam esse dolorem coactum, & non liberum ac voluntarium; anathema sit.

De Insufficiencia, aut Sufficiencia Attritionis.

1. Quæst. **A**ttitio quæ concipitur tanquam præcipue motivo, aut ex consideratione turpitudi-

tudinis peccati, aut ex gehennarum metu, estne in pœnitente dispositio *sufficiens* ad recipiendum gratiam cum solo Sacramenti voto?

R. Non est *sufficiens*: Et quamvis (ait Concilium Tridentinum sess. 14. cap. 4.) *sine Sacramento Pœnitentie per se ad justificationem perducere peccatorem nequeat: tamen cum ad Dei gratiam in sacramento Pœnitentie impetrandam disponit.*

2. Q. Contritio quæ concipitur ex sola consideratione turpitudinis peccati, estne dispositio *sufficiens* ad recipiendam gratiam in sacramento Pœnitentie?

R. Non est *sufficiens*. Nempè 1. *Sufficiens* non est quæ oritur ex peccati turpitudine, prout peccatum opponitur pulchritudini *famæ*: neque enim licet alicui ultimò agere, ut suæ apud homines famæ consulat. 2. *Sufficiens* quoque non est quæ oritur ex consideratione turpitudinis peccati, prout illa pulchritudo adversatur honestati naturali quam ratio præscribit: nam *Philosophica* est tantùm ea consideratio, nec Christiano satis est, qui in peccato offensam Dei debet præcipuè considerare.

3. Q. Contritio quæ concipitur ex gehennæ metu aut tanquam solo, aut tanquam præcipuo motivo, estne dispositio *sufficiens* ad recipiendam gratiam in sacramento Pœnitentie?

R. Non est dispositio *sufficiens*. Nam 1. Contritio illa non excludit ab animo voluntatem peccandi: *Qui timore supplicii, quod lex minatur, non amore justitiæ*, [inquit Augustinus in libro de *Natura & gratia*, cap. 47.] *se sentit abstinere ab opere peccati, nondum liber est, ac alienus a voluntate peccandi.* Hinc ab eodem Augustino temperans à peccato, solo timore pœnæ, comparatur cum lupo, qui licet pastoris præsentia territus, ovem non rapiat, intus tamen lupo remanet, & cum lupi rabie recedit: comparatur etiam cum muliere, quæ licet amet adulterium, temperat tamen ab externo illius opere, ne deprehensa a marito occidatur.

2. Soles gehennæ timor non includit odium præteriti peccati: quod tamen odium essentialis est pars doloris

ris ad gratiam in sacramento Pœnitentiæ recipiendam requisiti. Nam 1. *Tantum* (ait Augustinus Epist. 144.) *quisque odit peccatum, quantum justitiam diligit*: at eam, ne imperfectè quidem diligit, qui solius pœnarum timoris motivo iniqua facta detestatur. 2. Ut quis verè peccatum ipsum oderit, necesse est ut amet bonum quod peccato est oppositum: quipè odium mali nascitur ex amore boni quod illi est oppositum: Sed attritus ex solo pœnarum metu non amat bonum oppositum peccato, justitiam nimirum, quæ non alia est, quàm Deus ipse. 3. Qui odit peccatum ex solo gehennæ metu, nihil odit aliud quàm aliquid quod eum priveret re illa quam in ipsa, aut in alia creatura diligit: *Timor pœnarum* [ait Augustinus Sermone 454. de tempore, cap. 3.] *propterea pungit animam, ne amittatur aliquid quod in creatura diligitur, vel ipsa salus & requies temporalis, aut tale aliquid post mortem; propterea enim timentur & apud inferos pœne.*

3. Opinio quæ docet, dolorem conceptum ex solo gehennæ metu satis esse, ut impius gratiam in sacramento Pœnitentiæ recipiat, *Opinio est* [ait Franciscus Suarez] *nec valde antiqua, nec multum communis*: ergo non est vera: nempe novitas in rebus quæ ad fidem, aut mores spectant, certissimum est falsitatis argumentum: nec enim habet veritatis characteres de quo Vincentius Lirinensis hæc ait: *Quod ubique, quod semper, quod ab omnibus.*

Obj. 1. Concilium Tridentinum sessione 14. cap. 4. docet Contritionem *Imperfectam*, quæ Attritio dicitur, *disponere ad recipiendam gratiam in sacramento Pœnitentiæ*: ergo sufficit.

Resp. Conc. ant. nego conseq. Nam alioquin dicendum esset statum fidei satis esse ad receptionem gratiæ in sacramento Pœnitentiæ: nempe non minùs de illo quàm de Attritione servili dici potest, quodd ad recipiendam in sacramento Pœnitentiæ gratiam disponat.

Obj. 2. Concilium Tridentinum supponit Attritionem excludere voluntatem peccandi; id enim probat con-

conditionalis illius loquendi modus: *Si voluntatem peccandi excludat cum spe veniæ*, disponere ad gratiam in sacramento Pœnitentiæ recipiendam; ergo, &c.

R. Nego ant. Idem enim Concilium hac conditionali loquendi ratione, *Si voluntatem peccandi excludat*, utitur, ut significet se de illa Attritione loqui, quæ nulla prava circumstantia ex parte operantis vitietur.

Obj. 3. Concilium Tridentinum Attritionem extrâ Pœnitentiæ Sacramentum consideratam, opponit Attritioni consideratæ in ipso sacramento, asseritque quod, cum per se sine sacramento Pœnitentiæ ad justificationem perducere nequeat, tamen *disponat* ad gratiam in sacramento Pœnitentiæ recipiendam; ergo per vocem hanc, *disponere*, intelligit dispositionem *sufficientem* in sacramento.

R. Nego ant. Seu quod Concilium Attritionem extrâ sacramentum consideratam opponat Attritioni in sacramento consideratæ: neque enim dicit quod *cum* sacramento disponat; nempe si absque ullo amore absolutioni conjungatur, pœnitens sacrilegii reus constituitur, quod ipsum sacramentum nullitati exponat; sed sacra Synodus docet tantum, quod licet extrâ sacramentum ad justificationem non perducatur; tamen, etiam extrâ sacramentum, disponat ad gratiam *in sacramento* recipiendam: quia metus pœnarum est veluti janua per quam ordinariè intrat charitas, juxta illud Augustini; *Si nullus sit timor, non est qua intret charitas*.

De Sufficientia, aut Insufficientia Contritionis.

1. *Quest.* **C**ontritio perfecta tum ratione *motivi* seu quod sit ex charitate in Deum super omnia, tum ratione *intentionis*, seu *feroris*, seu quantitatis graduum amoris quos includit, estne absolute necessaria in pœnitente, ut gratiam in sacramento Pœnitentiæ recipiat?

R. Non est absolute necessaria. Idque subsequentibus momentis ostenditur.

De Deo Authore Sacramentorum. 273

1. Concilium Tridentinum sessione 6. cap. 6. loquens de amore ex cuius motivo pœnitens debet suum peccatum detestari, ut gratiam sanctificantem in baptismo recipiat, inchoati tantum amoris meminit: *Il- lumque [Deum] tamquam omnis iustitie fontem diligere* **INCIPIUNT**: at quæ Baptismi, eadem est Pœnitentiæ ratio..

2. Catechismus Romanus part. 2. cap. 5. de sacramento Pœnitentiæ, nu. 37. & 38. docet Christum idem instituisse Pœnitentiæ sacramentum, quod paucis admodum spes foret veniæ, si Contritio perfecta ad justificationem necessariò requireretur. *Ut (inquit) hoc concedamus, Contritione peccata deleri: quis ignorat illam adeo vehementem, acrem, incensam esse oportere, ut doloris acerbitas cum scelerum magnitudine equari, conferri- que possit? At quoniam pauci admodum ad hunc gradum pervenirent, fiebat etiam, ut à paucissimis hac via peccatorum venia speranda esset. Quare necesse fuit, ut Clemen- tissimus Dominus faciliori ratione, communi hominum salu- ti consulere: quod quidem, &c.*

2. Q. Contritio, perfecta quidem ex parte motivi, sed imperfecta ratione intentionis, seu fervoris, seu quantitatis graduum amoris, quos includat, estne absolute necessaria impio, ut justificationem in sacramento pœnitentiæ recipiat, hoc est Contritio, concepta non ex perfecta quidem, sed ex inchoata in Deum charitate super omnia, requiritur in pœnitente tanquam materia essentialis & necessaria sacramenti Pœnitentiæ?

R. Requiritur tanquam materia essentialis & necessaria sacramenti Pœnitentiæ. Idque subsequenter argu- mentis ostenditur.

1. Quæ Baptismi, eadem est Pœnitentiæ ratio: ne- què enim peccata post baptismum commissa via facilio- ri dimitti possunt, quàm quæ ante baptismum perpe- trata fuerunt: atqui Concilium Tridentinum sess. 6. cap. 6. in catechumeno prærequirit inchoatam caritatem Dei super omnia, ut gratiam in baptismo recipere valeat: *Ipsamque [ait] tamquam omnis iustitie fontem diligere incipiunt.*

2. P^rærequiritur in pœnitente sincerum propositum servandi divina mandata; ergo & primum quo præcipitur actus charitatis Dei super omnia: Sed qui sincerum habet propositum Deum super omnia diligendi, reipsa illum super omnia diligit: in hoc enim actus quos voluntas immediatè elicit, ut est amor; differunt ab actibus quos operatur per potentias extrinsecas, ut est motus manus, quod illi fiant semper, quoties voluntas vult illos fieri, non autem isti.

3. Concilium Tridentinum sess. 14. cap. 3. & canone 4. definiit, Contritionem esse quasi materiam sacramenti Pœnitentiæ: *Sunt autem [ait] quasi materia hujus Sacramenti, ipsius pœnitentis, actus, Contritio, Confessio, Satisfactio*. Atqui nomine *Contritionis* Concilium intelligit dolorem conceptum ex motivo charitatis in Deum: siquidem nomen hoc *Contritio*, est nomen *Analogum*, cum significare possit dolores diversæ speciei; dolorem nimirum ex motivo charitatis, aut dolorem ex motivo timoris pœnarum: sed regula est apud Logicos. *Quod quotiescunque nomen Analogum simpliciter & sine addito profertur, semper sumatur, & sumi debeat, & præcipuo Analogato*. Sic cum nomen, *Panis*, simpliciter profertur, sumitur pro solo pane triticeo, quia præcipua est species panis: alii enim non dicuntur panes, nisi cum aliquo addito; *panis berdeaceus, &c.* Ac proinde cum *Contritio* ex motivo charitatis concepta, sit præcipua *Contritionis* species, necesse est quod ubi Concilium Tridentinum declaravit *Contritionem* esse materiam necessariam Sacramenti Pœnitentiæ, nomine *Contritionis*, intellexerit dolorem ex motivo charitatis conceptum.

Obj. 1. Vel *Contritio* concepta ex motivo charitatis in Deum super omnia, semper justificat impium ante actualem Sacramenti Pœnitentiæ receptionem; vel non justificat. Si primum, absolutio deinceps à Sacerdote collata, erit tantum declaratoria: quod est falsum. Si secundum, fieri poterit ut quis sine sacramento mortuus, pœnis æternis damnetur, licet Deum amet super omnia, & ex eo charitatis in Deum motivo sua pecca-

et sincerè detestetur : quod quidem quàm sit absurdum nemo non videret.

Resp. 1. Contritio perfecta, seu (ut loquitur Catechismus Romanus) *acris, vehemens, incensû, & ad quam pauci sunt qui pervenirent*, impium justificat semper, antequam absolutione sacramentali actu donetur : sed nego quodd absolutio in eo casu sit merè declaratoria peccati jam remissi. Nam 1. jam in pœnitente illo, absolutio non lum actu data, per sui votum in contritione perfecta inclusum operata est peccatorum remissionem: 2. cum actu impenditur, auget gratiam sanctificantem, quam illius votum jam operatum fuerat.

Resp. 2. Contritio *Imperfecta*, seu quæ non est multùm intensa, nec multùm robusta, in casu extremæ necessitatis, seu cum haberi non potest Sacramentum, satis est cum solo voto Sacramenti ad hominis impii justificationem : dicit enim Scriptura, *Omnis qui invocaverit nomen Domini, salvus erit*, si penes eum non stet ea remedia actu recipere, quæ ad depellendam ab illo mortem spiritualem Christus instituit ; unde est illud Augustini in lib. 8. de Civitate Dei : *Baptismus invisibiliter ministratur, quem non contemptus religionis, sed terminus necessitatis excludit*. Hinc patet quàm immeritò doctrinæ de necessitate *inchoata* charitatis Dei super omnia, adscribatur quodd pœnitens sine Sacramento actu recepto mortuus, æternis pœnis addicendus sit, quamvis charitas in illius corde dominetur, & quamvis ex ejusdem charitatis motivo sua peccata detestetur.

Obj. 2. Non datur aliqua Dei charitas super omnia. quæ statim non justificet : nam Augustinus tractatu 5. in Epist. Joannis asserit quodd *Dilectio discernit inter filios Dei & filios Diaboli* : ergo, &c.

Resp. Ad 1. nego ant. ad 2. dist. ant. Ex Augustino, dilectio quælibet discernit *imperfectè* inter filios Dei & filios Diaboli ; hoc est, quia licet per se non tollat reatum peccati, tollit tamen affectum ; conc. ant. Discernit *perfectè* ; hoc est, tollendò non tantùm peccati affectum sed etiam reatum, nego ant. Nec immeritò : si-

quidem se habet impius, sicut se habet qui rebellavisse in Principem: quemadmodum igitur rebellionis crimen non censetur à Principe remissum, nisi cum à Principe Remissionis litteræ reo actu concessæ sunt: ita Deus ordinariè tunc tantum peccatum remittit impio qui peccatum suum ex charitatis *Imperfectæ* motivo detestatur, cum remissionis instrumentum, Sacramentum videlicet Pœnitentiæ, illi per Sacerdotem divinæ hac in parte misericordiæ ministrum applicatur.

3. Q. Quæ est Clerici Gallicani doctrina de necessitate Contritionis in Sacramento Pœnitentiæ?

R. Continetur in ejusdem Clerici Gallicani Declarationis edita in Comitibus Generalibus ann. 1700. sic autem habet hujusmodi Declaratio,

„ Post absolutas Propositionum censuras, supersunt
 „ quædam pro rei gravitate enucleatius exponenda, &
 „ ab ipsis principis in apertam lucem deducenda.

„ Et quidem de dilectione Dei sicut ad Sacramentum
 „ Baptismi in adultis, ita ad Sacramentum Pœniten-
 „ tiæ, quæ est laboriosus baptismus, requisita, ne ne-
 „ cessariam doctrinam omittamus, hæc duo imprimis
 „ ex Sacrosancta Synodo Tridentina monenda & do-
 „ cenda esse duximus.

„ Primum. Ne quis putet in utroque Sacramento re-
 „ quiri ut præviam, Contritionem eam, quæ sit cha-
 „ ritate perfecta, *antequam usu suscipiatur, hominemque*
 „ *Deo reconciliet.*

„ Alterum. Ne quis putet, in utroque Sacramento
 „ securum se esse, si præter Fidei & Spei actus *non in-
 „ cipiat diligere Deum tanquam omnis justitiæ fontem.*

„ Neque verò satis adimpleri potest utrique Sacra-
 „ mento necessarium vitæ novæ inchoandæ, ac servan-
 „ di mandata divina propositum, si pœnitens primi ac
 „ maximi mandati, quo Deus toto corde diligitur, nul-
 „ lam curam gerat; nec sit saltem animo ita preparato,
 „ ut ad illud exequendum, divina opitulante gratia,
 „ sese excitet ac provocet.

„ Placet etiam caveri à Sacramenti Pœnitentiæ admi-
 „ nistris, ne in hoc Pœnitentiæ Sacramento, *Aliisque*

De Deo Authore Sacramentorum. 277

„ Sacramentis conferendis sequantur opinionem probabilem de valore Sacramenti, relicta tutiore: neve pœnitent s ipsorum fidei animam suam committentes admonere cessent, ut in pœnitendo inchoatæ saltem dilectionis Dei ineant viam quæ sola secura sit, graviter peccaturi in hoc salutis discrimine, *vel eo solo*, quod certis incerta præponant.

4. Q. Præter Episcopos & Theologos Gallos suntne plures alii qui doceant Attritionem conceptam ex solo gehennarum metu satis non esse ad gratiam in Sacramento Pœnitentiæ recipiendam, sed præterea requiri inchoatam Dei charitatem super omnia?

R. Sunt plures alii. Et quidem i. tota Facultas Theologica Academiæ Lovaniensis anno 1662. postulata ut suum doctrinale iudicium ferret circa hunc articulum, Attritionem quæ ex solo gehenna, & pœnarum à Deo infligendarum metu concipitur, sine interventu alicujus, saltem imperfecti, amoris BENEVOLENTIÆ ergà Deum, non sufficere ad justificationis gratiam in Sacramento impetrandam: postulata (inquam) his verbis respondit: Facultas Theologica Lovaniensis in Curia Academica sub juramento convocata & congregata, unanimi consensu censuit doctrinam dicti Articuli esse sanam, securam, veram, nulli reprehensioni obnoxiam, & meritò esse fidelibus prædicandam & inculcandam.

Eadem Facultas Theologica Lovaniensis anno 1677. suam hac de re sententiam tribus hisce propositionibus supremo S. Officii Senatui coram Innocentio XI. discutiendam obtulit Romæ per suos Deputatos.

Prima. *Servilis gehennarum metus nequaquam in sua substantia malus est, sed bonus, & utilis. Attamen ipsi soli insistens Attritio, etiã cum Sacramento non sufficit ad justificationem, quia ad accipiendam hanc gratiam oportet credere, sperare, ac Deum propter se diligere.*

Secunda. *Vera Attritio debet esse dolor animi, ac detestatio de peccato commisso, cum proposito non peccandi de cætero; excludens voluntatem peccandi, attamen non debet includere perfectam charitatem, quæ hominem Deo reconciliet, priusquam hoc Sacramentum actu suscipiatur.*

Tertia. Nihilominus esse debet, licet imperfecta, tamen vera Dei charitas, qua penitens Dominum Deum tanquam omnis iustitia fontem diligit; ideoque peccata sua detestatur & oderit. Eam aliqui appellant CHARITATEM AFFE-CTU SUPER OMNIA.

2. Eadem doctrina publicis in Congressibus Academiæ Dogmaticæ, quæ vulgò dicitur Sapiëntia Romana, sæpius Romæ publicè propugnatur & defenditur;

2. Eam quoque Fridericus Nicolaus Gavardi Mediolanensis, Ordinis sancti Augustini, sacre Scripturæ in Sapiëntia Romana publicus interpret, defendit tomò 6. Scholæ Ægidianæ, Romanis typis anno 1696. excu-
so.

4. Tandem Illustrissimus & Reverendissimus D. DOMINUS LAMBERTUS LE DROU Episcopus Porphyriensis, Sacrarîi Apostolici Præfectus, eandem doctrinam eruditissimo, & numeris omnibus absoluto Opere Romæ ann. 1707. excuso sub hocce titulo, *De Contritione & Attritione Dissertationes quatuor*, quodque Augustissimo Clementis Papæ XI. Nomini inscripsit, innume-
ris tum Scripturæ, tum SS. Patrum, tum Concilii Tri-
dentini, tum S. Thomæ textibus asseruit, liberavit-
que argumentis, quibus Attritionis servilis sufficien-
tiæ defensores eam solent impugnare.

§. IV.

De Confessione.

1. *Quæst.* Q Uomodò definitur Confessio?

R. Definitur: *Accusatio peccatorum Sa-
cerdoti facta, ut eorum remissio virtute clavium obtineatur.*

2. *Q.* Quæ est Confessionis materia?

R. Materia necessaria sunt peccata lethalia post Bap-
tismum commissa: quia illa peccata non remittuntur
in nova lege, nisi virtute clavium, quas Christus Joan.
20. hisce verbis Sacerdotibus credidit: *Quorum remise-
ritis peccata remittantur eis, & quorum retinueritis reten-*

ta sunt. Materia verò libera sunt peccata venialia, quia sine ordine ad claves per charitatis nimirum, penitentia, & aliarum virtutum exercitia dimitti possunt.

3. Q. Qui sunt Confessionis ministri?

R. Soli Sacerdotes: à Sacerdotibus enim tantum, & non ab aliquo inferiore ministro recipi potest absolutio à peccatis.

4. Q. Confessio peccatorum estne post Baptismum lapsis necessaria necessitate medii?

R. Est: quia hominibus post Baptismum lapsis, qui nec in re, nec in voto continentur, non potest impendi sacramentalis absolutio: hinc est illud Basilii in Regulis brevioribus: *Necessariò eis peccata aperiri debent, quibus credita est mysteriorum dispensatio.*

Obj. 1. Veteres confitebantur quidem peccata publica, sed non confitebantur occulta: ergo omnium peccatorum mortalium confessio non est necessaria necessitate medii.

R. Nego aut. Scilicet antiqui Canones penitentias satisfactorias injungunt pro criminibus maximè occultis, ut sunt homicidium, & adulterium mulierum conjugatarum, quas ne venirent intemeratæ fidei maritis debitæ suspicionem, non damnabant prostratione, sed consistentia tantum, ad quam solum peccatorum venialium rei dimittebantur.

Obj. 2. Nestarius Patriarcha Constantinopolitanus abrogavit peccatorum confessionem; id enim testantur Socrates historiarum lib. 5. cap. 19. Sozomenus hist. libro 7. cap. 16. ergo, &c.

R. Dist. ant. Confessionem publicam, conc. ant. occultam, nego ant. Hoc est Nestarius abrogavit usum quædam occulta peccata publicè confitendi ex mandato Sacerdotis, qui nonnumquam eam confessionem imponebat satisfactionis loco.

5. Q. Quilibet adulti tenenturne semel in anno confiteri?

R. Tenentur; id enim præcipit Canon, *Omnis utriusque sexus*, ubique promulgatus & receptus.

6. Q. Confessio debetne esse integra?

R. Debet; hoc est, reus confiteri tenetur omnia sua peccata mortalia tùm quoad speciem, tùm quoad numerum. Ita definiit Concilium Tridentinum sess. 14. cap. 5.

7. Q. Estne de fide accusari debere circumstantias quæ peccati speciem mutant?

R. Est. Id enim contra Lutheranos Concilium Tridentinum definiit. Et quidem meritò: nam circumstantiæ quæ mutant speciem, multiplicant peccata, ut patet in eo qui furatur in Templo: is enim & furti & sacrilegii reus est. Unde Canones in injungendâ satisfactione attendunt ad hujusmodi circumstantias: gravioribus nimirum pœnis castigant incestuosum, quàm simplicem fornicarium.

8. Q. Circumstantiæ quæ non mutant quidem speciem, sed quæ multùm aggravant peccatum intra eandem speciem debentne necessariò accusari?

R. Debent. Nam 1. alioquin Sacerdos proportionatam malitiæ peccati satisfactionem injungere non posset. 2. Id præscribunt Canones, cùm graviolem pœnam infligant incestuoso in primo gradu, quàm in secundo, & in aliis.

Obj. Concilium Tridentinum loquens de Confessionis integritate, non meminit circumstantiarum, quæ intrâ eandem speciem peccatum aggravant: ergo, &c.

R. Dist. ant. Non meminit *explicitè*, conc. ant. *implicitè*, nego ant. Scilicet ratio qua utitur Concilium, ut doceat circumstantias quæ mutant speciem accusari debere, valet etiam pro confessione circumstantiarum quæ non mutant peccati speciem: petita nimirum est illa ratio ex eo quòd alioquin proportionatas malitiæ peccati pœnas Sacerdotes injungere non possent.

9. Q. Socius peccati debetne accusari?

R. Non debet, cùm pœnitens sine accusatione socii potest peccati speciem & circumstantias multùm aggravantes detegere. Debet è contrâ si id non possit: nempe socius per peccatum ad quod complicem pellexit, jus amisit ad suam apud Confessarium famam. Vide

Mo-

De Deo Authore Sacramentorum. 281

Morinum, Caballutium, Sambovium apud quos argumentum illud fusè pertractatur.

10. *Q.* Confessio debetne esse secreta?

R. Debet: nullo enim jure divino, aut canonico decretum est ut confessio peccatorum occultorum sit publica. Sacerdos verò qui confessionem excepit, jure Naturali, Divino & Ecclesiastico, tenetur ad secretum: *Caveat omninò* (inquit Concilium Lateranense IV.) *ne verbo, vel signo, vel alio quovis modo prodatur aliquatenus peccatorem.* Nec aliqua potest esse causa propter quam secretum de quo agitur, sive directè, sive indirectè aperiatur liceat.

§. V.

De Satisfactione.

1. *Quest.* *S*atisfactio quomodò definitur?

R. Definatur Castigatio peccati inflicta à Sacerdote, ad refarciendam injuriam quæ Deo per peccatum fuit illata.

2. *Q.* Quomodò differunt Satisfactio & Satisfactio?

R. In eo differunt quòd in satisfactione commutatio locum habeat: in Satisfactio verò commutatio non habet locum, sed tanta infligitur, quanta per legem determinatur.

3. *Q.* Quo fundamento nititur debitum imponendi satisfactionem poenitentibus?

R. Petitur ex eo quòd sacramentum Poenitentiae non tollat cum culpa poenam quæ peccato debetur, sed æternam mutet in temporalem, & in hoc differt à Baptismo: nec immeritò; par enim non est ut peccata post Baptismum commissa utpote graviora eadem cum indulgentia remittantur, quæ ea quæ ante Baptismum commissa sunt.

4. *Q.* Quas cautiones servare debet Sacerdos in injungenda sacramentali satisfactione?

R. Servari debent quæ à Concilio Tridentino hisce verbis sess. 14. cap. 8. præscribuntur: *Debent ergo Sacerdotes*

dores Domini, quantum spiritus & prudentia suggererit, pro qualitate criminum & pœnitentium facultate, salutare & convenientes satisfactiones injungere: ne, si fortè peccatis conniveant, & indulgentius cum pœnitentibus agant, levissima quadam opera pro gravissimis delictis injungenda, alienorum peccatorum participes efficiantur. Habeant autem præ oculis, ut satisfactio quam imponunt, non sit tantum ad nova vitæ custodiam, & infirmitatis medicamentum, sed etiam ad præteritorum peccatorum vindictam & castigationem.

5. Q. Quæ cautiones servari debent à pœnitente in adimplenda injuncta sibi satisfactione?

R. Debet 1. eam acceptare quam prudens Confessarius injunxerit: Nam (ut ait Concilium Tridentinum sess. 24. cap. 8.) *claves Sacerdotum, non ad solvendum duntaxat, sed & ad ligandum concessas; etiam antiqui Patres & credunt, & docent.* Debet 2. satisfactionem quam citius poterit adimplere: si enim in longius tempus illius executionem protrahat, multum culpabilis negligentia, in re gravi reus erit. Debet 3. liber esse, cum illam exequitur, non quidem à statu peccati mortalis, sed ab illius affectu: neque enim qui Deo rebellem voluntatem nutrit, censeri potest habere studium placandi Deum; quod tamen est essentialè satisfactioni.

§. VI.

De Forma Sacramenti Pœnitentiæ.

1. Quæst. Q. Uæ est forma sacramenti Pœnitentiæ?

R. Sunt hæc verba, quæ à Sacerdote proferuntur: *Ego te absolvo à peccatis tuis, in nomine Patris, & Filii, & Spiritus sancti.* Nam 1. ita docet Concilium Tridentinum sess. 14. cap. 3. ubi sic loquitur: *Docet S. Synodus, sacramenti Pœnitentiæ formam, in qua præcipue ipsius visita est in illius ministri verbis positam esse: Ego te absolvo, &c.* 2. Clarè exprimunt effectum sacramenti Pœnitentiæ.

2. Q.

De Deo Authore Sacramentorum. 283

2. Q. Qui sunt ministri formæ sacramenti pœnitentiæ.

R. Soli Sacerdotes: solis nimirum Sacerdotibus dictum est, Joan. 20. *Quorum remiseritis peccata, remittantur eis, & quorum retinueritis, retenta sunt.*

3. Q. Quotuplex potestas in Sacerdote requiritur, ut possit pœnitentem absolvere?

R. Duplex: Ordinis nimirum, quæ per manuum impositionem in ordinatione confertur; & jurisdictionis, quæ recipitur per approbationem Ordinarii. Ità docet Concilium Tridentinum sess. 23. cap. 15. *de Reformatione*.

Obj. Quilibet Sacerdos cum per Episcopalem manuum impositionem ordinatur, recipit potestatem remittendi peccata: ergo non requiritur approbatio Ordinarii.

Resp. Conc. ant. nego consequ. Quia ut exerceatur illa potestas, requiruntur subditi in quos exerceatur: non habentur verò subditi, nisi aut per Parochiale beneficium, aut per approbationem Ordinarii. *Quamvis* (verba sunt Concilii Tridentini sess. 23. cap. 15.) *Presbyteri in sua ordinatione, à peccatis absolvendi potestatem accipiant, decernit tamen sancta Synodus, nullum, etiam Regularem, posse confessionis & jacularium, etiam Sacerdotum, audire: nec ad id idoneum reputari, nisi aut Parochiale beneficium, aut ab Episcopis per examen, si illis videbitur esse necessarium: aut alias idoneus judicetur, & approbationem, qua gratis datur, obtineat, privilegiis & consuetudine quacunque, etiam immemorabili, non obstantibus.*

4. Q. Quotuplex est Jurisdictio?

R. Duplex: Ordinaria nimirum quæ datur per beneficium Parochiale; & Subdelegata, quæ Presbytero non habenti Parochiale beneficium per Ordinarii approbationem confertur. Quæ sine Jurisdictione absolutio confertur, irrita est omnino: *Quoniam igitur* (inquit Concilium Tridentinum sess. 14. cap. 7.) *natura & ratio judicii exposcit, ut sententia in subditis dumtaxat feratur, persuasum semper in Ecclesia Dei fuit, & verissimum esse Synodus hac confirmat, nullius momenti absolutio-*

810

tionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem.

5. Q. Quilibet Sacerdos approbatus potestne à quibuslibet peccatis absolvere?

R. Potest, si non sint Episcopo, aut summo Pontifici reservata: secùs, si sint reservata, & specialem ab eis absolvendi facultatem non acceperit. Ità decernit Concilium Tridentinum sess. 14. cap. 7.

6. Q. Suntne aliqui casus reservati in articulo mortis?

R. Non sunt: *Veruntamen* (ait Concilium Tridentinum sess. 14. cap. 7.) *piè admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque idcò omnes Sacerdotes quoslibet pœnitentes à quibusvis peccatis & censuris absolvere possint: extra quem articulum Sacerdotes, cum nihil possint in casibus reservatis, id unum pœnitentibus persuadere nitantur, ut ad superiores legitimos Judices pro beneficio absolutionis accedant.*

7. Q. Quibus hominibus conferri debet absolutionis beneficium?

R. Iis, qui sunt contriti, ac pœnitentes: si enim contritio defuerit, irrita est absolutio: quia non est materia cui applicetur.

8. Q. Quinam homines, extrà morale vitæ periculum, censeri non debent pœnitentes?

R. Sunt ii, 1. qui mortaliter peccarunt ex consuetudine, nec emendationem operibus probarunt: *Irrisor enim est, & non pœnitens* (ait Isidorus Hispalensis libro 2. Sent. cap. 13.) *qui adhuc agit quod pœnitet, nec Deum videtur pœnere subditus, sed subsannare superbus.* Vide Instructiones a sancto Carolo Borromæo prb Confessariis editas, toto plaudente Episcopali cœtu probatas & nuper jussu SS. D. D. N. Innocentii Papæ XII. per eminentissimum Cardinalem Carpeignâ Urbis Vicarium, Romæ solemnè mandato promulgatas.

Sunt ii, 2. qui laborant ignorantia mysteriorum quorum explicita fides est ad salutem necessaria: hinc Clerus

rus

De Deo Authore Sacramentorum. 285

rus Gallicanus in Comitibus generalibus ann. 1700. meritorè damnavit hanc propositionem: *Absolutionis capax est homo, quantumvis laboret ignorantia mysterium fidei, & etiamsi per negligentiam culpabilem, nesciat mysterium sanctissimæ Trinitatis, & Incarnationis Domini.*

Sunt, ii 3. qui versantur in occasione proxima peccati lethalis: ii enim qui affectum habent ad causam peccati, non censentur liberi ab ejusdem peccati affectu.

Sunt, ii 4. qui æs alienum, licet possint, restituere detrectant, aut restitutionem longius protrahunt, nec non plures alii de quibus S. Carolus in suis Instructionibus.

C A P U T VII.

De Extrema unctione.

1. *Quæst.* **E**Xtrema unctio quomodo definitur?
R. Definitur, *Sacramentum quo præter gratiam sanctificantem, datur jus ad auxilia quæ necessaria sunt, ut agrotus patienter ferat morbi incommoda, recuperetque corporis sanitatem, ubi expedierit animæ salutis.*

2. *Q.* Unde probari potest extremam unctionem esse Novæ legis sacramentum?

R. Ex eo quod sit ritus sensibilis qui ex institutione Christi gratiam sanctificantem producit, juxta illud Jacobi 5. *Et si in peccatis sit, dimittentur ei.*

3. *Q.* Quænam est materia Extremæ unctionis?

R. Materia remota, est oleum ex olivis expressum; materia verò proxima est unctio eodem oleo facta; juxta illud Jacobi 5. *Ungentes cum oleo in nomine Domini.* Præ cæteris autem rebus electum est oleum a Christo: quia (ut ait Concilium Tridentinum sess. 14. capite de *Extrema unctione*) unctio quæ fit oleo, aptissimè Spiritus sancti gratiam qua invisibiliter anima ægrotantis inungitur, repræsentat.

4. *Q.* Olei

4. Q. Olei per Episcopum consecratio estne necessaria?

R. Est necessaria: juxta illud Concilii Tridentini: *Oleum ab Episcopo benedictum*. An autem ea consecratio sit necessaria necessitate Sacramenti, non una est Theologorum opinio: probabilius sentire videntur qui docent eam ex solo Ecclesie præcepto requiri: neque enim laudari potest aliquis Patrum textus, quo probetur non valere, ea omissa, Sacramentum.

5. Q. Quæ est forma extremæ unctionis?

R. Sunt hæc verba. *Per istam sanctam unctionem, & suam piissimam misericordiam indulgeat tibi Deus quidquid deliquisti per visum, odoratum, gustum, tactum, auditum*. Ità docet Conc. Trident. sess. 14. cap. de extrema unctione: *Formam deinde [inquit] esse illa verba, Per istam unctionem, &c.*

6. Q. Quis est author Extremæ unctionis?

R. Christus Dominus: ipse enim solus (ut superius probatum fuit) est author omnium & singulorum Sacramentorum Novæ legis: *Instituta est* (ait Concilium Tridentinum) *à Christo Domino nostro*.

7. Q. Quandonam Christus instituit Extremam unctionem?

R. Insinuata fuit, hoc est, in typo commendata cum Christus apud Marcum cap. 6. discipulos misit, ut Judæos infirmos inungerent Sed propriè instituta fuit post institutionem sacramenti Pœnitentiæ, quia ejusdem sacramenti Pœnitentiæ quoddam est, (ut ait Concilium Tridentinum) consummativum. Promulgata verò fuit à Jacobo in Epistola Canonica cap. 5. ubi hæc habentur: *Infirmatur quis in vobis, inducat Presbyteros Ecclesia, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus, & si in peccatis sit, dimittentur ei.*

8. Q. Qui sunt ministri Extremæ unctionis?

R. Præbyteri per Episcopalem manuum impositionem consecrati: hos enim vocari vult Jacobus, ut un-
gat infirmum, & orent pro eo. Non ità tamen, ut excludantur Episcopi: quidquid enim possunt simpli-
ces

De Deo Authore Sacramentorum. 287

ces Presbyteri , possunt & Episcopi : unde utrique à Concilio Tridentino recensentur .

9. Q. Quilibet Sacerdos potestne licitè , sicut validè potest , conferre Extremam-unctionem ?

R. Non potest , nisi sit Parochus , aut ab eo delegatus . Ità nimirum expressè decernitur in Clementina r. de Privilegiis .

10. Q. Quilibet homo estne capax Extremæ unctionis ?

R. Pueri , & amentes a nativitate non sunt illius capaces : quia primarius Extremæ unctionis effectus , remissio nimirum peccatorum , in eis locum habere non potest . Secus verò , si amentes lucidis intervallis aliquando fructi fuerint : tunc enim actu peccare poterunt .

11. Q. Quibus hominibus conferri debet Extrema-unctio ?

R. Ægrotis : infirmorum enim tantum meminit Jacobus , cum de hoc Sacramento loquitur : *Infirmatur* (inquit) *quis in vobis , inducat , &c.* Unde est illud Concilii Tridentini : *Declaratur etiam* (Jacobi verbis) *esse hanc unctionem infirmis adhibendam ; illis verò præsertim , qui tam periculose decumbunt , ut in exitu vitæ conspectui videantur , unde & Sacramentum excurrentium nuncupatur .*

12. Q. Estne multoties eidem infirmo conferenda Extrema unctio ?

R. Non est conferenda in eodem infirmitatis statu : at si ægrotus convalescit , & iterum postea decumbat , iterum inungi debet : *Quod si infirmi* (ait Concilium Tridentinum) *post susceptam hanc unctionem convalescant , iterum hujus Sacramenti subsidio juvari poterunt .*

13. Q. Qui sunt effectus Extremæ-unctionis ?

R. Sunt productio gratiæ sanctificantis ; Remissio peccatorum ; Absterfus reliquiarum peccati ; ægrotantis Alleviato ; Corporis sanitas , si expedierit animæ salutis . Scilicet ii omnes effectus in verbis Jacobi continentur , & à Concilio Tridentino sess. 14. capite de *Extrema unctione* recensentur .

14. Q. Quæ peccata dimittuntur per extremam-unctionem ?

R. Non

R. Non dimittit *per se* peccata mortalia; quia non est Sacramentum mortuorum: sed venialia tantum; quia est Sacramentum vivorum.

15. Q. Quid per peccatorum reliquias intelligitur?

R. Intelligitur propensio ad malum; torpor ad faciendum bonum; mentis debilitas ad coelestium contemplationem.

16. Q. Quid intelligitur per ægrotantis alleviationem?

R. Intelligitur robur tum ad patienter ferenda morbi incommoda, tum ad resistendum Diabolo, qui in extremis præfertim, fruit insidias.

17. Q. Extrema unctio convertitne sanitatem corporis *ex opere operato*, an verò tantum *ex opere operantis*?

R. Non una est ea de re Theologorum opinio. Thomistæ passim docent, conferre eam *ex opere operato*: Estius verò, tantum *ex opere operantis*, seu virtute publicarum Ecclesiæ precum: unde effectus ille non est primarius, sed secundarius tantum; quia (ait idem Estius) Sacramenta per se & primariò non referuntur ad hujus vitæ bona: hincque concludit Extremam unctionem non semper, etiam ubi expedierit animæ salutem, conferre sanitatem corpoream: idque innui asserit hinc Concilii Tridentini verbis: *Et sanitatem corporis INTERDUM, ubi saluti animæ expedierit, consequatur.*

18. Q. Quæ dispositiones ex parte subjecti requiruntur, ut recipiat fructus Extremæ unctionis?

R. Requiritur status gratiæ sanctificantis; quia Extrema unctio [ut jam sæpiùs observatum fuit] non est Sacramentum mortuorum, sed vivorum tantum.

19. Q. Extrema unctio estne necessaria?

R. Non est quidem necessaria necessitate mediæ: quia, cum non sit Sacramentum mortuorum, sine ea potest haberi gratia sanctificans, per Baptismum nimirum & Pœnitentiam. Sed est necessaria necessitate præcepti: & quidem Divini, ut probant absoluta hæc Jacobi verba: *Inducat Presbyteros Ecclesiæ*, & etiam Ecclesiastici: unde quovis sæculo Ecclesia sedulò curavit, ne quis non unctus infirmorum oleo, exiret ex hac mortalium vita.

20. Q. Ex-

De Deo Authore Sacramentorum. 289

20. Q. Extrema-unctio producitne characterem?

R. Non producit quia, ex Concilio Tridentino, potest iterari.

CAPUT VIII

De Ordine in genere.

1. Ques. O Rdo quomodo definitur?

R. Definitur: *Ritus sacer quo spiritualis potestas confertur ad ea quæ ad Eucharistiæ tum consecrationem, tum dispensationem pertinent.*

2. Q. Cur in Ordinis definitione dictum non fuit quod sit Novæ legis Sacramentum?

R. Id dictum non fuit; quia (ut inferius dicetur) omnes & singuli in specie Ordines non sunt Novæ legis Sacramentum.

3. Q. Ordo in genere sumptus, estne Sacramentum Novæ legis.

R. Est. Nam ita definiit Concilium Tridentinum sess. 23. cap. 1. & quidem merito: est enim cæremonia sensibilis productiva gratiæ sanctificantis: juxta illud Apostoli secundæ ad Timoth. 1. *Almonco te, ut resuscites gratiam Dei, quæ est in te per impositionem manuum mearum.*

4. Q. Quis est minister Ordinis?

R. Ordinarius minister est solus Episcopus. Nam 1. id docet Hieronymus in Epistola ad Evagrium, ubi sic loquitur. *Quid facit Episcopus, excepta Ordinatione, quod Presbiter non faciat?* 2. Nulli unquam præter Episcopos, aut in sacris Litteris, aut in Patrum Traditione leguntur Ordinationes celebrasse; hincque patet quàm merito Concilium Tridentinum sess. 24. can. 7. anathema dicit Lutheranis contrarium sentientibus: *Si quis dixerit, Episcopos non habere potestatem confirmandi & ordinandi, vel illam, quam habent, illis esse cum Presbyteris communem. . . anathemasisit.*

5. Q. Qui sunt effectus sacre Ordinationis?

R. Duo sunt: gratia sanctificans, & character: un-

Tom. 2:

T

de

de semel validè data iterari non potest.

6. *Q.* Ordines quomodò dividuntur?

R. Dividuntur in Majores & Minores. Ita nimirum definiit Concilium Tridentinum sess. 23. can. 2. ubi sic loquitur: *Si quis dixerit prater Sacerdotium non esse in Ecclesia Catholica alios Ordines & Majores & minores, per quos, velut per gradus quosdam in Sacerdotium tendatur, anathema sit.*

7. *Q.* Cur instituti sunt Ordines, Majores & Minores?

R. Ut per eos veluti per gradus ad Sacerdotium tendatur, & ut ipsummet Sacerdotium dignius exerceatur. Petita est ea ratio ex Concilio Tridentino; quod quidem sic habet sess. 23. cap. 2. *Cum autem divina res sit tam sancti Sacerdotii ministerium, consentaneum fuit, quò dignius, & majori cum veneratione exerceri posset, ut in Eccl. sive ordinatissima dispositione plures & diversi essent ministeriorum Ordines, qui Sacerdoti ex officio deservirent, ita distributi, ut qui jam Tonsura Clericali insigniti essent, per Minores ad Majores ascenderent.*

8. *Q.* Quot sunt Ordines Majores?

R. Tres tantum vulgò recensentur: Sacerdotium, Diaconatus & Subdiaconatus: dicuntur verò Majores, quia per eos major & dignior potestas datur, quàm per Minores.

9. *Q.* Suntne tantum tres Ordines Majores?

R. Concilium Tridentinum docet quidem esse tres, sed non definit esse tres tantum nec immeritò: Episcopatus quippè est quoque Ordo Major, quia per eum datur perfecta & completa Sacerdotii potestas: unde Concilium Tridentinum sess. 23. cap. 4. declarat, Episcopos qui in Apostolorum locum successerunt, ad hierarchicum ordinem divinitus institutum præcipuè pertinere.

10. *Q.* Quot sunt Ordines Minores?

R. Sunt quatuor: Acolythatus, Exorcistatus, Lectoratus & Ostiariatus: hos enim quatuor recenset Concilium Tridentinum sess. 23. cap. 2. Solum tamen Lectoratum Græci, etiam Catholici retinent; alii verò

verò nusquam apud eos fuerunt in usu.

11. *Q.* Suntne tantum quatuor Minores Ordines?

R. Docet quidem Concilium Tridentinum esse quatuor: sed non definit esse quatuor tantum; unde plures Canonistæ (licet immerito, ut inferius dicetur) contendunt primam Tonfuram Clericalem esse verè ac propriè dictum Ordinem.

CAPUT IX.

De Ordinibus in specie.

§. I.

De Episcopatu.

1. *Quest.* **Q**uid est Episcopatus?

R. Est ritus sacer quodatur potestas confirmandi Neophytos, ordinandi ministros, & regendi Ecclesiam Dei.

2. *Q.* Episcopatus estne ex institutione divina?

R. Est. Nam (ut ait Conc. Trident.) Episcopi in Apostolorum locum successerunt: ac proinde, cum Apostoli ab ipsomet Christo constituti sint Episcopi, Episcopatum ab eo institutum fuisse necesse est.

3. *Q.* Episcopatus estne Sacerdotio superior?

R. Est. Nam Episcopi præcipuè (ut ait Conc. Trident.) ad hierarchicum ordinem pertinent, positique sunt, regant Ecclesiam Dei: unde eadem Synodus recensens eos qui Hierarchiam constituunt, primo loco nominat Episcopos: Si quis dixerit (ait canone 6.) in Ecclesia catholica non esse Hierarchiam divina ordinatione institutam, qua constat ex Episcopis, Presbyteris & Ministris, anathemast.

4. *Q.* Quo jure Episcopi sunt Presbyteris superiores?

R. Divino jure. Scilicet 1. jure divino regunt Ecclesiam Dei; ac proinde & ipsos Sacerdotes; juxta illud Actorum cap. 22. *Attendite vobis & universo gregi,*

T 2

in quo

in quo vos Spiritus sanctus posuit Episcopos regere Ecclesiam Dei, quam acquisivit sanguine suo. 2. Jure divino primum in Ecclesiastica Hierarchia locum tenent: Est autem Hierarchia ministrorum inter se subordinatio, ac veluti dependentia.

5. Q. Ecclesia potestne Episcopatum abrogare?

R. Non potest: quia abrogare non potest ea quæ sunt ex institutione divina, quæque (ut est Episcopatus,) ex Christi ordinatione, necessaria sunt Ecclesiæ.

6. Q. Quænam ab Episcopis debentur Ecclesiis quibus fuerunt præfæcti?

R. Præcipua Concilium Tridentinum sess. 13. cap. 1. de Reformat. hisce verbis tradit: „Cum præcepto di-

„vino mandatum sit omnibus, quibus animarum
„cura commissa est, oves suas agnoscere, pro his sa-
„crificium offerre, verbique divini prædicatione,
„Sacramentorum administratione, ac bonorum om-
„nium operum exemplo pascere, pauperum, alia-
„rumque miserabilium personarum curam paternam
„gerere, & in cætera munia pastoralia incumbere:
„quæ omnia nequaquam ab eis præstari, & impleri
„possunt, qui gregi suo non invigilant, neque
„assistent, sed mercenariorum more deserunt: sacro-
„sancta Synodus eos admonet, ut divinatorum præce-
„ptum memores, factique forma gregis in judicio &
„veritate pascant & regant. Ne verò, &c.

7. Q. Episcopatus estne Ordo & propriè dictum Novæ legis Sacramentum?

R. Episcopatus 1. est Ordo: quia (ut superius dictum fuit) est ritus sacer quo in ordine ad Eucharistiam & Ecclesiæ regimen datur spiritualis potestas. 2. Est Sacramentum, quia est cæremonia sensibilis per quam gratia ex institutione divina producitur; scilicet Paulus secundæ ad Timoth. 1. de Episcopali præsertim ordinatione quam Timotheo contulerat, sic loquitur: *Admoneo te, ut resuscites gratiam Dei, quæ est in te per impositionem manuum mearum.*

Obj. Si Episcopatus esset Ordo, essent in Ecclesia Ordines octo: at id repugnat Concilio Tridentino, quod

quidem sessione 23. cap. 1. septem tantum recenset.

Resp. Ad 1. neg. min. Ad 2. dist. Ant. Septem tantum recenset, & non excludit majorem numerum, conc. ant. & excludit, nego ant. Lata est autem ea definitio contra Lutheranos qui contendebant, septem Ordines, qui ab Ecclesia Catholica probantur, non esse veros Ordines.

§. II.

De Presbyteratu.

1. *Quest.* **P**resbyteratus quomodo definitur?

R. Definitur: *Ritus sacer per quem datur potestas consecrandi & offerendi, & ministrandi Corpus & Sanguinem Christi, necnon & peccata dimittendi & retinendi.*

2. *Q.* Presbyteratus estne propriè dictum Sacramentum Novæ legis?

R. Est: quia in eo tria reperiuntur quæ Sacramentum propriè dictum constituunt. Et quidem 1. verba & signa exteriora, scilicet impositio manuum, & Episcopi Sacerdotes ordinantis oratio. 2. Institutio divina: constat enim ex Scriptura, Christum contulisse duplicem potestatem quæ per verba & exteriora signa Presbytero tribuuntur, potestatem nimirum in ipsius Corpus naturale hisce verbis, Matthæi 26. expressam: *Hoc facite,* & potestatem in Corpus mysticum his aliis verbis, Joannis 20. *Accipite Spiritum sanctum, quorum remiseritis, peccata, remittuntur eis, & quorum retinueritis, retenta sunt.*

3. Ea verò verba, ea signa exteriora gratiam sanctificantem producant, juxta illud Apostoli primæ ad Timoth. 4. *Noli negligere gratiam que in te est, qua data est tibi per Prophetiam cum impositione manuum Presbyterii.*

3. *Q.* Quæ est materia Presbyteratus?

R. Probabilius est esse solam manuum impositionem. Nempè soli manuum impositioni, convenit illud Vin-

centu Lyrinensis : *Quod unque ; quid semper ; quod ab omnibus.*

Et quidem 1. ab Apostolorum temporibus ad hanc usque aetatem ubique gentium in Presbyteris ordinandis adhibita est manuum impositio , ipsique adscripta fuit productio gratiæ sanctificantis .

2. Ante annum millesimum, in ordinandis Presbyteris erat non in usu traditio calicis cum vino , aut porrectio patenæ cum pane superimposito: neque enim in aliquo Sacramentario, aut in aliquo eorum temporum Concilio recensentur; ac proinde non potest esse materia quam Christus præcepit , & qua usi sunt Apostoli .

3. Ritus de quo agitur , seu traditio calicis & patenæ porrectio nusquam fuerunt in usu , nec sunt modò in Ecclesiis Orientalibus : scilicet (ut videre est in Græcorum Euchologiis) Orientales in conferendo Presbyteratu solam abhibent manuum impositionem .

4. Si ritus aliquis , alius ab impositione manuum dicatur essentialis materia Presbyteratus , vix contra Lutheranos probari poterit Presbyteratum , seu Sacerdotium , esse propriè dictum Sacramentum Novæ legis: nempe probari vix poterit eundem Presbyteratum fuisse in usu apud Majores nostros : neque enim traditione calicis , aut porrectione patenæ (ut ostensum est) usi sunt ; nec modò utuntur Græci ; quorum tamen Ordinationes admittit & probat Ecclesia Romana .

5. Concilium Tridentinum sess. 14. cap. 3. *de Extrema unctione* , loquens de ejusdem unctionis ministris asserit esse Presbyteros ritè ordinatos per impositionem manuum Presbyterii .

Obj. 1. Eugenius Papa IV. in Decreto pro instructione Armeniorum , docet Presbyteratum materiam esse traditionem calicis cum vino , & porrectionem patenæ cum pane superimposito : ergo non est impositio manuum .

R. Dist. ant. Esse materiam , integram & accessoriam , conc. ant. essentialem & substantialem , nego ant. Ratio est , quia Eugenii scopus fuit Armenos docere ritus Ecclesiæ Romani : ac proinde debuit eis tradere so-

lam

lam materiam integrantem, qua ipsi in suis Ordinationibus non utebantur, non autem essentialem quæ jam ab ipsis adhibebatur.

Obj. 2. Presbyteri in Pontificali Romano, antequam eis instrumenta Sacrificii porrigantur, dicuntur *ordinandi*, quamvis jam eis manus impositæ fuerint: ergo, &c.

2. *Dist. ant.* Dicuntur *ordinandi*, quod Ordinationis ritus integralis nondum completus sit, *conc. ant.* ritus essentialis, *nego ant.* Vide Morinum.

4. *Q.* Quænam manuum impositio est essentialis materia Presbyteratus? an ea quæ præcedit porrectionem instrumentorum, an verò quæ sit post Communionem?

R. Est ea quæ sit longè ante porrectionem instrumentorum: scilicet altera quæ sit post communionem (teste Morino nostro) ante quingentos abhinc annos non erat in usu, ne quidem apud Latinos, nec est modò apud Græcos.

5. *Q.* Quæ est forma Presbyteratus?

R. Est oratio, per quam Episcopus invocat Spiritum Sanctum in eos quibus una cum Presbyteris adstantibus manus imponit. Ratio est, quia per mille priores annos non per alia verba, quàm per orationem de qua agitur, Majores nostri in Ecclesia Latina Presbyteratum contulerunt; nec modò Græci: neque enim Concilium Carthaginense IV. in quo accuratè describuntur sacræ Ordinationis ritus, neque Sacramentarium Gregorii Magni, aliorum ab oratione de qua agitur, verborum meminerunt; nec genuina Euchologia quibus nunc utuntur Græci.

Obj. In pontificali Romano, Episcopus cum Sacrificii porrigit instrumenta, sic Presbyterum alloquitur: *Accipe potestatem offerre Sacrificium Deo, Missæque celebrare tam pro vivis, quàm pro defunctis*: ergo illa verba sunt forma Presbyteratus.

Resp. *Conc. ant. nego consequ.* Ea nimirum verba sunt declarativa potestatis jam acceptæ per manuum impositionem, non autem ejus quæ tunc recipiatur, collativa: unde sunt forma integralis & accessoria, non autem substantialis & essentialis. Vide Morinum.

6. Q. Quis est author Presbyteratus?

R. Christus ipse : is enim est à quo Ecclesiastica Hierarchia quæ ex Episcopis, Presbyteris, & Ministris constat, instituta est.

7. Q. Quo præcisè tempore à Christo institutus fuit Presbyteratus?

R. In ultima Cœna : tunc enim Apostolos constituit Sacerdotes, eisque ac eorum successoribus præcepit, ut Eucharistiam consecrarent & offerrent. „ Sacerdotem „ (inquit Concilium Tridentinum sess. 22. cap. 1.) secundum ordinem Melchisedech se in æternum constitutum declarans, Corpus & Sanguinem suum sub speciebus panis, & vini Deo Patri obtulit, ac sub eorumdem rerum symbolis, Apostolis, quos tunc novi Testamenti Sacerdotes constituebat, ut sumerent tradidit, & eisdem, eorumque in Sacerdotio successoribus, ut offerrent, præcepit per hæc verba : *Hoc facite in meam commemorationem, uti semper Ecclesia Catholica intellexit, & docuit.*

Obj. Apostoli in ultima Cœna non receperunt manuum impositionem : ergo nec Sacerdotium.

Resp. Conc. ant. dist. conseq. Ergo nec Sacerdotium, sumptum secundum substantiam : hoc est, prout est Sacramentum constans visibili signo conc. conseq. Sumptum secundum effectum ; id est, secundum potestatem consecrandi & offerendi Corpus Christi, nego ant. Tunc enim effectum Sacramenti receperunt, licet ipsummet Sacramentum non receperint.

8. Q. Quandonam Christus in specie determinavit impositionem manuum, & orationem pro materia & forma Presbyteratus?

R. Id factum est aut in ultima cœna, aut post resurrectionem : cum enim Apostoli utroque illo ritu usi sint in conferendo Sacerdotio, illicque gratiæ productionem adscripserint, certum est eos duplicem illum ritum ab ipsomet Christo edoctos fuisse.

9. Q. Presbyteri accipiuntne uno & eodem ritu, impositione scilicet manuum, quæ præcedit instrumentorum porrectionem, utramque potestatem, consecrandi

ni.

nimirum Corpus Christi, & remittendi peccata?

R. Recipiunt: quia solus ille ritus, est essentialis materia; & oratio, quæ illum comitatur, sola essentialis forma Sacramenti Presbyteratus.

Obj. 1. Apostoli simul & semel non receperunt utramque de qua agitur, potestatem, sed seorsim & divisim: potestatem quidem consecrandi in ultima Cœna; potestatem verò remittendi & retinendi peccata, post resurrectionem, cum Christus eos sic allocutus est Joan. 20. *Accipite Spiritum Sanctum: quorum remiseritis peccata, remittuntur eis; & quorum retinueritis, retenta sunt*: ergo nec his temporibus Presbyteri utramque potestatem simul & semel, uno eodemque ritu impositionis manuum, recipiunt.

Resp. Conc. ant. nego conseq. Ratio disparitatis est, quia Apostoli (ut superius dictum est) in ultima Cœna non receperunt Sacramentum Presbyteratus, licet tunc illius effectu donati sint: at verò hodierni Sacerdotes, per impositionem manuum totum Sacerdotii Sacramentum recipiunt; ac proinde & totam eidem Sacerdotio conjunctam potestatem.

Obj. 2. Episcopus in ordinatione Presbyterorum (ut constat ex Pontificali Romano) post Communionem Presbytero manus imponens, sic loquitur: *Accipe Spiritum Sanctum, quorum remiseris peccata, remittuntur eis, & quorum retinueris retenta sunt*: ergo in illo ritu confert Presbyteris potestatem remittendi, & retinendi peccata: neque frustra id ab Episcopo dicitur, ut hisce verbis declarat Concilium Tridentinum sessione 23. canone 4. *Si quis dixerit per sacram ordinationem non dari Spiritum Sanctum: ac proinde frustra Episcopos dicere, Accipe Spiritum Sanctum... anathema sit.*

Resp. Ad 1. conc. ant. nego conseq. Ad 2. fateor illa verba frustra non dici ab Episcopis: demonstrant nimirum, per sacram ordinationem reverà dari Spiritum Sanctum licet non significant dari per illum ritum qui post Communionem adhibetur. Nempè sacra Synodus hoc unum laudatis verbis contra Lutheranos docere voluit, sacram Ordinationem non esse ritum otiosum, sed ritum

tum efficacem qui ex divina institutione Spiritum Sanctum, seu gratiam sanctificantem conferat. Si quid tamen casu aliquo fuerit omissum, cautè est ab Episcopo supplendum.

10. Q. Quis est Minister Presbyteratus?

R. Est solus Episcopus; non enim aut in Scriptura, aut in Traditione, aliquis præter Episcopum legitur Presbyteratum contulisse: unde Concilium Tridentinum loquens de Presbyteris quos Jacobus Epist. cap. 5. vult induci, ut ægrotum inungant, dicit eos esse qui ab Episcopis ritè ordinati sunt per impositionem manuum Presbyterii.

§. III.

De Diaconatu.

1. *Quest.* Diaconatus quomodo definitur?

R. Definitur: *Ritus sacer quo datur potestas legendi solemmniter Evangelium, & proximè ministrandi Presbytero celebranti.*

2. Q. Diaconatus estne ex institutione divina?

R. Est. Nempè Concilium Tridentinum sessione 23. canone 6. definiit, in Ecclesia Hierarchiam esse divina Ordinatione institutam quæ ex Episcopis, Presbyteris, & Ministris constet: *Si quis dixerit, [ait] in Ecclesia Catholica non esse Hierarchiam divina ordinatione institutam, quæ constat ex Episcopis, Presbyteris, & Ministris anathema sit.* At Ministrorum nomine præcipuè intelliguntur Diaconi: eos enim ipsa vox Græca significat.

3. Q. Quandonam à Christo institutus fuit Diaconatus?

R. Aut in ultima cœna, aut post resurrectionem: vi nimirum ejusmodi institutionis Apostoli, Actorum 11. septem primos Diaconos ordinarunt.

4. Q. Diaconatus estne propriè dictum Sacramentum Novæ legis?

R. Est, repugnent licèt Cajetanus & Durandus. Nam
1. constat ceremonia sensibili: 2. est ex institutione divina.

vina : 3. confert Spiritum Sanctum , seu gratiam sancti-
cantem : nempe Episcopus frustra non dicit Diacono
quem consecrat : *Accipe Spiritum Sanctum ad robur & ad
resistendum Diabolo , & tentationibus ejus , in nomine Do-
mini* : ergo Diaconatus est Sacramentum .

Obj. Diaconatus institutus fuit ab Apostolis ad usum
merè prophanum , distributionem scilicet eleemosyna-
rum quæ apud Apostolos deponebantur : unde Hiero-
nymus eos vocat , *Mensarum ac Viduarum ministros* :
ergo non est Sacramentum .

R. Ad 1. nego ant. ad 2. dist. ant. Ad distributionem
eleemosynarum , tanquam ad officium minùs præci-
puum , conc. ant. tanquam ad officium præcipuum ,
nego antec. Scilicet & dotes quas in eis requisie-
runt Apostoli , & gravissima verba quibus eorum Ordina-
tionem præscribunt , non obscure innuunt eos ad offi-
cia spiritualia præcipuè consecratos fuisse . *Sed & (in-
quit Concilium Tridentinum sessione 23. cap. 2.) de
Diaconis sacra littera apertam mentionem faciunt , & qua
maximè in illorum Ordinatione attendenda sunt , gravissimis
verbis docent.* Unde & in actis baptizasse , & Evangelium
prædicasse leguntur . Ad 3. dicendum est , Hieronymum
Diaconos vocare *Mensarum & Viduarum Ministros* , ex oc-
casione ad quam Apostoli mandarunt executioni præ-
ceptum sibi à Christo factum de Ordinandis Diacono-
nis .

5. Q. Quæ est materia Diaconatus ?

R. Solæ manuum impositio : Non enim alia sive in
Scriptura , sive in Patribus decem priorum sæculorum
recensetur .

Obj. Materia Diaconatus est libri Evangeliorum por-
rectio : ergo , &c.

R. Nego ant. Nam 1. nondùm conscripta erant Evan-
gelia , cùm Apostoli primos Diaconos ordinarunt : 2.
Concilium Carthaginense IV. apertè innuit Diaconos
non alio ritu ordinari , quàm impositione manuum : in
hoc enim eos Subdiaconis opponit . 3. Alius ab imposi-
tione manuum ritus , non est apud Græcos in usu in Or-
dinatione Diaconorum : at essentialis materia Sacramen-

ti debet ubique eadem esse.

6. Q. Quæ est forma Diaconatus ?

R. Est oratio per quam Episcopus manum eis imponens, Spiritum Sanctum invocat. Nam: solius illius orationis meminerunt Patres decem priorum sæculorum. 2. Græci non alia forma, quàm Oratione utuntur in Ordinatione Diaconorum.

Obj. Forma Diaconatus sunt hæc verba, quæ, ex Pontificali Romano, Episcopus Diaconatum conterens profert: *Accipite Spiritum Sanctum ad robur, &c.* alioquin enim frustrà dicerentur ab Episcopo.

R. Ad 1. nego ant. Idque demonstrare videntur rationes quæ in responsione præcedenti laudatæ sunt.

Ad 2. nego ant. illa enim verba frustrà non dicuntur, si per Diaconatum conferatur (ut reverà confertur) Spiritus Sanctus: licet per illa præcisè verba non conferatur. Vide Morinum nostrum.

7. Q. Quis est Minister Diaconatus ?

R. Solus Episcopus: non enim aut in Scriptura, aut in traditione legitur, ipsum ab alio quàm Episcopo, collatum fuisse.

8. Q. Quæ sunt officia Diaconorum ?

R. Diaconorum est 1. panem & vinum Sacerdoti sacrificanti immediatè ministrare: 2. docere solemniter populum, ubi id ab Episcopo specialiter iussi fuerint: 3. baptizare solemniter ex commissione Presbyteri, & eo absente: 4. Eucharistiam in casu necessitatis administrare: scilicet officia illa sive in jure Canonico, sive in Pontificali Romano Diaconis tribuuntur.

§. IV.

De Subdiaconatu.

1. Quest. S Subdiaconatus quomodo definitur ?

R. Definitur; Ritus sacer qui datur potestatis legendi solemniter Epistolam, & proximè inserviendi Diacono qui intra missarum solemnia Presbytero ministrat: idque inquit ipsa Subdiaconi appellatio.

2. Q.

2. Q. Subdiaconatus estne Ordo Sacer?

R. Est, & quidem 1. Ordo: tùm quia per eum datur potestas spiritualis per respectum ad Eucharistiam: tùm quia ita docet Concilium Tridentinum sess. 23. Est 2. Ordo Sacer, tùm quia propius accedit ad altare, dum offertur Missæ sacrificium; tùm etiam quia per eum datur potestas vasa sacra contingendi; tùm quia cœlibatus iugo subicitur. Tùm denique quia sic docet idem Concilium sess. 23. Nam (inquit cap. 2.) Subdiaconatus ad majores Ordines à Patribus, & sacris Conciliis refertur.

3. Q. Subdiaconatus estne ex institutione divina?

R. Non est. Nam 1. nullus ex Patribus id asseruit. 2. Tantùm abest ut Patres id asseruerint, quin expressè negetur ab Urbano Papa II. in Concilio Beneventano, apud Yvonem, Decreti part. 5. cap. 71. ubi sic loquitur: *super his solis* (Presbyteratu, & Diaconatu) *præceptum Apostolicum habemus: Subdiaconos verò, quia & ipsi altaribus ministrant, opportunitate exigente concedimus.*

4. Q. Subdiaconatus estne propriè dictum Sacramentum Novæ legis?

R. Non est. Ità Estius & plures alii: nec immeritò: Nam 1. Subdiaconatui deest (ut ostensum fuit) institutio divina. 2. Non producit gratiam sanctificantem: nempe nullus ex veteribus id asseruit. 3. Subdiaconatus (saltem apud Latinos teste Concilio Carthaginensi IV.) nusquam per impositionem manuum datus est: at Patres cum de ordinibus agunt post Scripturam, soli ritui materiali, qui sit impositio manuum, adscripserunt vim & virtutem producendi gratiam sanctificantem.

Obj. 1. Subdiaconatus producit characterem; non enim potest iterari: ergo est Sacramentum.

R. Nego ant. Quod enim Subdiaconatus non iteretur, oritur ex Ecclesiastica lege per quam etiam fit, ut prima Tonsura Clericalis non iteretur.

Obj. 2. Subdiaconatui annexa est lex cœlibatus: ergo est Sacramentum.

R. Conc. ant. nego consequ. Ratio est, quia subdiaconis,

nis, aliquot sæculis licitum fuit uti uxoribus ante ordinationem ductis: undè quòd jam servant cœlibatum, id oritur ex Ecclesiastica lege. Vide Gregorium Magnum lib. 1. Epist. 42.

Obj. 3. Subdiaconatus à Concilio Tridentino refertur ad Ordines Majores: ergo est Sacramentum.

R. Conc. ant. nego consequ. Ratio est, quia Subdiaconatus id dignitatis non habet, quod sit Sacramentum, sed ex Ecclesiæ disciplina: unde per annos mille apud Latinos, ad Minores Ordines relatus fuit, & nunc etiam refertur apud Græcos: nempe eis ad cancellos sacros quibus altare clauditur, aditus apud Græcos non patet.

Obj. 4. Omnis Ordo est Sacramentum: scilicet Concilium Tridentinum sessione 23. cap. 3. & canone 3. definit, Ordinem indefinitè & in genere sumptum, esse propriè dictum Novæ legis Sacramentum. *Si quis dixerit [inquit] Ordinem, sive sacram Ordinationem non esse verè & propriè Sacramentum, à Christo Domino institutum... anathema sit:* ac proinde de omnibus in specie Ordinibus intelligi debet.

Resp. Conc. ant. nego consequ. Ratio est, quia satis est, ut locum habeat Concilii definitio, quòd aliquis Ordo sit verè ac propriè Sacramentum: hoc est: sacra Synodus Ordinem sumit in abstracto: idque contrà Lutheranos qui contendeabant, nullum ex septem Ordinibus, ne ipsum quidem Presbyteratum, esse verè ac propriè dictum sacramentum Novæ legis: nullum esse ex institutione divina, nullum producere gratiam Sanctificantem: idque non obscurè innuunt quæ adduntur in canone 3. ubi postquam definitum est Ordinem esse Sacramentum, hæc quæ Lutherani propugnabant, rejiciuntur: *Vel esse figmentum quoddam humanum, excogitatum à viris rerum Ecclesiasticarum imperitis: aut esse tantum ritum quemdam eligendi ministros verbi Dei, & Sacramentorum; anathema sit.*

5. Q. Quis est minister Subdiaconatus?

Resp. Minister Ordinarius est solus Episcopus: nempe Concilium Tridentinū definuit Ordinationis ministrum esse

esse solum Episcopum. Verum de ministro extraordinario, res non est ita certa: scilicet Abbates Cistercienses proferunt Bullas quibus fit eis facultas subditis sibi Monachis Subdiaconatum conferendi. Nec id mirum est: si enim Subdiaconatus Ecclesiæ soli suam institutionem debeat, potest Ecclesia Abbatibus benedictione consecratis munus illum conferendi committere.

CAPUT V.

De Minoribus Ordinibus.

1. *Quest.* **M**inores (ut vocant) Ordines, quomodo definiuntur?

R. Definiuntur: *Ritus per quos datur potestas spiritibus inserviendi sub ministris majoribus ad ea quæ ad decentem Eucharistia aut conficienda, aut distribuenda cultum conferunt.*

2. *Q.* Quæ sunt materia, & forma Ordinum Minorum?

R. Sunt in genere signa sensibilia per quæ Ecclesia convenientem eis potestatem tribuit.

3. *Q.* Quis est minister Ordinum Minorum?

R. Ordinarius est solus Episcopus: quia ex Concilio Tridentino, solius est Episcopi Ordines conferre. Extraordinarius verò est Presbyter, licet Episcopali characteri non sit insignitus. Scilicet Presbyteri Cardinales facultatem habere dicuntur, ut in Ecclesiis quarum habent titulum, Minores Ordines conferant. Idem munus sibi ab Apostolica Sede concessum fuisse Abbates Cistercienses contendunt.

4. *Q.* Quibus hominibus conferri debent Ordines Minores?

R. Mandari debet executioni præceptum quod hisce verbis in Concilio Tridentino sessione 23. capite 11. legitur: *Cumque hinc (de Minoribus loquitur) ad altiores gradus & sacratissima mysteria sit ingressus; nemo iis iniiciatur, quem non scientia spes Majoribus Ordinibus dignum ostendat.*

5. *Q.*

5. Q. Minores Ordines suntne propriè dicta Novæ legis Sacramenta?

R. Non sunt, quidquid in contrarium dicant Thomistæ nonnulli. Ratio est quia, non sunt ex institutione divina: unde (ut mox dicetur) solus Lectoratus est in usu apud Græcos, idque à mille & ampliùs annis. 2. Nemo ex veteribus asseruit, per eos dari Spiritum Sanctum, seu produci gratiam sanctificantem. 3. Spiritualem characterem non imprimunt: quòd enim non iterentur, oritur ex Ecclesiastica lege.

6. Q. Quot sunt apud Latinos Ordines Minores?

R. Sùnt quatuor: *Acolythatus* nimirùm, *Exorcistatus*, *Lectoratus*, *Ostiaratus*: de his autem hæc habet Concilium Tridentinum sessione 23. cap. 2. *Et ab ipso Ecclesiæ initio, sequentium Ordinum nomina, atque unuscujusque eorum propria ministeria...* *Acolythi*, *Exorcistæ*, *Lectores*, & *Ostiarii* in usu fuisse cognoscuntur.

7. Q. Quot sunt apud Græcos Ordines Minores?

R. Unus tantùm, scilicet Lectoratus. Ratio est quia nullum alium præter Lectoratum recensent Pontificalia, seu Ritualia, seu Euchologia, quibus à duodecim sæculis, non reclamante Ecclesià Rômana, Orientales utuntur.

8. Q. Quomodò quatuor Minores Ordines conferunt ad Eucharistiæ seu conficiendæ, seu dispensandæ decentem cultum?

R. Acolythatus offert Subdiacono urceolos qui vinum consecrandum, & aquam ei immiscendam continent; ac præterea cereos defert & accendit, quibus Ecclesià utitur in celebratione Missæ. Exorcistatus, per exorcismos depellit dæmones ab iis qui ad Eucharistiam accessuri sunt, aut interfuturi Missæ sacrificio. Lectoratus, per sacram lectionem fideles parat, ut tum audiendæ Missæ, tum recipiendæ Eucharistiæ idonei sint. Ostiaratus arcet infideles & excommunicatos, ne sacris mysteriis interfint; forès verò fidelibus aperit, ut ad Sacra admittantur. Deinde campanas pulsatur, ut fideles ad Missam, Conciones, & officia divina convocet.

9. Q. Acolythatus quomodò definitur?

R. De-

De Deo Authore Sacramentorum 305

R. Definitur: Ordo quo Clerici facultatem recipiunt ut ceptos offerendi Subdiacono, deferendi & accendendi ceptos, dum sacrum mysterium peragitur.

10. Q. Exorcistatus quomodo definitur?

R. Definitur: Ordo quo datur potestas demones ab eucumenis per Ecclesie exorcismos fugandi.

11. Q. Lectoratus quomodo definitur?

R. Definitur. Ordo quo datur potestas publice legendi in templis Scripturam & pios libros ad populi fidelis adificationem.

12. Q. Ostiariatus quomodo definitur?

R. Definitur: Ordo quo datur jus recludendi, & claudendi Basilicarum fores, & per campanarum pulsationem, populum fidelem ad divina officia vocandi.

§. VI.

De Prima Tonsura.

1. *Quest.* Quid est Tonsura Clericalis?

R. Definitur: Cereemonia sacra, per quam quis ex laico fit Clericus.

2. Q. Tonsura estne Ordo?

R. Non est Ordo: neque enim per eam datur aliqua potestas spiritualis quæ ad Eucharistiæ sive consecrationem, sive dispensationem referatur: est igitur mera ac simplex ad recipiendos Ordines Ecclesiastica dispositio.

3. Q. Quis est Tonsuræ minister?

R. Ordinarius est solus Episcopus; & quidem *Proprius*: Extraordinarius verò, is est qui ad officium huiusmodi specialiter à Romano Pontifice committeretur: an autem ex privilegio, potestas conferendi Tonsuram alicui non Episcopo concessa sit, diximus agentes de ministro Ordinum Minorum.

4. Q. Quotuplex est *proprius* Episcopus?

R. Triplex, Ordinis nimirum, Beneficii, & Domicilii: in Galliis tamen passim non habetur ratio sive Beneficii, sive Domicilii, sed Originis tantum: ita etiam

ut natus in una Diœcesi, & baptizatus in alia, litteras dimissorias ab Episcopo in cujus diœcesi natus est, non autem ab Episcopo in cujus Diœcesi baptizatus sit, recipere teneatur.

5. Q. Prima Tonsura Clericalis estne in usu apud Græcos?

R. Non est in usu; scilicet (ut ex Græcorum Euchologii constat) laici apud Græcos fiunt Clerici immediate per Lectoratus receptionem.

6. Q. Quibus laicis conferri debet prima Tonsura Clericalis?

R. Iis de quibus Concilium Tridentinum sessione 23. cap. 4. de reform. hisce verbis loquitur: *Prima Tonsura non initientur, qui Sacramentum Confirmationis non susceperint, & fidei rudimenta edocti non fuerint; quique legere & scribere nesciunt, & de quibus probabilis conjectura non sit, eos non secularis, iudicii fugiendi fraude, sed ut Deo fidelem cultum præstent, hoc vita genus elegerint.*

C A P U T X.

De Matrimonio.

Nota. **M**atrimonium considerari potest vel prout Naturalis & Civilis Contractus, vel prout est Novæ legis Sacramentum. De Matrimonio sub illa duplici consideratione sumpto hic a nobis est agendum.

§. I.

De Existentiâ, Materia, Forma & Authore Contractus Matrimonii.

1. *Quest.* **M**atrimonium prout est Contractus Naturalis & Politicus, quomodo definitur?

R. *Definitur; Actio per quam vir & mulier corporum suorum dominium ad alium conjugalem sibi invicem tradunt & accipiunt.* Scilicet posita illa actione ponitur Matrimo-

monii contractus, & ea sublata penitus tollitur.

Obj. 1. Matrimonii contractus positus est in mutuo amore ad actum conjugalem: ergo non in actione per quam &c.

R. Nego ant. Nam 1. quamvis per adulterium unius conjugibus tollatur jus ad actum conjugalem, Matrimonium tamen non dissolvitur. 2. Jus ad actum conjugalem est effectus contractus Matrimonialis: ided enim jus illud est inter duos, quod contractus peraccesserit.

Obj. 2. Eugenius Papi IV. in Decreto pro institutione Armenorum docet causam efficientem Matrimonii esse mutuum partium consensum: ergo non est actio per quam datur & accipitur dominium corporum in ordine ad actum conjugalem.

R. Dist. ant. Esse causam efficientem Matrimonii sumpti secundum effectum: hoc est, *vinculum*, quod ex contractu resultat, conc. ant. Sumpti secundum *effusum*, de qua hic agitur, nego ant.

2. Q. Quæ est materia Ex quâ constat Matrimonii contractus?

R. Est mutuus nubentium consensus: quia contractus ex illo consensu *intrinsecè* componitur.

3. Q. Quodnam est objectum consensus Matrimonialis?

R. Est 1. traditio proprii corporis, & acceptatio alieni in ordine ad actum conjugalem. Hinc verò sequitur non fore Matrimonium inter eos qui sibi invicem propria corpora traderent ad officia omnino alia ab officio, seu actu conjugali. Est 2. prolis generatio: quia ad eam *saltem implicite*, Matrimonium ordinatur.

Obj. Inter Mariam Deiparam, & Josephum fuit verum Matrimonium: & tamen dici non potest quoddam Matrimonium: quia Maria consenserit etiam implicite in prolis generationem: Ille nimirum consensus repugnat perpetuæ virginitatis voto quod emiserat: ergo, &c.

Resp. 1. Dist. hanc antecedentis partem: Ille consensus repugnat perpetuæ Virginitatis voto, ubi præbens consensum certus non est per divinam revelationem, compartem non exacturam debitum, conc. ant.,

ubi est certus, nego ant. At Maria ejusmodi certitudinem habuit, quando cum Josepho contraxit, seu cum tradidit illi sui corporis dominium. *Vide sanctum Augustinum in libro de sancta Virginitate, cap. 24.*

Resp. 3. Argumentum est de non supponente, supponit enim Beatam Mariam Virginem emisisse perpetuum Virginitatis votum, antequam cum Josepho nuberet: id tamen non est omnino certum: nempe Sanctus Thomas docet votum illud non fuisse emissum, nisi post nuptias cum Josepho, idque (ut ait idem sanctus Doctor) de consensu Josephi cum quo jam contraxerat.

4. Q. Quæ est materia Contractus Matrimonialis?

R. Sunt propria conjugum corpora, quia per contractum Matrimoniale dantur & acceptantur.

5. Q. Quæ est forma essentialis Contractui Matrimoniali?

R. Sunt hæc verba, aut alia quæ æquivalent: *Accipio te in meam. Accipio te in meum*. Ratio est, quia hæc verba, aut signa æquivalentia, servatis servandis, mutuum expriment consensum in mutuam corporum traditionem & acceptance in ordine ad actum conjugalem.

6. Q. Quis est Author Contractus Matrimonialis?

R. Deus ipse. Scilicet Adamum & Evam arctissimæ societate conjunxit in ordine ad proles generationem impertita eis per hæc verba fecunditate: *Crescite & multiplicamini*. Unde Adamus Genes. 2. hæc protulit spiritu prophetico: *Quamobrem relinquet homo patrem suum & matrem; & adhærebit uxori suæ: & erunt duo in carne una*.

7. Q. Quot sunt proprietates Contractus Matrimonialis?

R. Sunt tres: Unitas, cui repugnat Polygamia; Indissolubilitas quæ opponitur dimissioni ac separationi & tandem in aliquo casu necessitas, quæ opponitur libertati non contrahendi. Sed hæc exponenda sunt in responsis ad quæsitæ quæ subsequuntur.

§. II.

De Proprietatibus Contractus Matrimonii.

1. *Quest.* **P**olygamia *Simultanea*, seu qua quis plures simul uxores habeat, estne *Divino* jure prohibita?

R. Est. Nam 1. Christus Lucæ 16. declarat adulterii reum esse, qui, uxore dimissa cum alia contraxerit: *Quicumque (inquit) dimiserit uxorem suam, & aliam duxerit, mæchatur.* 2. Concilium Tridentinum sessione 24. canone 1. eos omnes anathemate damnat qui contenderint nulla *Divina* lege viro prohibitum esse plures simul uxores habere.

2. Q. Polygamia *Simultanea ex parte Viri*, estne *Jure Naturali* prohibita?

R. Bellarminus, nonnullique alii censent non esse *Jura Naturali* prohibitam. Ratio est, quia Patriarchæ cum pluribus uxoribus simul nupserunt, Deo sic permittente, ed quòd tunc populus fidelis esset carnali generatione propagandus: *Unde (ut ait Augustinus) peccatum non erat, quando mos erat.*

3. Q. Polygamia *Simultanea ex parte mulieris*, estne jure naturali prohibita?

R. Est: quia adversatur primario fini Matrimonii, seu prolis generationi: undè nusquàm in usu fuit apud populum fidelem, imò nec apud Gentes, quamvis Plato in ideali sua Republica eam conatus sit legibus stabilire.

4. Q. Polygamia *Successiva* estne *aliquo* jure prohibita?

R. Non est *aliquo* jure prohibita; nempè Paulus 1. ad Corinth. 7. de non nuptis & viduis hæc ait: *Quod si non se continent, nubant.* 2. Ecclesia proscripsit Montanistas, quòd olim secundas nuptias damnarent.

Obj. 2. Secundæ nuptiæ inducunt irregularitatem.

1. Concilium Neocæsariense pœnitentiam satisfactoriam imponit secundò nubentibus. 3. Sacerdos ab Ec-

clesia prohibetur, ne benedicat secundas nuptias: Sed hæc probant secundas nuptias esse jure, saltem *Ecclesiastico* prohibitas: ergo, &c.

R. Conc. maj. nego min. Nam 1. Irregularitas quæ nascitur ex secundis nuptiis non est *ex deicto* sed *ex defectu significationis*: siquidem secundæ nuptiæ non exhibent perfecte Ecclesiæ unionem cum Christo, qui non duas, sed unam tantum sponsam sibi conjunxit. 2. Neocæsarienses Patres pœnam injunxerunt Bigamis, non quod crederent secundas nuptias *per se* esse peccatum, sed tantum *per accidens*, cum plerumque sint in iis qui secundò nubunt, incontinentiæ & libidinis argumentum. 3. Prohibetur Sacerdori, ne *eam benedictionis speciem* mulieri secundò nubenti impertiatur, per quam fecunditatem apprecetur, eò quod jam in primis nuptiis eam illi apprecatus sit.

5. Q. Contractus Matrimonii estne quoad vinculum, jure divino indissolubilis?

R. Distinguenda est quæstio: vel enim Matrimonium est *consummatum* per actum conjugalem, vel per eum actum non est consummatum: sed *ratum* tantum. Si primum, divino jure est prorsus indissolubile juxta illud Christi Matt. 19. *Quod Deus conjunxit, homo non separet*, nec non & juxta illud Apostoli primæ ad Corinth. 7. *Mulier alligata est legi (Matrimonii) quanto tempore vir ejus vivit*. Si verò secundum, dissolvitur per solemnem professionem in approbata Religione: ita nimirum definiit Concilium Tridentinum sessione 24. can. 6. Nec mirum: siquidem professio in approbata Religione, est in eo casu ex Ecclesiastica lege veluti quædam mortis species.

Obj. Christus Matthæi 19. à Judæis de repudio interrogatus, sic respondit: *Quicumque dimiserit uxorem suam, NISI OB FORNICATIONEM, & aliam duxerit, nupciabitur*: ergo, adveniente fornicationis causa, licitum est dimittere uxorem & aliam ducere, ac proinde in eo casu Matrimonium dissolvitur etiam quoad vinculum.

R. Conc. ant. nego conseq. Ratio est: quia exceptio *Nisi* conjugenda est solum cum priore membro responsionis

sionis Christi: *Quicumque dimiserit uxorem suam*, ita ut sensus sit eum qui uxorem à thoro in perpetuum, nisi ob fornicationem, dimiserit, reum se constituere: non est verò conjungenda cum posteriore ejusdem responsionis membro: *Et aliam duxerit*, ita ut licitum sit, causa fornicationis adveniente, aliam uxorem ducere. Itaque Christus de repudio interrogatus respondit licitum illud esse adveniente fornicationis casu; inde verò occasionem sumit damnandi plurium Judæorum praxim, qui uxores quicumque ferè ex causa dimittebant; ac præterea prohibendi aliud inire Matrimonium, uxore etiam ob fornicationem dimissa vivente. *Vide* textum illum fuscè explicatum in nostro Commentario Historico, & Dogmatico de Sacramentis.

6. Q. Contractus Matrimonii legitimè initus, estne quoad thorum indissolubilis?

R. Non est indissolubilis quoad thorum: ita enim post antiquos Patres Concilium Tridentinum definiit sessio-
ne 24. can. 4. Quænam autem sint præter fornicatio-
nem causæ, propter quas Matrimonium, quoad tho-
rum dissolvi possit, repetendum est ex Jure Canonico.

7. Q. Matrimonium estne aliquo Dei mandato præceptum?

R. 1. Initio mundi singulis hominibus jure naturali præceptum fuit: nempe ratio naturalis tunc præcipiebat speciei propagationem, quemadmodum præcipit conservationem individui per alimentorum usum. 2. Israelitis, quandiu populus fidelis exiguo erat numero positivo jure divino præceptum fuit; quia carnalis generatio tunc via erat, per quam Dei populus propagandus erat. 3. In Nova lege liberum est omnibus qui continentie consilium capiunt: eos enim ad virginitatem Paulus hortatur; sed non ita est de iis qui idem continentie consilium non capiunt: scilicet post Adami peccatum, hominibus liberis; hoc est, nullo priore voto, aut impedimento irretitis, factum fuit, servatis tamen servandis, incontinentie remedium. Unde idem Paulus ait, *Quod si non se continent, nubant.*

§. III.

De Solemnitatibus Contractus Matrimonii.

1. *Quest.* **Q**uæ sunt Matrimonii, prout est Contractus Civilis, Solemnitates?

R. Duplicis sunt generis: nonnullæ enim præcedunt contractum: Sponsalia nimirum, Proclamationes, & Consensus parentum: aliquæ verò ipsum comitantur; nempe Parochi, Testium, & amborum contrahentium præsentia.

2. *Q.* Sponsalia quomodo definiuntur?

R. Definiuntur, *Futuri Matrimonii mutua promisso acceptata, inter personas ad contrahendum habiles.*

3. *Q.* Qui sunt Sponsaliorum effectus?

R. Sunt duo præcipui: primus est obligatio contrahendi conventum Matrimonium; Alter verò est impedimentum publicæ honestatis, quod ex eis oritur.

4. *Q.* Quot modis Sponsalia, etiam juramento firmata, dissolvi possunt?

R. Dissolvuntur 1. mutuo partium consensu: 2. per longiorem partis unius absentiam, ut est biennium: 3. per ingressum in Religionem: 4. per susceptionem Subdiaconatus: 5. per subsequentem fornicationem; idque in favorem solius partis innocæ: 6. per subveniens impedimentum affinitatis: 7. per gravem aliquam infirmitatem, aut de formitatem: 8. per capitales inimicitias quæ inter desponsatos oriantur.

5. *Q.* Quid sunt Proclamationes?

R. Sunt futuri Matrimonii publica denuntiatio.

6. *Q.* Proclamationes requiruntur necessario, ut Matrimonium valeat?

R. Non requiruntur necessario, nec etiam in iis locis ubi Concilii Trident. Decretum de reformatione Matrimonii fuit promulgatum: nec enim Sacra Synodus, cum de Proclamationibus agit, clausulam addit irritantem, sicut & eam addit, ubi declaravit Parochi & testium præsentiam requiri.

7. *Q.* Quis

De Deo Authore Sacramentorum. 313

7. Q. Quis potest circa Proclamationes dispensare?

R. Episcopus: sed (ut ait Concilium Tridentinum) ex causa, cujus tamen iudicium ad illum spectat. In Galliis Episcopi passim & ordinariè non solent ab omnibus dispensare.

8. Q. Ut Matrimonium filiorum familias valeat requiruntur parentum, aut tutorum consensus?

R. Licet requiratur, ut Matrimonium de quo agitur, sit licitum; tamen, spectato solo jure Concilii Tridentini, non requiritur ut valeat. In Galliis defectu consensus parentum, aut tutorum, Matrimonium filiorum familiæ in Supremis Curiis, seu (ut vocant) Parliamentis declaratur non validè contractum in ordine ad effectus Civiles. Hinc in Rituali Parisiensi anni 1697. pag. 355. hæc leguntur: *Quamvis vir qui quatuordecim, & femina quæ duodecim annos expleverint, Matrimonium possint validè contrahere; caveat tamen Parochus ne filios, aut filias familiæ juniores viginti quinque annis, etiam viduas vel viduas, Matrimonio jungat, sine consensu parentum vel tutorum, eorumque ad quos illorum cura pertinet.*

9. Q. Requiritur, ut valeat Matrimonium, præsentia Parochi, aut alterius Sacerdotis ab eo, aut ab Ordinario deputati.

R. Requiritur ex vi Concilii Tridentini sessione 24. de Reformatione, capite 1. quod quidem quoad hoc executioni mandari jussit Edictum Blesense, promulgaruntque Synodi Provinciales quæ in Galliis post Oecumenicam Tridentinam celebratæ sunt.

10. Q. An, & quot testes requiruntur, ut Matrimonium validè contrahatur?

R. Duo saltem, aut tres requiruntur ex vi Concilii Tridentini: de cujus Decreto hæc habet Rituale Parisiense pag. 353. *Noverint imprimis Parochi clandestina qualibet Matrimonia; & quæ aliter, quàm præsentis Parochi, vel alio Sacerdote de ipsius Parochi vel Ordinarii licentia, & duobus vel tribus testibus contrahuntur, ex ipsius Concilii Tridentini Decreto irrita omninò ac nulla esse.* Obtinet in omnibus Galliarum Provinciis illa Concilii Tridentini Sanctio.

§. IV.

De impedimentis Contractus Matrimonii.

1. *Quest.* **Q**uomodo definitur Matrimonii Impedimentum?

R. Definitur : *Aliquid præexistens , quod Matrimonium reddit aut invalidum , aut illicitum , aut utrumque simul .*

2. *Q.* Matrimonii impedimenta quotuplicis sunt generis?

R. Duplicis. Nempè nonnulla dicuntur *Dirimentia* ; alia verò , *Impedientia* tantùm : Illa , efficiunt ne Matrimonium *validè* contrahatur ; Ista verò , reddunt quidem Matrimonium *illicitum* , sed non reddunt *invalidum* .

3. *Q.* Ecclesia Potestne statuere Impedimenta Dirimentia?

R. Potest. Eo nimirùm jure usa est semper (ut fuscè probavimus in Commentario nostro Historico & Dogmatico de Sacramentis ,) illudque jus ipsi etiam Principes in Ecclesia agnoverunt : unde Concilium Trid. sess. 24. can. 4. meritò hocce anathema contra Lutheranos intorquet : *Si quis dixerit Ecclesiam non potuisse constituere impedimenta Matrimonium dirimentia , vel in eis constituendis errasse , anathema sit .*

4. *Q.* Quis potest dispensare circa impedimenta quæ Matrimonium dirimunt?

R. Nulla potestas humana valet dispensare in iis quæ juris sunt naturalis , ut inter filium & matrem . Sed Ecclesia potest dispensare in iis omnibus quæ sunt solius juris humani : scilicet ea omnia ab ipsamet Ecclesià statuta sunt .

5. *Q.* Ecclesia potestne dispensare circa impedimenta quæ in Levitico continentur .

R. Non potest in iis quæ juris sunt naturalis : potest verò in iis omnibus quæ erant juris ceremonialis tantùm ; quia , Lege Mosaicà per Christum abrogata , præ-

præcepta ceremonialia quæ non sunt de jure naturali, desierunt habere vim ratione juris divini positivi.

6. Q. Quot sunt impedimenta Matrimonium Dirimentia?

R. Sunt quindecim, quæ hisce versibus continentur:

*Error, Conditio, Votum, Cognatio, Crimen,
Cultus disparitas, Vis, Ordo, Ligamen, Honestas,
Amens, Affinis, si Clandestinus, & Impos,
Si mulier sit rapta, loco nec reddita tuto.*

Non patitur hujusce Compendii brevitatis, ut hic quindecim illa impedimenta explicentur; sed de iis vide prolixius aliud opus nostrum, aut Rituale Parisiense pag. 346. & nonnullis aliis subsequentibus.

7. Q. Quot & quæ sunt Impedimenta non Dirimentia?

R. Sunt quinque quæ hisce versibus continentur.

*Ecclesia vetitum, necnon tempus feriatum,
Atque Catechismus, Sponsalia, jungito votum.*

Illis verò versibus ostenditur præcipua impedimenta non dirimentia, ad ista reduci: Votum simplex castitatis religionis, & non ducendi uxorem; Tempus ab Ecclesia prohibitum, Adventus scilicet & quadragesimæ; Sponsalia validè cum alio contracta.

§. V.

De Matrimonio prout est Sacramentum.

1. *Quæst.* **M**atrimonium estne propriè dictum Sacramentum Novæ legis?

R. Est. Ità enim definiit Concilium Tridentinum contra Calvinistas & Lutheranos sess. 24. can. 1. *Si quis (inquit) dixerit, Matrimonium non esse verè & propriè unum ex septem Legis Evangelicæ Sacramentis, a Christo Domino institutum, sed ab hominibus in Ecclesia inventum, neque gratiam conferre, anathema sit.*

2. Q. Quibus argumentis probari potest, Matrimonium esse Sacramentum Novæ legis?

R. Pro-

R. Probari potest 1. ex unanimi utriusque Ecclesie Orientalis & Occidentalis consensu : 2. ex sanctis Patribus ; nempe S. Augustinus in lib. de bono conjugali cap. 24. Matrimonium comparat cum Baptismo, & Ordinatione : Innocentius Papa I. in epist. 9. docet, Matrimonium divinâ gratiâ fundari : 3. ex eo quòd sit ritus sensibilis gratiam (ut mox dicetur) ex institutione divina conferens :

3. Q. Quis Matrimonii, ut est Sacramentum, est author ?

R. Christus ipse qui omnium & singulorum Nove legis Sacramentorum est author, ut suo loco probatum est.

4. Q. Quandonam Christus Matrimonium ad Sacramenti dignitatem evexit ?

R. Evexit, aut cùm in Cana Galilæ benedixit nuptiis, aut cùm Matthæi 19. dixit : *Quod ergo Deus conjunxit, homo non separet.*

5. Q. Cur Christus Matrimonium ad Sacramenti dignitatem evexit ?

R. Evexit, Ut (inquit Concilium Tridentinum sess. 24.) naturalem conjugum amorem perficeret : præberetque vires quibus Conjugati sanctè Matrimonio uterentur : eam verò Matrimonii perfectionem ipse sua passione promeruit : *Quod* (ait ibidem Concilium Tridentinum) *Paulus Apostolus innuit dicens : Viri diligite uxores vestras, sicut Christus dilexit Ecclesiam, & seipsum tradidit pro ea : mox subjungens : Sacramentum hoc magnum est : ego autem dico in Christo, & in Ecclesia.*

6. Q. Quæ est materia Sacramenti Matrimonii ?

R. Est legitimus contractus inter nubentes initus : quia contractus ille, accedente forma, gratiam sanctificantem producit.

7. Q. Quæ est forma Matrimonii, prout est Sacramentum Nove legis ?

R. Sunt hæc vel similia verba à legitimo ministro prolata : *Ego vos in Matrimonium conjungo* : scilicet 1. per ea verba confertur gratia sanctificans ; datur verò, *Accedente* (inquit Coloniensis Synodus anno 1536. celebrata,

De Deo Authore Sacramentorum. 317

celebrata) *Sacerdotali precatione*. 2. Eadem verba clarè exprimunt indissolubilem Matrimonii nexum : hunc enim sensum habent ex Sylvio : *Ego Sacramentum conjunctionis vobis impertior : & quantum in me est, ex potestate mihi concessa, non corpore solum, sed & animo vos conjungo*.

8. Q. Quis est minister Matrimonii, prout est legis Novæ Sacramentum?

R. Solus Sacerdos. Ità nimirum docent Melchior Canus, Estius & Sylvius. Ratio est 1. quia ipse solus profert hæc verba : *Ego vos in Matrimonium conjungo* : quæ quidem (ut diximus) sunt hujusce Sacramenti forma. 2. Sic vocatur à Patribus Concilii Cameracensis, quod anno 1567. celebratum est : *Admonendos* (inquit) *esse duximus Parochos hujus (Sacramenti) ministros*. 3. Sanctus Carolus in Actis Ecclesiæ Mediolanensis part. 4. §. 1. expressè docet, Matrimonii administrationem ad Sacerdotem pertinere. 4. Patres, gratiæ Matrimonialis productionem adscribunt benedictioni quam Sacerdos nubentibus impertitur : ergo, &c.

Obj. Omne Matrimonium, validum in ratione contractus est Sacramentum : siquidem Concilium Tridentinum, cum definit Matrimonium esse Sacramentum Novæ legis, loquitur de omni Matrimonio valido : atqui omni Matrimonio, valido in ratione contractus, non adest Sacerdos : valent enim Matrimonia clandestina iis in locis, in quibus promulgatum non est Concilium Tridentinum, aut in quibus non sunt contrariæ leges quæ irrita faciant hujusmodi Matrimonia : ergo, &c.

Resp. Ad 1. neg. ant. Ad 2. nego pariter antecedens : loquitur enim Concilium de Matrimonio quod à legitimo ministro fuerit celebratum : ac proinde de eo tantum quod Sacerdos contulerit : nempe, ex eodem Concilio, Sacerdos hæc debet verba proferre : *Ego vos in Matrimonium conjungo*.

9. Q. Quinam & quot sunt Matrimonii, ut Sacramentum est, effectus?

R. Duo sunt : gratia sanctificans, quæ per singula
Nova

Novæ legis Sacramenta prouocitur: & jus quoddam ad auxilia actualia, quæ necessaria sunt, ut Conjuges p̄d utantur Matrimonio, ut prolem religiosè educant, ut constanti affectu sese in Christo prosequantur. Vide Augustinum in libro 9. de Genesi ad litter. cap. 7.

CAPUT XL

De Indulgentiis.

1. *Quæst.* Indulgentia quomodo definitur?

R. Definitur; *Absolutio auctoritate. Clauis à p̄nâ injunctâ, vel injungendâ & D:ō debitâ.*

2. *Q.* Indulgentia quomodo dividitur?

R. Dividitur in plenariam, & non plenariam. Illa absoluit à tota p̄nâ Canonibus injungenda: ista verò, à parte tantum.

3. *Q.* Quis est author Indulgentiarum?

R. Christus ipse: scilicet facultatem fecit Ecclesiæ Indulgentias concedendi, cum Matthæi 18. sic Apostolos allocutus est: *Quicumque alligaueritis super terram, erunt ligata & in cælo: Et quicumque solueritis super terram, erunt soluta & in cælo.*

4. *Q.* Quis est Indulgentiarum minister?

R. Est Summus Pontifex in tota Ecclesiâ, & Episcopi in suis Dioccesibus: *Episcopum* (inquit Ancyra Synodus canone 5. ubi de Indulgentiis agit) *hanc habere licentiam oportet*: idem asserit Concilium Nicænum

1. Can. 1. *Licetis Episcopo, &c.*

5. *Q.* Quodnam est subiectum capax Indulgentiarum?

R. Sunt homines viventes baptizati: in eos enim solum Ecclesiâ potest Jurisdictionem exercere.

Obj. Conceduntur Indulgentiæ pro defunctis: ergo, &c.

Resp. Conc. ant. nego conseq. Siquidem non alio quam suffragii modo, Indulgentiæ defunctis profunt: viventibus è contrâ per modum absolutionis.

6. *Q.* Indulgentiæ sese extendunt ad p̄nas temporis.

porales in altero sæculo peccatis quoad culpam dimissis debitas?

R. Se extendunt: juxta illud Evangelii, Matt. 18. *Quaecunque solveritis super terram, erunt soluta & in celo.*

7. Q. Unde sumitur Indulgentiarum quantitas?

R. Ex triplici capite. 1. Ex causa propter quam dantur: dissipator enim est qui eas sine causâ dispensat: 2. ex operis injuncti proportionem cum pœnâ quæ remittitur, scilicet qui propter opus leve amplissimas Indulgentias largitur, non rectè utitur dispensandi facultate: 3. ex majore, vel minore fervore charitatis ex parte subjecti: nempe Concilia jubent ut cum pœnitentibus qui suum fervorem operibus probarunt, humaniùs agatur, quàm cum iis qui segniter pœnitentiæ laboribus perfuncti fuerint.

8. Q. Unde petitur Indulgentiarum virtus?

R. Ex ipsiusmet Christi meritis: neque enim aliud sunt Indulgentiæ, quàm Christi meritorum per modum solutionis applicatio. Nituntur quoque meritis quæ Sancti per Christi merita compararunt: idque patet ex Extravagante Clementis VI. quæ incipit. *Unigenitus.*

9. Q. Quid requiritur ex parte subjecti, ut lucretur Indulgentias?

R. In eo qui culpæ reus est, requiritur 1. Contritio, neque enim (ut patet ex Cyrillano) aliis concedebantur Indulgentiæ, quàm iis qui suam contritionem probaverant. 2. Requiritur in omnibus, executio operis ab eo qui concedit Indulgentias, injuncti, in illud enim opus, concedens mutat pœnam peccato alioquin debitam, 3. Requiritur status gratiæ sanctificantis, eo instanti, quo quis ex injunctis operibus ultimum exequitur: neque enim pœna dimittitur, antequam culpa remissa fuerit.

10. Q. Indulgentiæ eximuntne lapsos ab omni prorsus satisfactione persolvenda?

R. Non eximunt eos qui nolunt, cum tamen possunt, convenientem satisfactionem persolvere; ad eam enim post

post baptismum lapsi jure divino tenentur: unde iis præsertim possunt, quorum (ut ait Cyprianus) poenitentiam satisfactioni proxima est: iis quoque qui cum satisfaciendi propositum habeant, id aut præ infirmitate, aut præ temporum angustiis non possunt. Vide Cyprianum in libro *de Lapsis*.

111. Q. Quid Concilium Tridentinum de Indulgentiis docet?

R. Docet 1. Christum, Ecclesiæ fecisse potestatem eas concedendi: 2. earum usum esse in Ecclesia retinendum: 3. utiles esse eas populo fidei: 4. in iis concedendis veterem & probatum usum servari debere: sic enim sacra Synodus loquitur sess. 25. Titulo de Indulgentiis: „Cum potestas conferendi indulgentias à Christo Ecclesiæ concessa sit, atque hujusmodi potestate divinitus sibi tradita, antiquissimis etiam temporibus illa usa fuerit, sacrosancta Synodus Indulgentiarum usum Christiano populo maxime salutarem, & sacrorum Conciliorum autoritate probatum, in Ecclesia retinendum esse docet, & præcipit, eosque anathemate damnat, qui aut inutiles esse asserunt, vel eas concedendi in Ecclesia potestatem esse negant. In his tamen concedendis moderationem juxta veterem & probatam in Ecclesia consuetudinem, adhiberi cupit, ne nimia facilitate, Ecclesiastica disciplina enervetur.

CAPUT XII.

De Censuris.

1. Quæst. Censura quomodo definitur?

R. Definitur: Poena, qua in vindictam alicujus peccati fideles bonis aliquibus spiritualibus aut officiorum exercitio, in foro exteriori privantur,

2. Q. Quotuplex est Censura?

R. 1. Alia est à jure: alia verò ab homine. Prima, continetur aut in Conciliis, aut in Jure Canonico: altera verò fertur ab aliquo singulari superiore.

2. Alia

De Deo Authore Sacramentorum. 321

2. Alia est lata sententia: alia ferenda. Prior, eo ipso incurritur, quo peccatum commissum est, etsi nulla Judicis sententia ille qui peccavit, declaretur r. us: posterior è contrà non incurritur, nisi peccato commissio, Judicis accesserit sententia.

3. Q. Quis est Censurarum author?

R. Christus ipse, scilicet hisce verbis Matthæi 18. *Amen dico vobis; quaecumque alligaveritis super terram, erunt ligata & in cælo: & quaecumque solveritis super terram, erunt soluta & in cælo.*

4. Q. Quis potest Censuras ferre?

R. 1. Ecclesia in Conciliis: 2. Romanus Pontifex in tota Ecclesia, servatis servandis: 3. Episcopi in suis Diocæsisibus: 4. tandem, jure Ecclesiastico, ii omnes quibus in exteriori foro Ecclesia Jurisdictionem contulit.

5. Q. Quæ est materia Censurarum; seu quæ est causa propter quam ferri potest Censura?

R. Est peccatum grave exterius, & actu commissum: quia Censura est pœna publica; publica autem pœna non nisi propter grave exterius peccatum infligi potest,

6. Q. Quodnam est subjectum Censurarum?

R. Est quilibet homo qui Baptismate fuerit initiatus; quia est subditus Ecclesiæ.

7. Q. Censuræ suntne necessariae?

R. Sunt: tum ut illarum metu justî in officio contineantur: tum etiam ne oves scabiosæ cæteris noceant.

8. Q. Quot sunt Censurarum species?

R. Tres tantum: Excommunicatio, Suspendio & Interdictum.

9. Q. Quotuplex est Excommunicatio?

R. Duplex: Major & Minor. Major, est ea per quam Christianus privatur omnibus, ac singulis bonis quæ Ecclesiæ corpori communia sunt. Minor verò est ea quam aliquis incurrit ex communione cum excommunicato, qui expressè denuntiatus fuerit.

10. Q. Qui sunt effectus Excommunicationis Minoris?

R. Privat. 1. jure, non quidem conferendi, sed recipiendi Sacramenta. 2. Reddit subjectum inhabile ad electionem passivam sive ad beneficia, sive ad dignitates Ecclesiasticas: non ita tamen ut electio sit *ipso facto* nulla, sed irritanda per sententiam Judicis.

11. Q. Quæ causæ excusant eos, qui cum excommunicato communicant?

R. Quinque, hocce versu comprehensæ: *Utile, Lex, Humile, Resignata, Necessè.*

12. Q. Quid est Suspendio?

R. Est Censura per quam in gravis delicti poenam Clericus, aut ordinis, aut beneficii, aut officii Clericalis usu prohibetur.

13. Q. Quotuplex est Suspendio?

R. Alia est totalis; alia verò partialis. Alia est in perpetuum; & alia fertur ad tempus.

14. Q. Quid est Interdictum?

R. Est Censura, per quam Sacramentorum dispensatio, publica celebratio divinorum officiorum, & Ecclesiasticæ sepulturæ usus prohibentur.

15. Q. Quotuplex est Interdictum?

R. Triplex; Personale, Locale & Mixtum. Personale, quibusdam personis usus Sacramentorum, officiorum divinorum, Ecclesiasticæ sepulturæ, *ubique* prohibetur. Locali, vetatur ille usus in *aliquo* determinato loco; Mixtum, personas & locum complectitur.

CAPUT XIII.

De Irregularitate.

1. *Quest.* Irregularitas quomodo definitur?

R. Definitur: *Impedimentum Canonicum Ordines aut suscipiendi, aut susceptos exercendi*: sed advertendum *Oranes* hic sumi latè, pro ipsa etiam *Tonsurâ* Clericali, imò & pro beneficiis Ecclesiasticis.

2. Q. Quot sunt Irregularitatis species?

R. Duæ sunt tantum: ex defectu nimirum, & ex delictis.

liſto: quia cauſæ ex quibus oritur, duæ ſunt tantum, defectus ſcilicet & delictum.

3. Q. Quinam ſunt defectus ex quibus Irregularitas oritur?

R. Sunt novem, quorum quinque priores ſunt ſpirituales, cæteri verò corporales: Illi ſunt defectus Rationis, Famæ, Lenitatis, Libertatis, Significationis: Iſti verò ſunt defectus Natalium, Ætatis, & Membrorum.

4. Q. Ex quibus delictis oritur Irregularitas, quæ ex delicto dicitur?

R. Eſt 1. hæſis vel apoſtaſia à fide: 2. illicita mutilatio, aut homicidium: 3. indebita Ordinis alicujus ſuſceptio, aut exercitium: 4. Ordo quo quis caret, exercitio mandatus, 5. Baptiſmus ſemel validus, iteratò datus, aut receptus.

5. Q. Homicidium caſuale paritne Irregularitatem?

R. Parit 1. ſi debita ad vitandum homicidium diligentia adhibita non fuerit: 2. cùm accidit ex opere illicito, ſive in ſe, ſive ratione ſtatùs.

6. Q. Qui dubius eſt an ad homicidium, aut mutilationem contulerit, qua ratione ſeſe gerere debet?

R. Debet ſe gerere tanquam irregularem: quia in dubiis ſemitam debemus eligere tutiorem.

7. Q. Quomodò Irregularitates tolluntur?

R. Tolluntur 1. per ceſſationem defectus, ex quo oriiebantur. 2. Ex omnes quæ naſcuntur ex delicto, aut ex defectu lenitatis, tolluntur per Baptiſmum. 3. Per Profeſſionem in approbata Religione tollitur ea quæ oritur ex natalium defectu. 4. Per diſpenſationem: exceptis tamen iis, quæ naſcuntur ex corporis defectu, ratione cujus ſubjectum ſit incapax præcipui muneris alicujus Ordinis.

8. Q. Quis poteſt in Irregularitatibus diſpenſare?

R. Solus Pontifex Maximus diſpenſat in iis, quæ naſcuntur ex defectu: Epiſcopi verò in iis quæ oriuntur ex delicto, modo tamen ſi occultum, nec ad forum contentioſum deductum fuerit: excipiendum eſt tamen homicidium voluntarium, etiamſi fuerit occultum.

tum: scilicet apud Francos est in usu hocce Concilii Tridentini Decretum sess. 24. cap. 6. de Reform. *Liceat Episcopis, in Irregularitatibus omnibus & suspensionibus ex delicto occulto provenientibus, excepta ea quæ oritur ex homicidio voluntario; & exceptis aliis deductis ad forum consentiosum, dispensare.*

CAPUT XIV.

De Monitorio in finem revelationis.

1. *Quest.* **Q**uid est Monitorium in finem revelationis?

R. Est Mandatum quo sub excommunicationis interminatione Ecclesia jubet, factum aliquod occultum revelari.

2. *Q.* A quo potest concedi Monitorium in finem revelationis?

R. A solo Episcopo. Nempe Concilium Tridentinum sess. 24. de Reformat. cap. 3. vetat ne excommunicationes illæ quæ, Monitoriis ad finem revelationis præmissis, fieri solent seu pro amissis, seu pro substractis rebus, aut aliis hujusmodi causis, à nemine prorsus præter quàm ab Episcopo decernantur.

3. *Q.* Monitorium in finem revelationis debetne ex levī causa ab Episcopo concedi?

R. Non debet: undè Concilium Tridentinum vetat 1. ne concedatur nisi ex re non vulgari, causaque diligenter, ac magna maturitate per Episcopum discussa. Vetat 2. ne Episcopus ad illud concedendum per vim majorem adducatur; jubet è contra ut totum hoc in ejus conscientia & arbitrio sit positum.

4. *Q.* Monitorium in finem revelationis ligatne populum fidelium in conscientia foro?

R. Ligat. Scilicet populus Ecclesiæ præceptis parere tenetur. Unde si fideles Parochiæ in qua Monitorium promulgatur, non paruerint, peccant graviter, imò si contumaces fuerint, in excommunicatione lata sententia post tertiam monitionem incurrunt, tenenturque

que ad restitutionem damni, quod ex non revelatione factum est.

5. Q. Quinam eximuntur à revelatione post promulgatum in finem revelationis Monitorium?

R. Revelare non tenentur. 1. qui cum fundamento timent ne ob revelationem malè, & quidem graviter, aut in persona, aut in fortunæ bonis tractentur. 2. Non tenentur quoque Clerici, quoties ex denuntiatione supplicium mortis sequi potest; nisi tamen questio sit de notabili Reipublicæ bono: 3. cum agitur de morte, aut gravi infamia, revelare non tenentur Consanguinei, affines in primo & secundo gradu: 4. tandem nec ii à quibus consilium postulatum fuerit.

6. Q. Quæ sunt Pauchi partes, cum de Monitoriis in finem revelationis agitur?

R. Parochorum partes sunt 1. ut ante illorum impetrationem, populum ad revelationem hortentur. 2. ut eundem populum doceant funestos excommunicationis effectus: 3. ut moneant Episcopum, si graves rixæ ex Monitorii promulgatione suboriri debeant.

- F I N I S.

INDEX TOMI II.

PARS PRIMA.

De Deo Authore Gratiae.

C aput Primum. De Ne-	Caput IV. De Lege positiva	
cessitate Gratiae Actua-	Divina.	53.
lis.	1. Caput V. De Lege humana	
§. I. De necessitate Gratiae ad	in genere.	58.
cognoscendum verum.	2. Caput VI. De Lege humana	
§. II. De Necessitate Gratiae ad	in specie.	62.
agendum Bonum Morale.		
Caput II. De Gratuitate Gra-	De Deo Ultimo Fine.	
tiae.	15. Caput Primum. De Fi-	
Caput III. De Divisione Gra-	ne Ultimo in genere.	64.
tiae.	17. Caput II. De essentia actus	
§. I. De Gratia operante &	humani.	66.
cooperante, praevemente &	Caput III. De Moralitate	
subsequente, excisante &	actuum humanorum.	73.
adjuvante.	18. Caput IV. De Conscientia.	76.
§. II. De Natura & Existentia	§. I. De definitione & divisi-	
Gratiae sufficientis.	19. ne Conscientiae.	ibid.
§. III. De iis quibus datur aut	§. II. Utrum Conscientia fit	
nō datur Gratia sufficiens.	Regula Morum.	79.
22. §. IV. De Gratia Efficaci.	29. Caput V. De Virtutibus in	
Caput IV. De Gratia habi-	generē.	86.
tuali.	37. Caput VI. De Virtutibus	
§. I. De natura & Existentia	Theologicis.	88.
Gratiae habitualis.	ibid. §. I. De Fide.	ibid.
§. II. De Effectibus Gratiae ha-	De Symbolo.	91.
bitualis.	38. §. II. De Spe.	101.
De Justificatione.	ibid. §. III. De Charitate.	104.
De Merito.	41. Caput VII. De virtutibus	
De erroribus circa Gra-	Cardinalibus.	108.
tiam.	43. §. I. De Prudentia.	ibid.
PARS SECUNDA.	§. II. De Justitia.	109.
De Deo Authore Legum.	§. III. De Virtutibus Justi-	
C aput Primum. De Le-	tia annexis.	115.
ge in Communi.	45. De Oratione.	116.
Caput II. De Lege Aeterna.	De Voto.	121.
46. Cap. III. De Lege Naturali.	De Juramento.	123.
48.		

De

Index Capitulum, &c.

De Sanctificatione Sabbati.	128.	De Gratia quam Sacramenta producunt.	ibid.
De Beneficiis.	130.	De Characterem quem Sacramenta producunt.	177.
§. IV. De Fortitudine.	135.	§. VII. De Proprietatibus	
§. V. De Temperantia.	ibid.	Caput VIII. De Peccatis in	179.
Caput VIII. De Peccatis in		generi.	137.
§. I. De Essentia, Objecto, & Causis Peccati.	ibid.	Caput II. De Baptismo.	181.
§. II. De Proprietatibus & effectibus Peccatorum.	139.	§. I. De Essentia & Materia Baptismi.	ibid.
§. III. De Divisione Peccati.	141.	§. II. De Forma Baptismi.	85.
Caput IX. De Peccatis in specie.	147.	§. III. De Authore Baptismi.	189.
§. I. De Peccatis Capitalibus.	148.	§. IV. De Baptismi ministro.	190.
§. II. De Simonia.	149.	§. V. De Subiecto Baptismi.	193.
§. III. De usura.	150.	§. VI. De Baptismi Effectibus.	197.
PARS QUARTA.		§. VII. De Baptismi Proprietatibus.	199.
De Deo Authore Sacramentorum.		Caput III. De Confirmatione.	203.
Caput Primum. De Sacramentis in genere.	153.	§. I. De Materia, & Forma Confirmationis.	ibid.
§. I. De Nomine, Essentia, & Existentia Sacramenti.	ibid.	§. II. De Authore, & Ministro Confirmationis.	207.
§. II. De partibus, ex quibus constant Sacramenta Novæ Legis.	157.	§. III. De Effectibus, & Proprietatibus Confirmationis.	209.
§. III. De Authore Sacramentorum.	162.	Cap. IV. De Eucharistia prout est Sacramentum.	211.
§. IV. De Ministris Sacramentorum.	163.	§. I. De essentia, & Materia Sacramenti Eucharistia.	ibid.
De Institutione Ministri.	164.	§. II. De Forma Eucharistia.	216.
De Sacerdotio Ministri.	167.	§. III. De Ministro Sacramenti Eucharistia.	218.
§. V. De subiecto Sacramentorum.	169.	§. IV. De Subiecto Sacramenti Eucharistia.	219.
§. VI. De Effectibus Sacramentorum.	172.		

Index Capitum, &c.

§. V. De re que in Eucharistia continetur. 220.	De Divisione Contritionis. 268.
De Existētia corporalis præsētia Christi in Eucharistia. 221.	De Insufficiētia aut Sufficiētia Attritionis. 269.
De modo corporalis præsētia Christi in Eucharistia. 227.	De Sufficiētia, aut Insufficiētia Contritionis. 272.
De iis que comitantur & sequuntur Corporalem Christi præsētia in Eucharistia. 230.	§. IV. De Confessione. 278.
De iis que sequuntur Corporalem Christi præsētia in Eucharistia. 231.	§. V. De Satisfactione. 281.
§. VI. De Effectibus Sacramenti Eucharistie. 233.	§. VI. De Forma Sacramenti Pœnitentie. 282.
§. VII. De Necessitate, & Uſu Eucharistie. 236.	Caput VII. De Extrema unctione. 285.
Caput V. De Eucharistia prout est Sacrificium. 241.	Caput VIII. De Ordine in genere. 289.
§. I. De Existētia & Essentia Sacrificii Eucharistie. ibid.	Caput IX. De Ordinibus in specie. 291.
§. II. De Authore, Ministro, & Subiecto Sacrificii Eucharistie. 246.	§. I. De Episcopatu. ibid.
§. III. De Effectibus Sacrificii Eucharistie. 250.	§. II. De Presbyteratu. 293.
§. IV. De proprietatibus Sacrificii Eucharistie. 252.	§. III. De Diaconatu. 298.
Caput VI. De Sacramento Pœnitentie. 256.	§. IV. De Subdiaconatu. 300.
§. I. De essentia & Existētia Pœnitentie. ibid.	§. V. De Minoribus Ordinibus. 303.
§. II. De Materia Pœnitentie, in genere. 258.	§. VI. De prima Tensura. 305.
§. III. De prima parte materia Sacramenti Pœnitentie, seu de Contritione. 261.	Cap. X. De Matrimonio. 306.
De essentia Contritionis. ibi.	§. I. De Existētia, Materia, Forma, & Authore Contractus Matrimonii. ibid.
De Necessitate Contritionis. 263.	§. II. De Proprietatibus Contractus Matrimonii. 309.
De Effectu Contritionis. 266.	§. III. De Solemnitatibus Matrimonii. 319.
	§. IV. De Impedimentis Contractus Matrimonii. 314.
	§. V. De Matrimonio prout est Sacramentum. 315.
	Cap. XI. De Indulgentiis. 318.
	Cap. XII. De Censuris. 320.
	Caput XIII. De Irregularitate. 322.
	Caput XIV. De Monitorio in finem revelationis. 324.

ANT 1742233